

6-28

Adm. Reu: P. Muriis Vicellato
Proposito Grati Soc: Setu
offerre 32-34
in obsequij sui tetteram,
Silvester Petra Sancta


V-C-27-

Dom. Prof. Rom. Soc. Jesu

VITA
ROBERTI
BELLARMINI
POLITIANI
E SOCIETATE IESV
S. R. E. PRESBYTERI CARDINALIS
ARCHIEPISCOPI CAPVÆ
FIDEI PROPVGNATORIS

A IACOBO FVLIGATTO Soc. IESV
Italicè primùm scripta :

A SILVESTRO PETRA SANCTA eiusdem Soc.
Latinè reddita, & aucta, atque in hac secun-
dâ editione à mendis primæ repurgata.





ANTVERPIÆ,
EX OFFICINA PLANTINIANA
BALTHASARIS MORETI.
M. DC. XXXI.





VRBANO VIII.
PONTIFICI
OPTIMO MAXIMO.



 INGVAE Italarum duæ:
ex quibus altera, vbi re
& nomine floret, Te,
BEATISSIME PATER,
suscepit ad vitam atque ad lu-
cem; altera, orta in Latio, sed
neminem latens, Te innutrit
ad famam pariter & ad glo-
riam. Veluti sorores ambæ sunt:
quæ ex eâdem Gente, quippe fi-
liæ Multitudinis, prodierunt.
Latina, natu maior & Primoge-
nita, iure natiuitatis præcepit
Imperium ancillantis ei Orbis



Terrarum vniuersi. Italica, natu
minor, & ideò mansura tantum
in secundis heredibus, sua inter
conclauia vocem tenuit. Quòd
si est ausa interdum extrà iacta-
re sonum: obiectæ Alpes, vltra
quas non protulit Imperij reue-
rentiam, vocem recipere &
reddere, tamquam rude saxum;
non audire aut exequi, tamquam
seruitium obediens, insueuerunt.
Hinc sæpenuerò minorem ma-
ior, soror sororem adiuuat; &
quod contractiùs vna profert,
hoc altera productioni euulgat
sono. Interpretationem hanc ger-
manæ suæ minoris, en Latina
promit in ea mundi loca, in quæ
Sol promit diem: vt BELLAR-
MINI Vita, quam exprimit, vbi-
que

que cum Sole luceat. Debet verò, BEATISSIME PATER, Maieſtas luminis Tui primam ei vocem dare. Etenim eius ic̃ta radiis, ſonum viuentis & ſpirantis reddet feliciùs multò, quàm illa faxea olim effigies: quin imò pulchris adeò nitoribus extingui obſcuritas in eâ videbitur, & colluſtrari ratio dicendi, quæ ex ſe non æquat virtutum præſtantiffimarum gloriam. Fecit hoc ante me ille, qui vitam hanc primùm Italicè ſcripſit; profeſſus, virum doctrinâ ac pietate inſignem, & commodatum à Deo Sacerdotibus Magnis, vt in eo intueri faciem virtutis poſſent, Tibi dicari iure ſanè quàm optimo: quia Pontificatu MAXIMVS, forma es vi-

tæ iuxtà & doctrinæ integerrimæ.
Addidit etiam credere se, ipsum
BELLARMINVM inter sidera iam,
vbi viuit eius Cælo recepta mens,
obseruantiam hanc in Scriptore
rerum suarum adprobare, con-
sensu quodam delectabili, anti-
quæ suæ in hæc aduersum Te ob-
sequia propensionis; & iudicare,
imaginem rerum à se gestarum
statui non debuisse, nisi ad iubar
luminis Tui. Sic ille. Neque ali-
ter nobis integrum est facere, qui
de BELLARMINO nouimus, quàm
non vno nomine sit Tuus. Sed il-
lud inprimis ei sit egregium, quòd
Scriptorem Te rerum suarum ha-
biturus erat, & non habuit; tan-
tummodò quia dignus inuentus
es, in quem, tamquam in Mundi

CA-

CAPVT, ij, per quos Cælum eli-
git, suffragia scripserint summi &
sanctissimi Principatus . Fuiſſet
gloriosum, ſi vt ſponte propoſue-
ras, ſcripſiſſes de BELLARMINO,
in eâ, in quâ tum eras, morum &
Purpuræ dignitate. Sed eſt glorio-
ſius, quòd impeditus ita fueris;
fuerintque impedimenta PEDI-
BUS, Mundi oſcula; MANIBUS,
Cæli largitiones; ORI, reſponſa
& oracula veri; ANIMO, DEVS
& partium eius procuratio . Di-
gnus interim BELLARMINVS
prædicabitur, quem deſcripſiſſes
viuentem in Terris; niſi creatus
fuiſſes Vnus ille & ſupremus, qui
EVM, ſicut & inſignes quaſque
animas Piõrum, adſcribere poſſis
Æternitati, & Cælo . Patere igitur,

tur, BELLARMINVM, rursus Posteritati narratum, ad Te redire, tamquam ad destinatum AVCTOREM suum. Sed si eum prodire minore gloriâ vides; intellige, defuisse illi elocutionem Tuam: mellem quam si non dicerem, equidem ignorarem APES TVAS. Vale; successores habiturus, si nostra valebunt vota, quàm ferissimos. Leodij, xv. Kalend. Octobris, M. DC. XXVI.

SANCTITATIS TVAE

Pedum ad oscula demississimè prouolutus

Siluester Petra Sancta
è Societate IESV.

LE-

LECTORI.

ERAM Colonia Agrippina, Ci-
uitate affine meâ, & consan-
guineâ Romanis omnibus; ne-
que ita pridem traduxerat il-
lò me secum ex Italiâ PETRVS
ALOYSIVS CARAFA, VRBANI VIII.
Pont. Max. Legatus, & vir, qui à familiâ,
ab ingenio, à morum nobilitate Princeps, sic
ea temperat, vt cunâ humanitatem præ-
beat loco auctoritatis: cùm litteræ perfe-
runtur MUTII VITELLESCHI Societa-
tis IESV Præpositi Generalis, monentque
horaria vt spatia occupato de die quæ mihi
supererunt, Vitæ ROBERTI CARD. BEL-
LARMINI Italicè scriptæ darem, quò La-
tinè eam redderem. Monita hæc, vt me
acrius vrgent, quàm aperta imperia, statim
animum induxere, ne imperium detrecta-
rem. Accessere litteræ etiam Jacobi Fuligat-
ti, Historiæ huius Auctoris, rogaruntque,
tum vt verterem quæ edidit, tum vt adde-
rem, si quæ addenda scirem; & huic Socio

atque Amico esse obsequens debui. Cæpi
itaque præeuntem sequi; & his ille verbis
in aditu narrationis præit:

HISTORIA ROBERTI BELLARMINI
CARDINALIS, quem mirabitur præsens
ætas, & posteritas omnis, requirebat illa
quidem è numero Scriptorum cui sui præ-
stantem aliquem, cuius calamus exprime-
ret ornatius famam, & figuram animi di-
gnam conscientia generis humani. Sed quia
volumen Operis elaborati, multos solet in
annos premi; statui ego (cùm ita decerne-
rent ij, qui apud me volunt & iubent) co-
agmenta hæc narrationum edere, tametsi ea
rudi operâ committerem; tum quòd intelli-
gerem, locum me non præcipere ijs, qui scri-
bere vellent Historiam, sed præbere para-
tam vnde sumerent; tum verò, ut hac ce-
leritate scriptionis, aliorum accensa studia,
quasi flammam alerem. Et mihi sanè ex-
terfis omnem curam & metum cogitatio,
quòd BELLARMINI res gestæ, plenæ cu-
iusdam conuenientissimæ simplicitatis, &
Christianæ prudentiæ, in candore apertæ di-
ctionis,

etionis, & cui ars fucum additura non timeretur, haud poterunt à simplicitate hac dictionis, iacturam pati venerationis illius, quam promerentur. Quin imò in hunc modum erit vnicuique compertum, haud fuisse consilium texere hinc panegyricam laudationem; nihilque citra fidem Historiæ adferri: quam notam veri, quo pacto assequi potuerim, iam indicabo.

Primò neminem putem esse adeò hebetem, qui non aestimet, quàm temerarium foret, figmentis exscribere virum inspecti coloris; & qui ferè perpetuò vixit Romæ, hoc est, in Ciuitate, in quâ Mundi pars quæuis suos oculos habet. Dum enim supersunt innumeri cuiusvis conditionis, ordinis, & principatus, qui eius consuetudine interiori vti sunt; profectò nulla mendacio securitas; sed contrà aut pudor esset, aut metus. Ab his itaque ore tenus, & per syngraphas, quæ de BELLARMINO ipsi cognouerant, accepi. Multum præterea conduxit, in epistolarum secreto reconditorio inuentus earum numerus; & ex his
pars

pars magna ipsius Cardinalis manu, quæ post ab amanuensi describebantur. Verùm ante omnia iuuit narratiuncula brevis, quam Cardinalis ipse de rebus à se gestis composuit; non tamen sponte, sed consilio & tantùm non auctoritate alterius.

MVTIVS VITELLESQVS, qui nunc Societati præest Uniuersæ, ex veteri familiaritate, quadam die ad Cardinalem BELLARMINVM venit meditatus: & cùm significasset, habere se quod ab eo amicè peteret, & ferè muneris loco; annuente Cardinali, Vellem, inquit, vitæ tuæ summam ab infantiâ, & per ætatem reliquam, scripto complectereris. Cardinalis abnuuit statim, ratus haud congruere menti optimæ, linguâ & calamo ire in laudes proprias; & res gestas non benè ab iis referri, à quibus geruntur. MVTIVS contrà, Existimas, inquit, posse tuum in Historiâ nostræ Societatis præteriri nomen; dum alij tot, haud perinde celebres, in eâ sunt tam præclaro & illustri loco? Jam (neque hoc inficias ibis) quanta erit Varietas opinionum, si res gestæ
à te,

à te, debuerint per coniecturas ab aliis indagari? At si tu scripseris, qui tuos mores nosti; facile intelligitur, quo loco sit futura veritas. Neque verò promptum consilium aliud est, quàm (nisi scribere malis) vt alius excipiat, quæ tibi ad hanc diem contigerunt. Hoc itaque age; & circa res, ad quas oporteat singillatim animum aduertas, interrogabit hic ordo materia, quem attuli dispositum à Scriptore historiarum nostrarum. (Cardinalis BELLARMINVS (vt erat miti vir ingenio tractabiliq̃ue) conditionem non tam probauit, quàm accepit. Itaque incitatus etiam ab Andreâ Eudemon Ioanne familiari suo, Commentarium de vitâ suâ, à pueritiâ, summam composuit. Quò tamen tacitè insinualet, minimè inductum se fiduciâ morum, aut arrogantia, res proprias narraſſe, nullum præscripsit narrationi nomen: sed à littera N. solitariè sic cæpit. N. natus est anno Domini M. D. XLII. Deinde ad finem addidit: Hæc scripsit N. rogatus ab Amico & Fratre, anno M. DC. XIII. mense Iunio.

nio. De virtutibus suis nihil dixit, quia nescit, an ullam verè habeat. De vitiis tacuit, quia non sunt digna quæ scribantur; & utinam de libro Dei deleta inueniantur in die Iudicij! Amen. Oret pro me.

Postremò habui Commentarios publicos tres, formatos ad Tribunalia Urbis Romæ, Capuæ, & Politiani; atque in eis, testes ampliùs octoginta, iurati affirmarunt multa & præcipua de vitâ ipsius. Quare non ego incerta, aut leuiùs credita de eo adferam: sed comperta & explorata, & familiaria oculis eorum, qui eadem testificantur.

Hæc libuit præfari, ante initium Vitæ Cardinalis BELLARMINI. Quæ si te, Lector, ad virtutem instruet, hoc velim, hoc precor, ut laudes referas in Deum, cuius beneficio splendere inter Ecclesiæ lumina visus est BELLARMINVS: qui, si doctrinam spectes, aut æquauit sapientissimorum famam, aut excessit; si spectes sanctimoniam, peræquè in eâ excelluit.
Sed

*Sed si quæ peccabit historia, condones ea
Lector: cumque operis consilium dederit
dumtaxat studium publicæ utilitatis, &
ne præsentî incuriâ extinguî sequentis aui
memoria videretur, liber hic, ut spero,
professione hac aut commendandus erit, aut
excusandus: æstimandus. verò saltem ex
materiæ nobilitate; quoniam est Vita Viri
ferè tantum eminentis, quantum eminere
Virtus potest.*



I N-

INDEX CAPITVM

LIBRI PRIMII.



A P. I. Patria, & Parentes
eius. *Pag. I.*

C A P. II. Natiuitas eius, &
Innocens infantia. *15.*

C A P. III. Docilitas eius; & stu-
dia, tum in litteris, tum in pietate. *23.*

C A P. IV. Adspirat ad Societatem
IESV, & in eam admittitur; post edita,
annum integrum, constantiæ varia ex-
perimenta. *30.*

LIBRI SECVNDI.

C A P. I. Res ab eo gestæ in Reli-
gioso Tyrocinio, & Philosophiæ stu-
dia. *43.*

C A P. II. Humaniora & Rhetori-
cam docet Florentiæ, ac in Monte Re-
gali; Theologiam audit Patauij. *49.*

C A P. III. Mittitur Louanium, La-
tinè concionaturus ad Belgas: Theo-
logiam

logiam ibidem docet. 64.

CAP. IV. Virtutis opinio , quā in Belgio vixit; ac eius in Italiā reditus. 79.

CAP. V. Controuersias Fidei Romæ, vniuersali cum plausu, explicat. 93.

CAP. VI. Iussus à maioribus suis, & à Prouinciis Septentrionis rogatus, Controuersias imprimit. 104.

CAP. VII. Criminationes & calumniæ, quas passus est diuersis temporibus, occasione Controuersiarum, & Operum aliorum. 117.

CAP. VIII. Virtutes eius, & consuetudo familiaris. 140.

CAP. IX. Profectio eius in Gallias, iussu XISTI V. Pontificis, vnà cum Cardinali Henrico Caietano Legato; ac de his quę tum egit pro Ecclesiæ bono. 153.

CAP. X. Præst, in Societate IESV, Romano Collegio, & Neapolitanæ Prouinciæ. 168.

CAP. XI. Romam reuocatur, futurus CLEMENTIS VIII. Pontificis

Theologus; cum quo Ferrariam proficiscitur. 188.

LIBRI TERTII.

CAP. I. Cogitur à CLEMENTE VIII. Pont. Purpuram induere. 199.

CAP. II. Quis ei sensus, & quæ consilia fuerint, quando Cardinalis creatus est. 211.

CAP. III. Retinet vitæ modum, quo vixerat pridem; quantum patitur Purpuræ conditio. 220.

CAP. IV. Quâ ratione disposuerit domum, & familiam ordinarit. 236.

CAP. V. Quæ Consilia CLEMENTI VIII. Pontifici dederit. 248.

LIBRI QVARTI.

CAP. I. Capuæ Archiepiscopus renuntiatur, cum insigni totius Prouinciæ vtilitate. 266.

CAP. II. De visitationibus, Synodis, Ædificiis, & Cœnobiorum reformatione. 287.

CAP.

C A P. III. De Episcopalibus functionibus, Eleëmofynis, & exemplis eius summæ charitatis. 302.

C A P. IV. Qualis in eo fuerit amor Iustitiæ, ac tutela Iurisdictionis. 324.

C A P. V. Romam proficiscitur, Sede vacante, ab excessu CLEMENTIS VIII. Summi Pontificis. 336.

C A P. VI. Aliquot pia eius consilia, circa optimum regimen Pontificatus. 343.

C A P. VII. Qualem se in Comitibus exhibuerit, in quibus electi Summi Pontifices LEO XI. PAVLVS V. & GREGORIUS XV. 353.

C A P. VIII. Abdicat se Capuæ Archiepiscopatu, vt obediatur Pontifici, ei- que Romæ seruiat. 362.

LIBRI QVINTI.

C A P. I. Ecclesiam Politianam, dum proprius illius Episcopus abest, annos aliquot gubernat. 371.

C A P. II. De Patrocinio, tum Ordinis

nis Cælestinorum , tum piarum aliquot familiarum. 380.

C A P. III. Obsequium eius erga Summos Pontifices ; & Consiliorum libertas. 393.

C A P. IV. Quàm prudenter , vnà cum Odoardo Cardinali Farnesio , controuersias conciliauerit inter Lucensem Rempubicam , & eius Antistitem. 402.

C A P. V. De cõsuetudine illius domesticâ , & priuatis occupationibus. 409.

LIBRI SEXTI.

C A P. I. De Virginitatis eius & Cælestis puritatis dono. 422.

C A P. II. Eius erga B. Aloysium Gonzagam Virginem , & æquè innocentem studia ; & quid prætereà egerit pro obtinendis ipsius beati Aloysij ac sancti Ignatij Diuinis honoribus. 437.

C A P. III. De Orationis pio exercitio , ac studio erga res animæ. 446.

C A P. IV. Perfecta eius humilitas. 455.

C A P.

CAP. V. Quàm fuerit alienus ab omni cupiditate, & affectu rerum terrenarum.

470.

CAP. VI. Quàm illustri cum opinionione virtutis & sanctitatis vixerit.

484.

CAP. VII. Aliqua partim abdita, & longè à conspectu remota, aperit; partim mox, aut multò pòst futura prædixit.

500.

LIBRI SEPTIMI.

CAP. I. Apparatus eius ad mortem, & studium absolutissimæ perfectionis.

514.

CAP. II. Recessus eius ab Aulâ, & vltima ægritudo.

527.

CAP. III. Mors eius.

541.

CAP. IV. Honor & frequentia ad Exequias, & ad sepulturam eius.

557.

Epitaphium BELLARMINI.

569.

Testamentum eius.

572.

ROBERTVS
CARDINALIS
BELLARMINVS
E
SOCIETATE IESV.

Anagramma.

L'VTERI
ERRORES
ACASTVTIAS
CALVINI
OMNES DELEBIS.

VITÆ





ROBERTVS CARDINALIS
BELLARMINVS POLITIANVS
SOCIETATIS IESV

EX MARCELLI II. PONT. MAX. SORORE NATVS.





VITÆ
ROBERTI
CARDINALIS
BELLARMINI
E
SOCIETATE IESV
LIBER PRIMVS.

CAPVT PRIMVM.

Patria, & Parentes eius.



HONOREM nominis, quem ambitione plurimi, morum commendatione pauci petunt, adeptus est feliciter ROBERTVS BELLARMINVS, homo virtuti simillimus. Et ideò superstes quidem erit ex solâ præstantiâ suâ, in scriptis iis, quorum reliquit ingentia post se volumina; & manebunt perpetuæ virtutes eius, atque res gestæ in recordatione hominum. Sed quia diffusus latè odor vitæ eius innocentis iuxtâ, ac plenæ virtutum per omnia genera, Orbem
A terra-



terrarum vniuersum in admirationem sui conuertit; adeò vt optauerint non pauci cognoscere clariùs, quæ Bellarmino fuerit consuetudo morum, dum interfuit rebus humanis: conueniens fuerit eius Vitam litteris tradere; quæ litteræ cum sint vna custodia fidelis memoriæ rerum præteritarum, efficient, vt qui haud dubiè æternitate temporum & gloriæ fruitur in cælo, non fraudetur in terris laude & famâ rerum; & vt ad imitationem exemplaris excogitatissimi, multis hoc pacto stimuli subdantur.

Patria Roberti Bellarmini fuit Politianum, vrbs amœna situ, & clementissimi cæli. Eadem, numero nobilium familiarum quæ illic incolunt, ex illustribus Etruriæ ciuitatibus, tametsi tot capita laudum recensere possit, quot capita ciuium excelsissimorum anteaactis sæculis ex eâ floruerunt: gloriari præsertim poterit, habuisse se in hac postremâ ætate Cardinales quatuor, & vnum Pontificem Maximum; si mensuram æstimes rectè factorum, planè Heroës omnes, & omnes vtilitati publicæ natos.

Inter hos fuit Ioannes Riccius Cardinalis Montis Politiani. Is primùm, sedente PAVLO III. in Alexandri Farnesij Cardinalis Aulâ, hoc est in litterarum & virtutum hospitio, deprehensus vir consilij magni, neque
vll.

ullo vitio, sed contrà virtutibus summis; ab eodem Pontifice in communibus negotiis ad Principes varios Legatus missus est, auctoritate, constantiâ, famâ clarus; & ab IVLIO III. Pontifice inter Purpuratos adlectus, summisque honoribus egregiè vsus, non modò eximium specimen consilij, animique, & laudis non vulgaris viuens dedit; sed excedens è viuis, Vrbi grande desiderium sui reliquit, transmisitque per obitum ad nos documentum magnum: videlicet, rem nullam magis debere cordi esse, inter Aulæ negotia, & sæculi curas, quàm obsequium circa Religionem, ac Deum.

Idem quoque Summus Pontifex IVLIVS ex hac Patriâ euocauit ad Purpuram Robertum de Nobilibus Sororis suæ filium, cùm esset natus annos non ampliùs tredecim. Is animo etiam, quàm cognomento & gente nobilior, multò modestiâ post purpuram, quàm purpurâ ipsâ venerabiliorem se reddidit: ex quo bona naturæ omnia, vitia fortunæ vel ætatis nulla, summam verò virtutem præ se ferens, admirationi adeò fuit, vt cum Diuis simillimum iuuenem cuncti iudicarent; accedente consensu Orbis terrarum ad vocem illam Reginaldi Poli Cardinalis, quâ ipsum, nobile sacri Senatus decus, supremique Ordinis speculum illustre, nominauit. Et ego

quidem puto, perrarò humanos oculos vidisse in eâ ætate virtutis ita præcoces fructus; non modò, quia ipsius, tametsi iuuenis, virtus nullius amplissimi honoris fastigium non æquabat, verùm etiam, quia ad eò inuicti cupiditatibus animi, & rigidæ innocentiae, contemptorq̃ue honorum & diuitiarum fuit; ut pertentauerit omnia, studio abdicandi se Purpurâ, quò deinde in Societatem I E S V nomen daret. Sed repentè omnis in eo vigor iuuentæ elanguit: cumq̃ue esset ætas annorum septemdecim, flos ipse, adolescens in omnium virtutum exempla genitus, animam cælestem Cælo reddidit. Etsi verò vix inchoato in spatio ereptus est, virtutis longum æuum expleuit *placita Deo anima illius*; ac per id, quod interuallo tam breui egit, quantus euasurus esset, ostendit.

Ad simili virtute, quamquam dissimili ætate, fuit Franciscus Maria Taurusius, vnus inter illustres Socios S. Philippi Nerij, & inter primos lapides fundati atq; amplificati Cœtus venerabilis, quod Oratorium in Vrbe appellatur; & cuius piæ institutionis Roma cum gaudio fructus hodieq̃ue vberes percipit. Vir erat animi interritus, & in re gerendâ miræ firmitatis, singularisq̃ue prudentiæ. Quapropter cùm esset claro apud omnes rumore, per virtutes insignes, & vitam tanto institutore dignam,

gnam, CLEMENS VIII. ei primò Archiepiscopatum Auenionensem, deinde contulit & Purpuram. In quo gradu versatus diu famâ integrâ, & optimâ ; tandem homo antiquâ virtute ac fide, iam grauior annis, decreuit abscedere Purpuræ muneribus (tametsi in corpore affecto vigeret vis animi, consiliijq;) ac se retulit in Oratorium ad Socios : vbi vitæ postremum actum, plaudente Româ, clausit, cum peruenisset ad annum ætatis tertium supra octogesimum.

Sed supra ceteros Politianum illustrauit MARCELLVS CERVINVS, Pontifex sanè Maximus, & Sanctissimus ; qui spem excitauerat, fore vt nutantem Christianam Rempubli- cam humeris suis sustentaret, introduce- retque & stabiliret illius delectam atque con- stitutam formam. Romæ verò magna spera- batur per eum repurgatio : futurum enim vi- debatur, si eius vnus Præsidis nutu, quasi animâ & mente regeretur, vt mores pristini reuerterent ; & egesto quidquid turbidum, restitueretur vis legibus, Religioni veneratio, Supremoque Senatui maiestas : adeò ille sa- pientiâ suâ, atque solertiâ, perturbatum or- dinare Ecclesiæ statum ante eam diem, in sacro Tridenti Concilio conatus fuerat. Sed grandia consilia perducere destinatum ad fi- nem nequiquit, repentino obitu sublatus, cum

ingenti luctu non Urbis modò, & circumiacentium Italiæ populorum, sed externarum nationum etiam, quæ indoluere grauitè, atque vltra morem lamentatæ sunt, sese eo priuari altero & vigesimo die, quàm Pontifex delectus fuerat: tanta infederat animis persuasio Viri, visu atque auditu iuxtà venerabilis. Nihilominus super fundamenta existimationis magnæ, quæ posuit animus ille tam capax supremi regiminis, vinet, quamdiu fama & æternitas erunt: diceturque, verâ eius cum laude, Pontificatum diutius tenuisse alios; neminem, si publicum luctum atque opinionem spectes, gloriosius reliquisse.

Ex huius Sanctissimi Pontificis Sorore natus est Robertus Bellarminus, sanguine non degeneri: eique Cælum cum vellet cumulare omnia sua lumina elargiri, deesse non permisit lucem stirpis; ut inde etiam micare posset inter illos, qui hanc scintillam iactant. Ostendunt hoc veteres & prænobiles familiæ, quas complexa est affinitate suâ Bellarmina Gens, paribus coniugijs domi forisque. Ideoque Regi Britanniaë contemnenti humilitatem suam, tamquam genere obscuro natus esset, rescribere potuit, nec falsò; se Progenitores habuisse, Ciues quidem priuatos, sed honesto loco, sed probos; & prætereà Auunculum MARCELLVM II. Pontificem,

à cu-

à cuius laudibus ne inimici quidem cessarunt. Nam Theodorus Bibliander, fidei maculâ Lutheranus, in tabulis Chronologicis, ubi series Pontificum ordinat, sic habet : *Sedit anno M. D. LV. MARCELLVS II. Vir sanctus, & doctus.* Sed post Bellarminus addens, quàm pendat minimi titulum vacuæ nobilitatis, nisi virtus eam impleat, affirmavit, se, tamen si non stirpis antiquæ, sed pudendis parentibus atque auis esset, dummodò non desideraret Religionem optimam, & pietatem in eis; paratum non verècundari ob genus. Nam sanctus Petrus, inquit, piscatorem egit, sanctus Paulus tabernaculorum opificem, & Deus ipse filium fabri; qui etiam elegit homines abiectissimorum natalium, ut confunderet Principes Mundi. Verè enim dum nullum fastiditur genus, in quo enituerit virtus, gloria Ecclesiæ crescet, ut semper creuit.

Monet hic locus, ut etiam pauca de virtutibus dicatur, quibus Roberti uterque Parens excelluit. Nam sicut gloria Patris est Filius sapiens; ita vicissim sapenumero patrum virtus, domestica per exempla, ducitur ad filios, & cum lacte ab eis promiscuè hauritur.

Vincentius Bellarminus eius Pater fuit, qui ad senium usque, Vir exempli recti, inter Cives nobilis habitus est, & cui ab ingenio per omnia stabili ac veraci, inerat studium maius

operis honesti, quàm prolixi sermonis. Consulatu, ac ceteris honoribus perfunctus, ita semper pro causâ ciuitatis ostendit se Virum acrem, & inspectæ virtutis; vt pro familiâ suâ id egerit perpetuò, quò eam ditaret virtutum, quàm opum largiore patrimonio. E Parentibus eius, sic quidem vir; sed ne quis sexus à laude cessaret, ecce & matris virtus. Hæc appellabatur Cynthia Ceruina, MARCELLI II. Soror germana, & femina inprimis pia: quæ, vt ex Bellarmino accepimus, Societatem IESV agnouit primùm à Paschasio Broet, viro Religioso, & vno inter S. Ignatij primos nouem commilites. Is aliquando aduersâ tentatus valetudine, contulerat se, non procul inde, ad salubres aquas; & moratus obiter in Politiano, causam pietatis intereâ non dimiserat. Ergo dum insisteret is pia colloquia ferere, Cynthia inter alios, vt incensa erat erga pietatem ac Deum, accedere & colloqui læpiùs, ab eoquæ regi; quò in vitæ semitâ alacriùs & tutiùs progrederetur. Atque hinc de eius viri laudibus referre multa, tamquam de eo, qui calleret egregiè disciplinam animæ; & tum vehementer affici erga nostrum Ordinem cœpit. Hac de re habeo Epistolam eius, ad Alexandrum Ceruinum fratrem, prid. Idus Ianuar. an. M. D. LVI. datam; in quâ petebat, liceret eius cum veniâ

niâ proficisci ad Laureti locum, insignem venerabilemque, ob sanctissimam Ædem Virginis Genitricis, & sacrata omnia Dei vestigijs humana miserantis. Eius verò peregrinationis se esse ex voto ream, aiebat; & cupere ibi expiare animam, cælestique epulo reficere apud Religiosos Clericos nouæ formæ, ac laudatissimæ, (sic enim appellat viros Societatis) qui Pœnitentibus aures Laureti dabant. Dein, quòd intelligeret ad iter sumptus esse necessarios, & hoc posse in familiæ damnum euadere; rem addidit, quæ indicio sit eius moderationis: nam, *Te ne animi angant, inquit, cogitata expensæ, & difficultates via; nosti me paruo contentam esse, & odisse pompas: satis habeo, si à voto alienus non fueris.* Scripsit hæc vno anno, antequam Societas in Vrbe Politianâ domicilium statueret: nam deinceps in Templo nostro sacras Exomologesim & Synaxim, doctrinamque animæ, audiendis iuxta rebus cælestibus atque agendis apta, perpetuò frequentauit; & fructus magni argumento sit eius in Deum vehemens charitas. Etenim oblita ferè, à naturâ se matrè esse, nihil magis optauit, quàm vt quotquot pepererat mares (erant autem numero quinque) in nostrum Ordinem aggregarentur vniuersi.

Modestiâ singulari fuit, & honorum tem-

perans, atque pomparum: sumptus ei pro opibus, & ornatus pro copiâ, summa votorum erant. Item ut contineret se domi; & excepto quòd in Templis, aut nusquam esset, aut rarò alibi: familiæque insistens educationi, filios perinde institutos haberet. Idcirco non tantummodò narrata de aliis, sed spectata in se documenta virtutum subiiciebat oculis paruulorum, salubriaque in loco addebat monita; quòd ita timor Domini sanctus altè in eorum animos descenderet, pieque perpauesceret, redderetque eos erga Deum venerabundos. Docebat frequentare mysteria Religionis, ad normam utique moris sui; utpote quæ ad Sacerdotis aures afferret assiduè præparatum animum: deinde sacram ad mensam accederet; & manè statim, cum diluculasset, sensus ad se omnes colligeret, ne extra animam irent; quòd diuina posset tranquillè meditari, & Conditori suo dedicare primam lucem. His verò exercitationibus mentis adiungebat vocis obsequia, supplicationesque; sic diei spatia distribuens, ut à Deo principium esset semper, nec familiæ tamen procuracionem negligeret: usque adeò virilibus curis vitia feminarum, nihil muliebre præter corpus retinens, exuerat. Ad hæc, quoniam didicerat illas preces optimas censeri, quibus comes ieiunium est, & delectari Deum
eroga-

erogationibus piis; quàm erat erga pauperes liberali commiseratione, illis largè subueniendo, tantò erga seipsam durior & seuerior, corpus macerando cibi abstinentiâ inusitatâ, corrumpendoque ætatem crebris & asperissimis afflictationibus. Harum rerum testis Robertus noster, & Camilla filia: quæ superstes adhuc, dum hæc narro, affirmat, interfuisse aliquando se, nec tamen consultò, in conclauui, quod erat in vltimis ædibus, cum introiuit eò Genitrix: vbi minimè conscia latere quemquam, flagris se verberauit tam vehemens, vt attonitæ similis Camilla hæreret; incerta animi, indicaret se, quò Cynthia desisteret; an latebras protraheret, ne quoquo modo peccaret in Matrem tam piam. Iudicauit ex hoc, nec leui coniecturâ, solitam similibus exemplis in se scire; propterea quòd sæpè, absque aliâ causâ, abderet se in id conclauem, veluti remotis arbitris operatura doloris & pœnitentiæ sacris. Sed res non alia magis promit virtutem animi, quàm fortuna varians, nunc aduersis, nunc secundis, si suscipitur moderatè: & præsertim in improspersis, aut subitâ ruinâ, retinere vultum primum, res est supra communem laudem. Multò se omnium fortunatissimam viderat, ac sitam in summâ orbitæ parte; quando per Nuntium omnia læta, & Cardinalem tituli Sanctæ Crucis,

Crucis, germanum fratrem, Romæ inaugu-
ratum esse Pontificem audierat. Contrà, qui
est circulus præceps humanarum rerum, con-
uersione factâ, agnouit reuolutam se ad
imū, cū felicitas ea subitò, & ferè vix
nata consenuit. Quia verò genus quoddam
infortunij durissimi est, infelicem euadere,
postquam semel se quis oblectauerit gustu
felicitatis; quàm stante ac ne inter ea quidem
præcipitia nutanti animo fortunam vtramq;
tolerauerit; & quàm æquabili vultu manserit
in hac imagine tristium & lætorum, non ego
meliùs exprimam, quàm verbis Epistolæ eius
ad Alexandrum fratrem.

Ad litteras nuntias creati Pontificis; *Data
mihi abs te, inquit, litteræ, xj. Kal. Maij, at-
tulère consolationem, & latitiam illam, in quam
officia sororis me inuitare debuerunt: non modò
quia gaudium illud accepi, quod est commune
nobis, & Orbi terrarum, vnà nobiscum exul-
tanti; verùm etiam, quia tu vales prosperrimè:
pro quâ ego re grates Deo adhuc maiores reddi-
di: nec mihi ad vota reliqui est aliud, nisi vt
presentes vos omnes videam. Officiorum ratio
à me habenda, sicut & monita, quibus à te in-
struor, mihi percara fuerunt; neque quidquam
ita impensè velim, atque vt ea geram, quæ tibi
laudi sint, & honorifica Summo Pontifici, ac
Deo. Noui de te similia: & has censeo esse par-
tes*

tes Christiani animi secunda metuentis : quibus modum imponere , nec nimis credere serenitati presentis fortuna , prudentis pectoris , & meritò felicitis est. Quare meo intenta muneri & honori , pro dignitate Summi Pontificis ac tuâ hoc enitar , ut æstimem ego ipsa me , quantum satis est , quantum opus est : eruntq; mensura decorum meorum consilium prudens & ratio ; sicuti scribis. Et verò , ut non nisi honesta tentem , movent proles numerosior ac vitæ lassitudo. Hæc habet initid ; paulò post addit : Quoniam Deus hoc beneficio me cumulauit , ut habuerim aditum ad Summi Pontificis beneuolentiam , ac ad tuam , & ut possimus diuinæ Maiestati , in statu rerum auctiori , deseruire ; his amplissimis donis ne indigna sim , dedi operam , & porrò datura sum ; curaboq; familia nostra ornamenta virtutum illarum , quæ per obitum amitti non solent. Indicant hæc , quàm intus esset ei animus modestè situs ; & idcirco audita non fuit à virtute discors , quando domus suæ obscura sensit : donum in viris etiam inuentu rarum. Et fortassis , vterat dilecta Deo , munere aliquo singulari præmunita est , quò minùs eam feriret dolor ; dum intelligeret , fratris repentino obitu , se gentemque suam deiectam Principatu , & factam fortunæ pariter ac familiæ tantam inclinationem. Quo tam magno icta , simul publico familiarique luctu ,
etsi

etsi mœrere etiam ipsa debuit, quia soror erat; ita sui compos fuit, ut aliqua solatia inuenire, & præbere Alexandri fratris ægro animo (quod difficillimum in luctu est) intereâ potuerit. Etenim codicillos consolatorios ei misit, afflictum ex recenti casu adhörtans, ut accepto vulnere, consilio & prudentiâ mederetur; & ut Deo ita disponenti submitteret animos, seque ad eius voluntatem totum fingeret formaretque. Scripsit quippe, se venire ærumnarum sociam, uti gaudiorum fuerat: malle, ut fortuna se, quàm virtus deserat: nec familiæ suæ vltimum damnum esse, virtutis præmium amittere; modò sit virtus in eâ superstes. Denique inter æumnas, remedium ægrimonix optimum esse, fiduciam in Deum; sub cuius tutelâ nemo metuatur orbitatem.

Mater igitur tam laudati moris, & Principatu fratris adepta nihil, nisi luctum, & bonam famam, meritò ab suomet prudentissimo filio appellatur sanctissima femina. Quæ cum attigisset ætatis annum circiter vndequingagesimum, perque molestias vitæ varias, & corporis afflictationes spontè obitas, in morbum aquæ intercutis incurrisset; ex eo morbo decedens, in Cælum, uti sperandum est, migravit, anno Sal. M. D. LXXVI. grandi utique exemplo, ne se in felicitate mulieres
extra

extra virtutis cogitationem putent; cùm ferè faciliùs aduersam, quàm secundam fortunam rexit. Sed quod in rem nostram est, femina sanè felicis vteri, & magni Cardinalis Bellarmini fortunata parens, cuius educationi debemus acceptum referre primum illum florem innocentiae, morumque lectissimorum, ex quo ætas nostra, fructus gloriæ tam vberes habuit.

CAPVT II.

Natiuitas eius, & Innocens infantia.

Hoc pacto è parentibus nobilitate & Christianâ pietate claris, Vincentio Bellarmino, ac Cynthiâ Ceruinâ, sub Pontifice PAVLO III. è gente Farnesiâ, atque in Etruriâ Duce Cosmo è gente Mediceâ, anno Sal. M. D. XLII. die IV. Octobris, quæ dies Ecclesiæ vniuersæ latissima est, ob celebritatem S. Francisci de Assisio, in Vrbe Politanâ natus est Robertus Franciscus Romulus Bellarminus (nam hoc triplex nomen è lustrali fonte retulit) fratrum quidem natus tertius, sed rerum maximarum destinatione primus. Et quamquam inter vsitatas appellationes, tantum Roberti nomen adhæsit illi perpetuum, propterea quod fuerat à Roberto Puccio

Puccio Florentino Cardinali è sacro fonte susceptus; tamen quamdiu vixit, sub Seraphici Patriarchæ S. Francisci tutelâ mansit, eiusque virtutes referre nixus est exemplis omnibus. In sinu optimorum parentum educatus puer minutulus, annos illustratæ mentis vix attigerat, cùm edidit argumenta, quibus futura magnitudo eius, & eximia probitas sperari, animaduerti que posset. Nec erat, qui non iudicaret, inter Dei manus opifices mentium humanarum, sortitum eum esse animam bonam, & in quâ propè Adamus non peccasset: quod de S. Bonaventurâ olim dictum est. Religionis pietatisque erat, vel tum à pueris, quàm voluptatum & nugarum appetentior: nam puerilia, quibus ætati moram faceret sexennîs, aut septennîs, fuere tantum ea, quæ indicarent ipsius ad res Ecclesiasticas procliuatatem. Quæ Sacerdotes pro aris, vel pro suggestu in Templis agerent, ea domi cuncta referebat; narrauitque ipsemet, se nondum maturâ pueritiâ, desumpto scamno, ex aliquo fortè conclauî, eoque inuerso, sæpè vsum esse tamquam suggestu. Ex eo enim, exstans pectore tenuis, cum amiculo lineo, de acerbissimis Christi Domini cruciatibus, mœstissimâque eius nece, concionabundus verba faciebat: & delectabatur interea, suprà quàm dici potest, pia Genitrix indole

indole illâ tam probâ; tantoque studiosius Dei metum iniiciendum rebatur in animam eius, ita vt ad cor vsque peruaderet, ne mens deerrare illecebrâ vllâ perpelleretur à semitâ rectâ mandatorum Dei.

Cura præcipua fuit, vitam pueri sic instituere, vt non illam dedecoraret consuetudo parium, habita sine delectu: itaque eos, qui teneris annis infundunt eientiti nominis libertatem atque licentiam, & qui sunt certa pernicies indolis honestæ, ipsi omnibus modis ignorandos voluit. Quâ in parte obsequens Matri Robertus, solitus erat seria & iocos celebrare cum fratribus dumtaxat natu maioribus, & cum aliquot patitijs pueris; in quibus, quoad ætas ferret, inchoatio sapientiæ cerneretur, & culpæ metus. Fuit prætereà in dictis suis, vel ab infantiâ, tam verax, vt non meminerit sibi excidisse mendacium, aut excusationibus, & ineptiis vmquam se veritati latebras obtendisse.

Puerilibus leuiusculis moribus sic abstinent, vt Camilla soror, visum ab se Robertum neget nouennem aut decennem lufitare, & excurrere temerè; quod fit inter eius ætatis pueros. Contrâ in re potiùs omni suspici, & commendari solitum à sapientiâ; aded vt, excepto quòd annorum experimenta deerant, cetera prudens aut esset, aut videretur; erat-

que propterea, quaquà incederet, cunctis venerationi. Constant hæc famâ publicâ in Politiano etiam nunc, & iuramento confirmantur ab his qui ipsum nôrunt, hodieque viuunt.

Vincentius Paciuchellius, in Templo maximo ibidem Canonicus, annorum trium & octoginta, affirmat, cum Robertus ad canendi ludum accederet, tum filere solitos, & adigi ad modestiam condiscipulos eius omnes; qui scirent eum tristari animo, si obgarrire vel adstreperere quemquam inaudiret; quia mallet, in ea quæ docerentur, singulos meditari, & exerceri. Quemadmodum de Bernardino Senensi perhibent, cum rumor ferret ipsum adesse, iuvenes quoque vitæ fluxioris honestiora locutos, & licentiam posuisse. Signo dein Crucis se palàm communiens, muscos libellos accipiebat, exploraturus an fortè inessent voces obscœnæ; quales aliqui contra virtutis harmoniam interea canunt, artemque pulcherrimam indignissimè deprauant. Ergo Sirenas has improbas deuitaturus, flagitantibus vocem, negabat se, quæ forent huiusmodi, cantaturum; quia honestati vitam cum voce pariter consecrârat.

Sed, quod excedit ferè omnem fidem, morum ea grauitas, quæ exprimebat venerationem quamdam, & metum, condiebatur

con-

consuetudine agendi tam dulci, tam leni, ut inuisus nemini, ad colloquia inuitaretur à plurimis, amaretur ab omnibus. Vultus ei plenus hilaritatis; sed inquam laxabatur verius, quàm soluebatur, innocenter lepidus; & ijs facetijs vti solitus, quæ placerent maximè, neminemque læderent: atque has lineas amabilitatis expoliuit ad senium vsque. Micantem toto ex ore lætitiā obnubere, risum in cachinnos effundere; suppressere, vel in oculis lenitatem, vel in vultu virginēum ruborem, illamque purpuram honestatis, ex quā incertum, venerationis plus referret an amoris, viderunt eum domestici numquam. Atque ex his indicijs virtutis non vsitata credibilia sunt, quæ de eius ceterā institutione traduntur. Aures properæ aduersum imperia promptius parebant, quàm iubebatur; etiam si foret ipse, uti fit interdum, imperante maior. Et cum extitisset turbarum origo dominumquam, dici vix potest, quàm facilè controuersias aliorum sedaret, si quæ inter familiares oborirentur. Interdictum sibi spontè voluit lusibus quibuscumque mali generis, & temporis fallendi causâ captabat ea solùm otia, quæ consuetudo patriæ, & mos familiæ, velut anniuersaria permetteret pararetque; cum Autumni tempore nobiles quique ciuium, siue satietate vr̄bis, siue amœnitate ipsâ

inuitati, solent cum familiâ totâ rus adire, atque vsurpare libertatem.

Hîc Robertus rusticari, aucupium sequi, lusitare cum auiculis, vel (quæ fuit ipsius voluptas prima) compositis cantibus, plectri-
que modulatis sonis releuare animum, ac eo laxamenti genere tantum vti, cui probi & ingenui assueuerant; anteuertens consilij maturitate, quæ in eam rem cathedræ Sapientum docuerunt.


Sed quis possit diuini Spiritûs beatos impetus morari, cum ille animi habenas regit? Sæpè concionabundus, cum suggesti copia ruri non esset, opportunam aliquam in arborem se collocauit; vt diceret è superiori loco ad eos qui secum ruri agerent; visaque tunc est, si vmquam aliàs, ea arbor sanè bonos fructus facere. Siquidem adeò ardens Orator aliquando fuit, vt sacræ virgines quædam, affines ipsius, quæ interfuerant loquenti de voluntarijs pœnis corporis, deque cetero mundi neglectu, priusquam ipse indidem se reduceret, tactæ animo prorsus fuerint; nescio ex ratione ipsâ dicendi, an quia scirent ipsum ore simul & factis ad persuasionem loqui. Nota quippe res inter familiares erat, Robertum de nocte, cum vt studeret, tum verò vt preces ad Deum funderet, surgere solitum; ad quem finem, vt lumen accenderet, ignem ipsemet
aridâ

aridâ materie concipiebat, è filice fauillam excutiens.

Nota erant perinde quotidiana, quæ obibat, exercitia pietatis; cùm sacrificio interesset adæquè, atque si è numero Cælitum foret; cùm horarias preces Beatissimæ Virginis venerabundus legeret, eiusdemque imploraret nomen per illustres titulos, quas Litanias vocant; cùm in Templo, propè ad paternas ædes, visiteret augustissimum Sacramentum, in quo sub simulacro panis interest rebus humanis Deus; cùm domi secretus oraret, demitteretque per filum adductos precarios globulos, qui numerant in Virgine, aut singuli vitæ annos, aut deni virtutum Rosas.

Addit Vincentius idem, cùm ex musicæ ludo ad Gymnasium Societatis IESV deduceret pium iuuenem, in eo viæ tractu, summum Templum & Ædem alteram S. Francisci nunquam eum præterijisse, quin sacri loci admonitu intrò supplex iret, atque in preces genua submitteret. Testificatur quoque, ieiunia maxima Cinalium, Aduentûs Domini, & peruigilia Sanctorum, in eâ ætatulâ sanctè ipsum custodijisse.

Accidit aliquando, cùm ad diem Lunæ redijset anniuersaria celebritas diuinorum Natalium, vt Robertus deliberatum habuerit, die Solis inediam ferre perinde, ac si pri-



diani ieiunij lege ille dies obstringeretur .
 Quod quia non fuit concessum, pro Eccle-
 siæ more; socij per iocum ansam arripuêre
 ipsum ludificandi, quasi ieiunium violasset.
 Tum verò id ægrè passus est, non quòd eam
 rem ioco senòve sibi exprobrarent socij, sed
 quòd inductus fuisset in falsam persuasio-
 nem, parùm suæ pietati consonam. Neque
 priùs desijt seipsum incusare, quàm facti se-
 curus redderetur : adeò nobili conscientia,
 iam tum à puero, aslueuerat noxæ umbram
 etiam exhorrescere.

Omnia hæc, si iustiùs expendantur, satis
 indicant, Robertum æstimari posse vas ele-
 ctionis, vel tum ab infantiâ, longè Deo
 gratissimum; quod de Basilio Magno di-
 xit sanctissimus eius frater Gregorius Nys-
 senus. Siquidem de illo opinantur plurimi,
 quam è fonte lustrali innocentiam primam
 extulit, retulisse secum eandem ad Supe-
 ros, vt dicetur suo loco grauib; coniecturis.
 Quod etsi donum Dei cumulatissimum est;
 laudem summam tamen meretur solers cu-
 stodia thesauri cælestis.

CAPVT III.

*Docilitas eius ; & studia, tum in litteris,
tum in pietate.*

IAm æterna Sapiencia, quia Robertum destinauerat Ecclesiæ suæ præceptorem magnum, statuerat sibi in eius pectore domicilium & sedem : eiusdemque innocentem animam, ad capiendos disciplinarum fatus, veluti purum solum, castimoniâ præparauerat. Sed & ingenium ei dederat sane maximum, & quantæcumque doctrinæ capax ; memoriam verò celerem, atque perpetuam. Ita cum integrâ eius, nullisque prauitatibus detorta mens, coepit se litteris dare, & arripere primum artes honestas ; euenit faciliè, sicut Deo cordi erat, iuuenisque euasit verè indolis magnæ. Quæ exsplenduerant in puero, corporis animique dotes, sic emicuerunt repente ; vt qui inter condiscipulos erat ætate minor, primò æquales, dein superiores, postremò semet atque ætatem suam anteiret : nec tam assiduitat. & labori studiorum, quàm ingenio acri eminentique progressus ille tam felix adscribebatur.

Tenuit ipsum, & delectauit, super Auctores alios, Virgilius Poëta : cuius lectitâdis carminibus sæpe noctes vigiles traduxit ; eoque

factum, vt, cùm res deinde posceret, satis indulgente genio, poëmata Latinè plura Virgiliano numero ac lege, atque Italicè Odas, honestas, & probis amicas moribus, libenter nec vlllo labore composuerit. Omnium verò, quos cecinit, versuum primi, & ceu primitiæ, Virginitati dedicati, notis litterarum per initia ita descendebant, vt ἀρεῖς χη fieret, in quâ vox hæc, VIRGINITAS, exprimeretur. In hoc scribendi genere, magnam sæpè laudem adeptus est; & tum præcipuè, quando poëmata duo, non excepta dictante aliquo, sed sua recitauit. Alterum luctus pastonitius fuit, quo funus Roberti de Nobilibus Cardinalis profecutus est: alterum elegia ad Abbatem de Nobilibus, Cardinalis fratrem: ambo digna poëmata frequentiore panegyri; cùm nemo non obstupesceret, in adolescentulo sexdecim annorum tantam ingenij & carminis felicitatem.

Post hoc tempus deliberauerat, heroïco carmine iusti voluminis, difficultates complecti, quibus ei speratus aditus in Religiosum Ordinem præpediebatur: sed verecundiam non tulit calami fluētis in propriam laudem; idèò nec opus absoluit, & flammis, quod inchoauerat, extinxit. Iam quia per ætatem reliquam Poësi delectatus est, quæ de hoc reperi, subdam. Tam Florentiæ ac in Monte
Re-

Regali, quando ibi Humaniora docuit, quàm postea Romæ ac Lutetiæ Parisiorum, nactus est occasiones varias laxandi animum in poëticos numeros: sed è copiâ metrorum multò sanè vberriam, extat tantummodò, quod scimus, Sapphicum carmen Florentiæ de Spiritu sancto emodulatum, cui initium;

Spiritus celsi Dominator axis.

idque typis editum fuit, ipso planè incio, ac sine Auctoris nomine, inter versus illustrium Poëtarum: & præterea Ode de sancta Mariâ Magdalenâ; quam cecinit ad æmulationem, cum Siluio Antoniano Cardinali, viro perlegantis ingenij, & extemporalis carminis vate percelebri. Iusserat certamen CLEMENS Pontifex, animi causâ, in Tusculano; & is dum, quæ conati ambo, cognosceret Arbitr, palmam Bellarmino tribuit; statuique iussit inter Hymnos sacros Breuiarij Romani ab se recogniti Oden eius, cui est exordium;

Pater superni luminis.

tametsi haud in eum finem composita fuerit. Verùm ætas, & moles grauior negotiorum in ipso hanc illecebram sensim immittit. In epistolâ enim scriptâ viro prænobili à quo Latinas Odas nescio quas acceperat, *Quando viridis, inquit, erat inuentus, eram voluptatis huius audivissimus, & scripsi versus innumeros, maiorem partem heroicos, ac de re*



gravi. In aliâ tamen epistolâ , cùm transmissa ei fuissent poëmata quædam satis prolixi operis, à Pastore animarum, qui prope hæreticos habitaret, conscripta; temperare sibi non potuit, quin Ecclesiasticâ libertate hæc rescriberet perillustri viro , à quo redditæ cum iis litteræ fuerant: *Quantum me studio pio erga Sacerdotem, quem commendas, accendit initium litterarum tuarum; tantumdem deferuere cæpi in exitu illarum, propter carmina litteris addita.* Nam si mihi non vacat, scriptionem legere tam vanam, & genij adeò ultra morem euntis; quâ ratione potuit tantum otij suppetere, ut illam componeret, homini, cui negotium est procurationis animarum, pænè inter hæreticos, vicinasq; eorum prauitates? Saltem, si metro sacro usus esset, subderetq; flammam animis ad pietatem in Deum, opera tacturam, & temporis non omnino fecisset. Ex his palàm fit etiam, Robertum Bellarminum ita iuuenilibus annis dulcedine poëscos mulcere animum consueuisse, ut procul fuerit à corruptelâ eorum, qui ingeniis magnis malè vfi, defluere in commenta lasciuix solent, cum detrimento temporis malè deperditi, & quod grauius est, cum clade animæ acceptâ primùm, dein illatâ, non absque Ciuitatum publico damno.

Ad eam laudem poëscos, addidit & alterum

rum eloquentiæ decus: fuit enim comptæ facundia, in eâq; tum excelluit, cum ad gymnasium Societatis contulit se, vt disceret pietatem simul, & liberas artes. Pietatem indicarunt multa. octauo quoq; die expiaturus, si quid peccauerat animus, vt Sacram Eucharistiam fumeret, se ad illa diu præparabat. Ad primam lucem somno excîtus, statim, mente per auroram diffusâ in cælestium rerum contemplatione, cum Deo agere (quod Nazianzenus sigillum vocat rerum interdium gerendarum) nec intermittere exercitia reliqua pietatis. Atque hæ fuerunt artes, quibus inter incerta rerum humanarum, tenax propositi, visus est ad Deum adhærescere semper, tamquam ad auctorem statûs & firmitudinis suæ.

Asssecutus iam inter æquales, quâ doctrinæ laude, quâ comi probitate, fuerat, vt notis ignotisq;ue carus esset, & (quod mirum est) acuebat in iis venerationem amor. Erat porro eius consuetudo agendi ingeniosior, & flexa semper ad hilaritatem: miscere sermonibus tamen non nisi ea solebat, quæ vel facerent, ad liberalia studia, vel ad disciplinam animæ. Quod si immodicæ linguæ aliqui fortè quid ineptè garrirent, statim deriuare ipse dexterrimè sermonem aliò. Imò, quia nôrant increpare solitum eos, qui non verecund-

cundarentur ea dicere, quibus mentem suam, auresque sociorum polluerent; non congressum eius modò, sed conspectum etiam videbantur, crescente cum annis obsequio, venerari.

Eò demum res venerat, ut interesse recufaret, sicubi socij conuenirent, quò ientacula cœnamve vnà celebrarent, aut nugarentur, & perstreperent ludibundi: sicuti fit, quando, vel Parentes, vel Magistri morum absunt. Inuitarunt sæpius: at Robertus excusare se; tamquam adesse nequiret saluâ religione. Rogatus etiam est à Fratre natu maximo, cui ciuile videbatur misceri voluptatibus sociorum, quorum præsertim eadem ætas, & nobilitas; imò & monitus, ne dignum redderet se, cum suâ religione, odio. Sed Roberto alia morum via: negauit constantius, quàm fert iuuenum conditio; neque illos mores ex suâ præsentia pensi plus accipere voluit. Sua for erat potius, mutarent gaudia; irentque ad Templum aliquod, aut ad Iconem Virginis Deiparæ, votiua frequentatione populi venerabilem, & in hanc sententiam sæpenuerò socios induxit.

Parte ex aliâ, nihil illi tam gratum, quàm inuitari ad conuentus cœtusque sodalium, qui deuouent se Virgini Genitrici. Inter hos referebat hanc laudem, ut inueniretur nemo, qui

qui ab eo sedulitate non vinceretur. Cùm verò esset inspectus ardor eius, & nota facultas publicè disserendi; Præfectus primæ Sodalitatis mandauit, exhiberet in munere dicendi sibi vicariam vocem, Fer.V. Cœnæ Domini. Paruit Robertus, & institutus ad hoc à Patribus Societatis, dixit oris tam grato & tam dulci sono, itaq; ad flectendum animos temperato, vt Primores ceteri deinceps rogaauerint sæpè, ne solatio tam pio ipsorum aures fraudaret; tametsi dicturus interdum, vt Orator extemporaneus. Quibus dum annueret, loquens verecundâ cum grauitate, afferebat breuia, & quæ affectum elicerent: prorsus iuxta quem modum, in piâ commentatione, instituebatur ab eo, qui cathedram habet inter innocentes animas, & corda docet. Et sic, vel à primis annis, veluti alter Daniel, quos in notitiam sui, hos & in venerationem sensim adducebat.

Neque verò tantummodò, dum esset harum piarum exercitationum sectator domi, comes in publico, eoq; apud bonos omnes laudatus, credendus est à Spiritu sancto motus fuisse, vt linguæ sonos exereret; sed etiam cùm infantulus prædiceret, qualis euasurus esset. Narrauit ipse interdum, se tamquam puerili leuitate (dum in Templo interesset cōcioni, spectator veriùs, quàm auditor) Matri dixisse

dixisse sæpiùs : An tu , Domina , non vides Præfulem me , & Ecclesiæ Cardinalem esse factum ? Cui cùm illa manu silentium faceret , pergebat puer , ei indicare sacros Doctores , quorum è tholo imagines eminebant ; addens , Tamquam vnus eorum vtique , ego aliquando ero . Et voluit , fortasse Deus (iam inde ab initio præparans eius animos) vt priùs quàm pueritiam exueret , suæ imaginem quamdam venturæ magnitudinis vaticinaretur .

CAPVT IV.

Adspirat ad Societatem IESV , & in eam admittitur , post edita , annum integrum , constantia varia experimenta .

ITa geniti , ita educati , cùm primùm adoleuit ætas , Parens , vt eius ingenium illustre , animumq; variis temperatum virtutibus , instrueret maioribus disciplinis , Patauium ei fore studiorum idoneam sedem putauit ; vbi , vnà cum Riccardo Ceruino consobрино , dederet se facultatibus grauioribus . Ad eum finem à Cosmo Etrusco Duce est impetrata potestas , vt studiorum causâ extra Etruriam iret : nec supererat cura maior , quàm vt iuueni admodum , daretur ex amicorum numero , qui iter eius regeret . Reperi hoc in epistola

lâ ad Alexandrum Ceruinum, qui, quando ex notis occurreret nemo, disposuerat comitem ei adiungere virum aliquem ex Societate IESV, si fortè illò profectionem quispiam præpararet. Neque enim voluisset ipsum credere cuius, ob altam indolem animi: tametî de virtute eius securus propè, diceret intereà: Robertus de melioribus progredietur semper ad optima; sicut etiam nunc agit, quia Deum timer.

Verùm, dum ea Parens agitabat, atque, ut nobilitas ferè auida est excellentiæ, auebat filium erudiri artibus, quibus ingenia ad magnæ fortunæ cultum excitantur; de Roberto Dei prouidentia, cuius lege immobilis rerum humanarum ordo feritur, interim alia disponebat. Quadam die cogitabundus apud se, & cum corde agens, ut de vitâ certî aliquid statueret, sensit emergere desiderium vehemens, tranquillitatem adipiscendi; & pacem illam, quæ exsuperat omnem sensum. Ideò res humanas omnes veluti cogens in conspectum animæ, superque eas meditatus, intellexit facilè, si eis insisteret, fore in lubrico pedem; & in lapsus grauiore ea seruari, quæ sublimiùs attolluntur. Quare cum Prophetâ, magno sensu iterare illud: *Quis dabit mihi pennas, ut columba? volabo, & requiescam.* & in hæc mentem altè defigens, ita ipsemet secum,

cum, *Fastus*, inquit, quo imaginarios honores suos *Mundus* alit, & in terris quidquid admirare summum, cum pro basi vitam humanam habeat, non stabit diu, nec ad ætatem longiorem, quàm vita ipsa: quin imò, fortune, opes, dignitates, quàm ille sapè, non expectato funere, valedicunt? Quod si ad funus vsque moram faciunt, haud comites ultra sepulchrum eunt. Nam, quia fundamentum ruit, corruunt adium partes quoque, & earum ornamenta. Quare si Poëtarum aliquis vitam, quam viuimus, somnium vnius umbræ nominauit; quantò umbrâ somniòve tenuior, gloriæ humanæ pompa censenda est, quæ vitâ citiùs difflatur & vanescit?

Iniecta hæc diuinitùs mens, facilè perpulit, vt fastidiente animo respueret species honorum; magna, sed mera nomina: ex quo prodiit admiratio, quâ in ceterâ vitâ dein obstupuit, progressum eò cæcitatibus hominum genus, vt credant, se adstruere securitati, quidquid mole imaginariâ imponunt torrenti rapido subterlabentis humanæ vitæ; & vt idè perinde viuant, ac si fines mortalitatis iam essent egressi. *Non tu Roberte, non es*, dicebat iterùm, *ad mores sæculi huius: erige te, Deumq; Ducem sequere, qui tibi mentem hanc, & consilia saniora submittit. Non tu forsitan vides, quàm multa pericula ambitiosi subeant, vt perueniant ad grandius periculum? Non tu aspicias,*
quàm

quàm breui luce appareat, & statim pereat, quidquid polliceri Mundus potest? Nónne res vite huius, si aliquādo gustui sunt dulces, amarum ad satietatem vsque aggerunt? Dignitas quæuis & purpura, cum magis splendet, sicut rosa marcescit; & relinquit de se, præter sentes ac spinas, nihil. Quantum coniecere possum, non tu in terris reperies locum securiorem, quàm septa Religionis; ubi, dum pronum in omnia mala atque in luxuriam fluens saculum suas procellas agit, sepositus animus viuat sibi uni, ac Deo. Portus hic solus occurrit: cetera, otium ipsum, ipsam tranquillitatem rère fœdam tempestatem, ac naufragium certum. Tabula, in quam si te coniicias, fluctus insanos deuitabis, atque enabis facile, est fiducia in Deum. Conclude itaque: sapientiam esse (omissis ambitione & voluptate, fallacibus auctoribus) consecrare seipsum suaq, omnia Deo; quem sequentibus semper prospera eueniunt, aduersa spernentibus. Post hanc victoriam sui, quæ non præclara modò, sed etiam perpetua fuit; certum habuit, per ingressum Religionis, detrahare animo omnem spem & cupidinem gloriæ: quæ tamen à sapientibus etiam nouissima exuitur. Ideò nihil tum illi reliquum fuit, quàm vt in delectum iret Ordinis alicuius, in quo odorari florem disciplinæ posset, omnisque exempli intueri documenta; & præcipuè, in verâ cog-

nitione rerum, intelligere, quid salubre sit & frugiferum, quod sequatur; quid fœdum inceptu, fœdum exitu, quod vitet. Has conditiones reperit in Societate IESU, cui utiq; prima tum ætas vim integri caloris ministrabat ad vitam virtutis; quam profitebatur nouo instituto, sed moribus antiquis: eaque inprimis placuit, quoniam dignitates quascunque (suam operam citra honores ac titulos Pontifici deferens) sacramento recusaret. Idcirco suapte sponte de eâ solus (mentem, haud dubiè, illustrante Cælo) deliberauit. Ratus tamen, in his quæ ad institutionem animæ spectant, clarè periculosum esse, de suâ vnus sententiâ rem gerere; statuit copiam diuinæ vocis, & sibi cælitus iniectæ mentis, Præceptori suo, Religioso Societatis IESU, communicare. Is erat Vincentius Sgariglia, oriundus ex Aſculo Piceno, vir probus, & beneuolentiæ merito erga Robertum, atque adeò pietate erga Deum insignis. Itaque hominem adit, & vbi datum est spatium sermoni, remotis arbitris eum hoc ordine interrogationibus variis pertentat. Primum ei aperit, quæ ad illum diem celata aliis, Cælo vni patuerant, quæque ipse secum ac solitudo distinxerant. Dein sciscitatur, quàm viueret contentus in Societate. Rogat verò, ne veluti nimis curioso succenseat; quippe cum ea dumtaxat

pete-

peteret studio rei stabilis ineundæ. Postremo, *Cum in hanc fiduciam, inquit, inuitet me charitas illa, quâ me exemplis plurimis planeq; amas, per communẽ salutem, & per IESV viscera oro quesõque, ne mihi esse obscurum velis, si qua sub habitu isto pericula lateant, quæ à suscepto consilio auertere me possint, aut retardare ad aras Numinis festinantem animum; ut ibi sentiat, se victimam interfici omnibus gloria nominibus, ac viuere singulariter Deo.* Sermo prudens Adolescentis peperit Præceptoris admirationem primò, deinde & venerationem: & faciliẽ coniectare potuit, fore, ut ædificium, cuius tum fundamenta moliebatur, exurgeret ad fastigium vsque cum gloriâ; absque eo quod ab re imperfectâ deberet ludibrio esse. Sed ad postulationem eius; *Aut me, inquit, amor suscepti Ordinis fallit, aut me à sorte magis contentus nusquam viuere potuissẽ. Ut optaueram, ita inueni, nullaq; pro me vita ratio, nec melior, nec sanctior, nec bonis exemplis ditior fuisset.* Post addidit iuueni monita, & consilia, quibus rem probiùs & maturiùs exequeretur.

Robertus igitur, de diuinâ voluntate non iam anceps, eorum se Religioni destinauit, quorum suspicere pietatem, & haurire mores cum doctrinâ pridem cœperat. Hoc eodem tempore rumor dissipari cœptus est, Riccar-

dum Ceruinum, qui Patauij studiorum causâ morabatur, Societatem IESV cogitare, ac flagitare etiam vt in eam aggregaretur. Inducebatur verò & ipse, quoniam cogitaret vitam hominis nebulæ similem esse ; debereque numerari inter vilia honores, diuitias inter laqueos ; denique reuocari à sapientibus ad lutum, & ad limum, quæ prima vulgus habet. Grata ea res, vt quæ maximè Roberto vniquam fuit ; qui cum moribus notis communicaturum se vota & consilia, postquam is reuertisset Patauio, animaduertebat. Interim precibus, & sponte susceptis asperitatibus, negotium suum Numini commendans, ad Iacobum Laynium, qui ab excessu sancti IGNATII conditoris vniuersæ Societati præerat, litteras misit ; vt ab ipso, tamquam à supremo duce, in eam IESV Christi militiam adscisceretur. Nec responsum diu expectauit ; Laynius porrò, (vt qui vellet Robertum id quàm mollissimâ viâ consequi) quod flagitauerat concessit : sed eâ conditione, si in deliberationem illam vterque Parens consentiret. Interim vbi manauit hæc quoque de Roberto fama, perculit, suprâ quàm credi potest, cognatos omnes ; sed Parentem inprimis, qui venerat in persuasionem, fore vt ea vis morum & indoles filij, in spem geniti eius fortunæ reparandæ quam amiserant, familiam

liam procumbentem subleuaret. At agrimonia illa Patris constanti filio vocem non ademit, quâ impetrare ab eo abscondi veniam adniteretur. Rogauit itaque impense, fineret exequi se, quod Auctore Deo susceperat, néve voluntati diuinæ moram faceret. Pater contrà, tamquam cælesti voce iussio, resistere se nolle: sed quia festinatio improuida est & cæca, hoc velle tantum, vt fieret periculum constantiæ: se deliberasse propterea non assentiri, nisi prius anno exacto. Et hoc ipse pro Roberto, quemadmodum Alexander Ceruinus pro Riccardo, quem Patauio reuocauit, à Præposito Generali obtinuerat. Is tamen eis indulgebat, vt annus-datus domi familiaribus tentamentis, ad Tyrocinium primus foret.

Ægrè eam temporis finitionem tulerunt iuuenes, qui paribus studijs, in gloriosi contemptus societatem incendebantur. Tamen quòd tentationem eam esse intelligerent perseverantiæ suæ, & vtilem quidem perinde, atque si inter Societatis candidatos probarentur, ea res magnâ ex parte molestiam hanc animi deterfit. Erat verò alter alteri solatio; præsertim, quia eis integrum relinquebatur, vt in virtute se, sicuti pridem, exercerent: cum gemini Parentes (vt erant ambo haud intacti religione animi) opportunitatem ad id quan-

38 VITÆ ROBERTI CARD. BELLARM.
tulamcumque filijs darent. Imò, vt magis
suarum rerum essent, omisâ vrbe, cesserant
in villam Ceruinorum, quæ *Vino* nominatur:
ibi que, vt Musas mitiores, animi causâ, in-
terim excolerent, Alexander Ceruinus Pa-
rens, & Familiæ caput, tamquam studiorum
etiam moderator, per imaginem quamdam
Academiæ, explanabat Virgilij Georgica;
Riccardus filius Græcè Aristotelis libros de
Poësi; Herennius huius frater, qui Protono-
tarius Apostolicus, & vtriusque Signaturæ
Referendarius obiit, Demosthenis Oratio-
nem de Coronâ; & Robertus noster Oratio-
nem M. Tullij Ciceronis pro Milone. Om-
nes verò in horum studiorum exercitationi-
bus adiuuare inuicem, & pro se quisque illu-
strationes suas, lumenque ingenij ac doctrinæ
in commune conferre. At Robertus (vt in
eo viuum Religiosæ vitæ semen, ad quam
adornabat se, radices sparsim & profundè
egerat) parum decens ratus eam clementem
vitam ducere, & nihil aliud, quàm datis
amœnitatibus frui, nisi alijs prodesset; insti-
tit, operi futuro præludens, festis & religiosis
diebus paganos eius viciniæ in templo insti-
tuere, & oratione aptâ simplici que, post-
quam Doctrinam Christi, & capita Fidei
quæ sunt creditu necessaria, explicauerat, eos-
dem adhortari ad pietatem & ad timorem
Do-

Domini : tam erat ardens etiam tum in procuratione animarum.

In his occupationibus , & experimentis, tandem circumegit se annus , pro flagranti desiderio eorum utique longissimus, eoque in spatio edidit Robertus constantiæ specimen varium ; præsertim, dum ad delectum Religiosæ familiæ plures proponebantur, & ante alias eximius Ordo Prædicatorum , ex quo viri sapientiæ sanctimoniamque laude conspiciui sæpè in Ecclesiasticas dignitates euehuntur , præmia virtuti, & honestè susceptis laboribus. Sed iam tum Robertus tantus erat, ut posset earum desideria contemnere ; elegeratque Societatem vel idèd , quia eâ religione artibusque viuit, ut obseptum ei sit ad honorem iter.

Iam quia , ut dixi , ceperant finem annus & suspiria, dictus profectioi dies aderat, quo cum Riccardo Robertus Romam voti compos iret ; cùm certandum ei fuit, ut se à lacrymis atque à complexu carorum auelleret. Conuenerant affines , quique arctiori eum contingebant gradu ; & tum in eorum conspectu, vbi maturum visum est exequi quod parauerat, genua posuit, Patremque, Genitricem, ac Aviam orauit, ut abeunti, manu in crucem adductâ , benè precarentur. Spectaculum hoc dici non potest, quantopere

afflixerit singulorum animos. Aderant aliqui contentis & tumentibus, plures manantibus oculis: neque aliter adspici venerans illa pietas, & modestia decens poterat; cum lamentarentur omnes, relinqui familiam in tenebris, & per speciem occasus subduci eum, quem habuerant uti lumen oculorum suorum. Sed & Vincentium Patrem non atas, non pudor cohibuit, quin tormenta pectoris, & suas ipse pœnas fateretur. Perfunctus ultimis amplexibus, uti nequibat exuere animum patris, in hæc verba prorupit: En familiarum nostrarum omnis procumbit spes: vnus abit ille per quem exurgeret, & qui compensare memoriam Auunculi solus posset. Sed, ut cæca hominum consilia sunt; post, æternâ destinatione Numinis, factum est, ut & Robertus in speciosos titulos indueretur, à quibus abhorrebat, & familiarum magnorum decorum ornamenta, vel iis præsidiiis cresceret, in quibus fuerat antea desperatio; cum nemo ignoret, Bellarminum fuisse cooptatum à CLEMENTE VIII. Pontifice inter purpuratos Patres, propterea quod digna res purpurâ, digna supremo Ecclesiæ Senatu ea mens visa est, quæ iuxta præscriptum sui Ordinis, scribendis Controuersiarum voluminibus aduersus Hæreses, opinionem sibi egregiam excitauerat. Atque ita, abitu eius, præsidium
domui

domui afflictæ non fuit ademptum; quando-
quidem eam præstantiâ suâ deinde restituit.
Et voluit fortasse Deus, neque in hac vitâ in-
honoratam relinqui, aut sine præmio, præ-
claram illam eius cupiditatem procul ab ho-
noribus viuendi.

Sic Abrahamo par ac geminus, dum se-
quitur Deum, vnâ cum fratre, & dulci comi-
te Riccardo, è patriâ, atque à domesticis di-
gressus est, vt nostræ Societati nomen daret;
vbi annixurum pro se quemque sciret, vt ex-
pleret ei parentum patriæque desiderium.

Romam incolumis perueniens, inter Ty-
rones admissus est, XI I. Kalend. Octobris, an-
no M. D. LX. qui dies peruigilium est S. Mat-
thæi Apostoli. Excepti ambo sunt, veluti
primitiæ sacre Collegij Politiani: in quâ Ci-
uitate, quoniam triennio pòst, criminibus
confictis, tantam in inuidiam adducta Socie-
tas fuit, vt excedere debuerit; donec inno-
centia suppressa efferret tandem se, vno è cri-
minatoribus in letali morbo (ex quo & obiit)
suum errorem agnoscente; sicuti gembun-
dus, coram idoneis testibus, id quod falsò
sparserat, reuocauit; ea res ansam dedit Scri-
ptori Historiarum nostræ Societatis, laudan-
di arcana consilia Dei, qui excessu quodam
immensæ bonitatis suæ, videtur exprimere
interdum ea quæ optima, ex his quæ deterri-

ma. Nam, *Hunc habuit exitum*, inquit, *Collegium Montis Politiani*, septem propè annis, inter difficultates maximas, haud planè frustra sustentatum. Ex multis laboribus, vias mihi inenarrabiles diuina providentia contemplant, commodum extitisse illud præ ceteris non pœnitendum videtur, quòd per eam stationem Deus Robertum Bellarminum, ad Societatis totiusq; Ecclesie vsum tantum ac decus, in lucem protulit. Nec minori luce fortassis Societatem illustrare potuisset Riccardus Ceruinus, ingenij præstantis ac vitæ integerrimæ laude ignotus nemini, ex quo & à Roberto nostro sanctus iuuenis est appellatus; nisi quadrienio pòst, in Collegio Lauretano fuisset, agens in flore ipso virium, extinctus, maiore Societatis damno, quàm suo.



VITÆ
ROBERTI
CARDINALIS
BELLARMINI
E
SOCIETATE IESV
LIBER SECVNDVS.

CAPVT PRIMVM.

*Res ab eo gestæ in Religioso Tyrocinio,
& Philosophiæ studia.*



ADMISSO inter Tyrones maius gaudium fuit, quàm quod vniuersum animus caperet; tantaque lætitia oborta, vt cœlitum vitam adeptus sibi videretur. Quare, quasi anhelans ad nouam stirpem, esse optauit IGNATIO iam similior, quàm sibi. Certus etiam, opus exegisse se supremo Regi apprimè gratum; vt superfundenti se Deo totum dicaret pectus, spontè statuit, per vota voluntariæ Obedientiæ, Castitatis, & Pau-

Paupertatis, velut funiculo triplici, qui difficilè rumpitur, arctissimè cum Christo se Cruci eius colligare, ne fluctuaret abreptus æstu humanarum illecebrarum: idque primâ die suæ admissionis latus, nec vîquam aliàs diuinis gaudiis cumulator fecit. Moratus, decem non ampliùs dies, est in eo secessu, quod primum Tyrocinium appellatur; in quo, quia locus est nutrimentorum animæ, meditati Cælestium rerum, aliisque exercitationibus ad vitam interiorem aptis, mirificè aluit se, & per sacram exomologesim à noxis omnibus ætatis antea actæ animum repurgauit. Pòst accitus in consuetudinem aliorum, vestituque & cetero habitu Religionis ornatus, cum non ignoraret, vestem mutari faciliùs multò quàm mentem, nihil habuit potius aut prius, quàm vt, sicut exteriùs corpus, ita interiùs animum Religionis cultu sensim indueret. Exinde, quod esset domi vilis ministerij, exequi, vascula in culinâ purè præparare, atque eluere, lances tergere, adferre aptareque cæsim ligna, insternere in triclinio mensas, domum euerrere. Æstimauit enim plurimi Nouitius prudens occasionem hanc, vt perfectionis turrim à fundamento auspicaretur humilitatis.

Dies quatuor & decem vix ipse inter Tyrones egerat, cum in Romanum Collegium
ad

ad studia missus est; nec diutiùs inter candidatos fuit, siue ita temporum ea ferret ætas, siue quia domestica experimēta, quæ annum integrum obierat penes Parentem, ad Religiosæ vitæ præludia illi fuerant abundè. Ceterùm est satis in Societate cautum, ne Tyrones, ex umbratili disciplinâ, ante tempus in aciem & pugnam exeant: vt eorum nondum adulta virtus, & ad callidi hostis plerumque subdolas artes cæca, saltem sit tuta interim statione & loco. Habetur tamen pro re compertâ, Robertum, ex quo in Academiâ Romanâ degere primùm cœpit, semel atq; iterùm quotannis (quod iuniores omnes in Societate agunt) sua vota repetere solitum fuisse; ne virtus, tametsi initiis valida, spatio languesceret. Sed qui æstimat, quantum in sui abdicatione, quantum in vsu supplicandi cōtemplandiq; diuinas res profecisset (quæ duo sunt vertex imus & summus, in quibus vita interior tota versatur) temporis contracti exiguitatem dicet assiduitate operum fuisse compensatam. Possem huius rei documenta plura, sed vnum dumtaxat adfero, ex epistolâ eius, non ita multò pòst ex Monte Regali scriptâ ad P. Polancum, qui Societatis vniuersæ tum erat à secretis. Libens verò de epistolâ hac memini, quia continet capita quædam clara prouidentia singularis Dei;

ut capite proximo dicam; & quia ostendit, quales Robertus inieciſſet frænos inferioris animæ partibus, ut facilius eas regeret, Deoq; moderanti redderet obſequentes. *Ea*, inquit, *tantum peragere cupio, ad quæ obedientia ſanctior me & melior voluntas deſtinavit: etiam ſi iuberet, ut perpetuò docerem Rhetoricam, aut in minore etiam gradu ipſam Latinitatis infantiam. Hoc in animum induxi, quo die in Societate ſanctâ primùm fui; hoc ſtabiliui, Româ cum decederem; hoc hodieq; ſtabile ac ratum volo. Quin & à ſanctâ obedientiâ ſi quidpiam pro me petiero, ſive ut mutem locum, ſive ut aliud impetrem; etiam ab hac die à Præpoſito Generali efflagito, ne fortè indulgeat eo nomine, quòd morem mihi geſtum velit: ſed quia citra preces meas, iuxta rectiſſimam obedientiæ normam, concedi debet quòd petij. Etenim doloris etiam cum ſenſu malim non errare, quàm errare voti compos. Quamquam omnino non erro, dum pareo. Hæc in epistolâ ipſe. Atque hi fuere progreſſus eius, pro acquisitione pacis illius, cuius Deum è cælo ſponſorem habent ij, qui nec animo magni, & corde mites, tonitrua pauent ſermonum eius.*

Quoad ſtudia litterarum, Magiſtro uſus Petro Parrâ Hiſpano, viro in primis docto & pio, Philoſophiæ triennale ſpatium abſoluit ſummâ cum laude; maioriq; ingenij felicitate,

tate,quàm labore: nam id temporis valetudines eum variæ,& letales affligerunt. Primo anno pænè ad mortem veterno graui sopitus est; & tandem excitatus, morbi reliquias diu tulit. Tentatus est capitis grauedine per annum insequentem totum. Anno tertio distillationibus è capite vitiato in præcordia defluentibus,obtussim assiduam, & quæ perpetuò ingrauesceret, eò redactus est, vt esset Medicorum opinio cõstans, ipsum in phthisim decidisse. Ægritudines hæ solent interdum affligere animos, corpora dum hebeant (quæ inter hæc duo est dolorum societas) perquæ eas ægrescit sæpè mens, ac tentatur modis miris: cum res propè nulla magis angat animi hominem cupidum laboris honesti, dum adolescit,& dum est sanguis integer,quàm si intueatur, vim suam omnem, & primum florem, valetudine lentâ odiosâque contabesceri miserè, & tamquam ab vrente nebulâ consumi. Innascuntur intereà curæ despondentes animum: vsus rarior circa munia pietatis, infrequens abdicatio veteris hominis; denique eius generis multa: nempe foris captare solatium extra vestibulum animæ; & Religiosi viri retinere habitum, virtutem exuere. Sed Robertus, quia non, vt euaderet vir opinione magnus, aut summæ litteraturæ, sed vt sanctus fieret, dederat se in familiam

miliam ac domum Dei; estimabat æquè plurimi aduersam atque secundam valetudinem, nec per eas nutantis naturæ vicissitudines patiebatur ullatenus labefactari constantiam suam. Imò factus exinde certior, breues dies hominis esse super terram, institit adproperare in semitâ quam inierat; virtutumque pretia, ne viaticum in viâ deficeret, cumulare.

Sed & hoc in primis egit, vt voluntati Dei committeret se; eiusque veluti Parentis in vlnas se coniiciens, vsurpabat illud: *In manibus tuis tempora mea*. Fiducia ea non fuit poenitenda: nam paulò post, vt subdam infra, conualuit; & exacto spatio studiorum, ex condiscipulis nemo visus est illi ingenio aut doctrinâ par: adeò in vtroque genere palmam tulit. Etsi enim ad studia illa minus virium ipse quàm animi attulerat; tamen quidquid viribus deerat, ingenij præstantia largè subministravit. Testes Magistri eius, & Primores Collegij; qui vti sunt Iudices ingeniorum, eum delegere, vt publicè de vniuersâ Philosophiâ disputaret primus. Præterea delectu habito inter duodenos eius pares, qui, vti more tunc fiebat, ad gradum Magisterij promoverentur; Roberto vni hoc honoris ergò detulerunt, vt controuersiam exponeret de vi ac potestate animæ, refelleretque, quæ con-

trà

trà meditatio afferrent ipsimet Academiae Professores. Id verò præstitit egregiè; tamen si absque Præsidente vllò, in sapientiæ laude solus foret.

CAPVT II.

Humaniora & Rhetoricam docet Florentia, ac in Monte Regali; Theologiam audit Patavij.

Adolescens, in quem natura dotes, virtus mores contulerant suos, debuisset, præsertim dum ita affectus erat, liberaliùs ac benigniùs coli. Sed siue morbi genus ex parte ignoraretur, arctareturque domus, plus iusto, numero Sociorum; siue persuasio foret, profuturam ei varietatem ipsam docendi, & in Etruriâ quidem, propter affine cælum, familiaremque aërem; decreuere Præsides eius, vt Florentiam proficisceretur ad studia Humaniora iuuentuti tradenda. Ipse, apud quem celeriora propè omnia imperio erant, non institit æstimare, quale sibi nasci detrimentum posset, si mitteretur tenuis valetudine ad labores magnos. Imò ratus non obtemperantis esse, quid possit considerare, sed imperantis; se statim itineri dedit, & digna pronitas ea fuit, cui Deus gratificaretur. In itinere cum deratiunculâ nummorum (quam ob causam
D ignoro)

ignoro) repentè superesset nihil; ad Deum se confert curatorem ærarij sui: & ecce vir nobilis, natione Hispanus, vltro non petenti erogat, quantum opus erat, vt iter absolueret. Florentiam peruénit, quassatus de viâ, & facie subpallidâ, ita vt qui adspicerent, ad valetudinarium, non ad labores eum destinarent. Medicus adest, explorat valetudinem, experitur si quo modo possit ea sedari medicamentis: sed curæ maior est industria, quàm felicitas; nec salubribus remedijs, hærens diu venis lenta febris, extrahi potuit. Inde sinistra de eo arbitria, quæ nec ipsum Robertum celari diu potuerunt. Inerat ei stimulatio ingens ad labores, in obsequium Numinis, obeundos. Idèd conscius benignitatis Dei, qui à corpore etiam deposito abstergere extremam tabem indubiè potest, quâdâ die Templum adit, fiduciâque magnâ proiectus ante Aram contestatur, tunc se mori non magno-perè velle: sed orare imò valetudinem, quâ peruiuere possit, & se laboribus frangere, augereque accessione sui famulatus gloriam Diuinæ Maiestatis. Impetrauit quæ precatus est, & veluti sensisset auditas preces, redijt inde lætus, ac breuî meliùs habere cœpit. Restitutus est itaque ori color, & toti corpori pristina incolumitas; resectique sunt simul cum corpore spiritus illi, ex quibus ingenium ipsi
adco

ad eò prouum ad omnia fuit, vt tamen natum ad id vnum diceret, quodcumque ageret. Ergo iam à morbo liber, veluti renouatus flos, & feipfo melior ac præftantior, gratias reddidit Deo Liberatori, atque ad obfequium eius exhibuit fe in laboribus fufcipientis strenuum, & numquam ceffantem, imitatoremq̃ue negotiofum illius, qui de fe, *In laboribus*, inquit, *à iuuentute meâ*. Verè enim ab adolefcentiâ ad metam vfque vltimi fenij, femp̃er laboribus ætatem præceffit, & annos rebus geftis anteiuit. Sub initia docendi, neceffarium ducens, adolefcentiam eorum, qui fibi traditi in difciplinam fuerant, in poteftate habere; ne in licentiam excurrerent; & fimul reputans ad id fe minùs idoneum, vel quia nec ætas fuppeteret, & ftaturæ honor deeffet, vel quia meditaretur effe lenis, ficut fpontè & ab ingenio erat; ftatuit induftriâ & affiduitate fibi comparare auctoritatem: qui modus optimus eft, fuauiter iuxtà grauiterq̃ animos demerendi. Orationes duas in Æde maximâ, ambas plenas luminibus & amœnâ concinnitate habuit: quas demirata ea Ciuitas eft, tametfi adferret eruditas aures, affueta frui dulcedine eloquij in Acadêmicis fuis. Feftris & religiofis diebus verfus nonnumquam publice propofuit; in quibus copiam, numerum, & florem dictionis, inuentio ad-

huc magis commendabat. Cùm se opportunitas daret, controuersias quoque dē Mundi, terrarum, ac rerum ceterâ naturâ enodando explicandoque, facilitè sibi omnium animos demeruit: & inde factum est, vt feliciter regeret suos, & alliceret adhuc alios, qui subinde adirent interrogaturi circa implicitas quæstiones: incertum, pertentandi causâ sapientiam eius, ob iuentutem alicui fortasse dubiam, an verè studio discendi: qui tamén de eo semper magnam ingenij & eruditionis opinionem referebant. Menses aliqui his exercitationibus circumacti iam erant, cùm Academici eius vr̄bis, summâ æst̄ate, pertæsi dies longiores, à Bellarmino flagitarunt, vt horarium spatium quotidie in ipsorum gratiam seponeret: & ipse eis obsequens explicauit doctrinam de Mundi Sphærâ, quæstiones de situ ac mole corporum supremorum, de itū eorum & reditu, de potestate stellarum, & nominatim de earumdem distributione per imagines hominum atque ferarum. Florentiæ moratus, vsque ad annum exactum; vt Rhetoricam profiteretur, ad Montem Regalem, in ditione subalpinâ, missus est. In quâ Ciuitate, quia non dissimilis ei ratio docendi, temporum seriem paululùm interfecabo, vt interim res simillimæ coëant, & subdam præcipua quæ hîc ei euenerunt. Affixus fuerat publi-

publicè librorum explicandorum Elenchus, inter quos nominatim Demosthenes Græcus Auctor, ne per desidiâ obsolesceret vetustissimæ linguæ disciplina, proponebatur. Robertus Graij sermonis erat planè rudis: sed peritiæ quod defuit, mens atq; industria suppleuit. In litteris Latinis primò se apud omnes, per specimen varium, nobilitauit: pòst ad ignota Græcæ litteraturæ velificaturus, Auditores suos monuit, linguam externam illâ adæquè vtilem atq; difficilè esse; & ab elementis inchoandum, vt certius teneretur. Sic ipse cum eis elementarius factus, Graij sermonis prima rudimenta, eiusq; verborum inflexiones & nominum, studij laboriosissimi patiēs, complexus; breuî eò euasit, vt difficultates iam in linguâ illâ, vel inueniret nullas, vel expediret omnes: potuitque Isocratis atq; Demosthenis libros, & Scriptoris cuiuscumque, deinceps Magister, interpretari. Sed non propterea, quòd doceret isthæc apparatu nullo, ab aliis ministeriis domi cessationem habuit. Imò, iuuenis prorsus ad morem sui Ordinis factus, dum Rectoris nutus & imperia pro Numine obseruat; miraculo, vel caritatis vel obedientiæ, ita se gessit, ac si omnia forent in ipsum Collegij totius inclinata onera. Id quod gerendis rebus superesset, quieti dabat: dieique opere confecto, vltimus decumbe-

bat; cùm tamen opus ipse semper iniret primus; & sub auroram, statâ horâ, in cubicula singulorum lumen inferens, excubitoris munere fungebatur. Adhæc in triclinio mensæ lectorem agebat; Sacerdotes comitabatur ad affectos, & ad negotia quæ instarent: Ianitori etiam substituebatur; & suscipiens labores pro solatiis, ad vilia omnia descendebat; famulus veriùs, quàm socius. Habebat idem adhortationes domi priuatas, foris conciones publicas: de quibus dicam paulò pòst, & narrabo interim lepidum factum, quod tum euênit. Ad Religiosam domum Ordinis sancti Dominici contulerat se Rector Collegij, vt Cœnobiarcham salutaret officij causâ: & is ad ceteram comitatem, in quâ multus erat, hoc etiam addidit, vt vina promi statim iusserrit. Cùm Rector tamen abnueret; is qui inuitauerat, Bibet, inquit, nec inuitus, fraterculus iste, comes tuus; & erat is fortè Robertus. Die sequenti Cœnobiarcha idem, quoniam cuperet sacras piaculares Indulgentias Populo coram promulgari, necesse habuit conuenire Concionatorem summi Templi, & idedò ad Collegium venit. Ibi Robertum è cellulâ Ianitoris obuium reperit, qui intereà tutelam foribus gerebat. Salute datâ redditâque, sibi opus esse Concionatore statim conuenito, ait; nec adduci poterat, tametsi prudens

vir,

vir, vt iudicaret, eum qui in munere tam obscuro versaretur, & quem fraterculum pridie nominauerat, Concionatorem esse, de quo erat tantus in Ciuitate & tam clarus rumor. Robertus ad ista: Descendere Concionator nequit; si quæ tamen iusseris, ea fidus referam. Tum alter, esse ait, quæ cum eo agere absque interprete velit; proinde vel ad cellam eius duceret, vel aduocaret hominem. Rursus Ianitor, aduenire Concionatorem posse, negat: & cum contrà ille perurgeret, necesse fuit tandem proderet se; Concionator, in-
quiens, ego sum, qui aduenire nequeo, quia coram adsum. Ad hæc verò Cœnobiarcha obstupuit; ac ioci memor, quem in eum pridie luserat, excusatâ re, quâ potuit demississimè, orauit Indulgentias proponeret, datas propter Ordinis comitia: & apud Populum, piis largitionibus Cœnobij alleuare inopiam, tum maximè pro copiâ hospitum adniteretur: idque præstitit eloquenter Robertus ipso die Diuinorum Natalium. Igitur, vt ad ea quæ intermisimus, reuertar; quia nullo labore, aut corpus eius fatigari, aut animus vinciperat, ad onus docendi etiam quæ non didicerat, hoc addidit, vt sacri Oratoris personam, de superiori loco dicens, sustinuerit, famâ vtique magnâ: tametsi adolescens adhuc, (hoc est natus annos non ampliùs vigin-

ti duos) eius ministerij initia posuisset. Imò Florentiæ dicturum, è pulpito primùm apud frequentissimum auditorium conspicatâ femina quædam pia, & demirata iuuenem imberbem in loco, in quo senes trepidarent, quia verita est, ne in opere deficeret, tempus concionis totum nixa genibus hæsit, flagitans à Deo, ne ille animi turbaretur, minuereturve Societati opinio. Aberat tamen periculo Robertus, qui de se affirmavit senior, longè securiùs fiduciâ memoriæ se id temporis publicè dixisse, quàm fecerit ætate prouectior. Genus dicendi his initiis ornatum quidem erat, & ad implendas populi aures latum ac sonans; sed non eiusmodi, quod mirarentur potius homines, quàm intelligerent. Quæ causa fuit, ut in Æde maximâ Montis Regalis audiretur confertissimis concionibus: & ut non externi modò, qui interfuerant, reuerterent admirabundi; sed Rector ipse ad Generalem Præpositum in Urbem scripserit, *Numquam sic, ut iste, locutus est homo*. Adulto postmodum tempore, ut ornatum illum omnem abiiceret, occasio ea fuit; quòd cùm, ad diem Natiuitatis Domini concionem meditatam habuisset, eâ volubilitate sermonis, quæ acclamationes populi ac plausus demereri solet, Ciuitatè recens admiratio inuitauit, ut pro die altero, qui proximè sequebatur, exigeret

geret diuini eloquij similem voluptatem. Missi proinde, qui cum Roberto agerent: attonitusq; ipse tum hæsit, propterea quòd inclinata lux ad vesperam esset, & perfuncto pomeridianis horis munere concionandi, suppeteret in crastinum dispositio rerum nulla. Idcirco haud sibi videbatur parare posse concionem alteram, & priori geminam, nisi animus, adhuc contentione recenti anhelus, tempus ad meditantam & componendam orationem sumpisset. Sed cum illi instarent variè, rogando alternis, suadendoque, ut vinci se consensu Ciuitatis pateretur; conditionem accepit, commisitque se Deo, qui dedit exemplum in ipso, quid intersit, inter vibrantem animi viribus cogitata, & segniter ex memoriâ conquisita, promentem. Quippe tantâ admurmuratione auditus est, ut dixerint ei Canonici omnes: Concionantem cum voluptate summâ audiueramus te hætenus; hodie non iterum te, sed Cælestem vocem audiuius. Ab eo successu fuit ei proprium ac perpetuum deinceps, inuolucris phaleratæ dictionis verbum Dei non impedire; ut ita, re nullâ obstante, vibretur vehementius, ac penetret vsque ad diuisionem animæ. Latine tantum adnotabat capita rerum, tametsi Italicè concionaturus; haud minus præstans ex tempore, quàm à curâ fuisset. Consilium

promouendi ad cōciones publicas iuuenem, distractum inter occupationes & studia tam diuersa, (quod pro aliis factum immaturiùs crederetur) in Roberto, à reprehensione omni fatis vindicauit ingenij eius conditio, frequensq̃ue quod rei dederat domi semper illustre documentum. Tam enim Florentiæ, atque in Monte Regali, quàm postea Patuij, Patres etiam ipso antiquiores audiuerē libenter eius adhortationes domesticas; soliti ab eo accipere affectum, & iam tum in eā ætate, veluti Magistrum animæ, venerari.

Collegit opinionem hanc etiam apud Camaldulenses Monachos; cūm, Florentiā discessurus, professionem impetrauit ad loca pia & antiquæ Religionis, quæ circa eos fines, aut non procul inuoluntur. Erat ei comes Sacerdos, Marcus nomine; & videbatur iter tenuis labor, nisi quacumque eundum foret, transirent benefaciendo. Per pagos itaque, Robertus serere verbum Dei; excolere omnes ad fructus pœnitentiæ: quos Marcus, excipiendo eorundem confessiones, vbertim colligebat. Atque in hunc modum agro Domini illaborantes, & vbique relinquentes vestigia pietatis suæ, peruenerunt ad Aluerniæ locum S. Francisci vulneribus venerabilem: indeq̃ue progressi ad Vallem Vmbrosam, quam appellāt, hospitio comiter excepti sunt

in sacrâ Camaldulensium Eremo. Hîc Robertus ita demeruit sibi animos Religiosorum omnium, vt quem feliciter de piis rebus subita expedire viderant, optauerint eundem præuisa & meditata adferre : & ea res consilium dedit, attinendi eos ad triduum vsque. Robertus recusauit diu, iuuenis ipse, coram viris non minùs à virtute quàm ab ætate venerandis verba facere : sed auctoritas illius, qui Ordini supremus præerat, & preces ceterorum peruicere modestiam eius. Dixit, & is orationis ardor, eaquæ fuit emicans toto ex ore pietas, vt facilè appareret, quidquid diceretur, id ex incenso pectore proficisci. Hinc, perinde ac tyrones ipsi veteranum audirent, obstupescere ad eius voces : plerisque etiam manare gaudio lacrymæ ; adeò vt ipsum quoque confunderent dicentem. Neque iudiciis tantùm his, quanto assensu audissent verba eius, ostenderunt ; sed veneratione etiam, vt ruerent aliqui manus illius exosculaturi. Interim ipse sumere ab aliis documenta demissionis ; pendere se minimi ; & existimare, si quid recti expromeret, id non suum, sed acceptum ab ore loquentis Dei. Cùm hoc iter faustum adeò fuerit ; quando ad Montem Regalem iuit, longè aliis tentamentis ipsius probata virtus fuit.

Referam ea, desumpta ex autographo eius:

nam

nam in Epistolâ ad Polancum, de quâ superius, se in Ericis portu, ait, dum ibi, Genuam soluturus, exasperato fluctibus mari, expectaret occasionem auræ, denuò in rei nummaria ultimarum penuriam redactum esse; neque ullâ fraude, sed tantum, quia ad sex non amplius dies viatico, non exceptis maris calibus, instructus fuerat: sed & denuò expertum se Dei providentiam. Siquidem cum hæreret solitariè in alieno solo, ignotus omnibus; in tabernam ingressus quidam Hispanus Doctor, ubi aduertit è Societate ipsum esse, salutavit benignè; inuitavit, factusque ei comes, naue & viatico etiam iunxit, postquam, cadente iam vento, reliquum tempestatis exsævierat. Sic procurante ei Numine viaticum & comitem viæ, spes appulit Genuam: sed dum exinde terrâ in Montem Regalem proficisceretur, passus est incommoda duo. Vno in loco furti reus, à nescio quo habitus est; qui conquestus, quod sibi crumenam surripuisset, coepit ei explorare manus, excutere pallium ac tunicas, denique tentare odiosè atque importunè omnia. In altero vxor cauponis cuiusdam, ad quem diuerterat (incertum fraus sermoni & rei adesset, an similitudine hominis caperetur) dum ipse, sedatâ lassitudine, pergere meditatur, muliebriter indignabunda & clamitans affirmare coepit, ipsum esse maritum

trans-

transfugam, qui, nullâ fide connubij, thor-
rum filiæ deseruisset; idque ei exprobrando
sæpius, conata est inducere, vt ibi cum vxore
& socru maneret. Sanè, quia euentum hoc
geminum, alienum adeò à moribus suis,
tamquam discrimen animæ corporisq̃ue, de-
narravit sæpius; credibile est, machinam ali-
quam grauem admotam castissimi iuuenis
honestati; quod de Bernardo, Thomâ Aquina-
te, aliisq̃ue legitur; quò eis redderetur, non
doctrinæ magis quàm virtutis imitatione si-
millimus. Tamen si verò Deus præstò inno-
centi fuerit, deliberauit, si vñquam alicuius
domicilij Societatis gubernaculo præficere-
tur, haud permissurum se, vt soli iter face-
rent nostri Ordinis Religiosi, præsertim iu-
uenes; quæcumque demum expensæ pro co-
mite requirerentur.

Dum in Monte Regali, rerum suarum &
studiorum incogitans, ministerio docendi
concionandiq̃ue se totum impenderet; Fran-
ciscus Adornus Præpositus Prouincialis, qui
fortè illac transiuit, reputans, ingenium Ro-
berti materiam ingentis publicè priuatimq̃ue
decoris allaturum, si non ei differretur qua-
driennij spatium, præfinitum Sacræ Theolo-
giæ cognoscendæ; & futurum simul, vt dein
maiori cultu & auctoritate Ecclesiæ offi-
cio perfungeretur, Patauium eum misit an-

NO M. D. LXVII. Hic Magistrum domi
P. Carolum Pharaonem Siculum è Societa-
te, in primam Partem S. Thomæ, foris ad
Academiam F. Ambrosium Ordinis S. Do-
minici audiuit de Legibus differentem. Vfus
tamen his Professoribus non omnino felici-
ter; tum quia Religiosi Societatis Acade-
miam non diu frequentarunt, cum verò,
quia Professores iidem, in his quæ ambo do-
cuerant, haud ita consentiebant; cum diui-
nam prædestinationem repeteret alter ex
præiudiciis operibus, & P. Carolus, cum S. Au-
gustino, eam sponte à Deo existimaret, &
gratuitam esse, uti loquuntur in Scholasticâ
Theologiâ. Patauij quoque, ad dies festos,
Robertus antemeridianis pomeridianisque
horis, eam quam illò attulerat, concionan-
di præstantiam exercuit. Nec enim permi-
sere Præpositi eius, ut quod in ipso eximium
erat, id extingueretur vitâ obscurâ, & pri-
uatis domi studiis. Venetiis item feria v. Sexa-
gesimæ, inuehi contra licentiam dierum an-
tecineralium, eum audiuerè in confertissimo
auditorio Senatores aliquot; & concione di-
missâ, ad manus eius contulerunt sese oscu-
labundi, usque adeò dicentem venerari fue-
rant. Interea temporis Genuæ indicta Pro-
uinciæ totius comitia fuerunt: quæ quia tum
disputationibus publicis concionibusq; cele-
brari

brari solerent, Robertum acciri placuit, qui in Æde Urbis maximâ Theses de re omni, de quâ inter disciplinarum auditoria possit ingeniorum esse concertatio, biduum integrum defendit. Promuebantur quæstiones potissimum ex libris Rhetoricorû, Logicæ, Physicæ, & Metaphysicæ Aristotelis; atque ex Partibus Theologiæ D. Thomæ. De quibus disseruit quidem cum Præside: sed audiebatur admiratione pari, eidentibus rationibus & appositis similitudinibus illustrans omnia; & ratiocinationes contrarias, sæpè difficiles, occultique nexus, dissoluens responsis, quæ à Præceptoribus non didicerat. Id verò causæ fuit, ut cum nata esset dissimilitudo opinionum inter ipsum & P. Carolum qui ei præsidebat, Præpositus Prouincialis Præsidem commonefecerit; sileret interim, permetteretque Roberto, ut responsione, quâ mallet, argumenti vim dilueret. Denique ubi finem inuenit disputatio, è cathedrâ sapientiæ migrans in locum virtutis, ad confertam illam omnium ordinum multitudinem pro suggesto verba fecit, adhortatusque est, ut ad sese, atque ad mores quisque suos euaderet attentior: pro quâ re magnam partem retulit Homiliæ S. Basilij super antiquum dictum, *Attende tibi.*

CAPVT III.

Mittitur Louanium, Latine concionaturus ad Belgas: Theologiam ibidem docet.

COLlegerat tantum opinionis & famæ his exemplis ingenij variis, vt apud omnes breuî in admirationem euaserit; & ei famam addebat etiam, quia quod in eo eximium naturalis vigoris erat, hoc adhuc magis modestia & probi mores commendabant. Rumor de Viro proinde, cùm in Vrbe cresceret, cum Præpositi Societatis Louanium destinârunt, vt studia Theologiæ vsque ad finem audiret, ac simul Latine concionaretur. Mandatum hoc Patauij Rector à Francisco Borgia accepit, qui ex Hispano Dynastâ, & Gandiensi Duce in nostrum Ordinem transfessus, Societati vniuersæ tertius ab IGNATIO præerat, & qui anno superiore ab VRBANO VIII. Pont. Maximo Beati appellatione auctus, aris & sacrificiis illatus est; futurus vtique posteris documentum, etiam Principibus viris gloriæ tribui sanctitatem. Rector ægrè patiebatur iacturam iuuenis, qui ita geminere visus erat, & ex quo utilitas magna oboriebatur in prælectionibus piis, quas habebat in Templo festis diebus, non mino-

re plausu quàm fructu, super Psalmum, *Qui habitat.* Quare certum habuit tentare omnia, ne ipsum dimitteret. Hiems erat, & iuveni naturæ vis imbecillior. Ergo Medicorum super eâ re consilia primò audit; post Præposito Generali, Medicis persuasionem esse scribit, certo periculo valetudinis cum Roberto agi, si alienissimo anni tempore daret se in viam, præsertim in Alpium iugis, ubi niuib. & tristi gelu omnia inhorrescerent. Addidit rationes alias, quas suggerebat proprii Collegij bonum; postremò Academiæ totius deprecatur orbitatem. Litteræ redditæ, tametsi vehementiores, haud potuere consilium immutare altioris providentiæ, quâ Deus Robertum in Septentrionem depositis Ecclesiæ partibus salutis futurum adducere disposuerat; quod in iis regionibus, in quibus Hæresis virus suum effuderat, tamquam Medicus adesset, inspecturus utique vulnera, eisquæ dein scriptis suis meditatae curas adhibiturus. Ipse interim, ubi primùm conscius factus est eius deliberationis, non in querimonias solui, quod tantum esset aditurus iter; sed ad incommoda laboresquæ adeò illi superfuit animus, ut de Rectoris responso certior, statim, quoniam cuperet cursum obedientiæ nullatenus præpediri, litteris ad Præpositum Generalem datis, rogauerit;

E

quod

quò ipse ne spectatâ quidem hebetudine virium suarum decerneret , quod luberet , & quod diuinæ gloriæ magis obsequeretur. Imò nec tum se quidquam aliud morari, nisi quòd dimissionis epistolam non accepisset . Ceterùm si obedientiæ voluntas ea foret , etiam dum sæuit brumæ tempus , & niuium rigor, se confestim vel per iuncta cælo Alpium iuga transiturum; & ne multis, occasiones obtemperandi præcipere se malle , quàm expectare . Grata in Vrbe fuit ea oblatio ad aram obedientiæ; nec erat ex Patribus, qui non intelligeret, quàm à priuatis rationibus procul esset is, qui præsens commodum & adulantem famam ne aspiceret quidem , sed sequeretur properè Deum. Quare epistola Rectoris expeditionem distulit, non discussit : nam, re communiter deliberatâ , tantùm hoc Patres cauerunt , vt Robertus (ne valetudinis discrimen adiret) Patauij expectaret , dum vis anni prægelidi remitteret, & clausæ hieme Alpes aperirentur. Pòst igitur mitesciente hieme, Româ monuère , vt Louanium proficeretur cum P. Iacobo Belgâ, qui Mediolanum erat. Et veris quidem temperies idonea itineri, viæ asperitatem aut leniuerat aut submouerat omnem : non ei tamen ideò securitas fuit; nam erant infestæ cædibus & latrociniiis viæ, propter transitum legionum , quæ

ex Germaniâ à Principe Manfredoniæ in Gallias traducebantur, in quas Robertus necessariò incurrere debuisset. Nihilominùs difficultates atque discrimina contemnens ab animi fiduciâ in Deum, cuncta quæ moram facerent, abruptit, vt dictâ profectiõni die paratus inueniretur. Antequam migraret tamen, reputans quàm multa possent accidere improspera, iecit orationis anchoram, & in genua prouolutus ante aram; *En ego, inquit, duce te, Deus, iter ingredior, & te vocantem sequor. Esto: discrimine vario possim opprimi; sed animum induxi periculo me nulli subtrahere, certus cuncta te disponente agi. Imò ex penitis sensibus cordis mei vitam hanc, & si quid est in me reliqui, tibi deuoueo. Tu de eâ tuo arbitratu disponas: cùm nihil meorum iam sit meum; sed, sicut tuus viuens sum, ita velim tuus mori. Vita ipsa me non delectat, nisi vt seruiat tibi animus meus, qui finis es & terminus spei meæ.*

Et verò iuuenis pius locum, quem votis occupauerat, non priùs deseruit, quàm receperit, ex Dei quasi rescripto, consolatorias animæ, arrhamque futurorum. Siquidem fiducia plenus, iter arripuit: & Mediolani P. Iacobum Belgam, comitesque alios quatuor honestissimos reperit, ex Hiberniâ vnum, & ex Britanniâ reliquos; interque eos Guliel-

mum Alanum, toti Europæ notissimum virum, ob claritudinem purpuræ, quâ fuit ornatus: sed magis ob splendorem virtutis, cuius haud famam habuit sine merito, molitus ardua pro salute Patriæ, ac dignus qui in eâ Religioni cadenti columna substitueretur. In hoc comitatu Robertus multò maximam partem itineris confecit, & securus vbique, regente latus eius Numine, Louanium, anno Sal. M. D. LXIX. valetudine integrâ peruenit.

In hac Ciuitate Apostolico muneri fecit initium, festo die S. Iacobi Apostoli; & res noua visa est pro suggestu concionabundum aspicere iuuenem, nondum Ordinibus sacris instructum: quod celari non poterat, cum consuetudo ibidem ferat, vt sacri Concionatores è superiore loco dicant cum Sacerdotali stolâ collo circumducta. Hac verò ipse inornari prohibebatur; quia Sacerdotum illa gestamen est. Sed scripsere Patres Generali Præposito, quòd ei ad Sacros Ordines aditus permitteretur; tum vt consuetudo ea decens vsurpari posset, cum verò vt esset in ipso dicente auctoritas maior. Euoluti sunt menses aliquot, priusquam res decerni posset; moramque fecit: quoniam eâ tempestate Sacerdotes omnes in Societate ad vota Religionis professionis adigebantur, ex diplomate

P I I V. quod diploma postmodum, flagitante Societate vniuersâ, GREGORIUS XIII. cùm ipsius instituto ac legibus minimè congrueret, abrogauit. Potestas accepta est nihilominus tempestiuè, cùm instaret triduum ieiunij-vernì, inter solemnìa Cineràlium. Sed primo è sacris Ordinibus, initiari etiam ipse eâ conditione debuit, vt vota nuncuparet professionis tria; tempore dein apto, quartum additurus. Erat tum Louanij Episcopus nullus; ideò Leodium contulit se, vt in tri-duo illo ieiuniorum Tonsuram primam, minores Ordines quatuor, & Subdiaconatum acciperet.

Pòst Gandauum proficiscens, ibi ab Episcopo Cornelio Iansenio Scriptore percelebrì Diaconus, sabbato *Sitientes* quod appellant, deinde Sacerdos pridie celebritatis Christi Resurgentis inauguratus est. Indidem Louanium regressus, die Dominicâ quæ *in Albis* nominatur, accinctus habitu pomparum, arisq̃ue operans, inter compositos modos, mouens etiam ipse plectra oris & cordis, rem diuinam decantauit. Et cùm ad sacras hâs primitias offerendas Deo se miris modis adornasset; credi vix potest, gratiarum celestium quàm ingens modus tum in eius animam descenderit. Auctus Robertus itaque honore Sacerdotali, sensit stimulos noui gradus;

dus ; & iam acriùs perperlebatur , vt Deo adhereret adhuc arctiori nexu , & vt , sortitus non vni sibi vacantem animam , cunctis magis prodesse niteretur.

Auctoritate maiori continuans itaque ministeria diuinæ vocis , pro Æde S. Michaëlis à populo adeò frequenti audiebatur ; vt permixta omnium ætatum ordinumque multitudo , dum egrediebatur , effusa per duas magnas plateas , totum earum spatium repleret.

Incurrit aliquando in virum grauem , qui miscere sermones in viâ cum ignoto cœpit : quia Concionatorem è suggestu æstimauerat staturæ grandiusculæ , quâ appareret ex æquo loco ; & dissipatus erat in vrbe rumor , Concionatorem missum ex Italiâ , non doctrinâ modò & eloquentiâ , sed & corporis mole magnum esse. Is ergo de Concionatore serere multa : & recensere primò , quæ memorarent in laudem eius certatim omnes , & quæ persuasio de illo penes Academiam , quæ penes vulgus esset : commendare pietatem in eo & orationis vim , quippe animam dicendi. Tum de conditione studiorum eius ; qui vir esset , quod genus , quæ patria , rogare. Robertus responsis ad modestiam compositis homini vtcumque satisfecit : nam ignotus adæquè atque inuitus intererat famæ suæ. Sic dum ambo sedatè iter ducerent , alter reputans,

putans, ægrè se habiturum in concione frequentissimâ locum, si adedè lentè progrediretur, comitem post se relinquere statuit. Cui dū valediceret, adhortatio erat, adderet gradum; maturato opus esse, vt in concione locum haberet. Tum ei Robertus leniter: Faustè abeas; deesse mihi haud poterit locus meus.

Pro suggestu, tametsi impetu illo, quo Spiritus sanctus dabat eloqui, fereret ea, quæ vulgi exciperet intelligentia simul & admiratio; non proptereà ex populi aut numero aut plausu lætabatur: sed ex eo quòd audiret voces suas animis magis quàm auribus admitti; & fructum afferre, quem expetunt, qui non seipsos prædicant, sed Christum Crucifixum. Triumphabat nimirum, reputans conciones suas à plerisque non fatuam commendationem, aut steriles plausus, sed referre suspiria, gemitus, & anteaactæ vitæ detestationem.

Huius rei fecere fidem confessiones frequentes multorum. Plurimi enim sic audiuerè admoventem animis orationis lumina, vt per hæc agnouerint conscientiæ suæ inueterata vulnera, & pro eis curandis illicò Medicos animæ consuluerint. Contigit hoc præcipuè, cùm de vitæ nostræ communi exitu diceret, in anniuersario die omnium Defunctorum. Similis ei voluptas, dum hæretici in

gratiam cum Ecclesiâ Catholicâ redibant; ut factum est in primis octauâ die Corporis Domini; adeò claris & confertis Diuinorum librorum atque sanctorum Patrum testimoniis ostendit, Christum esse nobis verè præsentem, inter species illas, quibus panis materiati substantia tegebatur.

Frater Andreas VVissle Eques Ierosolymitanus, & Magnus Prior Britannia, testatur auditum à se Louanij Bellarminum in Auditorum maiore frequentia, quàm pro Ædis, in quâ diceret, laxitate. Quin & ex publicâ famâ refert, Hæreticos è Batauorum finibus, & ex Britannia, ad audiendum eum solitos confluere; ex quibus multi conceptum virus reuomuerunt. Hæ conciones verò editæ in lucem fuerunt ab illis, qui eorum exempla diu apud se custodierant. Legi quippe in epistolis variis, in quibus de ipsis fit mentio, non actuarios modò pugillaribus & palimpsestis verba dicentis subsecutos in Templo esse; sed Bellarmino ipsi necessarium fuisse, eas, ita ut erant exarata, multis deletis, inductis, ac superscriptis, mittere ad Monachos Parcenses Ordinis S. Norberti. Qui exscriptas eas ab exemplari legebant in communi triclinio ad epulum animæ, ne fraudarentur fructu adeò magno; quandoquidem horis concioni datis, in Odeo ipsi canticis sacris distinebantur.

Conti-

Continuauit in Ecclesiastæ munere sexennium, custoditus perbenè à Patribus Belgij, ne, quia propter eius famam expetebatur, postulabaturque Lutetiæ Parisiorum in Galliis, & in Italiâ Mediolani à Sancto Carolo Borromæo, carere deberent dulci possessione viri vsque eò eminentis, quâ sapientum in exedris, quâ in sede sacrâ cælestium eloquiorum. Atque hic exitus concionum est; ob quas ita Louanium missus fuit, vt deberet simul sacræ Theologiæ partem doceri: quam & didicit celeritate mirabili; annum dumtaxat ei priuatim indulgens, publicè morum Magister.

Sed vti rarè summa ingenia diu latent, breuî agnouere Patres, ingenio præstanti superuacaneam esse operam docentis. Quare inuitarunt potiùs, vt doceret ipse alios Doctrinam sacram, etiamsi quæstiones non ita multas, hoc est ex Primâ tantùm Tertiâque Parte S. Thomæ audiuisset. Postulatio quæ alium, ingenio quamuis præcellentem, terrere potuisset, Bellarminum non expauescit; siue quia didicerat exemplis variis, quid labor, quid assiduitas possit; siue quia turpe & alienum duceret, non obsequi dicto citius imperanti; siue demum quia ad id se perpel- li, quodam interiori motu animi, cuius haud dubiè Deus auctor erat, experiretur. Doctri-

nam igitur de Deo orsus est profiteri anno M. D. LXX. mense Octobri propè à Kalendaris: primusque è Societate fuit, qui initijs prosperrimis in eâ Ciuitate sapientiam summam docuerit. Vt meritò Academia illa, se Bellarmini doctrinæ ac nomini honorem contulisse, & accepisse vicissim, gloriatur. Instabat itaque nouus labor, nihil remiserat prior; & sic ipse simul conciones habuit, simul Theologiam docuit: vt ex septennio, quo vixit Louanij, annum primum solis concionibus, solis prælectionibus Theologicis annum vltimum dederit; complexus quihque intermediis munus vtrumque, tam dicendi, quàm docendi. Tractationes ex Primâ Parte illustrauit biennio: vno anno eas quæ in Primâ Secundæ; & quæ in alterâ Secundæ rursus biennio: anno vltimo inchoauit, non absoluit Quæstiones primas Partis Tertix. In hoc verò anno, quia tot laboribus fractæ attenuari eius vires ita cœperunt, vt vita sensim ei destrui videretur, tametsi animum inuictum curæ tot non obruerent, leuatus est munere concionandi. Rumor, quem excitauerat in tradendâ Theologiâ, auditus est adeò latè, vt ferè fidem excedat. Octavius Bandinus Cardinalis refert, cùm iturus adolescens in Gallias studiorum causâ esset, se à Cardinali Commendonio monitum,

tum, Louanium iret potiùs, vt Bellarminum, Theologiam illic profitentem opinione secundissimâ, audiret. Et eâ famâ sunt euocati plurimi è diuersis partibus, tum Catholici, tum Hæretici. Ex hac verò ingenij laude, & quia vir erat modestiâ etiam quàm doctrinâ insignior, in Academiâ occupauit honores primos: cum quâ nec vlla fouit opinionum dissidia, sed habitus est semper ab omnibus Magister.

Hoc tempore ratus, haud prodesse parum ad Scripturæ sacræ cognitionem posse, si studeret Hebræis litteris; in eam curam se coniecit, institutus per initia ab Ioanne Harlemio Societatis Religioso, qui & peritissimus eius linguæ, & Bellarmino erat probitate simillimus. Pòst regens ipse se in ea studia absque vllius adiumentis, breuî adeò profecit, vt potuerit linguæ eiusdem tradere præcepta, multò sanè faciliora, quàm ante eum diem ylli tradidissent: eaque typis edita, sunt trita iam manibus addiscentium. Interim ornatus eâ peritiâ, euasit vnus è numero illorum, quos Antistites habet Diuina Sapiencia; & nihil habuit tam proprium, quàm vt inuitaret alios, quò eadem & ipsi sectarentur.

Nonnullis verò existimantibus, operam esse laboris molesti discere & pronuntiare
voces

voces asperas atque anhelas, paratum se instruere quemlibet promisit, intra dies non ampliùs octo; & ad tantam notitiam perducere, vt posset per se, tantùm adhibito codice vocabulorum, eius linguæ Scriptores intelligere. Neque absuit promissis fides: vt etiam hinc deprehendi queat, non à vero distare, quod de Blesillâ scribit S. Hieronymus; Hebræorum sermonem, non mensibus, sed diebus paucis eam didicisse. Ergo vbi timidiores quosque animauerat, cœpit, per Imaginem Academiæ, in linguâ Græcâ & Hebraicâ plurimos exercere; vt Auditores, quos erudiebat, possent Diuinam Sapientiam ex fontibus ipsis in posterum haurire.

Necessitas docendi, quæ à nemine didicerat, & vis ingenij acerrima; memoria insuper tenax, ac ferè perpetua; continuatio demum diutina studiorum, causæ fuere profectus huius admirandi. Et verò fit quoque credibile, profectum eundem, ac tantùm doctrinæ lumen in eo donum fuisse, descendens à Patre luminum; iuxta dictum illud sacrum: *Siquis indiget scientiâ, postulet à Deo, qui dat omnibus affluenter.* Sanè cùm humanæ mentis ea sit imbecillitas, vt ad plura eodẽ tempore vix, aut ægrè sufficiat; haud satis mirari possumus, quo pacto inten-

tus assiduè animus in tot munia, docendi, concionandiq̃ue, & confitentes audiendi, hæc obire singula potuerit perinde, quasi numquam libatis viribus ad eadem accederet: legere insuper Patres omnes, ac partem maiorem Auctorum, qui de sacrâ doctrinâ scripserunt: euoluere volumina Conciliorum, vel qui summatim ea referunt; molem etiam Pontificij Iuris, & quæ in Ecclesiasticis historiis traduntur: idq̃ue septennio, quo apud Belgas fuit: quorum tamen Auctorum numerum si quis cum totius vitæ annis conferat, ætatem vltra putet. Neque modò accuratè legit; sed & profundè penetrauit, deditq̃ue de omnibus iudicium certum: quod apparet ex libro de Scriptoribus Ecclesiasticis, in quo censentur Auctores circiter cccc. Tamet si verò aliunde colligi posset, librum eundem ab eo septennio natum esse; veritas huius rei adhuc peti ab his potest, quæ Bellarminus in præludio Catalogi narrat his verbis:

Ante annos circiter quadraginta, cùm me ad sacram Theologiam in scholis explicandam compararem, in lectionem veterum Scriptorum non indiligenter incubui: tum vt eorum doctrinam haurirem; tum vt legitima & vera eorum opera à falsis & supposititiis separarem. Itaque scripsi libellum de Scriptoribus Ecclesiasti-

*siafticis; additâ censurâ, quâ notabam, quæ illo-
rum opera essent certa, quæ dubia, quæ mani-
festè supposititia. Hic meus liber, me partim
nesciente, partim etiam nolente & prohibente,
ad manus multorum deuenit. Quare, ne fortè
post obitum meum in lucem edatur imperfectus
& mutilus, ut solent eiusmodi libri frequenter
emitti, eum in hac meâ ultimâ atate recognoui,
expoliui, & auxi, atque in lucem dare constitui,
ut vel communi utilitati deseruiat, vel saltem
inemendatus & imperfectus neminem offen-
dat. Hinc accommodari meritò iuueni Bel-
larmino elogium illud potest, in quo de san-
cto Hieronymo iam sene S. Augustinus: Hie-
ronymus, inquit, Græco & Latino, insuper &
Hebræo eruditus sermone: hîc omnes, vel penè
omnes, qui ante illum ex utraque parte Orbis
de doctrinâ Ecclesiasticâ scripserunt, legit. Ut
gausisus propterea sîm hoc idem sentire de eo
Desiderium Cardinalem Scagliam: siqui-
dem & ipse, Bellarminus, inquit, de re quauis
datâ promere tam expeditè solet, quæ Auctores
aliij de eâ scripserunt, ut laude conuenientissi-
mâ dici possit, omnes penè Scriptores legisse;
sicut de S. Hieronymo diuus Augustinus, & de
diuo Thomâ Aquinate aliij narrarunt. Ita
tum ex variis quasi elementis congregauit
materiam, vnde extrui ad admirationem
opus Controuerfiarum posset; hoc est, Pro-
pugna-*

pugnaculum & Turris Daud , ex quâ mille clypei pendent, & omnis armatura fortium, vt Ierusalem nostra aduersus oppugnationes hostium defensa sit : quemadmodum interpretatus est Cæsar Cardinalis Baronius, in Annalibus Ecclesiasticis , ad annum Salutis LXXXIII.

CAPVT IV.

Virtutis opinio, quâ in Belgio vixit; ac eius in Italiam reditus.

Obséquens erat Robertus aliorum beneficio, sui & rerum suarum oblitus; cùm Præpositi Societatis , quorum interest subditorum æstimare virtutes, monuêre, vt Religiosam Professionem quatuor votorum emitteret: id quod effecit, octauâ die à celebritate SS. Apostolorum Petri & Pauli, anno M. D. LXXII. Ergo, quia Societas homines non nisi virtute eximios in ordinem Professorum deligere solet; sicut Bellarminum dixi Louanij venerationi habitum ob ingenij & eruditionis famam, ita iam aliqua subdam de eius alterâ laude, quam à virtute promeruit. Si enim spectes, quantum in eâ profecerit; videbitur spatium cogitandi de studio eruditionis non habuisse: cùm tamen, si eum consideres præcellentem in sapientia

pietatis rebus, nihil aliud videatur, aut egisse, aut agere potuisse. Ab hac parte talis habitus est, ad cuius velut vnici exemplaris mores se ceteri formarent: aded numquam vestigium extra viam virtutis ponere videbatur. Præmarium studium eius, dum aliis traderet Doctrinam sacram, erat cordis custodia; ne forte animo innasceretur tinea sapientiae, nempe opinio sui, quæ pietatem detereret paulatim. Id verò est assecutus tam pulchrè, vt obstupescerent cuncti, tantam esse concordiam in eo prudentiae summæ, & ferè puerilis innocentiae. Ita se dicto audientem præbebat, ac si prudentiam penitus exuisset. Virtus interim imperata exequentis, veluti pabulo nutrita crescebat. Consilium operis cuiusque faciendi à Deo petebatur, qui & inspector illius erat: eiq; vni si placuisset, credebatur fore prorsus, vt tū omnibus placeret. Ad eum finem concinnaauerat sibi modū quemdam breuem, iuxta quem exerceretur; qui inuentus inter eius pugillares, hæc habet:

Reputes, inquit, frequenter hæc tria: Primum, à Deo quid velis; Secundum, à te Deus quid velit; Tertium, quæ res impediant, ne hæc demum exequi studeas.

Deinde scopum addit, in quem debeant vires animæ collineare. *Exerceberis, inquit, hoc ordine: 1. meditaberis, & conicies te in nihilum*

hilum tui; quia non es veriùs, quàm es. II. constitues perfectè te exheredem tui. III. Numini offeres te. IV. dedes te eidem Numini donum. V. dedicabis te consecrabisq; victimam, & sacrificium.

Postremò descendens ad leges quotidiani moris vitæ suæ, alia hæc subdit: *Cùm experrectus lucem primam videris, subeat animum cogitatio, te in vitâ hac peregrinari. Ideò nihil curandum, quàm ut itineribus tuis directè ad Deum abeas: talia verò meditans orabis, exoneret te Deus tuimet sarcinâ gravi; ut vacuo liberoq; ad eius voluntatem animo properes.*

In meditatione & in re diuinâ hoc age, ut cum Deo vnum sis, & quàm minimi pendas, si fortè in sensu animæ non sit voluptas vlla.

Non sit prolixior ad eam apparatus, sed sit contentione plurimus: æstimes verò, non ipsum te illum esse, qui celebrat; sed Deum, quem induis, & cuius, tametsi non pro mensurâ, personam imples.

Cùm ante tribunal mentis conscientiam excuties, multus eris in charitate erga Deum, & in noxarum disquisitione brevis; quam nil opus esse nimiam; ac post mergêris in rubro mari Sanguinis Christi.

Dum te induis, aut nutris, dum res procreatas alias usurpas, præsentia vrgeat te Numinis: cui specula vnde videt, sunt ea quæ sunt; sem-

per enim intra nos adest, extra nos numquam abest. Horis, quæ veniam laborum ferent, meditare hilaris atque affabilis esse, & cura, ut vis intentioq; animæ remittat ad obsequium Dei: eiusdemq; illustrationes celare memineris perinde, atque si ab illis obscurus esse. Noctu, quando cubitum ibis, cogites modum, quo super Crucem Christus Dominus membra reclinavit propter nos; & cures, ut te somnus occupet stratum super eius pectoris sanctissimum Vulnus.

Negotia demum ne perperam agas, ea incipies cum fiduciâ magnâ, & mente in calum sublatâ probabis eadem prius ad lumen Dei.

Atque hæc pars aliqua est descriptionis, quam sibi proposuerat pro ædificio animæ extruendo erigendoque: pro quo ei lenem ascensum res omnes aspectabiles ad ipsarum Auctorem dabant, & is torrente voluptatis ipsum irrigabat, atque impetu dulci fluminis lætificantis. Consolationes has, ut erat ab ingenio pius, velare nitebatur: sed obscurabat illas, non occultabat; quippe cum eas unusquisque agnosceret ex luce illâ exempli, quâ emicabat. Sed & Deus etiam opinionem eamdem de ipso interim confirmavit.

Erat in Louanienfi Collegio, dum ibi Robertus viueret, è Societate vnus, cui ab annis multis in crure vlcus ac tabes. Medici & Chirurghi tentauerant artis adiumenta omnia,
vulnus

vulnus non curauerant. Æger proinde anxius animi, ac videns humanam curam morbi pertinaciâ superari, reputare intra se, num vir suppeteret aliquis factus ad cor Dei, cuius impetratione sibi ad salutem aditus panderetur: & dum hoc secum agitat meditabundus, Bellarminus deprecator apud Deum efficax & gratus visus est; iniectaqué spes, fore ut conualesceret statim, si post sacram exomologesim, etiam Synaxi ab eo reficeretur. Non fuit fides irrita: Rector annuit; ille ad Roberti aures conscientię secreta deponit, atque eius manu sanctissimam Eucharistiam sumit: & ecce redit in tibiam sanitas; attonito Chirurgo, dum biduo triduove regi vulnus aspicit viuâ & natiuâ cute, nullo memori indicio relicto morbi tam diuturni.

Dum in Septemtrione hoc ipso tempore à Sapientiâ diuinâ Dux tam egregius absoluebatur, ut sub eius obtentu nominis vindex ille Ecclesię ac Fidei Romanę animus aperiretur tempore suo; varias in eis partibus dæmon excitauit turbas. Damnauerat PIVS V. Pontifex aliquot pronútiata Michaëlis Baij, viri cetera eruditi, ac primę litteraturę; quę tametsi censura Apostolica in perpetuum aboleuerat, adhuc à nonnullis contemptim omnia eludentibus probabantur, asserebanturque. Veneno, quod accipiebatur incautè,

& perniciosè inficiebat, remedium excogitavit Bellarminus, quàm potuit, præsentissimum. Ne serperet latius contagio, apud se statuit; si contra Baium apertè congregeretur, fore, ut qui sectæ eius adhærescerent, Te hostis loco haberent, auerterentque à medicamento animum; ex quo non subsequeretur sanitas. Igitur modum optimum sanandi eos, qui nec errores suos nec remedia ferrent, existimavit fore, si hominis commenta argumentis rationibusque conuelleret, ita circumspiciens dicta sua, ut à nòmine Auctoris abstineret: quia hoc præcipuè posse eorum exasperari animos, sentiebat: scriberet verò perinde, ac si prodissent ea, siue olim, siue recens ab Hæreticis. Ita salubri consilio speciem aduersarij celans, simul hostibus securitatem, erroribus interitum, veritati triumphum dedit.

Sed cum frangere viribus ingenij eam vim potuerit; non ita sedare potuit impetum belli, atque armorum. Euenere anno ipso, quo se religiosâ Professione Deo mancipauerat, defectiones Urbium aliquot Belgicarum à Philippo Rege eius nominis II. & fama erat, Principem Aurasij suam instructissimam aciem in eas partes effusurum, ut Louanium vi occuparet. Quæ Ciuitas (quia nihil satis præparati habebat ad vim aut obsidionem

tolc-

tolerandam) parum tuta videbatur. Disiectis itaque metu animis, timorem augebat, quòd Hæretici Calviniani, quorum erat ingens colluies in exercitu Principis, cùm sæuitiâ pro virtute vterentur aduersus omnes Catholicos, adhuc contra Ecclesiasticos viros furerent immaniùs. Hinc Religiosi Ordines deliberarunt Louanium deserere; dum iam ibi præfidiis dispositis, omnia castris, quàm vrbi similia viderentur. Consilium laudabatur etiam proptereâ, quòd hi ad militiæ munia inepti, nec urbem tueri, & numero nocere rei frumentariæ potuissent. Dum ea disponuntur, fama nuntiat hostem adesse propiùs, quàm timeretur, & esse ferè in conspectu territæ Ciuîtatis. Proinde Collegij Rector, æstimans optimum factu, si nostri quoque tempori cederent, seque impendenti periculo eximerent; mandat vestem omnes mutent, & capillum refecent: quò facta criminibus æqualitas spatium in medio non relinqueret coronæ Sacerdotalis, ex quâ Ecclesiastici esse deprehenderentur. Pòst nummorum eis aliquid distribuens, binos ac binos dimisit, vt in loca tuta commigrarent.

Hic Bellarmino frequens occasio fuit vetera iterandi proposita, confugiendi quæ sub alas Diuini patrociniij. Duacum pedes cum socio, vitabundus iram hostium, profectus

est, viribus destitutus, & animi anxius; cum incurreret in oculos ubique mors. Verum nequibat inter hæc extrema perire, qui posuerat Deum adiutorem suum; quantumvis videretur rebus ultimò deploratis. Dum pergunt ambo, Robertus itineris continuati labore delassatus, & vix sufferens anhelitum, colore mutato, propè linqui animo cœpit; ex quo vnà cum comite hæsit aliquantulum stratus in viâ regiâ; quæ res haud periculo aberat. Ibi cum fortè oculos tolleret, situm se animaduertit sub Reorum patibulo, quod passim publicis viis ad facinorosorum terrorem aut pœnam statuitur. Tum verò visa sunt parata omnia, & si hostes ingruerent, suppetere instrumenta Martyrij. Quare bono, inquit, animò simus; nam, vt interpretor, suspendium hoc ceruicibus nostris vacat. Interim cursu incitato, & fugæ magis quàm itineris modo, Rheda veniebat; subsidium de Cælo, vt Roberto in necessitate illâ subueniretur. Qui vehabantur, vitabant etiam ipsi Principem Aurasij, communem hostem, quippe aduersæ factionis, quamquam hæretici essent. Ergo cum ad locum deuenere, vbi Robertus fessus procubuerat, consistunt, de quæ eius defectione rogant. Rhedarius erat Catholicus, & probus, hæreticisquæ infensus; atque vt prius consueue-

rat quotidie rei diuinæ interesse semel, tunc ad detestationem hæresium decreuerat bis eidem interuenire; Sacerdotibus verò prodesse pro suâ inopiâ, quandoquidem in eos omnis crudelitatis exemplum ederent hostes. Vt cognouit itaque, eum, quem ita motus & vires destituerant, Sacerdotem esse, tametsi vulgi veste amiciretur; obuénisse occasionem ratus, quam optauerat, haud passus est in campis obnoxiam hostibus ducere animam: sed in Rhedâ locum, vbi assideret, concessit spontè, ac per amoris officia omnia, ad tuta deuexit: & sic Robertus Duacum venit. In quâ Ciuitate etsi pestilentiam offendit, commune malum; haud permisit Deus, eum inquinari contagio: mansit verò donec impetus ille hostium, obortus repentè, veluti turbo caderet; posteaque ad labores pristinos remigravit:

Id à Cardinali Bellarmino cùm inter priuata colloquia Cardinalis Crescentius audiuiſſet, tanti æstimauit, vt ad vitæ eius venerationem addito iureiurando plura testificans, in fine habeat: *Fuit miraculo prouidentia à morte seruatus, sed non fraudatus gloriâ Martyrj, cuius occasionem animo tam alacri arripere non dubitauerat.*

Tandem, etsi Louanij laboribus assiduus illud promeruerat, vt certatim à nostris do-

mi, foris ab externis, omni significatione honoris ac beneuolentiæ coleretur; tamen quia ita erat in deterius eius prolapsa sanitas, vt Medici renuntiarent, absque certo discrimine, haud posse ipsum ibi diutiùs morari; religio fuit ijs, qui Collegio præerant, pati iacturam hominis, ex quo in res communes utilitas tanta speraretur. Ad Generalem Præpositum ergo dedere litteras, vt ipse ægreſcentem reuocaret in Prouincias noti & familiaris cæli. Cum in Belgio itaque fuisset septem annos, prorsus vt initio prædixerat, ex domicilio, in quo tantum amoris opinionisq̃ue collegerat, reparandi causâ hebetes vires, à Maioribus suis Romam auocatus est. Sed famâ mansit tamen, manebitq̃ue perpetuò: & adhuc Louanij, in loco Sodalitatis omnium Sanctorum, cathedra eius, in tanti viri memoriâ custoditur.

Erat illi necessarium iter per Regionēs, in quibus, quia grassabatur Lutherana & Calviniana pestis, videri debuissent Religiosi viri habitus & Sacerdotale nomen odiosæ res. Ided̃ suasere Patres, vteretur communi habitu forensi, & cum viatorio ornatu, quo Laici solent, se itineri daret: nempe succinctus ferro, & fistulis bellicis ante ephippium equi suspensis.

Sic dissimilem virtuti suæ indutus habitum,

tum, urbem vix erat egressus, cùm comites habuit Hæreticos nescio quos, qui & ipsi, vt Italiam viserent, iter eò auspicabantur.

Hos (vt ingenium ei conciliandæ gratiæ, & promerendis animis, mirè efficax fuit) sermonibus variis, facilè in amorem sui admirationemque perduxit. Maluit verò ab eis appellatione Romulus nuncupari, nec falsò: ex tribus enim, quibus fuerat in Baptismate salutatus nominibus, vnum id erat. Illi consuetudinis dulcedine illecti, Romulum suum viæ Arbitrum ac Regem statuerunt: sed ipse hoc agebat industriâ magnâ, ne se Sacerdotem proderet; & parte ex aliâ vrgebat Diuini officij pensum. Hora cùm appeteret, stimulos equo subdebat, vt quantum poterat, effusis habenis anteiret; dictitans interim iocò, se itineris Regem præcurrere, vt securi de viâ comites redderentur. Ita dum lentius adequitarent alij, librum è condito thēcâ extrahebat; persoluebat tributa horaria Deo suo; ac post reductis habenis, comites veftatione lentâ opperiebatur. Excesserat his custoditus modis Alpium iuga, valetudine nihilo melior: ore ac membris adhuc in eum pallorem albentibus, vt facilè appareret, naturæ detractum esse omne quod roboris, quod floris erat. Secus, cùm incurrebant Italiæ colles campi que, & affueta oculis regio, & cælum

sub quo natus educatusque esset: tum enim exhilarari salubrius, atque in dies valere prosperius. Genuæ comites in meritoriâ domo reliquerat, excusatione vsus, quod deberet ad amicum diuertere: & sic ad Collegium venit, vbi à Francisco Adorno, Præposito Prouinciali Societatis I E S V, hospitali charitate exceptus, seponere tutò vestium omnem simulationem potuit.

Sequens cùm reluxit dies, dum aris ipse operaretur, Hæretici comites eius, per urbem, vti fit, spatiabantur. Ingressi fortè templum, vbi eum respexêre perlitantem aris habitu sacro, dixêre admirabundi, *Ergo heri noster Romulus profectò factus est Iesuita*. Reliquo in itinere monitus est, vt Mediolanum declinaret. Etenim, quia vt dixi, eius præstantiæ fama non Belgij se finibus tenuerat, sed Gallias quoque Italiamque yniuersam peruaserat; metuerant Patres, ne Carolus Borromæus Cardinalis, & Ciuitatis Antistes, penes se concionandi causâ ipsum attineret, sicut flagitauerat sæpè: quæ res indicium fuit opinionis magnæ, quâ sanctissimus & vigilantissimus Præsul Bellarminum prosequabatur. Politianum ergo ad patrium solum venit; non tam vt componeret res domesticas nescio quas, & vt solaretur suos id obnixius petentes, quàm vt corporis pridem affecti sanita-

tem

tem reuertentē in Patriâ confirmaret. Quod vnicum Medici credunt, aduersus inueteratas ægritudines, remedium esse. Intravit in Urbem expectatissimus; eoque gratior eius conspectus fuit, quod cū raras ab eo litteras domestici, ex quo excesserat finibus Italiæ, suscepissent, sæpè eū complorassent, tamquam ab odio Christianæ Religionis enectum insaniâ hæreticorum: vt est proiectus amor ad credendum æquè bona quæ sperat, & mala quæ metuit. Confluere tum affines, & amici omnes; reditum gratulari, & miscere sermonibus omnem beneuolentiæ modum. At ipse nihil flecti blanditiis interrim: sed tractare negotium animæ, & per omnia veram exhibere suis & ciuibus charitatem. Ab hac tantū charitate inuitatus, postea in Politianum rediit; vt cū ægra decumberet Hieronyma Bellarmina eius Amica, & Thomas Bellarminus Frater.

Quo tempore ipsi Hieronymæ, cū vis morbi eius ingrauesceret, aded vt actum de eâ Medici pronuntiarent, indicauit imminentem obitum, & in eo vitæ pōstremo actu (qui si decorus est, quidquid animus fecerit antea, delet & honestat) adhortatus est, vt in Cælum itura, muniret se sacris Ecclesiæ adiumentis. Dein perpetuò, dum expiraret, assedit; ac pro animâ etiam, vt placidè quie-

quiesceret, piacularibus sacris Deo pluries litavit.

Narratur quoque, vt Fratri prodesset, qui breuî conualuit, noctem totam fusus in preces perseuerasse, impetraturus, vt vis morbi remitteret; si hoc in Dei honorem, atque adeò in ipsiusmet Fratris bonum cederet. Et tametsi constet, ægrescenti curam omnem adhibitam; relinquitur locus piæ persuasioni, vt credatur, violentum morbum, efficaciam etiam supplicantis cœptum imminui. Nam nocte illâ cessauit febris vehementior; & tantum æstus noxij reliquæ in ægro superfuerunt.

Sed vt ad priora redeam, eo interuallo, quo, rediturus Romam, in Patriâ fuit, Sorores duas, quæ domi erant nobiles, rogauit ferid; expromerent liberè, vtra insideret menti procliuas maior, ad virginitatem, an ad nuptias? & hoc petiit, vt cognati de ipsis gratia decernerent. Inter has verò fuit Camilla Bellarmina, ex cuius ore hæc accepimus. Adhortationes insuper pias ad sacras Virgines habuit, eisque confitentibus aures dedit, præcipuè verò Virginibus S. Bernardi. Denique, cum nemo ad ipsum accederet, qui non rediret innocentior; expeditus Patriæ curis, colore & viribus melior, cetera optimus, Romam peruenit: vt non posset Ciu-
tas

tas abscondi, septem supra Montes posita;
atque vt lucerna ardens ac lucens, super candela-
brum sita, consulgeret omnibus qui in
domo sunt.

CAPVT V.

*Controuersias Fidei Romæ, vniuersali
cum plausu, explicat.*

INter Apostolicas sollicitudines, quibus
ab ineunte Pontificatu Gregorius XIII.
gloriosi nominis Pontifex, animum Patris
gerere in Principatu visus est, haud postrema
fuit id moliri, vt quas Nationes hæresis cor-
ruperat, eas ipse restituere charitate & magni-
ficentiâ summâ niteretur. Plura ad eum fi-
nem in Vrbe Collegia & Seminaria erexit, vt
in eis gentium diuersarum ingenia ritibus
Religionis veræ instituerentur: quò nimirum
Prouinciis eâ contagione deprauatis occurri
efficaciter posset. In iis exequendis conati-
bus immortalis cum gloriâ & Fidei incre-
mento constans; anno M. D. LXXIII. opus
auspicatus est Romæ à stabili & locupletissi-
mâ fundatione Collegij inclytæ Nationis
Germanorum: in quod acciri voluit post-
modum, numero benè magno, nobiles at-
que delectos iuuenes, ingenij naturæque lau-
de præstabiles; quò ij pro capite atque arce
Eccle.

Ecclesiæ Vrbe Româ, arma lucis induerent, contraque peruicacissimos ac Religionis quotidianos hostes sic certarent, vt vincerent, quando in Patriam milites Fidei regrederentur. Vt mentem hanc animæ magnæ Præpositi Societatis, quibus tantæ educationis cura demandata erat, quoad possent, proueherent in maius, decreuere in Romanâ nostrâ Academiâ (quam ab eodem Pontifice Maximo, anno M. D. LXXXI. magnificentissimè fundatam, Gregorianam appellarunt) nouam prælectionem inchoare de Controuersis Fidei, vt miles nouitius ac tyro, qui ad victorias formabatur, ibi omni armaturâ fortium instrueretur. Haud parvæ iudicium rei Patres tenebat, qui vir optimus & aptissimus ad opus foret tantum, quantum vnius hominis ingenio vix peragi posse iudicabatur. Requirebat enim non peritiæ vnius Magistrum; sed cui linguarum potissimarum sermo in promptu, historiæ vetustatis ad manum, temporis exacti ratio in numero essent: qui demum posset multâ luce, sed tractu breui, explicabiliq; methodo, immensum aliarum, super alias aceruatarum rerum cumulum disponere, vera gradu stabili firmare, & falsa impulsu lubrico demoliri. Ad id muneris, quod multò sanè maximum, tametsi honorificentissimum erat,

vnus Bellarminus idoneus visus est, ac Magister tantæ institutioni par; tum doctrinæ opinionione, quâ apud omnes clarus erat, tum comprehensione variâ multiplicis disciplinæ: de quo vtique mirâ consensione prædicarent cuncti; sufficere vnum, modò is Bellarminus foret, vt hostes Fidei euerteret vniuersos. Quemadmodum *vna mulier Hebræa*, quam Deus pulchritudine armavit, *fecit confusionem* in castris Holofernitis, & in domo Regis Assyriorum.

Huius famæ itaque consensu elatus ad iustam fiduciam sui, succedensque imposito oneri, sustentaturus Religionem & Cælum, labore inexplebili cœpit statim aggerere coniunctim, ea quæ apud Auctores sparsim legerat; quò in vnum corpus coalescerent omnia. Sed & Deum votis subinde implorare, vt doceret manus suas tractare gladium spiritus, quod est Verbum Dei. Sic anno M.D.LXXVI. ad finem Octobris, initium docendi fecit, ac superauit longè famam; cùm non intelligerent homines, quonam pacto vnus animus rerum congeriem adeò fusam indigestamque committere, atque distinguere illud permixtum chaos collidentium se inuicem sententiarum potuisset: ita vt in lucem claresceret, quæ prius quorundam ingeniis noctem parere videbantur.

In

In disputationibus , dum ingenium pugnaret acrius , reliqua pars animi regere moderatè omnia, & se victoriæ capacem , quàm auidam ostendere videbatur. Suas ratiocinationes promens, per spatia illa mentis, quibus discurrere dicimur, incitatus ac vehemens ita ferebatur, vt quiuis aduerteret, eum hoc vnicè conari, quò veritatem assequeretur. Et si verò pro tractatione Controuersiarum hoc habuit primum & potissimum, vt Diuinorum librorum oracula, volumina Conciliorum, sanctorum Patrum pronuntiata adiret consuleretque ; quoties occasio tamen obueniret, satis ostendit, quid posset in scholasticis quoque disceptationibus. Cùm aliquando de Trinitate publicè aduersus P. Rutilium Ciamberlinum, virum ingenio præstanti, disfereret, P. Gabriel Vasquez, qui certamini Præses erat, demiratus argumenti acumen & pondus, & quantâ illud vi atque arte contorqueretur, dixisse fertur : Ergo in subtilioribus his quæstionibus ingenio est tam acri, sicut in re ceterâ, Bellarminus? Quæ vox à viro egressa in eo genere opinionis tantæ, permagno æstimari debet. Contrà cùm obiecta refelleret, vires ei veritas & ratio, non vaniloquentia aut iactantia ministrabant. Narratur, cùm iunior tueretur Philosophiæ propositas theses, haud fateri erubuisse, deuictum se oppugnantis

gnantis argumentatione; vsque adeò peruersam recti verecundiam superauerat. Quin & Magistro innuenti, vt eam partem ratiocinationis negaret, in quâ pugnæ vis tota vertebatur, dixit præcisè; tunc se prorsus animo cadere, quando neganda sit cognita semel veritas, cum illius ex eo loco propugnatorem ageret. Atque id consuevit deinceps ad postremam ætatem vsque, etiam quando cunctis venerationi erat.

Ex eo studio veritatis nascebatur, vt quidquid ingenio pareret, non ei lucem publicam daret, nisi longâ consultatione ipse rem excuteret primus, dein iudicio subderet aliorum. Ex quo suspexere in eo cuncti doctrinæ celsitudinem cum demissione; quâ solitus fuit, raro exemplo, censuræ acquiescere penitus: tametsi, vt occasiones variant, ingenia dissimilia sæpenumerò consuleret. In recognitione hac Operum suorum vsus est omnium frequentissimè Mutio Vitellesco amicorum optimo, qui nunc Societati vniuersæ præest: sæpè etiam Benedicto Iustiniano, & Andreâ Eudæmon Ioanne, ab eo tempore, quo Mutius factus est totius Ordinis Præles; idque veneratione supremi munieris, & occupationum maximarum, non audens eum ab re communi deuocare priuatim ad sua. Hi fideles monitores & amici, vel syllabam vnam

G cense-

cenfebant liberrimè; tum quia cuperèt Ope-
 ra eius eſſe adeò compti ornatus, vt neque
 nœuum haberent; tum quia ſcirent eius inge-
 nium ad amicorum perſuaſiones factum,
 monitoribus aſperum eſſe vel repugnans non
 ſolere; imò potiùs de re mutandâ ſtatim de-
 liberare, dictorumque priorum obliuionem
 pati. Interdum illud ſolùm uſurpabat: *Sen-
 tiebam ego aliter: ſed iudicium veſtrum opti-
 mum eſt.* Quin imò, ſicubi cenſura anceps fo-
 ret, & ipſius meditationi relinqueretur; reti-
 neri, an induci res aliqua debuiffet, ſeueriùs
 ſemper aduerſum ſe pronuntiabat. Clariùs,
 quanti æſtimaret, vitia ſcriptionis ſuæ (vt in
 propriis quiſque rebus damnandiſ hebetior
 eſt, quàm in alienis) aliorum ingenijs notari,
 tum oſtendit, cùm Benedicto Iuſtiniano Ex-
 planationes in Pſalmos miſit, vt eas recogno-
 ſceret. Placuerant illæ quidem legenti, ſed
 ne amicum intra pectus dumtaxat haberet,
 vereri ſe ait, ne à fine deficerent, quem eis
 optabat; proptereà quòd breues nimiùm, &
 aliquantulùm aridæ viderentur. Bellarminus
 cenſuram accepit, decreuitque typis opus ſub-
 trahere: cumque aliorum arbitria contrà operi
 laudem illam ominarentur, quam ei conſen-
 ſus Mundi poſtmodum dedit, nihilominùs
 fatigandus amicorum precibus diu fuit, an-
 tequam illius editioni aſſentiretur. Sed res,
 quam

quam addo , longè aliter cessit. Capua ad populum Epistolas S. Pauli, ordine illo , quo in re diuinâ prælegi solent , ex superiori loco exposuerat, & cùm de iis edendis cogitaret, Mutius Vitellescus rogatus Censor , post adhibitam volumini mentem , haud omnino probauit consilium operis edendi . Ex eâ die opus lucem ampliùs non vidit , cœpitque silentio perpetuo vrgeri ; nec adduci Bellarminus potuit, vt vel ipse ad opus rediret animo, vel aliorum tentaret iudicia , quod Mutius impensè cupiebat . Sed sicut amicior ei nullus : ita postquam illi res suas permiserat, proprium iudicium de eis penitus exuerat.

Tradunt plurimi expertos se id, neque per rarò, cùm Robertus super opiniones Theologicas , vel super incerta conscientix consuleretur, ire solitum in sententias aliorum ; haud secùs, quàm discipuli soleant , quando Magistri adsunt, & definiendo aliquid pronùtiant. Hinc Andreas Eudæmon Ioannes , ex viri admiratione syngrapham ipsius attinebat penes se venerabundus , in quâ cùm ei Opera nescio quæ recognoscenda transmitteret, his verbis vsus est : *R. P. Andrea Eudemon Ioanni, vt dignetur videre ista scripta , & iudicare , utrùm sint digna luce an tenebris* . Neque verò simulatè , aut per speciem officij , sed scribebat hæc ex animo : nam censurâ peractâ

rogavit hominem seriò, vt promeret latentem animum, & tamquam cum fratre secum loqueretur. Quippe se non id petere, an Opus famæ plus esset habiturum, sed an sperare fructum inde possent boni mores. Cùm ille, de fructu rem esse certam, de plausu nutare in ambiguo, diceret; tum subdidit ipse: *Vt prodesse possim, scribo; cetera, si punctum hoc tulerò, iactura non adscribam.* Idem narrat, cùm aliquando Cardinalis atque ipse de re propositâ fortè dissentirent, dubitareturque, vtram in partem pronuntiaffet S. Thomas; Cardinalem postmodum, quia Auctorem illum euoluens reperit haud sibi eum suffragari, statim id amico per Epistolam indicauisse. Sed tum maximè, aut numquam aliàs, apparuit hæc eius virtus, quando Volumina Controuersiarum disposita, vt in lucem edi possent, non modò æquanimiter, sicut ipsemet deinde Benedicto Iustiniano testatus est, sed cum hilaritate etiam passus est à Patribus Societatis in Germaniâ, quoad pauculas opiniones immutari, in spem fructus inter Hæreticos vberioris. Quæ res cùm apud vulgaria ingenia etiam rarò atque ægrè impetrari soleat; æstimari potest, propè vltra modestiæ fines esse in viro, qui in hoc genere studiorum excessit æui sui Scriptores omnes. Sin verò dogmata ipsa fidei, opinionésve ab Auctori-

bus

bus optimis neque numero paucis depromptæ, vel etiam momēta rationum prima, quæ assensu stabili, aut fundant verum, aut mores instruunt, eius in Operibus censurâ notabantur; dici non potest, quàm stantem se immutabilemque præberet. Clarè id agnitum est in his, quæ euenere circa editas opiniones *De prædestinatione*, *De auxiliis diuina gratiæ*; de-que obligatione in pauperes distribuendi, quæ à censu annuo superant. Sic gnarus in quibusnam oporteret aut vincere, aut vinci, satis ostendit studio veritatis duci solitum sese; vt ingenium difficile, ac facile, pulchrè fineret ex solâ virtute variari.

Hinc æstimabatur tanti, vt nemo esset animi tam hebes, qui non miraretur texturam doctrinæ tam operosam, in modestiâ ac demissione viri; qui æquè sponte erat omnium postremus, atque necessariò omnium erat primus: difficili coniecturâ, vtra præstaret in eo, sapientia, an humilitas. Hinc Principes multi & Cardinales eum adire, atque inuisere frequenter; certi neminem ab eius alloquiis non reuerti meliorem. Georgius Radziuius Cardinalis, dum adolescens in Vrbe moraretur, quotidie Bellarmini prælectionibus purpuratus intererat; assiduus erat vbi rem diuinam faceret, & frequens apud ipsum domi: id quod habet Bellarminus in Episto-

102 VITÆ ROBERTI CARD. BELLARM,
lâ consolatoriâ ad Ducem Radziuilium fra-
trein, scriptâ post ipsius obitum. Sed maior
adhuc opinio illa fuit, ex quâ Cardinalis san-
ctæ Seuerinæ, Patronus totius Orientis, &
caput Sacræ Inquisitionis, iterabat sæpius;
Societatem I E S V habere neminem Bellar-
mino parem. Adhibebatur in consilia proin-
de ab eo circa omnia, quæ spectarent ad er-
rores Orientalium Ecclesiarum, & ad Tri-
bunal Sanctum Inquisitionis. Cardinalis à
Monte Alto, qui postea X I S T V S V. Ponti-
fex, dum Operum S. Ambrosij nouam edi-
tionem moliebatur, consulto Bellarmino in
multis vsus est. Possent eadem dici de Car-
dinalibus aliis magnis, Carafâ, Gesualdo,
Veronensi. Cardinalis Valerius etiam ipse re-
fert, commeare solitos ad eum frequentissi-
mos, tum ex his quorum in purpurâ emine-
bat aut virtus aut genus, tum ex viris aliis
primariis, vt super rebus grauissimis ipsum
audirent: cum referrent inde semper certi-
tudinem, & æquanimitem. Denique fie-
bat de re grandioris momenti eo tempore
consultatio nulla, ad quam non accederet
rogatus; recederet verò Auctor semper opti-
mi, & is, in quo præcipuos prudentiæ nume-
ros inueniri, cuncti faterentur. Sedente GRE-
GORIO XIII. Neapoli Romam acciri femi-
na debuit, cui per eos dies nonnullum erat à
sanctitate

sanctitate nomen : sed quia in Vrbe illa in-
nouare nescio quæ pertentaauerat , apud San-
ctam Sedem iudicium subitura vocabatur.
Viuebat tum S. Philippus Neri , vnaque
Franciscus Maria Taurulius , qui postea pur-
puratus obiit. His , & P. Bellarmino deman-
data quæstio illa interioris causæ fuit , erant-
que omnes Iudices magni , & in quibus nec
excellens virtus , neque cognitio prudens de-
siderabatur : cum verò in vnâ illi senten-
tiam conuenissent , iussit Pontifex , vt femina
Neapolim rediret ; sed abstineret ab vsu vati-
cini. Externis his testimoniis domesticum
postulare , nec possim , nec debeam , quod
dubio procul magnum videri debet. Censu-
ra prærebat Commentariis Alphonsi Sal-
meronis viri doctissimi , & qui ex nouem pri-
mi Ignatij Sociis vnus , eos composuerat , in-
ter angustias primas Societatis , dum à stu-
diorum sede in subsidia sæpè animarum di-
uelli cogeretur ; Censorem autem expetebat ,
cuius iudicio inniti posse moles Operis tan-
ti crederetur. Inuentus nullus Bellarmino
aptor : tum parendi facultate , tum verò do-
ctrinæ comprehensione variâ , propter quæ
etiam à Salmerone nominatim poscebatur.
Missus itaque Neapolim anno M. D. LXXIX.
mense Maio , intra menses non amplius quin-
que , Volumina illa ingentia euoluit perquam

accuratè, æstimauitque maturè omnia: prorsus vt festinare ad relictum opus videretur. Et quia, exactâ quauis die, adferebat Salmeroni, quæ putaret corrigenda; Auctor semper integram censuram ad eum reiecit, certus, quæ notæ alicui ab eo subiicerentur, ea perfecti esse iustissimique sensus. Quare peniti litterarum Sacrarum, Bellarmino Operis tam eruditi perfectionem, & cultum acceptum referre debent; qui perfundus eo munere, Romam reuertit, seque prælectioni Controuersiarum restituit.

CAPVT VI.

Iussus à maioribus suis, et à Prouincijs Septemtrionis rogatus, Controuersias imprimit.

QUÆ Romæ circa quæstiones Fidei ab Auditoribus eius scripto excipiebantur, profeminari ea, in Septemtrione præsertim, cœpta sunt; adeò vt breuî alicuius litteraturæ aut honestæ conditionis vir nullus esset, qui sumptu suo, etsi non leui, exscribi pro se non optaret, quæ Auditores earum Controuersiarum, vel ipsi retulerant domum, vel dedent amicis redeuntibus: vt illæ vrbes, quæ quasi agitantibus ventis diffuderant hæresium n-cendia toto Septemtrione, deflagrarent tandem,

dem, deardereutque ; & vt antidotum per
eas, sicut virus olim, in Prouincias manaret.
Communis omnium fuit admiratio,
qui Controuersias primi legerunt, illas non
humanæ, sed Cælestis sapientiæ fetum esse;
ab eâ sonum, ab eâ vim, & sensum accepisse,
cui obstrepere aut obloqui non possint Ad-
uersarij eius. Testes Prouinciæ sunt, auditio-
nis huius & famæ hodieque memores. Quin
imò à metu & suspicione mendacij, ipsi me
hostes liberant, qui hoc deprædicatorum. Inter
hos VVitackerus Britannus, Præfatione ad
librum de Verbo Dei contra Bellarminum,
*Inter Iesuitas, inquit, maximum & celebre no-
men Robertus Bellarminus, homo Italus, aliquot
iam annos obtinuit : qui primùm in Belgio Scho-
lasticam Theologiam, post, Romam profectus,
Controuersias Theologicas summâ omnium ad-
miratione acclamationeq; tractauit. Cuius di-
ctata sic erant studiosè ab Auditoribus excepta,
transscripta, varieg; transmissa, vt quasi κειμή-
λια quedam, vel ἀποτέγματα haberentur. Post
verò, vt huius laboris fructus ad plurimos per-
ueniret, in Epitomen etiam ab homine Anglo
redacta sunt. Postremò harum Controuersiarum
Tomus primus typis Særtorianis Ingolstadij pro-
diit, reliqui expectantur suo tempore. Et nunc
Bellarminus, tamquam Athleta inuictissimus, à
suis celebratur: quo cum nemo nostrum congredi*
G 5 ausit,

ausit, cui respondere nullus possit; quem vincere si quis se posse speret, ab his insanus habeatur. Rem addam, quæ ostendit quantoperè Controuersiarum eius Hæreticos expauescecerint. Statim atque legi cœptæ sunt; ab eo ipso vestigio temporis idem VVitackerus nouam prælectionem instituit in Academiâ Cantabrigiensi, tantum ut Bellarmini scripta refelleret: nam Lator verò, inquit, huius illas omnium sermone celebratas Controuersias esse nunc ab ipso in lucem editas, ut quales sint, quid valeant, quantum neruorum & ponderis habeant, omnes facile iudicemus; nec alium esse Bellarminum credamus, quàm hæc testentur. Et quanquam Aduersariorum opiniones ex alijs Scriptoribus, qui multi admodum prodierunt, colligi possunt: tamen, quia non idem omnes statuunt de multis causis, & quid potissimum probetur, incertum est; ut parum hætenus constaret, quænam esset Ecclesiæ Romanæ sententia; nunc edito Bellarmino, melius & certius cognoscemus, quid illi in quaque causâ teneant, quibus potissimum argumentis nitantur, & quæ sit ipsa quodammodo Papismi medulla, quæ non magis in Papâ ipso, quàm in Iesuitis inesse creditur. Cum igitur scirem, quàm foret hominibus nostris optatum, ut Iesuitis istis responderetur, & Bellarmini dictata nactus essem manuscripta, putaui me facturum operæ pretium, si Controuersias easdem

easdem in Scholis nostris, pro muneri mei ratione, tractarem, & noua Iesuitarum sophismata diluerem. Hæc ille. Etiam Franciscus Iunius Gallus Calvinianus, testatur hanc præclarā opinionem excitatā de eo apud Septemtrionem vniuersum. *Cum in Germaniā superiore, inquit, essem, ante annos duodecim, & eo ampliùs, audiebam multa de Roberti Belarmini Societatis, ut aiunt, IESV, Opere magnificentissimè prædicari. Nam & plurima ab illo diligenter copioseq; tractari de Fidei argumento in disputationum libris dicebantur, & multorum ea sententia esse, quòd nemo umquam nostrorum hominum integrum illud Opus aggressurus esset refellendum, pedemq; cum tanto artifice, iustā velut pugnā, collaturus.* Eodem loco rem ait admirandā esse; occasione huius noui Operis, incensos fuisse adeò multos desiderio iam hauriendi verum inter fontes ipsos, circa Fidei, de quibus ambigunt, argumenta. Innumeros præterea in Germaniā, in Gallijs, in Belgio repertos esse, qui postquam volumina ea legisent semel, iterauerant ea, sæpiùsq; relegerant, auiditate semper inextinguibili. Hæc verò illa erant, quæ infelicem vrerent. Quippe in eis errorum eumentitæ facies, quas Hæretici affingunt verò, non absque infamiā sectarum, veluti detractā laruā, retegebantur; & idè ex eorum numero

mero non ita pauci in gratiam cum Catholici Ecclesiâ redibant.

Spes erat ergo ingens , fore ut euaderet in insignem aliquam utilitatem Opus iam in publicis typis , quod in scriptis priuatis adeo profuisset. Et idè stimulati plurimi fuerunt ex his , qui Religionem & Fidem saluam esse cupiebant , ut ad Præpositum Generalem adirent, rogaturi , Controuersias Bellarmini in prælum dari , seu iuberet , seu permetteret. Præposito grata ea postulatio admodum fuit , ut erat pronus promouendis iis , ex quibus Religioni vel ornamentum vel securitas oriri posset. Idcirco rem antea secum agitando , Bellarminum accersit , monetque , ut quàm potest tempestiuè , prælectiones suas ordinet, quò illæ statim edi possint ; tùm ita pro Ecclesiæ bono expeterent multi : ut , quæ priuato in loco exercitæ dudum fuerant , tandem in theatrum ac mundi lucem exirent. Credi non potest , quàm præter expectationem acciderit ad Bellarmini aures imperantis ea vox , & quàm perculsa grauer hoc tam honorifico iudicio singularis eius modestia fuerit ; siue quia minimi duceret sua , siue quia Præsides numquam ei significauerant , cupere se , ut Controuersias scriberet perinde ac si aliquando forent imprimendæ : & cùm ei religio esset , de re cogitare , quam impe-

imperasset nullus; idèd, quemadmodum postea narrauit, circa editionem incogitans ad eum diem perseuerauerat.

Dicto audiens tamen cœpit sine sociis auxiliisque statim disponere in ordinem quaestiones illas, quas ipsemet exarauerat omnes. Seruauit verò morem hunc perpetuò, vt ne Cardinalis quidem habuerit, aut à studiis, aut à manu quemquam, cui describenda traderet, quæ composuerat: sed quidquid pareret ingenium, hoc ipsiusmet manus, tamquam obstetrices, colligebant. Ostendunt id propè innumera eius Opera, Conciones, Adhortationes, Tractationesque, & Epistolæ; quarum partem magnam Viri honesti penes se, venerationis loco, habent; pars alia in Bibliothecâ Collegij Rom. custoditur, vbi & Volumina ipsa Controuersiarum (modò primum desideres, quod nescio quis afflixit imprudens, lacerauitque) scriptaque eius plura reperiuntur. Aliqua tamen Volumina, ex Opusculis eius piis; nempe *de Ascensione mentis in Deum, de Gemitu Columbe, de Aeternâ felicitate Sanctorum, de Septem verbis, & de Officio Principis Christiani*, Leodij sunt, in Collegio Societatis I. E. S. V. Anglorum, ita vt fuere primùm exarata manu eius: eaque Volumina ipse vni ex iisdem Patribus Anglis, Romæ iis annis dedit, quibus imprimebantur;

tur; manentque Auctoris egregij, & de Catholicis in regno Angliæ optimè meriti, monumentum. Videtur porrò admirandum quid, ac factu probabile solùm, quia factum est; hominem distractum tot occupationibus, & intentum euoluendis tot Operibus Auctorum diuersissimorum, subire potuisse (quod de S. Ambrosio legitur) laborem hunc ferè omnium horarum; vt Volumina conscriberet ipsemet sua. Consultò hæc fusius narraui, vt intelligeretur, quàm sit à falsis hausta criminatio illa, quâ Hæretici vel eo nomine Bellarmini famam proscindunt; quòd spargere deierando non erubuerint, libros Controuersiarum partum esse non vnius, sed plurium Operi arduo ingemiscantium ingeniorum: tametsi Bellarminus, quod aiunt, ductus ambitione, inuidiam aliorum in se incautus acceperit. Sic dum talibus blaterant, transferunt ad inuidiæ vocabula lucem illam, quæ oculos ipsorum ægros miserè perstringit.

Verè tamen vnus Bellarminus (quod illi dixissent æquiùs) multorum Scriptorum in se animos & vires gerens, idem inuentor, inceptor, perfector Operum maximorum, breuè ad Generalem Præpositum attulit Volumen primum, vt de eo disponderet pro imperio; cùm diceret sibi abundè factum, quòd iubenti paruisset. Recognitum Opus à Viris
primæ

primæ litteraturæ, adprobatur, & typis conceditur anno M. D. LXXXI. Volumen alterum prodiit biennio pòst. Tertium hæsit diutiùs, propter susceptum iter in Gallias; de quo suo loco, & anno M. D. LXXXII. fuit tandem ab omni parte absolutum Opus: quod siue ordo rerum, siue sententiarum pondera, & testimonia Patrum, siue historiarum linguarumve peritia, doctrinæ firmitas & profunditas, in dicendo verò iunctæ simul elegans simplicitas & maiestas considerentur, est inter eius generis exempla maximum. Tenet hoc publica fama, & illud satis affirmat, quòd in solo Septemtrione vigesimam habuerit editionem: vt quia meruit ita feliciter multiplicare lucem, non sit, vnde in posterum vel obscuritas ei vel obliuio metuatur.

Longior sim recensendo titulos omnes, quibus Bellarminum Viri doctrinâ, ingenio, auctoritate summi cohonestarunt. Perstringam ex eis pauca, tantum vt fiat coniectura de plurimis, quæ sileo. INNOCENTIVS IX. (vt Augustino Cardinali Valerio Veronæ Episcopo, & Bellarmini perstudioso, retulerat) ob egregiè nauatam operam in Controversiis pro Ecclesiæ defensione, ei Purpuram destinauerat; dedissetque, nisi è viuis immaturè decessisset. Cardinalis Perronius quoties ad Bellarminum iam inter Purpuratos

tos adlectum , ibat , dicebat affleclis suis , *ad*
Magistrum eamus. Qui etiam Epistolâ , quam
 capite altero mox referam , inter multa hoc
 item habet: Opus Controuersiarum æstima-
 ri à se pluris , quàm aliud quodcumque in Ec-
 clesiâ editum ab annis mille. Cardinalis à
 Dietrichstein de Operibus eius existimat
 posse dici , *Bellarmini libros inoffenso decurras*
pede. quod de S. Hilarij Voluminibus dixit
 olim S. Hieronymus. Cardinalis de Sourdis ,
 cùm subscriberet iuratum Diploma GRE-
 GORII XV. de sacris Pontificum ordinandis
 Comitiis , Cardinalem Bellarminû , Astrum
 non ita multò antè flexum in vitæ vesperam ,
 concussoremque Hæreticorum , & Theolo-
 gorum apicem nominauit. *Si sidus illud* , in-
 quit , *quod nuper occubuit , in humanis degeret ;*
Bellarminus ille , malleus Hæreticorum , & ver-
tex Theologorum huius sæculi , quid diceret ? in
quas laudes erumperet ? Cardinalis Vbalinus ,
 cum salutandum censuit Athanasium , & Au-
 gustinum sæculi sui , à Diuinâ Prouidentia
 commodatum Orbi terrarum , vt monstra
 hæresium affligeret , atque ad terram daret ;
 & huic sententiæ subscribere è Purpuratis
 plurimi. Felix Cardinalis Centinus , *Illum sa-*
nè , inquit , *non immeritò dixerim appellandum*
Hæreticorum malleum , sanctæ Ecclesiæ propu-
gnaculum , Christiana Fidei columnen , Catho-
licæ

lica veritatis assertorem & vindicem. Hac illa merentur Opera, grandiore feturâ ingenij progenita, ac flumine litterarum è præcipuis Sacri eloquij sanctorumq. Patrum fontibus corriuato inundata. Cardinalis Valerius adferens auctoritatem grauissimam Augustini Valerij, item Cardinalis, & Episcopi Veronensis, Patru sui, meminit de Epistolâ eius scriptâ ad Bellarminum, dum in Societate adhuc priuatus viueret; in quâ, Sine te, inquit, haud ego possum Roma contentus viuere, quem exemplis tam multis diligo, & cuius sermones adèò me, tametsi senem, erudiunt. Ex Purpuratis Patribus tui sunt memores multi: iidem te cuperent adesse; ita pulchrum est lumen, quo nos collustrare solet tua mens, doctrina tua. Iulius Sanfedonius Episcopus Crassetanensis, in Virâ quam scribit beati Ambrosij Sanfedonij, Cardinalem Bellarminum appellat Principem Scriptorum æui nostri: Libros verò eius ait esse Religionis militantis armamentaria. Gulielmus Taylerus Epistolâ, quam ex magnâ Britannîâ misit, verba sancti Hieronymi vsurpans in Epitaphio ad Nepotianum, nuncupat Cardinalis Bellarmini pectus, Bibliothecam Christi. P. Petrus Cotonus è Societate I E S V, Epistolâ quam Lutetiæ Parisiorum eidem inscripsit; cùm dixisset, haud æstimari pugnae diuersum genus, tueri Bel-

larmini Opera, & Religionis ac Fidei defendere communem causam, hæc subdit: *Quando Scripta Illustrissima Dominationis vestra defendimus, causam Dei & Ecclesie tue-
mur: ut iam in Galliâ & Angliâ idem sit Bel-
larminista, quod Papista: quemadmodum anti-
quitus pro eodem ponebatur Athanasij confes-
sio, & Fidei Catholica professio.*

Sed videbuntur plus habere ponderis testi-
monia inimicorum; à quibus, etsi ea fama
Operum eius nusquam benignè audita est,
extorsit veritas tamen, quod negare absque
iniuriâ graui nequiverunt. Theodorus Beza
Hæresium Gebennæ Inuentor & Magister,
cùm in Tomo primo Controuersiarum legis-
set, quæ de auctoritate Summi Pontificis in
eo continentur, exclamauit miser: Vnus hic
liber nos humi omnes prosternit. Per simili
formidine in Britannîâ Academiæ, & Regis
Aula, iam tum initio, Operis admirandi cre-
scentem molem sibi ac posteris suis metuen-
tes, haud habuere negotium maius, quàm vt
Bellarmini Scripta conuellerent; & tunc non
Cantabrigiæ modò, quod antea dixi, sed in
Academiâ Oxoniensi etiam eius Controuer-
siæ ex instituto cœptæ sunt oppugnari. Eo-
rum quoque rabulæ, cùm pro concione bla-
terant, non plausum, non murmur referunt,
nisi contra Bellarminum garriant; & deridi-
culo

culo sunt atque contēptui, qui ipsius nomini obrectare non fatagunt. Imò si quempiam viderent aduenire ex solo loco meditandum, aut seuerâ fronte curas voluere, dictum commune erat: Hic homo apud se, aduersus Bellarmini Scripta, machinas disponit. Denique hostes Fidei omnes Opere illo debilitati, postea nihil quidquam valuerunt; & tantum, dum minimè conquiescunt, more anguium capite obtrito, spiris & caudâ inutiliter minantur.

Idcirco Hæreticorum alij sapientiùs Operi Controuersiarum laudem dederunt. Bataui, sicut accepimus, in suâ ipsorum Bibliothecâ Bellarminum collocârunt inter primos. Ab aliquibus candidus Scriptor vocatur, & claris Ecclesiæ ac Pontificij principatus defensoribus qualibet arte par. Sunt qui veluti Gigantem eum sibi proponant, eiusque comparatione, adstantis formâ proceriori, ceteros umbras hominum æstiment & ludibria naturæ. Non desunt, qui Opus Controuersiarum, vnum quidem titulo & nomine, sed victoriâ multiplex, velut instructam aciem putent, quæ hostium vires omnium, vnâ inuoluerit ruinâ. Adprobant alij laudem, quâ idē Opus Cæsar Cardinalis Baronius, in Annalibus suis, Turris Dauidicæ simulacrum habere, cui suppetat armorum omne genus, existimauit.

mauit. Postremò consensus communis ip-
 forum est, Controuersias eius perfectū Opus
 videri, quod magnorum exercituum vires
 gerens, quasi misso in compendium bello, in
 se tantum virtutis contineat, quantum ne-
 queat colligere totum, quod apud ipsos est,
 perfidiæ Conciliabulum. Tanta verò admi-
 ratio incussa omnibus fuit, vt satis agnosce-
 rent, aut vno illo se vinci posse, aut nullo alio.
 Inter illos, qui doctrinam eius encomiis ho-
 norificis prosecuti sunt, Thomas Mortonus
 Hæreticus, & in Britannia Pseudoëpiscopus;
Demus, inquit, Bellarmino acumen ingenij, tri-
buamus ei peritiam linguarum, agnoscamus in
eo elegantem & raram litteraturam; & si velit
quis ei tribuere etiam notitiam amplam Schola-
stica Theologia, haud sanè inficias ibimus. VV-
 tackerus etiam, sicut rescripserat ad Cæcilium
 Britannia Quæstorem, ita & imprimi typis
 voluit iudicium, quod tulerat de Bellarmino
 his verbis: *Illum indicavi virum sanè doctum,*
ingenio felici, iudicio subtili, lectione multipli-
ci preditū; qui soleret etiam apertius ac simpli-
cius agere, quàm reliqui consueuerunt Papiſtæ;
vt argumentum preſſius vrgeret, & arctius ad
causam adhaeresceret. Sic enim homo eruditus in
scholis, & controuersias ex instituto tractans,
in argumento totus, missis circuituionibus &
ambagibus versari, harere, habitare debuit;
 cumq̃

cumq; legisset, quos hætenus libros quisquam de his causis scripserit, eas argumētationes responsionesq; selegit, quas valere plurimum, & nervosiores esse iudicaret. Hæc attuli de multis pauca, vt intelligatur, quàm celebris sit etiam inter hostes Bellarminus. Et vocari hæc testificationes poterunt, Trophæa de hostibus laudatoribus, erecta eius nomini glorioso; præmia defensæ Fidei, & assertæ ab eo Veritatis.

CAPVT VII.

Criminationes & calumniæ, quas passus est diuersis temporibus, occasione Controuersiarum, & Operum aliorum.

ADed celeriter extulerat se Bellarmini nomen, ne hostibus quidem obscurum; vt cogitare quis posset, hominem, qui ita supra ceteros emineret, iam inuidiâ maiorem esse. Sed huius afflatus tentat afficitque indiscriminatim omnes. Imò Inuidia semper summa petit, tamquam ignis: vt sit hætenus concessum nemini, temporibus quibus eminet, non eius æstum aliquem pati; & quod grauius est, interdum non adire periculum adæquè in magnâ famâ, atque in malâ.

Audita est itaque Bellarmini etiam detrectare laudes, & corrumpere honores, quos

promeritus erat occasione Controuersiarum; sed non ei diu interturbare sonum gloriæ potuit, siluitque postquam se efferre veritas cœpit; vt manifestum est in eruditis iuxtâ & prolixis disputationibus, quas pro Bellarmini defensione Scriptores varij & laudatissimi composuerunt. Longum sit singula exequi, quæ in eum effudit ferreum os Hæreticorum; quibus semper admiratio viri tormentum fuit. Tantum attingam pauca; & primo loco id quod pro concione tam sæpè, & scriptis etiam vulgârunt: nempe Bellarminum suopte ingenio admonitum erroris, quo oppugnauerat veritatem Euangelicam (nam hoc specioso nomine suam hæresim honestant) publicè omnium factorum dictorumque veniam & abolitionem petiuisse; & quod reliqui ad salutem erat, Calvinianum esse factum, Addidere prætereà, eam ob causam à Pontifice coniectum in carcerem fuisse, denique oppressum supplicio, & compulsus ad necem, Huius mendacij mentio est in Responsione eius ad Regem Scotiæ; vbi dolet Regem, cui nec desit lumen animi, neque summa generis claritas, descuiisse penitùs ab auitâ Religione, transmissâ etiam per Martyrem Genitricem; & sequi eos Duces, qui per errorum scatebras ipsum præcipitem agerent.

Ut referunt ad me, inquit, Viri spectata fidei, in Regno Maiestatis tuæ Ministri, nec semel, sparserunt; me, quacumque edidi pro Catholicâ Fide aduersus Lutheranos & Calvinianos, aboluisse: imò & ad Caluini sectam transgressum esse; Romæ verò propterea à Summo Pontifice captum, iudicatum, & ultimo supplicio denique affectum. Enimuerò si quæ sunt huius generis mendacia, & quæ milleni testes redarguere possunt, Ministri audent comminisci; quid illi non audeant in aliis quæ obscura sunt, & à sensu distant? Ego nec syllabam vnâ induxi, aut immutauî, ex his quæ contra Lutheranos & Calvinianos dedi semel veritati: nec inducam, vel immutabo, quamdiu erit mihi propitius Deus, sed retinebo in corde Orthodoxam Fidem, donec me vita deficiat. Viuo insuper, & Romæ quidem in vrbe oculatissimâ; quæ etiam videt me in eâ dignitate, quam numquam optauî, quoniam elegeram abiectus esse in Domo Dei mei. Sed nimirum ille, cuius voluntas est supra me, & supra pios omnes, voluit ad gradum honoris ascenderem, meq; Purpurâ induit non petentem, sed petitam vltro, imò & adaectum imperio. Hæc vsus est argumento, prouocans ad sensus ipsos iudices criminationem manifestè ream; deinde patefecit dolorem animi, commiserationemque erga virum Regij generis ac muneris, qui cum insigni ruinâ sub-

120 VITÆ ROBERTI CARD. BELLARM.
ditorum; & su^o, ita erraret extra Ouile Sum-
mi Pastoris animarum nostrarum.

Improbiores alij addidere mendacio fla-
gitia & nequitias, ausi publicis typis asserere,
inuentum è Bellarmini scripto libellum, &
in eo noxas ipsius omnes, quas eluere Lau-
reti apud Pœnitentarios, quorum ibi fre-
quens & illustre forum, disposuerat; & quia,
vti enormium capitum reus, debuit inabso-
lutus dimitti, ideò in magnam desperatio-
nem adductum abruptisse cum mœrore vi-
tam. Sic in Poloniâ Hæreticus (Patronus
Torunensium inscribitur) contra quem è
Societate nostrâ P. Georgius Tiskeuicius vin-
dicem calamum strinxit. Idem egit P. Iaco-
bus Gretserus contra Hæreticum alium; qui
pariter vitiis commaculatum fœdis, Laure-
tum, confessionis faciendæ causâ, mutato
habitu concessisse Bellarminum mentieba-
tur. Horret animus referre, quid is de illo fin-
xerit, quid scripserit, quid vulgauerit. Aufe-
rat ista omnia obliuio si potest; si non, silen-
tium vtcumque tegat. Ea enim homo præ-
mortui pudoris, Bellarmino adstruit; propter
quæ, cum tres horas brachijs in Cæsum ex-
pansis orasset, aiebat, imaginem Deiparæ sta-
tim auersam ei humeros obuertisse, ex eoque
factum, vt mirificè territus Bellarminus in
morbum letalem inciderit, ac rugierit despe-
rabun-

rabundus leonis instar. Dein Pœnitentiaro legendam dedisse schedulam confessionis suæ; cùm interim, vultu in terram defixo, sententiam tremebundus opperiretur: sed Confessarium adiudicantem inesse ei maculas in pectore, quæ à nullo elui possent, schedulam abiecisse, & abiuisse. Bellarminum verò, cùm videret flagitiis obstrictum se teneri, quominus à Sacerdote absolui posset, in summâ anxietate constitutum, animam exhalasse, & voluntariâ morte iustissimo ipsorum odio satisfecisse. Postremò & addit, Ioannem de Montgado, quem Cardinali Bellarmino ab epistolis facit, Romæ plexum capite; specie quidem, quasi Apostolicas litteras signis adulterinis vitiaisset; reipsâ tamen, quodd syngrapham illam Bellarminianæ confessionis, ex quâ eius vitia manare in vulgus cœperant, euulgasset.

Potuit criminatio tam impudens falsitatis facile redargui, superstitè adhuc Bellarmino; cuius exiniam gloriam Hæretici non ferentes, vti cæca inuidia est, socordiam suam irrideri & stolidam amentiam non viderant, dum velut æstu abrepti, existimarent foedis mendaciis, quæ non nisi auctores inquinant, famam lædi hominis præclari, viuentis, & spirantis potuisse. Narrationem aliam, quæ in rem præsentem cadit, hîc inseram. In

Oliuâ Senatores aliqui Gedanenses, hæc quæ memorauimus, retulerant eximio viro Philippo Adlëro (is erat Cœnobiarcha Ordinis Cisterciensis) qui negauit statim, quæ iactarentur, posse apud se fidem vllam impetrare; cum à Viris auctoritatis magnæ de Bellarmino longè alia cognouisset. Dum verò ita inter opiniones herent, improuisè adest Iudæus nescio quis, qui nuper ex Italiâ venerat. Illi eum itaque composito ad omnem humanitatem vultu rogitant, an ex Vrbe, & quàm pridem veniret; quid noui referat: & de Cardinali Bellarmino, an viuat, an valeat, & quæ eius vitæ ratio, quæ fama? Responsum expectabatur auidè; & sperabant locuturum Hæretici pro mensurâ votorum; quippe hominem externi ritus, & Religionis alienæ. Sed ille constanti ore vultuque, Bellarminus viuit, inquit; & valuit perpetuò, dum illic fui. Quo ad vitam verò & mores eius, ego ita quidem existimo: Christiani omnes sint Bellarmino similes, & è Iudæis Romæ supererit nemo: adeò cuncti transgredieremur in morem eorum; cum ipse Vrbi vniuersæ, sanctimonix innocentixque sit spectatum valdè & viuudum exemplar. atque huc euasit de Bellarmini vitâ disputatio.

Historiam hanc Bellarminus ipse memorans aliquando inter familiarium sermones,
& si-

& simul referens hæretici vnus simile quoddam dictum; superfuturos nimirum in hæresi nullos, si, quod aiebat, omnes Bellarminij efficerentur; subdidit lepide: En mihi iam suppetunt testes duo, vt in Diuos referri possim, alter Iudæus, Hæreticus alter; desideratur tertius, qui sit vel Turca, vel Ethnicus. Id etsi festiuus tum dixit; non tollit quod minùs pensi multum habeant, quæ sæpe etiam inimici veritatis proferunt.

Certè in hanc sententiam S. Ioannes Chrysostomus olim; *Nemo profectò, inquit, gentilis esset, si ipsi, vt oportet, Christiani esse curaremus; si Dei monitis & scitis obtemperaremus. Nemo, inquam, esset ita fera bellua, vt non statim ad cultum veræ Religionis accederet, si videret hac ab omnibus fieri.*

Dum his criminationibus Bellarmini vitam foris Aduersarij eius, incertum dedecorant, an illustrent; Romæ, vbi esse securior fama eius debuisset, quippe in Arce primâ defensæ ab ipso Religionis, inuidia, quæ virtuti semper extitit insidiosa, struere machinas ei magis clandestinas cœpit. Quidam in Vrbe ægrè ferebant Bellarmini nomen, antequam etiam Purpurâ illustraretur, esse apud omnes dignationis tantæ. Creuitque molestia, cum à SIXTO V. Pontifice missus in Gallias fuit, Theologus Henrici Caietani
Car-

Cardinalis, cui in Regnum illud Legationum obuenerat. Et quia Legatione adultat indoluit Pontifex, à Cardinali negotia transigi consilijs quæ data initio fuerant, dum Romæ iam alia meditans, nouam excogitauerat rationem agendi, quam ob causas graues indicare alijs grande periculum fuisset, sicut contra eam ingredi pede inoffenso, res censcebatur summæ dexteritatis, vt ex historiis aliorum peti potest, idcirco ea opinionum dissensio inter Pontificem & Legatum vix intelligi Romæ coëpta est, cum id è sententiâ fluere iudicarunt ij, qui Bellarmini obscurare nomen cupiebant, rati suæ gloriæ demij, quidquid cederet alienæ. Itaque homines accendendis offensionibus callidi, Pontifici sensim adulari; ac spargere (quæ sæpè inter Aulicos est libido fingendi) doctrinâ Bellarmini auctoritatem illam minui, quam Christus Dominus Vicario suo in Terris dedit ad Ecclesiæ dignitatem firmitatemque; idque fieri in opinione ipsius circa Dominium, quod Pontifici competit in res temporarias: Lib. 5. de Rom. Pont. Et quoniam ea vox percrebuit; tempore quo cautè ista iactari, si vniquam aliàs, debuissent; captatâ etiam occasione, dum peregrè Bellarminus ageret; nonnulli vrgerè atque instare ausi sunt, quò eius Opera inhiherentur, inferen-

renturque Catalogo Voluminum proscriptorum, donec quæ in eis forent damnosa, egeri possent. Fraudem excepit euentus: nam ij, quorum inuidia in occulto, adulatio in aperto erat, facile impetrarunt, vt hoc pacto in Bellarmini libros laxiretur. Sed ea res vocem veritatis, quæ in libris iisdem loquebatur, non diu repressit. Nam excedente è viuis Pontifice, cum illo (vt Aulici sunt plerumque suorum Principum inferiæ) cecidère Aduersarij eius: & sacra Congregatio Cardinalium reputans iniuriam esse, ita damnari eximium virum, præsertim, dum is Sedis Apostolicæ causâ aberat; sponte mandauit, ex Indice probroforum Scriptorum eximi Auctorem egregium, nullo in opinionibus eius deprehenso vitio. Quare ei criminatio intra gloriam fuit, nec minore famâ in Vrbe deinceps Bellarminus vigit: cuius dicta solum ab inuidis postulabantur; adeò factorum innocens erat.

Similis turbo excitatus est in Galliis, anno M. DC. X. quo tempore ipse iam in Purpurâ erat; vt inhiberetur tractatio eius de Potestate Pontificis in res temporarias, aduersus Gulielmum Barclaium. In hanc enim pauci aliquor è Senatu Lutetiæ Parisiorum, conspiratione factâ, Regiam Edictionem impetrarant. Et verò Bellarmini animum ea res

non

non leuiter perstrinxit: non modò quia iam Auctor erat maiori gloriæ affluens, quàm vt reus esse sciret, submittereq̃ se in humilitatem codicum damnatorum; sed magis, quia videret in Vrbe erga Apostolicam Sedem obsequiosâ, paucorum audaciam vel temeritatem id moliri potuisse, vt illiberalliter adedò communis causa Religionis acciperetur: cuius videlicet auctoritas, ab inimicis obsessa, ab se in libro illo defendebatur. Quoniam autem nouerat, id patratum esse ex sinistra relatione ad Reginam, quæ proximo ab excessu Hentici IV. tum in Galliis regnabat, decreuit ad eam litteras: subiecitq̃ Regiæ menti, quàm nullo iure ea sui Operis inhibitió prodiisset. Memorauit causas, propter quas Opus imprimi par omnino fuerat, vt libro videlicet aduersùm se ab Hæreticis Magnæ Britanniae edito, post obitum Gulielmi Barclaij Auctoris, responderetur. Adiecit ad sui defensionem primò, non aliam doctrinâ in illo circumferri, nisi quam ante annos ampliùs viginti, in libris Controuersiarum, suffragatione Principum omnium, & præsertim Henrici IV. contradicente verò nemine, modò exciperentur dumtaxat ij qui sunt Hæretici palàm, vulgauerat. Deinde doctrinam eandem pronuntiari à primis Scriptoribus, qui ante annos centenos in Ecclesiâ

clesiâ floruerunt; quibus tamen Regia Edictio opponeretur, perinde quasi Hæreticis Britannis obsecundare vellet. Rursus contineri in eo ipsa pronuntiata Concilij, quod Lugduni in Galliis habitum est, coram INNOCENTIO IV. quo tempore etiam S. Ludouicus Rex auctoritate ac potentiâ suâ supra modum Pontifici & Concilio fauit. Ad hæc Barclaij libro librum suum aduersari directè, tamquam operi, in quod, quia scatet erroribus, ab Sede Apostolicâ meritò sæuitum est. Hinc verò fieri, vt libri sui damnatio æstimari debeat perinde, ac si à prauitate omni Barclaij liber vindicaretur; quod est manifestè stare ab inimicis Ecclesiæ. Postremò tractatum eundem, in eâ inhibitione, tingi coloribus non suis, & eorum insimulari, quæ non peccauerat: quemadmodum erat legentibus in comperto. Sed imponentibus falsa, securitatem inde natam, quia Operis exempla pauca inuecta in Regnum fuerant. Sic ipse ad Reginam: & hæc Oratori Regio in Vrbe commemoranti iniunxit, statim ad Cardinalem Belarminum adiret, adferretquæ excusationem facti; librum quidem ab omnibus optimum, & doctrinæ integræ censeretur; sed optandum ei, vt ne incidisset in funesta illa tempora oppressi Regis, cum pericula seditionum varia metuebantur. Post, flagitante in Galliis etiam

iam Sedis Apostolicæ Legato , ac nomine Pontificis petente interdicti abolitionem, Regina prouocans ad se causæ discussionem, contradicentibus imperauit silentium , & edictionem abrogauit. Itaque Bellarmini liber à conuitio & pœnâ vindicatus, honori rursus & luci redditus fuit.

Euentum habuit parem alia secreta magis criminatio, quæ serpere radicibus latentibus, & occulto damno in animis cœpit Illustrium Virorum : sed quibus tamen studiorum eius generis peritia non admodum erat. Profeminarunt illam (quantum assequi coniecturâ licuit) quidam , qui crescendi occasionem pro se rebantur , si in inuidiâ Bellarminus esset; cedebatque res è sententiâ vel ideò , quia scirent, Bellarminum (quæ ipsius erat demissio & lenitas) quieto animo ferre, lacerari existimationem suam. Hi ergo inflato ore tumentique, iactare per Aulas Urbis omnes, Controuersias à Bellarmino editas, Ecclesiæ Dei plus intulisse damni , quàm dedissent commodi. Nam aduersariorum, aiebant, contorquent argumenta validè , sed retorquent eneruiter : quæ res Hæreticis audaciam, veritati Catholicæ defectionem quamdam virtutis creat, damno utique pœnitendo. Verùm hi cum intelligerent hæc aduersus famam rumoresq; hominum secundissimos

mos afferri; nec satis felix mendacium fore, nisi testem haberet, cuius nominis obtentu res tutiùs fingeretur; idcirco vt eam inuidiæ flammam sapientiùs fouerent, tentarunt, si quomodo possent suadere, honorificam acclamationem Controuersis eius publicè datam in Theatro Orbis Terrarum, populi esse vocem, & vulgi sonum, non eorum, qui manus cum Hæreticis cominùs confererent, & periti rerum haberentur. *Ite*, aiebant, *ad Cardinalem Perronium, Virum, qui tantâ cum estimatione, grauitate, sapientiâ sapè ore tenus, sapè scripto communes hostes profligauit; ipsius super hoc sententiam rogate; intelligetis querimonias, quibus damnum luget, quod Ecclesia inferunt Controuersia Bellarmini, iam hostium arma propè, & non mina tantùm, aduersus Castra Catholicorum.*

Hæ calumniæ auditæ primùm inter paucos, dein illatæ in aulas Nobilium, celebratæque sermonibus (vt obtrectatio & liuor pronis auribus accipiuntur) processere adeò, vt etiam ad Cardinalis Bellarmini aures, Capuam vsque, peruenerint. Obstupuit verò ipse, Cardinalem Perronium, quem coleret in paucis (quâ apud omnes erat famâ eruditionis reconditæ litteraturæ, & integritatis magnæ) protulisse de Controuersis suis sententiam tam alienam à iudicio, quo cum illæ

I per-

peruaserant Septemtrionem vniuersum. Idcirco, cum difficilis ei esset persuasio, hominem eius virtutis ac prudentiæ, ita de se esse locutum; ad Cardinalem de Ioyeuse, virum sibi amicissimum, & Cardinali Perronio secretorum fide coniunctissimum scripsit, rogauitque, ut sensum animi eius, & cordis copiam indagaret. Transacta res feliciter: nam is alterum amica per officia prouocans, rem, uti erat, assecutus est, & ad Cardinalem Bellarminum Epistolam misit; quæ, sicut & altera Cardinalis Perronij, quia honorificam de Bellarmino testificationem continent, cum adiectis responsis ipsius, hoc loco referri debent.

CARDINALIS DE IOYEVSE
CARDINALI BELLARMINO.

Litteras cum legi, quas proprio ad me scripto, Cardinalis Illustrissime, dedisti; attonitus, ut numquam aliàs, hæsiti: adeò me in contraria differebant, fides quâ credere, quæ ipse narraueras, debui; & certitudo quæ suberat, à Viro, in cuius ore solet tanta sermonis esse prouisio, hoc est à Cardinali Perronio, proficisci blasphemiam adeò immanem non potuisse. Nam hoc nomine appellare vocem illam criminossimam volui. Nihil habui citius aut potius,

tius, quàm ut eum conuenirem, & sermonem de editis abs te Controuersis serere primùm incipiens, studia eius, aut quæ de illis sententia animo esset, vestigare. Vbi verò eas ab ipso efferrî in Cælum audiui, tunc menti rediit serenitas; & securus animi, quæ ad me scripseras, exposui. Ille, ut audiuit crimine hoc aspergi se, quasi sinistros de Bellarmino sermones habuisset, ferè linqui animo visus est; ut non ego quemquam viderim, vel magis perturbatum, vel indolentem grauiùs. Ergo modis iis, quorum solet auctòr esse vehemens dolor, contestari rationibus tam certis cæpit innocentiam suam, ut prorsus ita esse, affirmare sit. Professus est verò sibi ne in mentem quidem venisse eius mendaciÿ: & aduersum te, eâ se obseruantia fuisse semper, ut in Operibus suis arripuerit occasiones omnes, scripta & sententiæ tuas interserendi, consecrandiq; eis illustres laudes: non modo, quòd iã sis gloriosum nomen; verùm quia scripta eadem, ut clarescant obscura fidei, pepererunt Ecclesiæ luminis quamdã perennitatem.

Quòd si eius priuati sermones contradicerent his quæ typis publicis dederat, quæ tandem hac esset animi, aut inconstantia, aut amentia? Adidit, libros tuos aestimari à se vsque adeò utiles, ac dignos quibus euoluendis insistant omnes, ut propter bonum, quod inde sumi posset, adhibueris operam omnem suam, quò ex Lati-

nâ voce donarentur idiomate Gallico, & suis etiam sumptibus imprimerentur; argumento utique magno, quàm iudicaret conueniens, eos abs te primùm edi. Sed nec illud pratermisit, cùm in Urbem venit, se agrè ante omnia tulisse, quòd non simul adesses; ut facie posset cognoscere, quem iam famâ norât. Ad hac, ut habeatur testificationis huius veritas pro re compertâ (nam ex ore eius numquam, aut sonum aut impetum accepit ea tam fœda criminatio) supplex precatur, ut cùm multa soleat veritas præbere vestigia sui, omni ope adniti velis, quò res possit manare. Nam intelliges haud dubiè, custodiam tibi ab aliis, quàm ab ipso ponendam esse; qui se tuum famulum, etiam cum gloriâ, vocat addictissimum, studiorumq; tuorum defensorem se acerrimum profitetur. Neque his contentus, quæ mecum unâ coràm dixit; Epistolam insuper adiecit, quam hîc interligo litteris meis, sperans fore, ut abstergat suspicionem, quâ se immeritò respersum videt: atque Epistolam hanc cupit interim haberi obsidem innocentia sua, donec spatium ei detur purgandi se copiosius, & testificandi ceteram suam obseruantiam aduersum te pariter, & Controuersias tuas. Ego verò in hoc sensu latitia, quâ fruor, dum reputo me emersum eo metu, unde fluctuatus antea fueram, audiens inter viros mihi tam eximios amara denarrari; oro quæsoque,

ut

ut propter iustissimas causas existimes, facturum te operapretium, si odorari studueris, unde huic fraudi origo tandem. Gratias interim impensè ago, quòd adeò familiariter communicaueris mihi res tuas: & factum id iudico re-ctissimo iure; cùm vinam tibi famulus tam verus, tam proprius, ut nemo possit de his participes à te fieri, qui te magis velit in tranquillo esse, quàm velim ego. Valeas, & diu nobis, ac rebus Ecclesiæ intersis. Roma. Prid. Id. Februarij M. DC. V.

CARDINALIS PERRONIVS
CARDINALI BELLARMINO.

R*etulit ad me Cardinalis de Ioyeuse, tibi narraſſe aliquos, famam & doct̃rinam tuam, Cardinalis Illuſtriſſime, verbis me obtinere auſum eſſe; & dixiſſe futurum Eccleſiæ utiliſſe, ſi Controuerſias tuas imprimi nunquam permiſiſſet, eò quòd in eis argumenta Hæreticorum librentur efficaciùs, nec deinde infringantur ſatis. Hac horribilis, & ab ipſo parente mendacijs effuſa criminatio, affecit animum meum ſtupore inenarrabili, meq; afflixit tantò acerbius, quantò certior ego ſum, non vocem modò; ſed ne cogitationem quidem vllam eſſe in me huius mendacijs ream. Imò & qua dixeram, & qua cogitaueram antea, ubicumque*

demum vixi, eò collinearunt semper, ut ostenderem, à me pluris aestimari Opus Controuersiarum, quàm Opus aliud quodcumque, quod pro Ecclesiæ defensione vel à millesimo anno in lucem prodierit. Itaque constitutus inter optimam conscientiam, & iniquissimam criminationem, testem imploro oculum ipsum Dei, & precor, ut me despiciatui habeat, si umquam talia sim ego tam improbè locutus. Ut verò apud homines etiam me quoquomodo purgatum reddam, testes adfero res gestas meas, & ex his tria summam potissimum argumenta, maiora spero, quàm sit necesse, ut falsò & ab imponentibus inimicis confictò crimine postulatus absoluar. Primum, hoc à vero adeò distat, ut spe utilitatis, quàm è Controuersiis Hæretici sumere poterant, modò vellent cogitationem ad ipsam referre veritatem, his postremis annis eas verti Gallicâ dictione curauerim; quò ita Hæretici nostri, quibus Latini sermonis peritia non est, legerent eas ad frugem animæ, & ad Fidei triumphum: onus verò ei demandarim, qui mihi ab Epistolis, & in Ecclesiâ meâ Cantor, Chiatillonius nuncupatur. Néve imperium detrectaret, iniunxi hoc etiam intentato metu inobedientia; mansit verò ad eum finem menses plures, imò & annos, in Aedibus meis Episcopalibus. Typographum etiam domi paratum habui, qui statim sumptibus meis eas pralo daret. Cardinalis

dinalis de Ioyeuse, ipsemet vidit in Galliis translationem hanc, me iubente factam: & potes meminisse tu quoque litterarum, quas Chiatillonius ad te interea scripsit ex consilio meo; quò equi boniq; consuleres, vt ea noua editio promulgaretur.

Ad hæc in omnibus his, quæ publicè aut secùs ego subinde scriberem, Controuersias easdem, quoad potui, commendauì perpetuò; & vt sis fides dictis, Cardinali de Ioyeuse, & postea Cardinali à Camerino in Actis impressis Collationis meæ Fontis Bellaquei ostendi hæc verba: Episcopus Ebroicensis à Cardinali Bellarmino semper libens discet. Quo loco, cùm gloria mihi tribuam, si Bellarminus sit Magister meus; meòne Magistro maledixerim? idq; mihi iure quispiam affinget? Aut non erubuerim moliri infamiam Viri laudati à me coram Galliâ vniuersâ? In scriptis de Eucharistiâ impressis, sed nondum editis (finis enim eis & conclusio deest) videre Cardinales ij responsiones tuas à me defendi aduersus Hæreticos nostros, nec alio eas nomine appellari, quàm aptas & doctas responsiones Cardinalis Bellarmini. Postremò Hæretici Galliarum, in tractationibus suis, appellant te Bellarminum meum; quod & pariter ostendi in impressâ Responsione Pleßij Galli Hæretici, qui te itidem vocat Bellarminum meum. Cuncta hæc verò, quia typis data, possunt, quoties libuerit,

buerit, ostendi. Rursus audita sunt à me querimonia, Romam cum veni, quoniam hic te partem Urbis tam precipuam non reperi; & harum testes amplius bisseos, omnes indubia fidei, adferre possum. Proposui quidem P. Francisco Suario, & aliis, rationes aliquot, quarum auctor ante me nullus fuit; excogitatas, ut soluerentur ea, quibus circa Eucharistia res Hæretici implicant se & illaqueant. Sed mea dum promerem, illaudata non relinquebam, quæ promebantur abs te. Quippe addidi semper, si velimus viâ ingredi regiâ, & calle numquam denio Veritatis, Fidei, Lectionis, Translationisq., aut Constitutionis Auctorum, nos itineribus insistere melioribus haud posse, quàm iis, quibus tu graderis; & apud Scriptores, qui ab annis quingentis florere, nihil roboris inueniri, quod non sit sparsum & digestum in Voluminibus tuis. Quin imò potuisse adhuc te multa, quæ illi non parauerant, noua & vtilia comminisci. Haud inficior, me quibusdam locis vsum esse fundamentis aliis, & conatum ostendere; nunc Auctores, quos Aduersarij pro se laudant, minimè Catholicos censendos esse, sed contra Ecclesiam ingenia & calamos acuere; nunc esse vitium in codice; nunc traductiones prauas, vel minimè necessarias, aliterq., colligi construiq., verba, vel potuisse, vel debuisse; nunc demum Auctores in iis partibus de Eucharistia Sacramento non loqui.

Sed

Sed enim hac omnia proposuerā submittere censura tua, ex quo & dolui, quoniam Roma non adesses. Atque has lucubrationes meas Pater Suarius (qui scripserat & ipse de hoc Sacramento) legit; suisq; etiam magnis cohonestauit assensibus. Quod si has aut similes voces ore innocentis prolatas, toxico vel aliā veneni tabe infecit aliquis, quò inter nos dissidium oriretur, impedireturq; consensio animorum, quam speraueram, & spero utique, cū videam apud aures haud ita offensioni pronas hac sparsa esse: hoc enim verò adscribam ego iis quæ peccaui aliter, sed non culpæ obsequi aduersum te, quem, & Cardinalem Baronium suspexi semper, veluti duo maxima seculi huius & Ecclesiæ lumina. Quare à culpā innocens, & reum me esse tantum ex pænā sentiens, ex quā dolui me eiusmodi suspicione aspergi, hanc scripsi Epistolam; & Italicè quidem, non Gallicè, ut intelligeres melius sensum cordis mei, quod verè in his litteris idem atque in pectore loquitur: sed & scripsi dictione meā ineleganti; quia satius duxi, à te voces minùs compositas vel cum fastidio legi, quàm cum qui mihi ab Epistolis Italicis, aut alium quemquam, habere consciū huius fædæ criminationis. Differam porrò rem vulgare, donec expedire iudicaueris, ut veritas ædum emanet pro meā liberatione. Ceterum quæ obiecta, quia eiusmodi sunt quæ verbo negare

I 5

sit,

fit, negabo eadem ubique; nec mihi coram ullis à verecundiâ metuo: sed coram me erubescet potius, quicumque huius simul calumnia, simul doloris mihi auctor fuit. Interim manus tibi de- osculor. Romæ IV. Idus Febr. M. DC. V.

Hæc eorum scripta integra retuli; ne de testimonij magnitudine breuitas detraheret: responsa iam addo.

CARDINALIS BELLARMINVS
CARDINALI PERRONIO.

CEpi, fateor, minus molestia ex falsitate, quæ fuerat ad me scripta nuper, quàm gaudij iam ex litteris tuis suauissimis. Deum precor, vt ex hoc merito muneretur te cumulâtè in Regno suo: nostris verò inuidis calumniatoribus det veniam. Ego multis modis tranquille viuo in Ecclesiâ meâ, procul ab obstrepentis Aula sono. Desiderium tamen videndi te, & fruendi affabili iuxtâ atque eruditâ consuetudine tuâ (nam hæc de te fama passim auditur) fortasse inducet, vt in Urbem remigrem, ante diem quem destinaui. Responsiones argumentorum nouas in sanctæ nostræ Fidei patrocinium à te fuisse excogitatas, facile credidi, & ob eas tibi gratulor ex animo: quin & gratias Diuinæ Bonitati habeo, quæ iuxta temporum necessitatem, submittit Ecclesiæ suæ Patronos & defensores.

CAR-

CARDINALIS BELLARMINVS

CARDINALI DE IOYEVSE.

Difficile explicatu admodum est, quâ per-
fuderis me consolatione litteris tuis: non
modò, quia submoueris animo onus cogitationis
grauissima, quo antea premebar; verum etiam,
quia sinceri studij & amoris aduersum me tui,
illa simul indices fuerunt. Certus sum, crimi-
nationes illas iniquorum operâ sparsas esse: inda-
gare tamen ipsarum originem pratermitto. Vox
tua apud me, mille testes; & mille sunt nomi-
na, quibus me tibi debere fateor: ut occasionem
proinde expetam, quâ tibi re & factis testificari
possim fidem obsequij mei. Etsi verò fuisset
abundè, quò suspicio hac omnis abstergeretur, si
tu eius rei causâ ad me vocem vel vnâ, ne-
dum iustam Epistolam dedisses; ne Cardinalis
Perronius hoc subiret oneris, ut etiam ipse scri-
beret: fuit nihilominus mihi percarum, signum
hoc nuperum beneuolentiæ, quo me in Epistolâ
suâ complexus est Vir, quem ego tanti aestimo,
& admiror.

Hæc recensere hoc loco, etsi tempora va-
riant, consultum ideò fuerit; ut appareat,
fuisse irritos conatus eorum, qui ausi sunt
contra Bellarminum adgerere falsa: ut fa-
mam eius ex optimâ, aut dubiam redderent,
aut

140 VITÆ ROBERTI CARD. BELLARM.
aut malam. Apparuit verò egregiè, Bellarmi-
num, ne tum quidem cùm obumbraretur,
esse potuisse obscurum nomen. Nunc ad Hi-
storiæ seriem redeo.

CAPVT VIII.

Virtutes eius, & consuetudo familiaris.

Quia etiam Romæ virtutibus ac morum
innocentiâ Bellarminus, quàm doctri-
nâ clarior vixit, nequit hæc pars à me præter-
iri; præsertim, quoniam ea quæ dicam, mul-
tis norma Religiosi moris esse poterunt. Stu-
dia eius potissima erant, custodiæ cordis non
indormire, sibi quæ iterare illud: *Ad quid ve-
nisti?* Prætereà cauere, ne vel vestigium po-
neret, tamquam non adesset Deus: sed &
pavidum esse dumtaxat, si non impleteret ocu-
los eius. Et origo hæc fuit in ipso illius casti-
timoris, qui nec pectus in angustias premit, &
noxas ab animâ expungit omnes; inserens
cordi sensum amoris venerabundi, qui sym-
bolum est ac nota filiorum Dei. Non ipse
aspectui consulere spretâ conscientiâ; sed ubi-
cumque demum ageret, arbitrari, Cælitum se
in theatro constitutum viuere. Item, quia no-
rat, altam animi pacem tum possideri, quan-
do voluntas ab eorum non recedit nutibus,

ex quorum vicario ore nobis imperat Deus; idcirco cunctationem seruilem, statim exequi regium ducens, eis dicto citiùs obtemperabat.

Plura de hac virtute narraui aliàs: rem nihilominùs addam, quæ permagno debeat æstimari; & est custodia perennis legum illarum omnium, quibus Religio quasi suis compagibus cohæret. Nam fuit inuentus nemo, qui de Roberto referret semel, eum legem è quàm minimis vel vnâ neglexisse. Imò affirmant potiùs omnes, vixisse instar Nouitij, cui flos virtutis primus nûmquam inaruiisset. Reuersus aliquando è Tusculano secessu, vestibulo in ipso Collegij audiuit pulsu consueto vocari ad mensam omnes; erat verò pro eo die ipse, iuxta morem communem Societati vniuersæ, conscriptus inter Coqui administratos, vt lances elueret. Ergo, tametsi potuisset interpretari, è Collegij Moderatoribus neminem fore, qui se ad intempestiuum ministerium exigeret, adhuc recenti itinere pedestri fatigatum atque anhelum: nihilominùs cubiculum nec à limine salutauit, & rectà contulit se ad abiecti operis locum; veluti venerans diem, in quo vilis labor ei parere illustre meritum potuisset.

Non ei suberat cura minor circa paupertatem; quâ Magistrâ stare Religionis disciplinam

nam satis intelligebat. Distinguebat in eâ propterea interdum voce, sapius re & effectis finem, & vim ipsam naturamque; ut qui non interpretando, sibi leges aptas faceret, sed suos potius mores ad eas accommodaret. Sic autem differebat: *Ut quis huius Religiosi voti custos sit, videtur satis, si ex rebus, quas utendas accipit, nullâ fruatur perinde ac si propria foret. At consideranti, cur diues rerum omnium & diuitiarum Conditor Deus exuerit se ijs ad paupertatem usque, cum à regalibus sedibus Patris venit Omnipotens Sermo, ut in hac virtute nos erudiret, facile sit intelligere, in cordis puritate eius perfectionem sitam esse; ita ut cor mundi exoneretur grauib; exuuijs, quò promptè ad Deum emigret; reddaturq; simillimum orbita, quæ vix humum tangit, & idè gyratione facili versatur in partem omnem. Hoc pacto enim Religiosus cum Apostolo dicere poterit: Quæ retrò sunt obliuiscens, ad ea quæ sunt priora, extendens me ipsum ad destinatum, persequor ad brauium supernæ vocationis Dei in Christo Iesu. Eam verò fuisse causam existimabat, cur noster sanctus Legislator, dum præscriberet modum his quibus necesse habemus vitæ in momenta deficientis reparare quotidianas & perpetuas ruinas, vetuerit ne res, tamquam si essent priuati fundi, usurparemus, aut appellatione nostras vocaremus; adeò ut ne scripta*
quidem

quidem studiorum exceperit, vel symbola pietatis, & libellos de cultu animæ, quos obedientia permittit: quippe cùm hæc, & quæcumque spectant ad vestitum, & ad vitæ ceterum vsum, præceperit tamquam communia possideri; qui modus sustinendæ paupertatis est perfectione optimus. Nihilominus addebat, in hoc ipso gradu virtutis, adhuc distingui posse inæquales laudes: Qui perfectiores sunt, eos penes se attinere quàm paucissima, & quàm possunt minima; vsque eò, vt ne in libello quidem quotidianarum precum pias icunculas pro indicibus paginarum interpositas habeant. Imò, si fieri posset, scriptis propriis vellent carere; vt melius exprimerent exemplum dicentis: *Vulpes foveas habent, & volucres Cæli nidum, filius autem hominis non habet, vbi caput suum reclinat.* In quo nostris laicis Adiutoribus piè invidere se aiebat: nam hi, quia scriptis & libris minimè indigent, perfectiùs paupertatis Magistrum Christum Seruatorem imitatione referunt, cui (quippe Sapientiæ Æternæ, legenti in se quæ vellet) non erant necessarij codices & pagina, dura necessitas humanæ mentis.

Hæc studia sermonibus suis optimus Magister solebat exsuscitare in animis sociorum: sed numquam verbis ita magnificus hortator, quin plus etiam factis ostenderet. In habitu

bitu nihil passus rarum & notabile: in cubiculo habuit modica omnia, & superfluens nihil; fuitque in eâ parte tam accuratus, ut videretur aliquibus ducere religioni nimia. Locum quem aptaret ad preces, ornatam imagine è vulgari aliquâ formâ. Cum Moderator factus Pœnitentiarij Collegij ad Divinum Petrum, eò se primùm contulit, tum à Patre Decio Striuero, Inspectore eius Domicii, sciscitatus est, an imago Virginis Genitricis, picta super telam, quam is qui antecesserat Rector in loco ad preces disposito reliquerat, etsi tenuis operæ illa foret, paupertati parum accommodata videretur. Attinebat apud se tantum pauculos libellos necessarij vsus; atque ex ijs referebat sæpè ad Bibliothecarium aliquos diuidendos ijs, quibus eorum suberat aut necessitas aut desiderium maius. Aliquando cum (ut more sit in Romano Collegio) ad Præpositi manus quique abdicarent se rebus quæ supersunt, reperit Bellarminus apud se nihil, quo posset carere, præter Reliquiarum thecam, & illam obtulit. Præpositus eam iussit referri; sed Bellarminus non admisit, cum diceret, nolle se quidquam ex ijs, quibus sponte aliquando caruisset.

Neque subditus modò ita consuevit, sed etiam cum imperavit aliis: quo tempore studio paupertatis eò euaserat, ut nec pias res & reli-

religiosas colligeret alijs distribuendas ; responderebatque petentibus, se, cum nihil haberet, ab eâ lege liberum esse, ut alijs quidquam daret : quam item ob causam vetuerat, ne ab externis, quæ essent eius generis, nostri flagitarent. Miserat ei, dum iam esset in Purpurâ, Religiosus vir Neapoli ampullulas sacri laticis, qui è sancti Nicolai genu perennat, ac circa valetudines est miræ virtutis. Ipse homini egit gratias, sed consilium addidit, talia ne deinceps apud se haberet. Decere enim Religiosos viros iis priuari, aiebat ; vel idcirco, ut occasio alijs ea tribuendi subtrahatur.

Ad hæc nullus fuit tam occupatus dies, qui ei exercitia præscripta contemplandi supplicandi que, aut adimeret, aut minueret: ad quæ accedebat cum apparatu animæ, & hauriebat idcirco liquidas ex eis voluptates. Libros pios euolvebat frequenter, habebatque in deliciis Sanctorum vitas, præsertim sancti Francisci, quam S. Bonaventura composuit: & sicut erga eum afficiebatur plurimum, ita de illo crebros miscebat sermones, & sæpè in Arâ illi dedicatâ Deo perlitabat. Oblectabatur etiam vitâ S. Catharinæ Senensis, & B. Catharinæ Genuensis, propter sensus animi sublimes, quos communicauerat illis Deus. Sed liber quotidianarum paginarum erat ei Thomæ à Kempis diuinum Opuscu-

lum de Imitatione Christi: de quo in libro de Scriptoribus Ecclesiasticis, *Ego, inquit, ab adolescentiâ meâ, & usque ad senectam, hoc Opusculum sapissimè volui & reuolui, & semper mihi nouum apparuit, & nunc etiam mirificè cordi meo sapit.*

Mens ita plena Deo non poterat, quin colloquia semper pia profunderet; sed aperiebat cordis copiam ratione ita simplici ac dulci, vt sociorum aures oblectaret mirificè. Cùm à mensâ ad Ægros in Valetudinarium ibat consolandi eos causâ, sermo erat de re aliâ nullâ, quàm de Piorum in Cælo sedibus. Et, *Quàm erit iucunda res, aiebat, illorum interesse gaudiis, quibus patuit aditus ad vitam in Cælo bonis omnibus circumfluentem! Quàm erit pulchrum intueri, triumphantes acies illas, cum earum Conditoribus ac Ducibus, Benedicto, Dominico, Francisco, & aliis, quibus concessa ibidem vota & gaudia felicium! Quàm sincera & stabilis voluptas, cum sociis illis fortunatissimis vitam ducere, si in terris recreamur adeò, dum nos inter nos viuimus! Certò scimus, Collegium magnum & frequens eorum, qui pridem hîc nobiscum unâ vixerunt, indueruntq; lacernas istas, nunc IGNATIO Parenti dulcissimos comites adesse cum Christo; lucis amiculo candidos, splendentes gloriâ; & victrices manus palmis decorare, quibus non laborant,*

*rant, nec insudant ampliùs alienæ utilitati. Si-
quidem ibi triumphant, ubi negotium eorum
est, felicissimum illud otium Deo laudes modu-
landi, ac ubi perpetuò viuent, à sæculo ad sæcu-
lum, procul à fatigatione, procul à satietate;
quia Deum, quem diligunt, libenter ac sine la-
bore laudant & contemplantur. Addebat in-
terea: Si quotquot vivimus in hoc Domicilio,
Sancti omnes euaderemus, & unus quidem Au-
gustinus, alter Basilius, Hieronymus, Bernar-
dus; nōne hīc Calum esset? Et quæ demum im-
pediunt, ne diuinæ gratiæ obsecundanti ani-
mum demus, futuri persimiles his, quorum ad-
eò nos mores delectant? Cur, quæ est Beatorum
in Cælo sedes & conditio, illam non auide secta-
mur? Hæc tum ipse. Solent haud dubiè ser-
mones honesti, si lepore aliquo condiantur,
animum arguere à virtute præparatum. Ad-
nectam itaque huic loco, de Bellarmini hac
etiam laude, aliquid. Primò consuetudinem
ei nonnisi cum Viris insignitè piis fuisse, ut
cetera fileam, indicant litteræ ipsius ad Ioan-
nem Marianam è Societate nostrâ, qui li-
brum ei dedicarat. Ansam enim inde arri-
piens actum tempus recensendi, cum in Ro-
mano Collegio unà studuere; Equidem igno-
ro, inquit, an plus debeam eo nomine, quod mi-
hi librum dedicaueris; an verò, quia memora-
ueris iucundè antiquos socios, qui vixere unà*
K 2 nobis-

nobiscum, ferme annis abhinc sexaginta, & ex quibus iam superant duo, P. Iacobus Crucius, & P. Bernardinus Castorius. Nihilominus, tam ob Operis dedicationem, quàm ob recordationem fratrum nostrorum, qui è viuis excessere, quoniam fuit utrique nostrum incundissima, Deo gratias referamus, qui fratres nobis tam probos dedit. Quamquam sum ego te aliquantò felicior, cui licuit frui consortio B. Aloysij Gonzaga, integerrimi sanctissimiq; iuuenis.

Hoc cauebat prætereà, vt suis sermonibus sonus culpæ interstrepere numquam. Adferbat sæpè ipse materiam sermonis curiosam iuxta atque perutilem, de quâ omnes in vicem dicerent, haud secùs quàm de consiliis animæ conferri soleat, in cœtu plurium virtute sociatorum. Ecclesiasticæ historiæ, Sanctorumq; Vitæ, quas narrabat, ex eius ore candido simpliciq; referebant vim nescio quam grati motus, qui ad imitationem sensim animos alliciebat. Ad hæc inferens se in circulos, si tempori aptum iudicasset, spatio ad cogitandum dato, inuitabat singulos, vt proderent ipsi & prædicarent, si quæ omiserant, commiserantve; ratus eâ significatione nihil efficacius ad sui victoriam esse; & simul prudens, vitia nusquam meliùs deponi, quàm illuc, vbi vitia nemo ridet. Id cum semel sortitò ei obtigisset, ignorauit
mens

mens eius innocens noxam aliam, vt eam renuntiaret de se, quàm quòd, vt aiebat, sibi persuasio interdum fieret, se in suis precibus ad Deum apprimè pium esse, cùm tamen haud ita foret: in quo satis magnam visus est sui cordis nudare puritatem.

Hos ita salubres sermones, ne satietate afficerent, condire solitus erat salibus ac iocis, & mirâ varietate, Vir sicut ad cetera egregius, ita à comitate, quæ sine vitio esset, non auersus. Nihil eum remissè vel seriò agentem dehonestabat; in ore lenitas & risus decens, in fronte blandientes oculi, vultus denique totus ad charitatem compositus erat. Exinde vsque adeò laudabatur à cunctis & amabatur, vt inuenti sint haud ita pauci; qui, dum occasio ferret aliquò eundi, vel cum incommodo proprio studuerint ei comites esse; quòd haurire possent in viâ ipsius alacritatem, & tanti animi spiritum: nemoque aut tristis aut languens reuertebatur. Viciissim ipse inamœnus numquam, subseruire singulis per se studebat, & per res etiam quas vtendas haberet, si esse aliis vsui possent; atque id efficiebat alacritate summâ, & vt plurimùm non rogatus. Perito Musices plurima in compositis Canticis erat voluptas, & hoc existimauit exercitij iucundum quoddam genus, ac viris Religiosis aptum:

quia, dum illo à curis animus leuatur, exul-
lant ab ore ita modulato sermones interim
alij, quibus posset virtutis vigor remollesce-
re, aut labefactari. Demum illud euitauit
prudenter, ne factò læderet aut verbo quem-
quam. Propterea erga omnes modestè ac de-
missè agere; singularia quæ offerrentur ab-
nuere; communi forte contentus, etiam in
mensâ, viuere: in quâ si afficientes cibi, &
valetudini consentanei parùm, apponeren-
tur; haud patiebatur sibi salubriores ministra-
ri, quantumuis ex iis, qui more Collegij appa-
rantur ad eos nutriendos, quibus valetudo
improspera causæ est, vt communibus absti-
neant.

Artifex iam tantæ peritiæ, & clarus vsu
tractandi animos Sociorum, par erat, vt Ma-
gister aliorum constitueretur. Præfectus ita-
que fuit sacris confessionibus eorum, qui in
Romano Collegio alebantur; inter quos tunc
Beatus Aloysius, & alij moribus cælestibus
excelluere. Exercebat piis meditationibus
pectora singulorum, hortabaturque omnes,
vt penetrarent profundè tria illa, de quibus
alibi: nempe quid exigat à nobis Deus; à Deo
quid exigamus nos; & quæ res demum im-
pedimento sint, ne eadem illa fiant. Præerat
insuper domi, cum priuatis concionibus, qui-
bus præludunt muneri magno Religiosi, qui
illic

illic instituuntur ; tum prælectioni piæ super mensam , pro quâ coëgit in elenchum Auctores eos , qui apti sunt ad conuiuium animæ , dum corpori refectio datur. Erga eos qui veniebant è Religiosi Tyrocinij rudimentis , erat tam obsequiosus , tam venerans , vt ij propterea rubore suffunderentur ; cum illos interim ipse condoceretur , nihil magis decere initia virtutis , quàm obseruantia obsequiique mores . Explanauit Laicis Adiutoribus , in vnaquaque hebdomade , Symboli capita , & Fidei præcipua documenta : idque tam à curâ egit , vt in codicem prius referret , quæ esset dicturus . Hinc in eam perfectionem opus euasit , vt è Sacerdotibus plurimi , quæ dicebantur , exscriberent . Dein his explanationibus Bellarminus , tamquam materiâ dispositâ , vsus est , vt formaret communes Institutiones Christianæ Disciplinæ ; quas postea CLEMENS VIII. Pontifex imprimi mandauit . Adhortationibus domesticis etiam , quas habuit frequentes , tenuit habenas animorum ; quos virtutis in partem omnem pariter cum oratione flectebat , hodieque Religiosus quidam affirmat (modò excipias diuinam gratiam) numquam expertum se motus & stimulos efficaciores , quibus ad progressus in virtute perpelleretur . Item ex Societatis Adiutoribus vnus excitatus à desidiâ , reuocatus-

que est à spiritus vitiosâ libertate, in quam proiectus diu vixerat. Qui sæpius etiam ad Bellarminum reuersus, vt (quod euenire solet) motis semel in religionem animis) prouehetur in maius, euasit facile Collegij præcipuum adiuuentum.

Denique haud imparatum inuenere vnamquam, si qui adirent (adibant verò frequentissimi) vt consulerent circa res animæ. Quos excipiebat charitate plurimâ, vt cuiusque necessitas adhortaretur, sic moderans, & ad subtiliora hominis interni iudicia numquam hebes. Si quem turbaret commotio vehemens, incipiebat cum eo humaniter, & perinde atque cum ægro animo: & tum hæ ipsi fuerunt artes. Primùm aures dare, naturamque festinè odorari: post eius sensibus perspectis, oratione dulci delinire: postremò ubi in animum eius penitus se dederat, salubribus consiliis pro re natâ curare, & reflectere ab ægrimoniâ; donec iam ad tranquilla redeuntem, & freni patientem, in partes virtutis flecteret incitaretque. Atque ita satis prudens, cum qui in eis offenderet, feruoris æstum spatio vanescere atque auferri; quod verò desideraretur consilij & virtutis, id maturefcere paulatim, dum vitium interim cessaret; sapientissimè affectos animos curabat. His qui liberalibus disciplinis iuuentutem imbuere-

imbuerent, vel aliter incumberent in aliorum bonum, nihil magis quàm Christi Domini mansuetudinem luadebat; cùm sit ea virtus apta in primis animis promerendis, & peruincendis difficultatibus quibuscumque. Hoc pacto semper instructus consiliis optimis reperiabatur: & cum adibant pauidi, vt redirent fortes; incerti, ac dubiæ conscientia, vt religione animum exsoluerent; gelidi, vt fouerentur: neque quisquam erat, qui reuertens ab Oraculo illo, hæc non vsurparet: *Nonne cor nostrum ardens erat in nobis, dum loqueretur?* Sic sanando alios, in quibus ægrotaient artes animi, partem interni sui ornatus nobis interea patefecit: in quem tamen haud poterat ferri penitus cognitio; adeò ipse obscurum esse cupiebat thesaurum virtutis, quem in animi sinu, & in arcanis custodiis cordis sui occultabat.

CAPVT IX.

Profectio eius in Gallias, iussu XISTI V. Pontificis, vnà cum Cardinali Henrico Caietano Legato; ac de his quæ tum egit pro Ecclesiæ bono.

DVm in Controuersis scribendis priuatim Bellarminus contentione ac studio magno laboraret, euocatus est repente pro

communibus rebus : & hæc occasio fuit. Regnum Galliarum, sublato Henrico Tertio Rege, collidebatur turbinibus sæuis; intestinoque & hærente in ipsis visceribus vrebatur bello. Discesserat verò ea Nobilissima Natio in factiones duas; dum Vrbes & Populi magis sine Domino, quàm cum libertate sequerentur, alij partes Principum confœderatorum, alij partes Regis Nauarri. His grauibz ærumnis XISTVS V. Pontifex vt aliquo modo occurreret, decreuit è sacro Senatu Purpuratorum Legatum eò mittere, qui auctoritate, prudentiâ, & cum opus foret, sumptibus etiam sustentaret iura Catholicorum. Ad id verò muneris, quod ita magnum ac pertinens erat, Henricum Caietanum Cardinalem S. R. E. Camerarium designauit, Virum sanguinis luce, familiæ gloriâ, sumptibusque prælatum atque magnificum; & qui intelligentiâ rerû, iudicio ac magnimitate inter primos Purpuratorum erat. Princeps ita prouidens, videbatur nihil posse desiderare in Legatione illâ, nisi Consiliarium, cui fides Catholica inniteretur; si de rebus spectantibus ad eam eueniret fortè, vt agi tum oporteret. Super hoc tamen haud haberi varians delectus potuit; dum Bellarminus viueret in oculis Urbis, vir excellentiâ doctrinæ præ cunctis clarus. Iussus ergo à Pontifice cum Legato in Gallias

Gallias ire, debuit interrompere seriem studiorum suorum. In quibus etsi continuatio plurimum efficax est, nihilominus tulit hoc sapienter; ratus haud pulchrius esse, doctrinæ labores Sedis Apostolicæ causâ susceptos, eâdem iubente prosequi, quàm intermittere. Propter Libros primos Controuersiarum erat iam Bellarmini celebre nomen trans Alpes; itaque (vti percrebuerat, in eas regiones ipsum aduentare) cum Vrbes Galliarum attingeret Legatus, admirationi erat conferta multitudo, quæ Bellarmini limen requirebat; vt hominem in Ciuitatibus suis auditum, famamque notum, vultu etiam agnosceret. Sed quæ ceperat omnes fama Viri, substituerat etiam animo speciem corporis amplam atque magnificam. Quare cum eum deinde aspexere aliqui staturâ minore, famæque dissimilem, (eminebat enim, non corporis specie, sed virtutis ac doctrinæ magnitudine, quâ vnâ æquari non poterat) sententiam ferè oculi mutârunt; vt est vitium commune mortalium, homines specie vultuque æstimari. Ad hæc vis eius mitis & demissa in agendo loquendoque; non ea nimirum, ad quam, inducti prædicatione laudis eius, atque auctoritate grandia & sublimia pronuntiantis: mores item faciles, & sine fastu aut supercilio, causæ erant, vt qui eum metirentur

tur corporis mole, non gloriæ, dicerent inuicem: Ergóne Bellarminus hic est! At verò alij cum eo congressi, postquam audiuerent differentem, cœpere magis præsentem venerari. Atque ita, tametsi aspectu appareret minor laude suâ, & in formâ exteriori ad famam nihil esset adiumenti; ne hæc famam extinguerent, vis & meritum impediuere.

Hos inter plausus & obsequia, difficultates non defuere atque discrimina, cùm Gallias propiùs penetrarunt. Sparsi vndique hostes formidini erant: recentes cædes multorum proponebantur; insidiæ, & fraudes; vt neque securitas esset ab iis, qui se amicos venditarent. Sed clarum periculum imprimis, Diuioni, dum prætergredi vellent, euitarunt. Legato nihil magis erat in votis, quàm vt Lutetiam Parisiorum quantocyùs perueniret; & vt Ciuitatis, quæ est Regni caput, constantiam & fidem posset tueri. Dum ergo in eâ est deliberatione, rumor spargitur, legiones haud multùm abesse; hostemque abditum in siluis, Legato struere insidias, vt improvidum opprimeret. Hæc fama ab aliquibus vera, ab aliquibus mendax habebatur; nec certi quidquam intelligi poterat. Ergo iuere multi in eam sententiam, ne iter continuaretur: quia suberat metus insidiarum; quia viæ ducem amiserant, sine quo decerassent, dubiis præ-

præfertim itineribus; demum, quia erant militis custodiâ, in tanto hostis vicini periculo, destituti. Alij, hæc omnia dici metu interprete, & ideò aut falsa esse, aut maiora vero, arbitrabantur. Legatus proinde consilia priorum aspernatus, de itinere deliberasset, nisi Dei prouidentia aliter disposuisset.

Peraçtâ re Diuinâ, in quâ Deo Legatus negotium commendauerat, cùm diu hæret, incertus pergere an morari præstaret; denique vtrumque consilium sic æstimauit, vt quantum alteri deesse animi, tantum alteri superesse, diceret. Et fortasse vicisset pars, quæ videri poterat maioris animi quàm consilij, nisi iniecta mens Legato fuisset, vt syngraphas duas sacrum in calicem coniiceret, scriberetque in alterâ *Eundum*, in alterâ *Non eundum*. Etenim sorte exiit syngrapha, quæ fuit auctor non eundi; & Legatus paruit monenti Deo. Visum verò est id consilium, non pietate religiosius, quàm euentu felicius. Interceptis quippe itineribus, vim hostium non euasissent; & tum Dynastes Teminesius, qui copiis suis proximum locum infederat, comprehendisset omnes. Redditus periculo cautior Legatus, armatos homines ad se deducendum tuendumque, vti eos Lotharingæ Dux promiserat, & viæ ducem probum ac fidum admisit. Quare, vbi adfuit Dynastes

S. Pauli

S. Pauli cum milite Lotharingo , tametsi eâ nocte, hostiliter ac dolo subditis ignibus, stabulum cum equis eius conflagrasset , nihilominus nouis iumentis celerrimè conductis, maturauit proficisci ; & quàm maximis potuit itineribus Lutetiam venit : eam urbem ingressus XIII. Kal. Februarij, anno M.D.XC. omnibus Ordinibus obuiam effusis, mansit-que vsque ad Septembrem ineuntem.

Dum hîc Legatus sedare illius perturbati Regni grauissimas simultates , & librare iura ferè Principum omnium conabatur, ad quos Bellum pertineret; Bellarminus hoc habuit stabile ac præcipuum , vt à Pontificis voluntate , & à Præpositi Generalis instructione non recederet. Etenim , vt hi seuerè inouerant, à politicis tractationibus, tamquam profanis & alienis, perpetuò abstinuit.

Aliquando , dum Legatus ea consilia in priuato agitare , quæ seducta vellet à plurium conscientia, vnà cum viris aliis integritatis & doctrinæ famâ claris , Bellarminum etiam accersiu. Is audiuit attentè initio, quæ proponebantur ; ac post è circulo , in quo ceteri cum Legato erant deliberabundi, pedem lentè referens ad loci angulum secessit. Legatus monuit, accederet, vt ex propinquo audiret ; nam ab eo sententiam optabat. Tum Bellarminus , eâ libertate sermonis & cando-
re

re quem habuit perpetuum, missum in Gallias se tantummodò ad tractanda ea dixit, quæ Religioni, non quæ carni & sanguini prospicerent, (agitabantur enim iura Principum quorundam) darent roganti proinde veniam, ne adesset. Responsio hæc Legatum & Consiliarios adeò non offendit, ut traxerit potius omnes in admirationem virtutis: hodieque magnus quidam Præses Senatus Parisiensis, nomine Seguerius, qui tum intererat, propterea Bellarminum à se in summâ veneratione habitum deinceps, affirmat.

Copiam de se tamen haud negavit, sicubi super incerta conscientiæ, vel super obscura Fidei rogaretur. Quoties verò incideret sermo circa electionem Regis, ipse tum silere; vel tantum addere, optandum esse, ut Rex eligeretur, qui induceret in Gallias Concilium Tridentinum; quoniam ea sola res parere poterat constantem pacem: cum cetera illius Regni adiumenta sedandæ inundationi turbinum illorum paria non viderentur.

Inter pericula maiora, quibus tum defungi Christiana Religio debuit, præcipuum fuit propensio quædam ad schisma. Etenim Episcopi multi & Præsules eius Regni, inducti studio inconsulto, & secuti partes Principum diuersas, dissiparunt, conuocandum esse Concilium in Vrbe Turonensi; in eoque metui

metui posse, ne Patriarcha vnus eligeretur, qui negaret Sedi Apostolicæ obsequij reuerentiam. Anxius animi Legatus, & veritus ne res ea ad Ecclesiæ totius perniciem manaret; præter remedia plura quæ excogitauit, iniunxit Bellarmino, vt Epistolam scriberet ad vniuersos Antistites Regni. Ostendebat in eâ Legatus, ab ægris medicamenta eligi non debere; atque id potestatis habere neminem, vt indiceret Concilium Nationis, dum in Regno Legatus Sedis Apostolicæ morabatur; cuius sanctæ Sedis munus est, de iis decernere, quæ ad Fidem Catholicam, & quæ ad Ecclesiæ regimen spectant. Ad hæc in eadem Epistolâ, Legatus, cuius nomine illa scribebatur, intentans eis excommunicationes, edixit fore, vt Censuris grauissimis impliciti Sacerdotiis caderent, essetque eis interdictum sacrificiis, Templis, & cœtibus piorum, si Turoni vel vsquam conuenirent, deliberaturi circa Religionem, ac Deum. Sed, vt Numini placuit, cunctorum versæ aliò curæ; obnitentibus etiam Viris magnæ auctoritatis, vt ea consilia vanescerent.

Non hæc tantùm agere Sedis Apostolicæ causâ, sed & fortia pati Bellarminus debuit; præsertim dum Rex Nauarræ instare tormentis, mœnia quaterere, ingressum tentare, Urbemque obsidere cœpit; assultante per
campos

campos equite, & castris ita positis, vt essent interseptæ viæ omnes ad com meatum. Nec aliàs magis anxia & pauens ob incommoda belli, & famem ingrauescentem, Ciuitas Parisiensis fuit. Et tum Bellarminus sustinuit exempla necessitatis omnia: etenim fames tantum non ad humanos cibos adegit: quos si excipias, canibus, & carne pecudum immundissimorum, vesci ciues necesse habuerunt; ita, vt vix ea coëmere, & impetrare pretio possent. Certè Legatus Hispani Regis, tum ad alios, tum ad Collegium nostrum, partem equi sui transmisit; rem dictu paruam, ceterum inopia fecerat argumentum ingens charitatis. Olera, stirpium radices, internataque faxis germina, & si quid vlla felix arbor aut tellus dederat; soleas item, calceosque, & lora equorum atque habenas, iam abederant: & nihil tam sordidum fuit, in quod ventris ira non desæuierit. Quæ incommoda nequiuisset diu Ciuitas ea tam frequens tolerare, & hæc damna cumulasset furor eorum qui ex fame extabescebant; nisi auctoritas Legati, conciones Religiosissimorum hominum, diuitum largitiones, & præsertim Virginis Deiparæ patrocinium, cui votis publicè nuncupatis fuerat instructa supplicatio, subsidium attulissent. Bellarminus interea preces Deo fundere, orare me-

L

liora,

liora, addereque sponte obitas corporis asperitates, atque in communi ieiunio pati adhuc afflictio- rem famem ; quò Deus iram sedaret , & reprehenderet districtum ense, qui super Christianissimum Regnum , perturbatum prauis consiliis Hæreticorum, pendere videbatur. Multa verò cœpit eum commiseratio militum , quibus aut dandus aut hauriendus est sanguis ; & quibus duræ hiemes tolerandæ sunt , atque æstates anhelæ. His enim etsi benè esse diceret, si causâ Religionis dimicent, & nouissimum spiritum per pietatem effundant ; mœrore tamen afficiebatur , cùm flagitia aliquorum audiret , aut etiã aspiceret. Habet hoc epistola , quam ad Maximilianum Ducem Bauariæ postea dedit, occasione Bohemici belli ; fermè in hæc verba : *Tangit me, inquit, commiseratio ingens erga milites, & quotidie Deum oro, ut det illis, aut innocentiam, aut maturam penitentiam: quoniam iis mortem, quam mortalitas effugere non potest, militia etiam properè accersit. Pluribus interfui praliis, neque rem incognitam loquor, puer in Italiâ, iuuenis in Belgio, & in Galliis maturus vir; ubi cladem inspexi eorum qui necabantur, obsidiones toleravi, sustinui annonæ, ac famis extremam penuriam. Flagitia sileo, quæ necesse interdum habui oculis intueri, aut de quibus audiui ex ore*
illo-

illorum, qui paulò post cæsi, ad gehenna cruciamenta, & horrenda ignibus loca priùs deturbati sunt, quàm de disponendâ morte possent statuerre: prorsus homines, qui paucis assibus animam & vitam æstimant; velut ultimi discriminis, in quo salus æterna vertitur, essent penitus obliiti. Proinde Duces illos atque Imperatores suspicere soleo, qui verbis & exemplis milites suos condocefaciunt; ut quoties in expeditionem mittendi sunt, Confessionis & Eucharistiæ Sacramentis sese muniant: & qui prohibent, ne occasione militiæ, in consuetudinem veniant licentiæ, ex quâ sensim Christianum nomen ac disciplinam dediscant. Etenim hoc pacto, haud eis malè cedit, dum pro tutelâ Religionis necesse habuerint vel perimere vel perire. Sic ipse: atque hæc Bellarminus sustinuit, donec magno cum exercitu ad liberandam Urbem venit Alexander Farnesius, Dux magnitudine animi ac felicitate bellandi Magno Alexandro, sed sobrio, nec temerario, simillimus. Hæc eadem incommoda Legatus tulisset alacriùs, si ab Urbe Româ ei magis grata rescripissent. Pontifex enim, cum res cederet aliter atque initio sperauerat, præsertim post conflictum Ducis Mœnii, haud satis probauit, Legatum Lutetiæ sedem suam habuisse; ratus ministro Patris Vniuersalis loca media magis esse idonea, ne in alteram partem vi-

deretur inclinare. Et quia hæc mutatio consiliorum Romæ facta à Legato ignorabatur, habebaturque tantum pro re compertâ, Pontificem ea quæ fierent non probare; ideò ipse specie aliquâ honestâ imponere finem Legationi suæ optabat. Loquebatur verò cum Bellarmino sæpè, de necessitate agendi quæ egerat; & iis in alloquiis mirum fuit, quoties Legatus peteret, quamdiu superstes futurus Pontifex crederetur, toties Bellarminum respondisse, excessurum eum è viuis illo ipsomet anno: nec Lutetiæ modò, sed in itinere quoque id prædixerat. Quamquam Legatus fidem non præstaret, reputans, quàm prospera in Pontifice esset valetudo. Quin imò postquam Romæ Pontifex defecit, Bellarminus Lutetiæ vulgavit obitum eius; cùm de eâ re suppeterent indicia nulla, vt suo loco narrabitur.

Interim ineunte Septembri mense, Legatus certior factus de funere Pontificis, & nactus occasionem Legationis terminandæ, magnis itineribus ad noua Comitia rediit. Sed itineris inchoati lætitiâ turbauit ægritudo, quam contraxit Bellarminus Metis. Grassabatur in Vrbe illâ infimis intestinis accepta lues, morbusque ex profluuio ventris periculosus & letalis: ex quo contagio erant ibidem multæ lugubres domus. Vix eò Cardina-

dinalis venerat, cùm Bellarminus tempore Autumni, & mense naturâ graui, ac præcipuè loci vitio, correptus est simili ægritudine, ac febri adeò sæuâ, vt vires in ipso, & somnus, stomacho alimenta haustusque omnes fastidiente, deficerent. Quæ tum patiebatur ipse, videbantur familiæ totius commune malum; ac nullus erat, quem illa non tangerent. Sed affligebatur ante alios Cardinalis, quem ex diutinâ intimâque familiaritate maior admiratio ceperat Viri: & qui vni sibi creditum pignus illud fuisse, mœrens considerabat. Cùm verò coniicere satis nequireret, vtrum consilium minus haberet discriminis, nempe ægrum deducere, an potius, dum morbi vis remitteret, Metis relinquere; Deus sic omnia suauiter disposuit, vt Cardinalis inde ipsum eueheret. Proinde lecticam propriam aptari mandat, ita vt in eâ posset velut in lectulo cubare. Æger Bellarminus, qui se à Cardinali pro potestate regi sinebat, æquè fortis in suscipiendis ac ferendis incommodis, dum aut victâ aut dissimulatâ morbi acerbitate lætus pergeret, vix regionem afficientem egressus fuerat, cùm à contagio conualuit; & partim sedens, partim cubans, intra dies octo ad vires pristinas reuertit.

Basilicam urbem Hæreticorum prætergredi opus fuit, quoniam itineris ita ordo posce-

ret; & vix eâ excesserant, cùm rumor dissipatus est, fuisse inter Cardinalis Legati Assclas & comites Robertum Bellarminum. Ægerrimè tulit populus, vel non visum vel non agnitum à se virum, quem optasset quasi pompam illac ire; incertum, vt honore, an vt contumeliis eum exciperet. Certè omnes auebant visere, quis ille esset, qui tot & tam grandibus Voluminibus suas ipsorum vires spreuisset; eandem virtutem admiraturi, cui irascebantur. Nec dubitem, quin si colloqui datum esset, profuisset ad animæ frugem; siquidem quacumque incessit, reliquit vestigia virtutis, quæ Hæreticis spectaculo, & Catholicis exemplo fuerūt. Tandem inter hostium terrores, & discrimina varia, 111. Idus Nouembris Vrbem Romam intrarunt sospites omnes; secutæque sunt gratulationes ac salutationes lætissimæ: & Bellarminus reperit dulcissimos Socios, qui ipsum opperiebantur, & à quibus Societatis more per amplexus, arctissimæ beneuolentiæ indices, exceptus fuit.

Romæ haud vixit diu expers noui laboris: cùm enim recognosci & iterùm edi Biblia XISTÏ V. deberent, propter errata, quæ editione primâ in codicem irreperant (quod & XISTVS ipse destinauerat agere, fecissetque, nisi mors impediuisset) GREGORIUS XIV. qui

qui fuerat ab VRBANO VII. proximus ad Pontificatum euectus, mandauerat coram se Conuentum agi, in quo præscriberetur modus eius recognitionis; cùm id tantoperè Sacra Tridentina Synodus D. Petri Successoribus commendet. In eo primùm auditæ sententiæ, & pòst Bellarmini consilium omnes approbarunt; qui meditationi aliquot doctissimorum hominum relinqui posse dixit, de integro ea repurgare, conferendo ad antiquas editiones, & ad manuscripta exemplaria, tum Græcorum, tum Latinorum, & ad Commentarios Patrum: quò ita XISTI V. emendatio talis esset, qualem ipse optauerat, & haberet numeros perfectionis, qui Opus cæleste deceant. Huius consilij exequendi causâ contulerunt se in Ædes Marci Antonij Columnæ Cardinalis; qui aderat, & vnà etiam Cardinalis Gulielmus Alanus, Magister sacri Palatij, Robertus Bellarminus, atq; alij quatuor. Hi verò sacras paginas studio atque industriâ suâ reddidère Ecclesiæ eâ formâ, quâ nunc habent, prælo datæ initio Pontificatus CLEMENTIS VIII. In opere obeundo fuit Bellarmini præcipuus labor, & in eum quoque sententiæ redibant omnium: siquidem Collegæ eius experimento didicerant, instar oraculi haberi posse, quæcumque ipse suggereret. Præfationem item composuit, quæ an-

168 VITÆ ROBERTI CARD. BELLARM.
te eadem XIST I V. Biblia hodieq; impressa
legitur. Atque ita Bellarminus varietate lin-
guarum S. Hieronymo simillimus, ab eo ne
discrepauit quidem, in recognitione Sacro-
rum librorum; quos pariter vindicauit atque
restituit. Eorundem Sacrorum librorum
pollicebatur absolutissimos Commentarios,
si spatio decennij ferari ab occupationibus
aliis potuisset, vt daret se illorum assiduæ me-
ditationi: quod P. Claudium Aquauiuam
Generalem Præpositum rogauit, etsi tantum
otij præstantia eius non impetrauit.

CAPVT X.

*Præst, in Societate IESV, Romano Colle-
gio, & Neapolitana Prouincia.*

ANnos circiter duos & triginta Bellar-
minus sub aliorum regimine in Societa-
te vixerat; cum P. CLAVDIUS AQUAVIVA
Generalis, implorato ad consilium Deo, &
auditis assistentium suffragiis, Bellarminum
Collegij Romani Præsidem nominauit.
Quippe hominem iis moribus, & doctrinâ
tam variâ, qui ingenium graue suauibus arti-
bus miscuisset, admurmuratione secundâ
posse regimen accipere, & fructu magno re-
tinere arbitrabatur. Anno itaque M.D.XCIII.
xv. Kalend. Ianuarij gubernationis initia po-
suit,

fuit, non sine omnium gratulatione, ac spectata etiam, fore, ut cuius experti mores fuerant, huius prudentiâ suauissimè regerentur. Vnus ipse in communi lætitiâ mœrebat; et qui imperare magis posset, quàm vellet; cuperetque aliis potestatem, sibi obsequij gloriam relinquere: cum præsertim obuersaretur animo ea cogitatio, haud esse onus leue illud, in quo possit propriæ salutis periculum adiri.

Verùm instructus hoc metu, non territus fuit; dum reputaret ad securitatem facere, quod fuisset in eam deliberationem adductus alieno imperio, & non suffragio suo.

Ideò sollicitudinem omnem referens in Deum, cœpit primò flagitare ab ipso Sapienciam necessariam iis qui animas regunt. Deinde præscriptas leges muneri suo perquam accuratè meditari, quò eas exequi, & comes esse Diuinæ Prouidentię, disponentis cuncta suauiter, in regimine posset. Tum veteri more Collegij, publicè proposuit adhortationis loco eam quam erat initurus gubernandi rationem; dederuntque materiam sermonis illa: *Rectorem te posuerunt; noli extolli: esto in illis, quasi vnus ex ipsis, & non impedias musicam.* In quâ adhortatione cunctis patefecit sensus animi sui quàm demississimi; professus haud maioris pretij futurum se deinceps in

fuimet æstimatione, quàm fuisset antea, mi-
 nimi dum erat. Quippe cùm altè animis hæ-
 reret Christi Seruatoris exemplum; qui Ma-
 gister & Dominus, moratus est inter Disci-
 pulos, tamquam eorum administer & seruus.
 Prætereà, quoniam intelligeret præfici se par-
 tibus aliorum tantummodò subiectis ad re-
 gimen; adnixurum se promisit, vt veluti Mu-
 sicæ Præses, dirigeret, non perturbaret ipso-
 rum munia; quò concinerent modulatè, &
 consonarent omnia, nec absurdi aut absoni
 aliquid adstreperet, in eà tam præclarâ mo-
 rum atque animorum harmoniâ. Hoc posse
 fieri putabat, si à minoribus Præpositis mu-
 nia diuersa ita proveniant, vt qui præest, in-
 star attenti Moderatoris, non partes eorum
 procuret transigatque per se; sed eas, veluti
 voces musicorum, æquabiliter, & cum tem-
 peratione moderetur. Postremò enixè om-
 nes rogauit, tum vt precibus propitium sibi
 redderent communem Dominum, tum ve-
 rò, vt si de vllâ re monitum se vellent, hoc
 agerent liberè; essentque eà persuasione, non
 ad aliud se, quàm ad publicum eorum bo-
 num adspirare. Hoc tam impensè flagitauit,
 vt nemini dubium reliquerit, quin ea monita
 in optimam partem accepturus esset. Adie-
 cit etiam, se magnis nominibus vnicuique
 obstrictum fore; si scripto aut voce per se aut
 per

per interpretem , interdiu aut quavis horâ noctis, eum commonefacerent. Quòd si coràm non auderent , fore leuissimum genus admonitionis dixit , traditionem syngraphæ, inscriptis iis , de quibus optarent ipsum commonefieri ; quam syngrapham in cubiculo, aut ad limen eius relinquerent : & tum fore prorsus , vt suæ meditationi rem daret , exquereturque propitio Numine, quod consultius iudicaretur.

Non hæc sparsa ad auditorij animos promerendos fuerunt : nam sincerè & ex animo locutum, res postmodum affirmavit. Ex Rectoris defuncti cubiculo submouit icones pictas, pluteos & scrinia, tametsi modici operis; iussitque ad Æditui locum eadem adferri: aded vt vtenda tantùm attinuerit ea , quæ communia essent Sociis reliquis , etiam vltimæ sortis ; cupiens in paupertatis laude iis quoque exemplum præbere. In appellandis venerandisque singulis , modum quem pridem tenuerat , neque tunc demisit. Ided aduentantibus assurgere aperto capite , nec pati stare in alloquiis quemquam cuiusvis conditionis , sed considerare tecto capite. In communibus allocutionibus , siue ex destinato congressu , siue ex occurso fortuito , erat pristina affabilitas ; mutuaque officia vsurpabat propè ex æquo ; alloquendi verò causâ , nihil erat

erat necesse tempus aut molles aditus captare. Dum alij animi causâ spatium horarium ab utrâque mensâ mutuo sermoni tribuerent, ipse in cubiculum se frequens referebat, ut qualibet adiissent horâ ab omnibus inueniretur; essetq; indigentibus remedium omnium momentorum: singulos verò, & excipiebat benignè, & patienter ad finem vsque sine interpellatione audiebat. Ibi quando solus, uti sæpè fiebat, morabatur, etiam tum aliarum inseruiebat commodis. Nam ut canere iucundè scienterq; didicerat, exscribebat eo tempore aliquod Canticum; ac prius illius pingebat notas, postmodum verba emodulanda subscribebat, eum ad finem, ut si in impressis exemplaribus incurrerent obscœnæ voces, quæ dulcedinem cātus suâ fœditate inquinarent, transcriptis in exemplis subrogaret è suo ingenio voces alias, quæ aures religiosas decerent: ex eoq; oriebatur, ut non tam vocis ille, quàm virtutis concentus redderetur. Atque ex his Canticis libri aliquot exstant adhuc in Romano Collegio, scripti manu eius. Siue quid ageret, siue loqueretur, erat ad amœnitatē compositus; ut ex vultu omnes faciliè perspicereht cordis copiam, atque insitam erga singulos charitatem. Admirationi tamen fuit, consuetudine istâ tam suavi, & demissione tantâ non imminui

minui potuisse obsequium : nam internitens in eâ virtutis nescio quæ maiestas , & Christi Servatoris imitatio , longè efficacius , quàm vis vlla imperiosior , prohibebat ne reuerentia excideret animis subditorum ; efficiebatque , vt non violenter , sed quasi solent umbrâ virgæ nobiles equi , omnes nutibus eius regerentur.

Contrâ sicubi audiret aliquas noxas , tametsi leues , & ex iis quas patrare interdum in Religiosis Domiciliis etiam iusti solent , temperare à mœrore nequibat : tanto erat studio incensus erga publicam innocentiam. Proinde sanare , quæ essent huiusmodi ; molliter tamen leniterque , vt manus medici vix æger sentiret. Crebrò in adhortationibus mores non optimos notare audiebatur ; incitare omnes , ne rubiginem ac situm in animis contraherent ; & eo sermonis adiumento , quasi cote singulorum acuere virtutem. Sæpè visus est , quæ haud laudabiliter fierent , recensere cum lacrymis ; vt qui mallet , fletu redundanti , suorum maculas eluere , quàm eas acerbitate reprehensionis detergere ; solitus simili comploratu supplicabundus Deo causas eiusmodi commendare. Poenæ aliorum subscribebat numquam , nisi re antea studiosè cognitâ ; semperque relinquebat aurem alteram ad patrocinium Rei : quâ industriâ

striâ & vigilantîâ optimè virtutem in singulis formabat.

Quoniam etiam compererat diutino vsu, quo animos tractauerat, nihil magis iturum in perniciem Societatis, quàm si subditi eam consuetudinem gubernandi deberent pati, quæ ipsos cum Præpositis ac Moderatoribus ingenio aperto esse non sineret: idèò imaginem omnem politicæ, quam vocant, simulationis abominatus est; vti rem, quæ potestatem regendi alios, hoc est Deo vicariam operam, indignissimè profanat. Ventilare dissidia, aut partes alere (quæ cùm scintillant, sæpè excitant incendium charitati) detestatus est semper: suspensa item verba, vel perplexa de industriâ, incertumque sermonem, & cetera id genus locutiones, in quibus non se statim proderet animus, vti barbaras artes, deuittauit. Munia Collegij cùm distribueret, æquabili lance exigebat ad examen rationis pondera meritorum: & se ita purgabat ab omni priuatæ gratiæ suspitione; nihil præ oculis nisi Deum habens, & publicam vtilitatem.

In disponendis subditis, non aliud aduersus querimonias æquè censuit prodesse, ac sequi plerumque arbitria Consiliariorum; quibus tam in hac parte, quàm in omni re libertatem suffragij reliquit, & potestatem proponendi quæ vellent. Denique in ipso inueniebatur

batur cum prudentiâ serpentis par columbæ coniuncta simplicitas : vt extrema, in quibus vitium est, fugeret; & sectaretur, quæ delectarent communiter, ac prodesse.

Hæc inter studia, quibus tam sollicitè Moderatorem animæ agebat, haud habuit neglectui corporis necessitates. Singulis copiam eorum suppetere, quibus indigerent, iubebat; curabatque, quoad poterat, vt nihil habentibus nihil deesset: qui modus est optimus, vt qui præest, liberiùs à subditis disciplinæ laudem possit exigere: fuissetque ab ipso aucta victus ordinaria cōditio, quod & destinauerat initiò, nisi veritus esset, ne fortè laxaret terminos paupertatis. Etenim virtutis huius amantissimus, cupiebat sic necessaria cuique præberi, vt superuacaneis omnes carerent. Aliquando quia rescuerat, vnum ex Patribus Collegij, ceteroqui virum alicuius exceptionis, nescio quæ indumentorum genera in cubiculo attinere, nec eis indigere tamen; mandauit in vestiarium ea referri, seruarique, donec vtenda ille repeteret. Et post ad eum scripsit, qui valetudinis causâ in Tusculano erat, sic factò opus fuisse; ne si deesset muneri suo, deberent ambo coram Deo erubescere, alter quoniam ea penes se habuerat, alter quoniam habenda permiserat.

Illi verò suberat quidem persuasio, vestes
casdem,

easdem esse necessarij vsus , propter valetudines quibus tentabatur : attamen nihil ausus est contradicere ; maluitque vt sibi de vestitu, quàm de paupertate aliquid detraheretur.

Si cui ægritudo ingrueret, inuisebat interdum & noctu sæpiùs ; & quoties videret artis præsidia deficere, constans opinio fuit, eum cælestibus remediis multos restituisse. Marcellus Augustinus Societatis Sacerdos narrat, supplicem se, cùm studeret iuuenis adhuc in Romano Collegio, à Bellarmino Rectore postulauisse, ne mitteretur denuò Præfectus iuuentutis ad Seminarium Romanum, cogere turve iterare ibi vitæ genus, quod valetudini suæ multum officere, aliàs expertus fuerat. Missus nihilominùs causam contraxit morbi sanè ancipitis, ac diuturni ; quo menses duos conflictatus, ac demum extremis Ecclesiæ Sacramentis munitus fuit. In eo statu repertus est quâdam die feбри & omni tabe in venis extinctâ, breuique conualuit. Sanitatem hanc verò ipse acceptam retulit precibus Rectoris sui, quem viderat mœrere animi, & religioni ducere, quasi eum ipse in discrimen illud adduxisset. Idem refert, cùm aliàs æger nescio quis Bellarminum rogasset, vt se lustrali aquâ respergeret, legeretque S. Marci Euangelium, quod ægris saluti esse piè creditur, turbatum fuisse initiò eâ postulatione ; & dein

dein flexisse, tantum vt rogari desineret; præsertim vbi audiuit petittum id perinde à Sacerdotibus aliis: nam ceteroqui ipsius modestiæ grauis ea petittio videbatur. Tamen si verò haud induci poterat, vt fateretur suscipi à se medendi curam; subdidit ioco interdum: Cùm semi-miracula putem aliquando fecisse me; miracula tamen integra, quoad reminisci possum, ego numquam edidi. Quod cùm ad occasiones varias sæpiùs luserit; ego in re, quam ex ingenio quisque suo possit interpretari, eorum opinionibus accedo, qui hoc ita intelligi volunt, vt semi-miracula gratias appellauerit: quas, ipsa dissimulatione miraculi miraculum augens, celare industriâ conabatur; ne in plausus euaderent, sanctimonixque famam; & quas ad eum finem confusè, vt non sibi vni adscriberentur, cum Sanctorum aliorum imploratione, & sacrarum Reliquiarum vsu, consequebatur.

Iam quia versamur in eâ sollicitudine, quam impendit, vt aliorum prospiceret incolumitati, præterire non debeo, quæ in hac parte P. Hippolyto Margaruccio contigerunt. Is adolescens Bellarminum Collegij Rectorem, cùm Præposito Prouinciali esset à Consiliis, allocutus erat; rogaueratque vt in Societatem IESV admitteretur. Laudauit propositum Bellarminus, sed non probauit ta-

M

men

men ingressum eius, si fieret eâ tempestate; nempe Vere ineunte. Dixit enim 'distinctè, mallem ad Septembrem vsque differres; nam tibi ab æstate metuo, quæ est Romæ insalubrior. Quod si secus egeris, aëris & æstus damna senties, morbisque implicaberis; ex quibus postmodum diu æger eris. Sic ipse: sed Iuuenis Religiosæ vitæ desideriis incitatus dedit Societati nomen, ipso die Annuntiationis Deiparæ Virginis. Res verò habuit exitum, quem Bellarminus prædixerat. Nam ad x. Kalend. Augusti febris acutâ correptus Hippolytus decubuit; & breuî cum spes vitæ nulla superesset, Cæleste viaticum sumpsit. Euasit periculum tamen; sed relictus est præcordiis ita vitiatis, vt ferè quid optima valetudo sit, in posterum ignorauerit.

Iam vt ad alia veniamus; in Romano Collegio, cui præerat, hoc etiam præcipuè cordi habuit, quò in dies magis studia, tum pietatis, tum artium optimarum, florerent in animis exercitiæ iuuentutis. Professores percunctabatur sæpè de eiusmodi profectu; nec quidquam eis deesse subsidij ad labores perferendos patiebatur. Bibliothecam ædificauit laxiorem, illustrioremque; cum iaceret antea in angustò & obscuro loco. Exactor assiduus erat quotidianarum exercitationum, ne in desidiâ diffluerent ingenia: cauebatque,

que, ne opiniones ingruerent nouæ; cùm æstimaret esse periculofum, niti fallentibus ratiocinationibus: quæ etfi radium frictæ lucis vibrant, cùm ex ingenio viuido primùm emicant; progredientem animum deftituunt tandem, & fepè à veritate deuium abducunt. Laudem contrà egregiam rebatur, fi stude- rent omnes nouis potiùs rationibus Veterum opiniones, antiquitate ipsâ venerandas, stabili- re. Itaque fi quorum ingenia audaciùs vi- deret in eiusmodi commenta ferri, Præposi- tum Generalem adibat, efficiebatque, vt pro supremâ potestate, quâ ille fungitur, tem- pestiuè morbum excrescentem reprimeret.

Interfuit aliquando, cùm iam esset in Pur- purâ, disputationi Viri Nobilis; qui, fiduciâ ingenij, venerat in spem, fore vt in Lycea Academicorum genus philosophandi nô- uum inueheret; excogitatis commentis ne- scio quibus, & repudiato veteri modo; qui quia tritus est inter cathedras, vel ideò cen- sendus videtur optimus & probatissimus. Consilium ille suum exposuerat; durus ad monita eorum, qui, vt à nouitate illâ repre- henderet animum, blandè atque amicè sua- debant. Quadam die verò Cardinalis Bel- larminus cum ipso domi sermonem insti- tuens, antequam hominem dimitteret, in digressu manum superposuit humero eius;

&, Minimè, inquit, decet ad Ecclesiæ offendiculum te ingenio illo uti velle, quod à Deo accepisti sanè quàm optimum. Fuit autem ea vox tam ad persuadendum efficax, ut Prospero (nam hoc erat viro nomen) statim iniecerit mentem aliam, nec auditus sit in posterum de inuentis illis suis vniquam meminisse: quemadmodum Franciscus Androsilla, & honesti viri plures, hodieque narrant.

Interim ad initia Principatus CLEMENTIS VIII. Romæ agi cœpta sunt Comititia generalia Societatis; indicta, ut de communibus rebus decerneretur. Pro iis deligunt omnes Prouinciæ duos, doctrinâ, prudentiâ, & morum ceterâ laude præstabiles, qui cum earum Præsides ad Conuentum, in quem conferunt se Ordinis prima capita, eant. Romana Prouincia P. Bellarminum, qui tum erat Collegij primarij Moderator, elegit; & in eo ipse confessu, pro suæ Religionis bono, nihil ex his quæ conscientiam dictante parauerat, aut dissimulauit, aut tacuit. Dimissis verò Comititiis, Neapolitanæ Prouinciæ Præses creatur, nondum circumactò triennio ab inchoatâ gubernatione Collegij.

Quia verò, quâ vsus prudentiâ antehac Romæ fuerat, eandem Neapoli tenuit deinceps in Prouinciâ administrandâ; idcirco neque

neque dicta repeto, & tantummodò addo, quæ huic tempori propria. Prouinciæ sic præfuit, vt verbis illam, adhortando alios, ac simul factis, exprimendo in se quæ diceret, ad omnem perfectionem instituerit formaue-ritque: cum facta sua, non dicta tantum se-qui subditos vellet; nec præcepta modò à se, sed exempla etiam peti. Huius rei memine-re, qui tum in Prouinciâ vixerunt, hærent-que in recordatione omnium adhuc adhor-tationes eius, pio exceptæ cum plausu, & pro-latæ cælesti ore, atque oratione nudâ sim-plici que; sed quæ materiam vniuersam me-thodo facili complecteretur, & quidquid proponeret, hoc solidis rationibus, Scripturæ sacræ oraculis, testimoniis Patrum, Exemplis ab Historiâ Ecclesiasticâ desumptis felicissi-mè prosequeretur. Qui etiam domestici sermones per se quidem optimi, adhuc ex ore ipsius nescio quid præter solitum magni spiritus & vigoris efferebant; siue quia eius dicta veritatis index orationis simplicitas, & quædam quasi negligentia commendabat; siue quia egrediebantur eius voces è rerum diuinarum meditatione, tamquam igne, & idcirco alios incendebant.

Auxit in Prouinciâ modestiam suam in-ter agendum, submissionemque, ferè medius inter subditum & Præsidem. Vox nulla vio-

lenta audita est, nihil placuit asperum loqui. Imperij vocibus abstinuit semper; & si quid præciperet, erat roganti propior, quàm iubenti. Ea verò in ipso consuetudo fuit, vt, quæ posset sine alterius auxilio, ea per se obiret; nec in quemquam grauius, quàm in semet videbatur imperium exercere. Quadam die, cum ocreas & ceterum habitum viatorum induisset, & in ipso momento deliberatæ profectiōis Socio indigeret, narratur domi inambulasse diu cum impedimentis illis, hominem quæsiturus; & quia obuium Religiosum habuit vnum è subditis suis, minimè ausus est monere, vt Socium quæreret; sed tantum, an indicare posset de eo, interrogauit; cumque id ignorari à se respondisset alter, perseuerauit, ita instructus ad equitandum, patientissimè circumire. Paulò post Religiosus ille factum serò æstimans, semet inculauit, & erubuit, quoniam officio defuisset; & eam modestiam in Præside suo summo perè admiratus est.

Cura difficilior Præpositorum Prouincialium in Societate ea est, vt quotannis sedes Sociorum omnes circumspiciant; & si quæ sit alicubi necessitas, ei coràm subueniant. Id in Neapolitanâ Prouinciâ ægrius multò fit, tum propter locorum distantiam, tum ob itinera propemodum deserta. Nihilominus,
 intra

intra triennium, Bellarminus bis lustravit Prouinciã totam: & in viã satis ostendit, scire se abundare pariter, ac penuriã pati; præbens moderationis in altero, in altero patientiæ documentum. Tabernæ vrbe Calabria, sicut inuitatus antea fuerat officiosissimè, ita significatione honoris mirâ exceptus est. Quippe longo tractu stipatus turmâ equitum, à medio milliari obuios Magistratus etiam habuit; factâque à iaculatoribus fistularum bellicarum explosione, ad Ædes Senatorias instructas aulæis ductus est. Ibi dum eum Primores Urbis tractant splendidè, sicut inuitauerant honorificè, modestia eius maluisset honorem declinare; & ideò non filebat, inter eos apparatus vocari nimis incongruè tenuitatem suam. Sed vicit hanc virtutis repulsam vis ea officiorum, & Bellarminus tametsi perfusus verecundiæ colore, coactus est interesse significationibus iis opinionis magnæ, quam de ipso Ciuitas præ se ferebat. At cum discessit Tarento, longè euenit aliter in oppido Calabria, quod Russetum appellant. Hic quia nec domus meritoria præsentì pecuniâ, nec gratuitum hospitium precibus impetrari poterat, diu hæsit; donec tandem miseratione rarâ in domunculam ruinofam, fumo deterrimam, & vbi humana subsidia suppeterent nulla, admissus

est. Et nihilominus in eo tuguriolo obscuro, fœdoque, multò habitauit libentiùs, quàm Tabernæ pretiosus hospes; vt paupertatis incommoda experiretur.

Cùm ad Collegia veniret, tamquam aliquis è Cælo aderat, sanctus, innocens, mitis, & qui charitatem parauerat loco auctoritatis. Necessitates omnium audiebat, vt Parens: nauos laudabat; & si quorum virtus segnior esset, hos adiuuabat benigno alloquio: adferebatque honorem dignis; solitus contrà, si qui deficerent, vel non punire, sed monere tantùm vt eos pœniteret, vel pœnam irrogare seram, sed aliquam, & omnino talem, ex quâ neque clementiæ neque seueritatis excessus vllus metueretur. Ceterùm satis habuit, si virtute illi culpam corrigerent, & abolerent noxæ memoriam nouâ gloriâ vitæ sanctioris. Onera subditis, non subditos oneribus accommodabat; ne pondus eos, aut opprimeret impositum, aut imponendum deterreret. Imbecillis admouebat fomenta paternæ pietatis; ne abiecti animo se ipsos deponerent; & constitutos in mœrore Socios medicus animorum egregius, aut curabat blandè, aut verbis dulcissimis, quando factis non poterat, solabatur. Denique omnes auctoritate, non imperio regebat, venerabilis vir miraculo litterarum, venerabilior san-

sanctitate. Conueniebat homines Societatis perstudiosos, & erga Collegia beneficos, eis-
que officia atque obsequia, gratique animi
signa omnia sincerissimè offerebat.

In aggregandis ad Societatem hominibus
apprime circumspectus ac providens, reba-
tur tales esse deligendos, non modò qui na-
turæ laude essent insignes, & in corpore etiam
prosperæ virtutis; sed qui multò magis ani-
mis præstarent; possentque, domi forisque
victores sui, aggredi patique fortia; & sic pro
aliis moliri magna, vt ipsi deinde viuerent
paruo. Id vt certius fieret, cognitiones meri-
torum sine consiliis per se solus non exerce-
bat; ac aliquos postmodum admittebat, vel
secus, quemadmodum suadebat eorum ex-
cellens, vel abiecta virtus. Neque solùm cau-
sâ huius habendi delectus; sed & rei cuiusvis
moliendæ, solebat prius cum viris prudenti-
bus in commune consulere. Maximè verò
hoc egit, si quando haberet hominem penes
se, cui familiare pectus gereret, & apud quem
excutere mentem omnem liberè posset. Eam
in partem illud cessit feliciter, quòd id tem-
poris Neapolitani Collegij gubernaculo præ-
esset Mutius Vitelleseus; de quo antiqua ei
prudentiæ, fidei, & virtutis opinio; & quem
norat semper inter consulendum prospicere
optima. Proptereà alloquendi eum causâ (si-

ue quòd amicum reueritus, siue quòd sponte demitteret se) semper ipse è Professorum domo, quæ est Prouincialis Præsidis habitatio, ad Collegium se conferebat: neque Mutius vmquam impetrare potuit, vt accerferetur potius; tametsi aliquamdiu hinc obsequio, hinc modestiâ inter deferentes inuicem, non magis mutuâ quam inexplicabili demissione, certatum fuerit. Ceterùm, cùm inter se mirâ concordia viuerent, & tantùm officiis contenderent: ex eâ consensione animorum Prouincialem inter & Rectorem, incredibile est quantum Prouincia tota caperet ornamenti, atque præsidij; & quàm ibi esset inter optimè parentes, & iustè imperantes, læta Societas. Aderat quippe nullus animo tam omisso, in quo non emicaret alacritas quædam iis capeffendis quæ iubebantur; ne quâ fortè amaritie dulcedo ea suauissimi regiminis corrumperetur. Vt quæ dixi fidem habeant, subnectam testimonium P. Fabij de Fabiis, viri integerrimi, & qui de se sanctitatis famam, verum vtique vestigium virtutis, post obitum reliquit. Is profectus Neapolim, primò vt Visitator Prouinciâ auctoritate supremâ lustraret, ac deinde vt Prouincialis Præpositi munere fungeretur, nactus occasionem scribendi ad Cardinalem Bellarminum; *Quoniam*, inquit, *Deo ita placuit, vt in Prouinciâ detentus,*

*detentus, non potuerim tibi, sicut optassem, ore
tenus gratias referre ob instructiones & moni-
ta, quibus me in digressu meo cumulasti, & ex
quibus plurimum adiumenti capio exequendis
iis, quæ mihi à sanctâ obedientiâ præscribuntur;
mearum esse partium duxi, saltem litteras mit-
tere, quæ sermonis vicem obeant. Sed utinam
hæ denuò impetrent noua consilia & monita,
quæ rursus adiuuent me in Prouincia regimine,
atque adeò me etiam regant. Sperarem enim fo-
re, ut id cederet in laudem plurimam Diuinæ
Maiestatis. Etenim, quemadmodum in his par-
tibus adhuc ad gloriam superat recordatio con-
solationis magnæ, quam ex dulci consuetudine
tuâ hauriebant tum nostri, tum externi omnes:
ita ego vim non mediocrem ex iis monitis perci-
perem, quæ me fortasse, veluti alterum te, sen-
sim ac suauissimè repræsentarent. Visitator Nea-
polim, Nolam, & Salernum; Præpositus verò
Prouincialis Barium atque Barulum obiui. Iam
instant Comitia Prouinciæ. Sacrificiis ac preci-
bus suis me commendo, ac Deum oro, ut te sospi-
tem diu velit ad totius Ecclesiæ commune bo-
num. Neapoli xviii. Kalend. Maij M. DC. Hinc
facilè apparet, quæ fama secuta sit eius gu-
bernationem. Etenim miti vir ingenio, vitia
magis quàm virtutes dissimulans, & vitia ni-
hilominus dissimulatione ipsâ coercens, ha-
bitus est instar fideris maximè prosperi & fa-
lutaris,*

lutaris, ex quo vnusquisque securus benigni afflatus, trahere vim & lucem posset; vt in Vineam Domini cultor lætus incumberet. Quam laudem in Bellarmino nemo postremam duxerit, si reputet difficile admodum esse, absque damno vel seueritatis vel lenitatis imperare, præsertim hominibus, datis vt pareant, non vt seruiant; hoc est Religiosis, qui subiectionem filij pati debent, quæ sit simul absque seruitute, simul absque libertate.

CAPVT XI.

Romam reuocatur, futurus CLEMENS VIII. Pontificis Theologus; cum quo Ferrariam proficiscitur.

DVm ita iusto, moderato, & longè firmissimo (quo nimirum obedientes gauderent) Prouinciam gubernabat imperio; Romæ obiit Franciscus Toletus Cardinalis CLEMENTI Pontifici apprimè gratus, & vir prudentiâ, doctrinâ, virtute tum in omni vitâ, tum in Purpurâ eximius. Ideò vt iactura ea compensaretur, Pontifex Bellarminum accersiuit; dignum cum ratus, qui alterius defuncti loco sibi atque Apostolicæ Sedi Theologus assideret. Anno itaque M. D. XCVII. mense Ianuario, Romam veniens, à CLE-

MENTE

MENTE VIII. excipitur humanissimè, iubeturque habitare Vaticanis *Ædibus*; tum ut esset muneri suus honor, tum ut Pontifici adesset Oraculum omnium horarum. Sed Bellarminus, cui semper ambitio, & quæ ad honorem conferunt, visæ fuerant odiosæ res; & è contra diuersoriorum intra suæ Religionis septa, consuetudoque simplex ac nitida Sociorum, pro deliciis habebantur; obtinuit per interpositas preces Petri Cardinalis Aldobrandini, ut in Pœnitentiario Collegio degere posset, qui locus Vaticanæ Regiæ proximus est: & hoc pacto oculos Aulæ multimodis interpretes declinauit; ac simul habitans inter suos, momentis omnibus Pontifici aderat. CLEMENTEM induxit ad electionem hanc, cum fama quæ de Bellarmino latè percrebuerat, tum verò quia doctrinam eius libauerat aliquando suspexeratque, euoluens Tractatum ipsius de Translatione Imperij, quem ab vno Cardinali acceperat, dum esset in Conclauis Comitiorum. Dein adeptus Ecclesiæ summum regimen, quadam die Bellarminum consuluerat; an è re communi crederet, si Romæ in publico Gymnasio, cui à Sapientiâ nomen, Philosophia Platonis traderetur. At Bellarminus, tametsi Pontificem pronum ad id videret, nihilominus liberè affirmavit, periculum certius à Platone quàm

quàm ab Aristotele manare in ingenia posse, si inter Christianos ille cathedram habeat; non quòd pronuntiata singula eius Auctoris infecta sint erroribus, sed quia doctrinæ Catholicæ magis affinis Plato, quàm Aristoteles est; metuendumque propterea, ne capti similitudine rerum, in quibus conuenit, sensim animi ab incorruptis ad vitiosa descendant. Et fore perinde aiebat, atque experimur plus ingeniis afferre damni, ex hac similitudine, Hæreticos Auctores, quàm Scriptores Ethnicos. Subdidit postea, ignorari à nemine, Origenem Platonis dulcedine & facundiæ eius lenocinio deprauatum, libros scatentes erroribus Ecclesiæ reliquisse; atque id causæ fuisse, cur Plato idem in v. Synodo sit proscriptus: ideoque ne Religioni plus noceret, quàm prodesset ingeniis, censuit meritò ei cathedrâ interdici debere. Iudicium tam prudens & graue Pontifex laudauit, ac Bellarminum postea ad Consilium accersit frequentius; cum interim opinionem de ipso augerent multi, & præ ceteris Cæsar Cardinalis Baronius, vir prisca moris integerrimique. Etenim is, quotiescumque per eos dies quærebatur Vir præclarus, qui impleret amplitudine pari spatium illud virtutis, quod occupauerat antea Cardinalis Toletus, vnum Bellarminum eum videri passim affirmabat.

Pontifex

Pontifex certè , tametsi erga Bellarminum propenderet admodum , inchoatam ei gubernationem non abruptisset , nisi suasset hoc ei Cardinalis Baronius , hominem esse dicens ad ea munia factum : quem inaudiebat sæpè ita in consultationibus loqui , ut ingens omnium quæ diceret , tum admiratio , tum fides esset ; & ut coniunctionem felicem in eo summæ doctrinæ , ac summæ modestiæ , suspicerent vniuersi. Videlicet studiorum similitudo , & voluntatum etiam consensus contraxerat pridem hæc duo Ecclesiæ lumina ; quæ in bonum eiusdem Ecclesiæ conspirabant coniunctione prosperrimâ. Hinc ea Baronij vox manauit , quâ Bellarmino dixit aliquândo ; non tam arctè Ionathæ ac Davidis vtramque animâ conglutinas fuisse , quàm ipse arctè ipsius animam nexu amicitiaë complecteretur. Hinc & desiderium illud vehemens oriebatur , intuendi eum vestitum simili Purpurâ : quod satis exprimebat , iterando voces illas : *Quis mihi det te fratrem meum ?* Cùm verò cooptatus fuit in eius amplissimum Ordinem , erat animus idem , ad eò ut tantùm eos corpora diuiderent. Proinde in rebus dubiis consulere inuicem , ac iuare inter se fide magnâ. Et quando Cardinalis Bellarminus morabatur Capuæ , uti bonus Pastor inter oues suas , tum Cardinalis

Baronius

Baronius ægrè absentiam ferens , auctor ei erat, vt in Urbem ad tempus remearet; quod habetur in Epistolâ eius fermè in hæc verba: *Testis , inquit , est Deus , me nihil tam cupere , quàm vt simul adsis : conferrem ego tibi subinde res meas , & tu statueres in portu naufragum cor , quod in pelago mergitur flebilium ærumnarum. Et verò si id susciperes consilij , nemo iniquiùs interpretaretur; te ad menses paucos , & animo redeundi , Romam cogitasse. Fecit hoc aliquando Cardinalis Carolus Borromæus , sanctissimi laudatissimiq; Vir exempli ; & multos profectò conspectus tuos recrearet.*

Non defuêre tamen intereà temporis , qui inter ipsum Bellarminum & Cardinalem Baronium corrumpere consensum illum mutuum malignè conarentur. Desumptus verò est fomes dissidij ex iis , quæ ambo diuersa pronuntiauerant , de Veneratione Sanctorum. Etenim in edito libello , in quo deerat Auctoris nomen , refellebantur quæ Cardinalis Bellarminus dissenserat lib. i. de Beat. Sanct. cap. 10. potissimùm ex eo capite, quòd aduersarentur directè his quæ de argumento eodem Cardinalis Baronius pridem scripserat. Agnouit Bellarminus id parere absentiam suam ex Aulâ: nam qui talia spargebant, præsentem traducere veriti fuissent. Nihilominus malignitas eorum frustra hæc moliri visa

vifa est : nam ipse tantummodò rem non dissimulauit ; & pacis studio atque concordia illustrans magis rationes suas , cetera persuasionem habuit Deum affore patronum innocentia.

Fuere itaque perpetuò in Cardinali Bellarmino beneuolentia huius mutuæ indicia paria, & prosecutus est ideò lacrymis obitum Cardinalis Baronij, publicus complorator in Templo, vbi ei preces funebres persoluebantur; & domi etiam priuatim, dum familiam hortaretur ad pietatem. Nam obortis lacrymis in dulci commemoratione Collegæ sui demortui, silere coactus est, antequam ea, quæ dicere proposuerat, absolueret; cùm ex fletu sæpiùs redintegrato, sermo eius interPELLAREtur. Et sanè doloris hæc significatio fuit notabilis in Viro, qui apprime potens sui, Agnatorum funera siccis oculis audire consueuerat: quod Epistolæ indicant, quas dedit in obitu suorum.

Sed redeo ad historię seriem : Pontifex mense necdum euoluto, conscripsit Bellarminum inter eos qui Sacrae Inquisitioni Romæ sunt à Consiliis. Iubebat quoque adferri ad eum libellos supplicum pro conscientia rebus; & priusquam gratia rescriptum daretur, mandabat iudicium eius expectari. Has inter occupationes à Cardinali Taurusio ro-

N gatus

gatus quoque est, ut fidei Christianæ capita in tractationem breuem contraheret, quâ teneræ ætatis aures imbuerentur, cum adiunctâ explicatione vberiore. Opus vtrumque vix absoluerat, cum Pontifex illud iussit prælo dari, ut eiusmodi piarum institutionum varietas tolleretur.

Interim quia propter obitum Alphonsi Ducis Estensis in antiquam ditionem Romanæ Ecclesiæ deuolutus erat Ferrariæ Principatus, CLEMENS Pontifex profecturus eò, præter Cardinales. & Præsules, quos duxit asciscendos pro honore comitatus, inter assecclas alios præcipuos Bellarminum adlegit. Ferrariam verò cum venit, iussit Collegio Societatis, quoniam in eo Bellarminus inter suos hospitaretur, titulo piæ erogationis, quâuis hebdomade numerari aureos viginti quinque. In hac Ciuitate Bellarminus nactus opportunitatem est, suam & Societatis vniuersæ obseruantiam offerendi Margaretæ Austriacæ, Hispaniarum Reginæ, quæ tum nuptui data Philippo III. Catholico Regi; vnaque etiam Alberto Austriæ Archiduci, qui contulerat eò se, occasione connubij Regij. Hîc dum CLEMENS Pontifex moraretur, Cardinales tres, Cæsar Baronius, Siluius Antonianus, & Franciscus Maria Taurusius, inuitarunt se vicinitate loci, ut Urbem Venetiarum,

tiarum, sitam in vltimo recessu Sinus Adriatici, simul adirent. Qui quoniam à Bellarmini consuetudine non poterant auelli, coegerunt, vt ipse vnà secum iret. Mox reuersi sunt Ferrariam omnes, & Bellarminus priusquam Romæ denuò esset, examini Episcoporum præpositus fuit à Pontifice: cum quo etiam, admonitu Præfidis Generalis, negotia plura prudenter iuxtà & feliciter ibi Ferrariæ tractauerat. Et fuit sanè admirationi omnibus; ipsum summis infimisque carum nihil de communi beneuolentiâ, nihil de famâ & opinione virtutis, in Aulâ frequentissimâ, ac plenâ viris ad summa nitentibus, amisisse. Peperit verò hunc ei fructum modestia, & demissio, quæ duo maximè amorem conciliant; nemoque erat, qui morum consuetudinem illam, quam ambitio nulla pollueret, non plurimum amaret. Aulæ se rarò dabat, & tantum necessariis de causis, vel cum à Pontifice vocaretur. Pro conditione singulorum obsequia diuidebat: eratque oris tam custoditi, vt contra neminem indebitè loqueretur; sed prosequeretur potiùs omnes laudibus, quæ merito vniuscuiusque congruerent. Denique in re nullâ vehemens, sedatè cuncta moliri videbatur; ciuilis animi elegancias; ac naturæ placidæ amœnitates, ita coniungens graphicè cum religiosâ & compo-

tâ grauitatē , vt defideria expleret omnium. Tanta verò lux rectè factorum, inuidiæ inter Aulicos , inter quos rarò ea tamen quiescit, materiam omnem surripuit ipsum obscurandi. Romam vix remeauerat, cùm à Pontifice Tractatum de sacris piacularibus Indulgentiis, quasi scriptorum Voluminum appendicem, scribere iussus est. Itaq; cum ad finem in Collegium Romanum retulit se , hoc est in antiquam sedem studiorum suorum. Erat iam in Vrbe rumor de ipso ad Purpuram euehendo: vox proinde tam honorifica, & multò magis promerita viri , exigere videbantur cubiculi pro eo laxioris spatia, & librorum etiam in promptu copiam . Nihilominus per eos dies cubiculo cæco , peruetusto & odoris grauis vti debuit. Nec ideò contrahebat animum , vel se querimoniis dabat : imò potius ita erat obedientiæ & paupertatis fructu lætus, vt ex eo pænè triumpharet . Accedebat iactura temporis, & incommoditas, cùm noctu præsertim necesse haberet lucētem lychnum manu præferens in Bibliothecam ire, vt ex Auctoribus in pugillares referret , quæ postea generantem animum in partu operis iuuarent. Quam necessitatem iudiciis nullis respuere visus est, sed gerebat se perinde, quasi nihil ipse in Societate , aut fecisset insolitum, aut scripsisset. Interrogatus verò à Pontifice, habi-

habitarétne commodè in Collegio, respondit sibi esse consultum benè: quemadmodum subridens, narrauit postea familiaribus suis. Cùm verò existimarent aliqui, fortasse id non ita ex prudentiâ factum ab administris, qui in Collegio minora disponunt; rem totam Petro Antonio Spinellio, qui tum erat Collegij Moderator, exposuerunt. Sed ille respondit, haud imprudente se id obuénisse; imò & mandatum fuisse de industriâ, vt ceteris documento esset Bellarmini virtus: qui nimirum ingenio & virtute magnus, sorte illâ tenui contentus viueret. Quæ probatio virtutis, proueniens à Viro, qui peritus existimabatur hominis interioris, instar elogij referri poterit de Bellarmini modestiâ; quandoquidem ita voto euentus, ita opinioni virtus respondit. Verùm aliàs quoque sæpiùs ostendit, quàm libenter sui cognitione libratus ad abiecta & humilia demitteret se. Quippe honoribus numquam arrisit, quos Viri primarij sæpè ei deferebant. Sed dum hos honores aspernaretur, ne offensionis foret modestia, verbis maximè aptis contemptum eorum ornabat. Quâdam die CLEMENS Pontifex, qui in Tusculanum secesserat à turbâ negotiorum, & mole Principatus; equum instratum pro Bellarmino misit, vt & ipse ad Ædem Virginis Deiparæ, quam à Cryptâ fer-

ratâ nominant , comitaretur . In viâ deinde eum accersuit, & descendere molientem inhibuit, iussitque ad lecticam equitare , vt vnâ sermonem ducerent. Mox etiam præcepit, vt capiti galerum imponeret , & ex eo tempore cœpta est fieri coniectura , ab his qui erant in Aulâ gnari rerum , breuî fore, vt Cardinalatus ei deferretur. *

Sed & Bellarminum ipsum hæc significationes, aliæque persimiles, in eius rei suspicionem induxerant. Idcirco summâ fide & candore P. Claudio Aquauiuæ Generali, id quod vulgò alij ferebant , & quæ secretò ipse volutauerat, indicauit; spe nimirum fore, vt vir ingenio præcellenti & prudentiâ summâ excogitaret consilia, quibus, cùm res ita ferret , à mente illâ Pontifex emoueretur. Parte ex aliâ, dum cogitaret ad eum honorem amplissimum inuitos nullos trahi; versaretq; animo, non ita multò antè Viro cuidam eximio sua ipsius merita ad Purpuram recensenti respōdisse Pontificem in hæc verba: Dignus enim uerò, sed enim Iesuita est: aliquomodò sibi blandiebatur , interpretans Nec indicio esse posse, Pontificem alia meditari. Vanis tamen Aulicorum ingeniis fictâ hæc non fuisse, euentus docuit; & apparuit hoc dicto tantùm voluisse Pontificem tegere , quod patefecerat antea honoris significatione tam variâ.

VITÆ
ROBERTI
CARDINALIS
BELLARMINI
E
SOCIETATE IESV
LIBER TERTIVS.

CAPVT PRIMVM.

*Cogitur à CLEMENTE VIII. Ponti-
fice Purpuram induere.*

CONSCIO & consentiente Pon-
tifice Bellarminus constitutus
Rector in Pœnitentiaro diui
Petri Collegio, gubernaculum
mensēs duos vix tenuerat; cū
post iniā Ieiunia Cincralium, appetentibus
feriis Quatuor temporū, in Aulā rumor de
nouis Cardinalibus creandis dissipari cœptus
est: nec erat crebrior in totā Ciuitate sermo.
Igitur licentiā veteri, varios pro suo quisque
sensu designare, & plurimos falsò: sed de Bel-

larmino fama, quæ aliquando eligit, non errabat; Purpuramque ei omnes, tantum quia par iudicaretur, ominabantur. Intellexit ipse, quæ passim de se iactarentur, & non leuem eam auditionem ratus est. Ceterum suspecta potius, quam manifesta res videbatur, cum ex Palatio nihil dum emanasset: eo silentio Pontificis clausa mens erat. Atamen ipse, pridie quam haberi Senatus deberet, sub noctem statuit, Prepositum Generalem syngraphâ monere obtestarique, ut dignitatem illam à se depelleret, si ea fortè sibi deferretur. Adiecit quoque, (modò id expedite crederet) aditurum se Pontificem, vthanc ei mentem lacrymis, si minùs voce, detraheret. Quod si voti compos rediret, fore ut nihil pensi haberet imprudentiæ notam, & suspicionem quam fortassè subire potuisset, tamquam specie recusantis cuperet Purpuram, dum illam deprecaretur.

Interim v. Non. Mart. anno M. D. XCIX. manè, in Senatu Pontifex novos Augustos Patres XII. nominavit, & inter eos Robertum Bellarminum, de ipso in hæc verba prolocutus: *Hunc eligimus, quia non habet parem Ecclesia Dei quoad doctrinam; & quia est nepos optimi & sanctissimi Pontificis.* Etenim CLEMENS Pontifex hac electione, cum illud efficere voluit, ut rependeret priuata beneficia, quæ

quæ à MARCELLO II. Bellarmini Auunculo susceperat Silvester Aldobrandinus Patrens eius, dum Florentiâ solum vertere coactus; statim initio Pontificatus, Urbis Romæ Præfectus ab eo creatus fuerat; tum verò munerari egregios Bellarmini labores obitos pro Religionis ac Fidei defensione, occludereque ora Hæreticorum, allatrantium rebus gestis Romanorum Pontificum. Nam in expeditione ad Polonos, audiuerat illos, inter plura, Cardinalium delectum vituperare; quasi absque examine meritorum fieret, neglectis optimis, dum Cæsar Baronius ac Robertus Bellarminus, tanta nomina, subtraherentur in honore Purpuræ oculis Ciuitatis. Horum enim apud ipsos manebat admiratio, tametsi eosdem odissent, vt victi. Quare ad amplissimam dignitatem Bellarminus iamtum ore ininiicorum etiam poscebatur: indeque fiebat, vt dum boni æquitate atque amore virtutis, mali obtredatione & malignitate Pontificem extimularent; ipse simul virtutibus suis, simul vitiis aliorum ad gloriam raperetur.

Dum hæc verò in Senatu agerentur, & circumstaret Curix magni secreti impatiens Aulicorum expectatio, Cardinalis Petrus Aldobrandinus, Clementem Sannesium Marchionem è Palatio ad Bellarminum descen-

dere, ac ei deliberata nuntiare iubet; intento metu anathematis & noxæ letalis, si pedem domo efferret, quamdiu potestatem Pontifex ipse non faceret. Eâ denuntiatione auditâ, infedit eius pectori tantus dolor, ut attonito incluserit vocem. Sed ubi ab insigni mœstitiâ perturbatus eius animus, collegit aliquantulum se, Patres Collegij deuocauit omnes; quò ipsi, quibus integra mens ad consilium erat, communiter suaderent id quod in rem foret, ut posset declinare eam, quam interpretabatur imponi sibi onerosam dignitatem. Inter eos qui conuenerant, Ioannes Baptista Costa senio & peritiâ rerum primus, frustra dixit, tamquam de integrâ sententiam quæri. Pontificem, quod diu parturiuit eius animus, peperisse; factam in Senatu promulgationem; imperatum etiam, ut cohiberet se domi. Proinde non apparere declinandi prouidentiam, & in recusando posse parum prodesse virtutem. Idem sensere omnes, quibus præsentibus agitata ea fuerant, præter vnum Bellarminum; qui ut præsidia mutuari aliunde summâ ope niteretur, Collegij Ministrum ad Cardinalem Petrum Aldobrandinum misit, & gemebundus rogauit Pontificis conueniendi potestatem; cum percelli se religione diceret, nisi sua ipse Sacramenta ei testaretur. Sed hæc indu-

industria, apud dispositas aures nihil impetravit. Responsum est, Cardinalem non posse tum à Pontifice audientiam ei flagitare; cum destinatum haberet Pontifex de ipso non aliter statuere. Tum Bellarminus tot circumuallari se animaduertens, vnde emergi non posset; flere cœpit, videns submoueri se ab eâ dulcedine tranquillæ pacis, quam expertus tot annos in Societate fuerat: vt propterea iterauerit voces illas, quibus in re simili gemuerat olim Sanctissimus Pontifex GREGORIUS MAGNVS: *Ne vocetis me Noëmi, sed vocate me Mara; quia amaritudine valdè repleuit me Omnipotens.* Interim adsunt, qui in adita Pontificis ipsum deducant ad pileum Cleri purpureum sumendum. Ibi dum alij, qui Cardinales creati cum eo fuerant, apparant se Tonsurâ & ornatu cetero, vt ad Pontificem eant, solus Bellarminus immotus harebat; nec persuaderi vllatenus ei poterat, vt nigram sui Ordinis tunicam, violaceâ mutaret. Mox eò descendit, ab intimo Conclauis Pontificis, Petrus Cardinalis Aldobrandinus; ad quem illicò accessit Bellarminus, rogauitque impensissimè, vt liceret sibi in statu Religionis & paupertatis, quem Auctore Deo susceperat, perseuerare. Sed Cardinalis Aldobrandinus respondit; Pontificem ei præcipere sub Excommunicationis pœnâ, ac metu

ino-

inobedientiæ, vt initæ deliberationi tandem acquiesceret. Tum verò dicto quidem audiens Bellarminus fuit; sed obortis lacrymis vbertim fleuit, dum Tonsuram & vestem Cardinalis, tantum obediens, cetera inuitus, acciperet. Sic ad Pontificem ductus est: & cum adhuc eo præsidente vellet, quæ dispo- fuerat, & quæ sentiret, expromere; inhibitus est intentato Excommunicationis & culpæ letalis piaculo. Sic publicæ vtilitati seruiendo potius quàm affectibus, inducta sunt Car- dinalis insignia lacrymanti Bellarmino; & dum circum omnes lætarentur, ipse solus tri- stior, ac velut in funebrem pompam vocatus aderat: modestiæque suæ & demissione, pu- dorem se magis decere quàm Purpuram os- tendebat.

Pòst emerfus tantisper ex eâ perturbatione, ac tenue solatium ex solâ facti necessitate ha- bens, Epistolas plures ad diuersos scripsit, si- gnificans in eis, commiserationi obnoxium se, non inuidiæ, ob eam, in quam Pontifex eum induerat Purpuræ necessitatem. Nam circumuentum curis ac sollicitudinibus tunc maximè, si vmquam aliàs, indigere se fufis ad Deum precibus aiebat, vt tanti muneris mensuram impleret, & pericula simul vita- ret, quæ subsunt formidabiliora iis, qui in al- tum euehuntur. Hæ ipsius Epistolæ queri-
monia-

moniarum plenæ, quia erant scriptæ demissione mirâ, legebantur à nemine, quem non raperent in admirationem virtutis. P. Iacobus Crucius inter alios (qui in Societate nostrâ est iam Assistens Italiæ) fermè in hæc ei verba respondit : *Suspicio equidem attonitus, nec ad satietatem tamen, demissionem, quam cetera laudi antea et simillimam exprimis in litteris tuis. Dicerem characteres illos Reliquiarum loco me custoditurum, ac veneraturum perpetuò, nisi ego, ne id molestia tua foret graue, metuerem.* Sic ille. Sed & alij, quibus nota mens Bellarmini erat, & qui norant sensum illum veræ virtutis esse, non simulationis; incitarunt se mutuò, vt litteras ad eum darent, quæ consolatione, non gaudio fungerentur. Multos cum sileam, non possum quin Cardinales duos recenseam, de quibus tum Romæ illustris erat virtutis opinio. Alter Augustinus Valerius Cardinalis, & Veronæ Episcopus, Epistolam absoluerat eruditissimam atque pulcherrimam; cum aduertens ei aliquid deesse, adiecit hæc alia : *Epistolam tuam dum relego, agnoui prætermittas à me partes consolationis; propter onus impositum tibi nouæ & laboriosissimæ dignitatis : Dominus regit te, ô candidissime Præsul, & optime Cardinalis, & nihil tibi deerit. Non deficiet te animi vigor ille, illa alacritas, quam necessariam reris,*
vt

ut negotium hoc tam pertinens regere possis.
 Deest nihil, ut tu satis quidem nosti, timenti
 Deum: cuius misericordia atque clementia effi-
 ciet, ut quemadmodum ex eius destinatione in
 sacro Cardinalium Collegio Collegas nos esse
 conspiciamus; ita & Ciues demum celestis Pa-
 tria esse, atque frui simul eius beatissimo conspe-
 ctu, latariq; ambo vnà possimus. Alter Fran-
 ciscus Maria Taurusius Cardinalis, & Archi-
 episcopus Senensis, cùm eo qui ab Epistolis,
 in scribendo vti renueret, ne tantâ voluptate
 fraudaretur, sic ipsemet scripsit: Numinis
 prouidentia fuit, & voluntas atque auctoritas
 Sanctissimi Domini Nostri CLEMENTIS Pa-
 pæ VIII. ut tu inter Cardinales cooptareris. Ni-
 hil erat tam excelsum, quod non virtutes istæ
 tuæ, tuusq; animus mereretur. Ideò cùm sem-
 per te in loco imo statueres, is qui conuiuium
 parauerat, dicere debuit: Amice ascende supe-
 riùs. debuit dare manum etiam renuenti, &
 compellere, ut consequereris ad locum primum.
 Amplitudinem istam tuam gratulor ego Ec-
 clesia vniuersa, gratulor Pontifici, gratulor to-
 ti Collegio Cardinalium: in quod assumptis tot
 aliis insignibus viris, Pontifex, dum te illis ag-
 gregauit, virtutem ipsam assumere visus est.
 Sed miseret me tui, planeq; doleo, dum ad san-
 ctas occupationes tuas, ad studia, me conuerto:
 nam hoc pacto etiam plorauit S. GREGORIUS
 suam

suam Rachelem, suumq. tuguriolum. Senatus habendi, Pontificalia sacra, consultationes, negotia vel Ecclesiæ vel Urbis, visitationes acceptæ vicissim & redditæ, multitudo adeuntium, in qualem iacturam euadent pretiosi temporis? Opus erit famulos mercenarios admittere, rationem de expensis & de annuo censu subducere, obsequi seculo huic odiosè nimis officioso. Denique in auersâ parte tot capita sunt erumnarum, ut sanè pars huius Numismatis aduersa tanti non valeat. Nihilominus in hoc statu tam excelsso, in his occupationibus summis, quæ gubernaculo Ecclesiæ vniuersæ obsequuntur, is qui Cardinalis est, potest interea sententiâ vnius oraculo, si in loco & cum spiritu magno feratur, plus prodesse sibi & publicæ utilitati, quàm si annos plures in secessu Religioso latuisset. Foueamus in hoc sublimi gradu illam humilem consuetudinem, cui inter septa Religionis consueueramus, & lucebit coram hominibus, tamquam Ciuitas supra montem posita. P. Generalis Prepositus, ceteriq. è Societate dolent, in Familiam suam secundo iam patere aditum ad speciosos titulos & honores; atque in eam, quasi altero ianitore, denuò Purpuram intrare. Sed euentus auctor, ut spero, erit; S. Spiritus hanc fuisse mentē. Pontifex verò nō iterum Societati adferet ex simili iacturâ mæroris similē causam, &c. Senus prid. Non. Mart. M.D.XCIX. Sic ipse.

Iam

Iam quia opiniones etiam Societatis, & sensus eius domesticus, in hac electione Bellarmino ad gloriam esse possunt, P. Claudij Aquaiuæ Generalis Præpositi litteras hoc loco inseram ad Præsides Prouinciarum Societatis missas; vt hi deinde vniuersos condocere facerent, efficerentque, ne in Societate vlli, ea quæ acta Romæ fuerant, durius interpretarentur. *Manauerit fortasse, inquit, ex litteris aliis fama eorum, quæ Deus disposuit circa P. Roberti Bellarmini nostri nuperam in Cardinalium Ordinem assumptionem. Existimo nihilominus esse à re muneris mei, vt de eâ magis distinctè scribam. Si enim percensuero, quæ euenierunt; restinguam, aut certè leniam sensum illum, quem in honorum insignibus admittendis Societas habet; & ex quo certatim optamus, vt nos perpetuò Deus in nostrâ contineat humilitate. Cupio igitur, ab omnibus haberi pro re compertâ, non ex parte Societatis modò cum Pontifice seriò actum esse, rationesq; propositas, quibus inducta pridem est, ne huiusmodi honores ac titulos, nisi pro potestate adigatur, admittat; sed ab ipso P. Bellarmino etiam Pontifici significatum esse quàm demississimè, se id optare vnicè, vt in quibus moribus diu vixerat, in his postremò posset desinere ac mori. Nihilominus Pontifex, & se maturè deliberasse, & rem Deo gratam esse existimauit. Ex quo factum est de-*
inde,

inde, ut Bellarmino supplici, nec aures nec animum, quoad rem praesentem, dederit. Quinimò, antequam insignia prima Cardinalium, ita ut erat in veste Societatis, acciperet; pro se dicere incipientem, & precaturum ne paupertatis sacramento seminudum inuolueret amiculis ex Purpurâ, Pontifex loqui prohibuit; eminatũq; est fulmina censurarum, momento infligenda, si de Purpurâ reiiciendâ amplius fari pergeret. Cùm hæc verò ita se habeant, est quod nostri omnes gaudeant; dum vident, tum à Societate, tum à Cardinali id quod factò opus erat, non fuisse pratermissum. Ceterum venire in spem possumus, fore ut debeat in Dei obsequium eundem isthac eius electio. Etenim cùm ita sponte à Pontifice dignitas sit in virum collata, doctrina, integritatis, ac religionis tãta, quanta est Bellarminus; ominari possumus, eum in Ecclesiâ Cardinalem exempli laudatissimi futurũ, deditum utilitati publicæ, & Societati beneuolum, sicuti communis expectatio de eo pollicetur. Denique ut his nostrũ omnium votis obsecundet Deus, & ut ipsi Bellarmino vires largiatur, quibus ipse, quã virtute eminere in Societate solitus erat, eadem eminere possit in Purpurâ; ideo in Prouinciâ Sacerdotes singuli rem Diuinam semel, singuli qui à Sacris non sunt semel Rosarium, Numini offerent. Interim omnium me sanctis Sacrificiis & precibus commendo. Ro-

O

ma,

ma, Pridie Non. Martij M. D. XCIX.

Atque hic sensus est, quem tenera haufit Societas ab IGNATIO parente; quando ab eo vitam primam accipiens, didicit similem egregiorum virorum euectionem, quasi suis caritura luminibus, formidare. Indicasse iam paucis etiam debemus, quid egerit Politiana Vrbs, Patria & sedes nutrimentorum eius. Hæc enim summo sibi honori duxit, Ciuem suum tantâ cum gloriâ meritorum Purpurâ insignitum Romæ fuisse. Inter argumenta tamen lætitiæ eius, documenta pietatis dedit Thomas Bellarminus, Cardinalis frater, dum in egenos largitiones pro opibus liberaliter erogavit; itemque Cœnobia varia, & amica Numini loca adiuit, supplicationes exposulans pro fratre iam Cardinali; ut à Deo, qui principium ei amplitudinis dederat, perfectionem omnem eidem imploraret. Sed nobilis etiam gratulatio fuit, quâ ex tam læto nuntio Taberna Ciuitas Calabriae, ubi hospes aliquando Bellarminus fuerat, gestire prope modum visa est. Rem his verbis Cardinali perscripsit P. Ioannes Calefatius è Societate nostrâ. *Cum primùm Tabernæ, inquit, vulgavit fama, tibi Purpuram delatam fuisse: ad triduum vesperi, dum tenebræ incederent, vidimus tectâ Vrbs luminibus clarescere, & consonare cantu omnia; certaruntq; urbicis plausibus etiam*

etiam ruriū propinquorum gaudia. Erat verò consolatio ingens lacrymas aspicere, quas omnium oculi natantes gaudio, & trahentes quoque in partem lætitiæ mæroris signa, interim funderent. Superavit omnes tamen Sodalitas Pietatis, quam vocant: nam ordo affeclarum eius, tres noctes illas, totâ Vrbe incessit cum luminibus; & dum Hymnum Te Deum laudamus concineret, alternabat per intervalla eas voces: IESVS viuat, & viuat Bellarminus. Vicissim has voces populus vniuersus iterabat, atque intereâ campana omnes lato festoq; perstrepebant sono. Atque hæc pars aliqua eorum est, quæ Bellarmino assumpto ad Purpuram euenere. Quo tempore etiam ij, qui ceteroqui felicitatem eorum, quos in æquo viderint, ægris oculis aspicere solent, clarè lætati sunt; fatebanturque à Bellarmino ad eam dignitatem id afferri, quod ab eâdem accipere non potuisset.

CAPVT II.

Quis ei sensus, & quæ consilia fuerint, quando Cardinalis creatus est.

VBi respirare cœpit, interiores sensus animi conuocauit omnes; ac meditans, in quæ pericula lubricæ sint & præcipites honorum arduitates, quæ fuit quibusnam sub-

fidiis inter illas morari posset, absque eo quòd causâ salutis caderet. Secretum id clàm animo agitatum, penetraui è scriptis eius variis; ex quibus partem etiam descriptionis illius, quam sibi proposuerat prudens Architectus, ut ædificium quod inchoauerat virtutis, exædificaret, illudque sub protectione Dei cæli, ac sub eius tutelari prouidentia statueret.

Consilium præcipuum fuit, ita disponere omnia, ut cor in tranquillo esset, sequæ Diuinæ voluntati perfectissimè submitteret. Habet hoc Epistola, quâ VI I I. Idus Nouembris M. DC. I. Henricum à Lotharingâ Episcopum Verdunensem hortatus est, ut in Antistitis officio contineret demum se æquo animo; dum ei à Pontifice integrum non fieret, Sacerdotij infulas deferere, ut Societati nostræ, ad quam adspirauerat, aggregaretur. Rationes quippe eas attulit, quas occasione simili expertus in se optimas fuerat: *Quod ad pium, inquit, desiderium tuum attinet, adipiscendi pennas columbarum, & volandi ad locum dulcissimæ quietis, dicam quod subit animum meum. Non puto solidiorem quietem, & salutis maiorem securitatem in re aliâ posse inueniri, quàm in Dei voluntate, qua anima viribus totis adimpleatur. Illam ego Domini vocem præter omnes amaui semper. Pater, si vis, transfer calicem istum à me. Verumtamen non*
mea

mea voluntas, sed tua fiat. Empti pretio magno sumus : proinde tamquam serui obedientiam nostro Hero debemus. Dum conscientia nostra testis est, non quasiuissse, non optasse, non elegisse nos locum sublimem, & in presentia honorem nihili ducere; quo & abdicare nos etiam, si liceret, liberet; sanè est quòd gaudeamus, & acquiescamus voluntati Dei, quam Pontifex nobis insinuauit. Pastorale onus est sollicitudinis atque periculi plenum; neque fortasse, ut exemplum in me statuam, minùs graue onus est dignitas Cardinalis. Sed si Opifici, si Emptori nostro placuit has in angustias, in hac pericula nos vocare; ecqui-nam sumus, ut dicere possimus ei, Cur ita fecisti? Qui nos dilexit, & animam suam pro nobis posuit, dicere dignatus est Petro, & in eo Pastoribus omnibus animarum: Si me amas, pascere oues meas. Ecquis erit, qui respondere Domino audeat: Nolo pascere oues tuas, ne perdam animam meam; nisi sit aliquis, qui non Deum, sed seipsum amet? Dei amator verus cum Apostolo ait: Malo anathema esse à Christo pro fratribus meis, quàm non subire sarcinam, cuius mihi pondus imposuit Diuinus Amor. Quamquam esse discrimen salutis nullum potest, Charitas ubi regnat. Nam esto: imprudentes, vel ex imbecillitate in multis labimur; nòne operit charitas multitudinem peccatorum? Illustriissime & Amantissime Prasul, si spes afful-

geret ullâ, fore ut, Deo & Vicario eius consentientibus, ad Religionis quietem tu quidem venire & ego redire possemus, id omnino eligendum esset; sed spe prorsus omni destituimur. Quæ mihi frequens repeto, eadem & scribere volui sanctæ animæ tuæ; quam ob onus Pastorale angustio video. Sic in litteris ipse. Dispositâ hoc pacto animâ; tum ab amicis variis, de quibus ei opinio virtutis maior suberat, subsidia votorum flagitavit apud communem Dominum. Ex his P. Bernardinus Realinus fuit, vir ei satis notus perfectionis sanctimonixq; famâ. Rogavit verò eum, ut mente defixus ad lumen Dei introspeceret; num ea dignitas iniecta inuito ac repugnanti allatura impedimentum esset, circa animæ salutem. Ille postquam supplicabundus cum Deo diu ac multùm egerat, rescripsit se iudicare, haud difficultatis plus habiturum cum in Purpurâ, ut saluus fieret, quàm si priuatus in Societate mansisset. Quin & adiecit, credere omnino se, honorem illum ipsi delatum fuisse, tum ut inde magis laudaretur Deus, tum ut ipsius quoque quotidie magis merita augerentur. In alterâ item Epistolâ idem Realinus hæc ferè habet:

Agnosco charitatem Societatis IESV, quâ fuit indutus semper animus tuus: tametsi corpus iam non induat eadem Societas, & IESVS; nisi quia omnia sunt IESV, qui & ipse habitu se induit

non

non suo. Fateor me debere fundere pro te preces ad Deum; si minùs propterea quòd tu eis indigeas, certè ut ego satisfaciam obligationi meæ. Quare in præsentia hoc ago, imò & agam in posterum, sed de paupere mensâ. Quoad onus impositum tibi non opinanti, equidem unâ tecum doleo. Sed spero tamen futurum, ut qui dixit, Onus meum leue, promissa hac verbi sancti sui cumulare debeat efficaci augmento, tum Societatis nostræ, tum obsequij Diuinitatis suæ. Sane tam insignis obedientia, quâ fieri poterit, ut non loquatur victorias? Fiat igitur promptè voluntas IESV. Sic Vir sanctus Viro sancto animæ solatium suppeditauit: & Bellarminus innixus prouidentia Dei, consequi ex eo paulatim cœpit, ut quotidie minùs animus eius fluctuaretur.

Quia verò spem Iustorum Dei metus committatur, qui eos admonet, ne situ ac deliciis torpeant; cœpit pariter secum discutere, num coram Iudice Deo in eâ dignitate admittendâ culpæ aliquid interuenisset. In quâ re cum sui arbitrij nollet esse, consulere maluit Viros harum rerum peritissimos. Formauit proinde quædam capita interrogationum, quæ P. Franciscus Rocca (erat is ei à Confessionibus) ex ipsius autographo descripsit; cum responsionibus additis à Viro, cui ea fortasse Bellarminus proposuerat, & sic ordinabâtur.

I. Quemadmodum sit in eam dignitatem ingressus? an per ostium verum? Respondetur: Vtique per verum.

II. Possitne inoffenso Numine in eo statu vivere? Respondetur: Omnino possit.

III. Insisteréne melius possit obsequio Dei, si ad pristinum vitæ modum redierit? Respondetur: Id verò anceps est.

IV. Essétne hoc maioris documenti? Respondetur: Hoc item in ambiguo est.

V. Videretúrne saltem impetrari posse? Respondetur: Vix quidem.

VI. Securiúsne est, aure simplici obtemperare vocanti Deo, atque iubenti per interpretem vocem Vicarij eius; nec de cōmutando statu sollicitum esse, sed in eo gradu perfici, in quem obedientia eum collocavit?

Capiti huic postremo responsio deest: & verisimile est, sex eas postulationes fuisse ad P. CLAUDIVM AQUAVIVAM à Cardinali Bellarmino missas (nam solitus erat de similibus rebus cum eo consultare) responsa verò illa eum reddidisse. Manifestum enim est, etiam in amplissimâ Cardinalis dignitate Bellarminum aduersus Generalem Præpositum, propè quodam submissionis miraculo, retinuisse pristinam obseruantiam. Et vt dicam obiter de hac Obedientiæ Religiosæ subiectione, quam ne in Purpurâ quidem erubuit; in Vr-
be

be Româ postulatus Patronus sacrarum Virginum Ordinis sancti Augustini, quæ sanctæ Marthæ nominantur, nihil in eâ re deliberauit, priusquam à Generali Præposito veniam haberet : cùm sciret ab instituto Societatis pium eiusmodi feminarum regimen in aliis Religiosis laudari vtique, in suis tamen non probari. Ita circumspectè ambulans coram Deo, sibi tamen plaudere numquam videbatur ; etsi nullius noxæ reus coram hominibus appareret. Quin imò, vt ij referunt quibuscum vnà vixit, molestè admodum summa eius demissio splendore illo dignitatis perstringebatur. Hoc indicarunt satis, tum lacrymæ, quibus se appellatum ad eum supremum Ordinem pro afflicto statim lamentatus est, tum voces illæ, quibus aiebat esse flammæ corpori suo circumfusas, amictum illum Purpuræ, eoque se propemodum circummuri. Hæc verò non ideò dixit, quasi dignitatis gradus ac tituli inter vitia sint, non cum virtutibus ; etenim ad Ecclesiam regendam, & Ordinum discrimina retinenda, sunt inducti diuinitus ; sed quia videbat, dum eius gloriæ gestaret insignia, animi augeri pericula, adimi que eius tranquillitatem. Hinc postmodum Capuæ degens, Pastor in vigiliâ gregis, aperuit vni ex intimis familiaribus de liberationem, quam iniuerat abdicandi se,

ponendique Purpuram, si CLEMENTI VIII. superstes foret. Sed diu re discussâ, iudicarunt ambo potestatem haud impetrandam; utpote quæ esset fermè sine exemplo; cum non debeat sanctitas & dignitas huius Purpuræ, quam Ecclesiæ fortitudo & Martyrum sanguis colorat, inter res illas fluxas numerari, quibus Religiosi Viri, consilio vitæ seuerioris, nuntium remittere cum laude solent. Amieus tamen, qui consultus de eâ re fuerat, suspexit propositum animæ magnæ, quo illud ipsum tam mite & tam moderatum sacrae Purpuræ decus ponere meditabatur: suavitè verò, tentaret eam abdicationem vel idèd, ut si minùs obtineret, exemplum certè speciosi conatus transmitteret ad posteros. Etenim omni actâ Purpurâ, deposita eadem clarior fuisset; adeò spreta in tempore gloria, fit cumulator sæpenumerò, dum recusatur. Sed ut ei animus erat ab omni specie simulationis alienus, ubi audiuit se tantum ad famam, cetera inutiliter petiturum; renuit hoc tentare, propter metum latentis in tam sublimi cogitatione vanitatis. Sed desideria eadem denuò emergebant, quoties rediret persuasio, fore id promptum effectum, aut certè non arduum. Quadam die Canones Sacros euoluens, quia sibi visus erat inuenisse vestigium aliquod rei; quam anhelus adeò sectabatur;

batur ; posse nimirum absque aliâ auctoritate aliquem à semet abdicari ; Præpositum Generalem rogavit , vt aliquot Theologorum meditationi quæstionem illam daret. Pertæsus enim Aulæ , atq; obscura speciosis, quieta turbidis anteferens ; solitudinis verò amator, dulcissimorumq; Sociorum ad eos, inter quos fuerat educatus , reuersionem disponebat. Sed Præpositus rescripsit, verteret aliò curas ; & crederet eundem consensum fore in retinendo ipsum, qui in eligendo fuerat. Quare videns sibi omnes obstrui aditus ad eam recusandam , quam inuitus induerat dignitatem, statuit ita vestem honoris gerere, vt fastum eius abiiceret ; & vt quàm ponere vetabatur dignitatem , eam saltem perpetuò fastidiret. Ad hæc, vt retineret simul Religiosi Viri moderationem , tria hæc sibi præscripsit. Primò, vitæ rationem ne immutaret, quam in Societate olim parsimoniâ victus, quotidianis precationibus , contemplatione, & sacrificiis instituerat. Secundò, ne aggregaret opes, néve agnatos opimaret ; sed e censu annuo , quidquid expensis necessariis superfuisset , Templis id Pauperibusque erogaret. Tertiò, ne à Pontifice prouentus peteret copiosos , néve acciperet à Magnatibus munera. Quæ ipse omnia raro documento constanter, ad obitum vsque, custodiuit.

CAPVT III.

*Retinet vitæ modum, quo vixerat pridem,
quantum patitur Purpuræ conditio.*

MOres cùm non variant, fortunâ in melius variante; & cùm animus accessu amplitudinis nouæ non extollitur; virtutem id enimuerò indicat excedentem humana omnia. Multi cum admiratione laudem hanc agnouerunt in Cardinali Bellarmino; qui meritis quæsitam dignitatem adhuc modestiùs tenuit, quàm acquisierat. Et sanè in eo lumen illud Purpuræ circumfusus vmbra demissionis, spectaculum erat, in quo non poterat facilè distingui, delectaret magis, an ad virtutem instrueret. Haud multùm erat necesse, vt externi, nedum Societatis homines, siue scriberent absentes, siue coràm inuiserent, custodirent sanctè leges obsequij, quibuscum amplissima ea dignitas adiri solèt. Comitatus & alloquiis officia præoccupabat omnium, infederatque eius animo honoris summi tam parua dignatio, vt nisi eum Cardinalem esse alij meminissent, ipse in obsequiis accipiendis reddendisque videretur eius propemodùm obliuisci. Dixit interdum, haud se minoris tunc æstimare fratres suos, filios Matris suæ; nempe Societatis, quàm æstimauerat

uerat pridem : quippe qui voluntatem & amorem erga illos cum habitu non posuerat; & repererat in Purpurâ nihil, nisi molem curarum ac sollicitudinum, atque adeò periculi formidinem. Hinc solitus erat studia hæc sua promere frequenter; dum ostendebat delectum Societatis semel initum, semel placitum, eiusque instituta à se pro æternis, semper habita fuisse. Quin imò augebat quotidie de eâ opinionem, commendans Diuinam misericordiam, cuius beneficio in Societate iam adultâ vigere spiritum eundem illum fateretur, qui in tenerâ viguerat; custodiamque legum, pacem animorum, & subiectionem erga Tutores parem, atque olim fuerat erga Parentes. Quæ omnia non ignarus loquebatur is, qui in eâ tot annos, regionibusque adeò disjunctis, vixerat; functus insuper muneribus primis Rectoris, & Præsidis Prouincialis. Verùm haud idèò erat parcus commendandis aliis Religiosorum Ordinibus; sed afficiebatur plurimùm erga illos, in quibus Patrum virtus, & sanctimonix flos afflaret fragrantiam suam; & in quibus cultura animæ interior minimè desideraretur.

Proptereà nihil tum erat illi gratius, quàm si interdum è Societate aliqui eum adirent; semperque cum his finis sermonum erat, petere ac precari, vt subinde reuerterent, ac denud

nuò interuiferent. Eamdem ob causam prope Romanum Collegium habitauit; nec eo contentus, optauit etiam suffodere viam, vt clàm ad suos, quando libêret, suggrederetur. Verùm quia hoc non impetrauit, siue difficili humo nec acceptante occultum opus, siue ob causas alias; ex eo propinquo loco saltem virtus ipsius hoc habuit commodi, vel solatij, vt nolæ pulsus audiret, eiusque interuallis sua diei facta noctisque partiretur: prorsus vt corpore dumtaxat in alienâ domo, nobiscum animo & factis versari atque agere videretur.

Pari studio curabat, vt cum hoc ornatu interiore congruerent, quæ gerebat exteriùs. Vultu eodem honorem intuitus, quo eum acceperat, suæ famæ numquam seruiuit; & honorantes tantùm non auersabatur; Religioso homine indignum ratus, veneratione delectari. Inuitarunt Patres Societatis initio ad Romanum Collegium, vt ibidem in Purpurâ primùm exciperetur: & tum ipse, veritus poësim, quæ, vti par alioqui erat, gratulatione fungeretur, componi aliquid de se, tametsi à præstantissimis, prohibuit: impetrauitque à Collegij Rectore, vt materia carminis esset illud; *Omnis caro sænum, & omnis gloria eius quasi flos agri.* Nec aliter interfuit; tam erat alienus, vt propriis adfisteret laudibus. Tametsi verò ita gloriam fugit; extra inuidiam qui-

quidem, sed non tamen extra gloriam fuit.

In omni vitâ leges Societatis, consuetudinesq; vel minimas tam sanctè coluit, vt optimis & perfectissimis exemplo esset. Mensẽ integrum quotannis, in Ædibus Quirinalibus Nouitiorum, ad S. Andreæ, pias commentationes, quas Exercitia vocamus, obiuit; & eo maximè tempore, omni genere pietatis præluere aliis visus est. Ingressus eam domum, statim percunctari solebat, an quis fortè oblanguesceret; studio inuisendi, solandiq; & multi arbitrati sunt, eius precibus sanitatem, imò & vitam aliquos, de quorum certo exitu Medici pronuntiauerant, à Deo impetrasse. P. Octauium Lorenzinum reperit morbo ita graui afflictari, vt non Medici modò, sed ipsemet Cardinalis, sinistra ei & vltima metuerent; nihilominus postquàm assederat aliquantulum piis in alloquiis, meliora iudicia de illo sensim inire cœpit: ac postremò antequam emigraret, ægrum lustrali aquâ perluens, adiectâ precatione salutari, ei vitæ spem pollicitus est: nec aliter postmodum euenit. Tempore exercitiorum debebat in suo conclaui ferè perpetuò, nec patiebatur, vt secretum consilium & causam animæ meditati aliquis parum tempestiuus interueniret, fraudaretq; eo anni spatium, quod ipsi vacuum à curis atque ab Aulæ molestiis erat. Ne in
hortum.

hortum quidem descendebat, ut captaret genus laxamenti necessarium his qui opere mentis fatigantur. Si quando libri alicuius desiderio teneretur, numquam permisit è Bibliothecâ ad se illum deferri; propterea quod vetet lex, ne libri absque veniâ indidem efferrantur: & tamen si Rector hoc deprecaretur, ad communem Bibliothecam ibat, atramentarium eò circumferens, & calamariam thecam; dum interim supra modum Tyrones, hæc in Purpurâ fieri, mirarentur. Mensæ apponi non patiebatur cibos, nisi simplices, & qui absque blandimentis expellerent famem; requirebatque illos mensurâ & conditione parës iis, qui pro communi triclinio parabantur, iussis redire integris, si quæ adferrentur exquisitæ dapes. In Collegio Romano etiam, dum ibi aliquos dies Cardinalis habitavit, eâdem victus moderatione, & eodem quo ceteri studiorum loco, nempe Bibliothecâ publicâ uti voluit. Aliquando cum tonderi debuisset, ad domestici Tonforis cellulam visus est descendere, planè per gradus humilitatis omnes; quippe hoc adepturus, ut Sampson felicius crinem simul minueret, & virtutem augeret; inhibuerat, ne sicut mos & dignitas exigebat, Tonfor ad cubiculum accerferetur. Occasione eius annui secessus domesticos adhortabatur subinde, & addebat

• exemplo

exemplo vocem virtutis ; quæ persuadebat mirificè vel ideò , quoniam facta simillima orationem comitarentur. Et tum quidem, inter septa illa tenerrimæ Societatis, quò adhærescerent firmiùs nouella germina solo supernæ vocationis, dixit aliquando : *Tot annos vixi in Religione, absque ea quòd scirem, quid mæstitia esset ; & iam Cardinalis, quid letitia sit, penitus ignoro. Numquam Purpura mihi aequè visa est onus & miserum & graue, quàm cùm intellexi , quantò sit molestius eam fastidire, quàm accipere. Vestram hanc ego quietem amavi olim, & duxi, multò esse beatius ingemere studijs , Religionisq; frangi oneribus, quàm Aula pompis & periculis interesse.* Interdum incitabat, vt assuescerent dicta maiorum capeßere perinde, ac si per ea imperaret Deus ; cùm diceret nullum nos indicium certius propitij Numinis habere posse, quàm si iubenti alacres obediuerimus. Atque vt ostenderet, à se minimè rem difficilem suaderi ; adiecit, è Societate vnum sibi notum esse, qui constanter annos perpetuos XL. obtemperauerat : cùm se interim celaret, de quo id narrabat , sicuti deinde amico impensius roganti non penitus id negauit. Grauiùs & vehementiùs loquebatur, dum adhortaretur eos ad contemptum amplitudinum , & neglectum sæculi huius ficti atque fallentis : quò illi perfectè muta-

P

rent

rent studia, sedarentque omnem cupidinem vanitatum. Et tum, quoniam metueret, ne auctor huius rei parum idoneus iudicaretur; *Hæ vestes purpureæ, inquit, inhaerent mihi haud sanè aliter, quàm trunco alicui, qui onus illarum habeat, expers verò sensus sit, & nihil inde capiat vel emolumenti vel gloria: cum obstrictus ego sim nihilominus obligatione votorum, sicuti antea, & legum religiosarum omnium, quoad Purpuræ conditio permittit.* Aliàs auditus est, oratione item institutâ de Mundi vanitate, postquam de dubio exitu Salomonis egisset, Regis sapientissimi, hæc postremò dislerere: *Vestes, quæ me ornant, verè arumnosæ mihi sunt & graues; ita ut eas quotiescumque conspicio, fleam.* Postea pileum purpureum capiti adimens, ac manu eum ostentans, obortis lacrymis addidit: *In pœnam eorum, quæ in vitâ deliqueram, dedit mihi hanc Purpuram Deus.* & statim ex inopinato absoluit, relictis omnibus defixis in tantæ admiratione virtutis. Item, ex eodem loco verba faciens, dignum se dixit, cuius miserescerent potiùs, quàm cui inviderent: quia ex quo Cardinalis fuerat, quæcumque in præsentia corpori aut animo suauia sunt, ea diffluere à se omnia senserat. Corporis verò iacturæ adscribebat, quòd non posset interdum exhilarari inter fratres, & dulcissimos socios, & cum eis, post diutinos labores studiorum,

diorum, permissâ in loco, imò exactâ mutui sermonis veniâ, aliquo tempore anni vsurpare ruris otijque amœnitatem : vt hinc intelligeretur, quid ex suâ copiâ ipse non caperet commodi, quid caperent illi ex suâ inopiâ: quam ipse inopiam tranquillius olim, nec eodem animo, ac deinde amplitudinem illam tulerat. Ad iacturam animæ pertinere dicebat, quòd in eâ dignitate nihil comperisset, nisi quæ spiritum affligerent; & cognosceret nihil esse præstantius atque optabilius, quàm conscientias hominum depositas curare, atque opitulari Deo pro eâ re poscenti opem, non indigenti. In quo munere pio, tametsi Capuæ, triennio Archipræsul desudauerat: nihilominus, quâ erat modestiâ, æstimabat nostræ Societatis homines longè ab hac parte feliciores vel ideò, quia non vni tantùm loco angustam operam elocarent; sed immigrarent sæpè in regiones varias, vt saluti plurimorum obsequerentur. Sed cùm humilitatis sint hæ postremę voces (siquidem Capuæ, & vbi-que magna moliri visus est) primæ procul dubio voces erant veritatis; nempe ipsum; ex quo Purpuram induerat, reuocatum è medio tranquillitatis, omne illius religiosi laxamenti commodum, quod mentem à studio hebetem restaurat, perdidisse. Testantur nimirum familiares eius, quàm parcè & quàm cautè

commoditates admitteret ; tantùm iis non exclusis , quas necessitas posceret. Ceterùm enim hoc habuit proprium, vt adderet rigoris aliquid semper ad v̄sitas Religiosæ vitæ asperitates.

Non semel aduersâ valetudine, quâ fuerat tentatus, excussâ, relictus fuerat ita viribus attenuatis, vt inoueri atque ingredi ægrè sufficeret. Tum hi , quibuscum ei vitæ consuetudo familiarior , rogare impensè , vt ferri sellâ gestatoriâ se permetteret , quoties pedem è Conclauī vel è domo efferret: sed numquam impetrarunt ; tametsi è Cardinalibus aliqui, seu propter ægritudinem, seu propter senium, id passim agerent. Ægrotauerat fortè id temporis, cùm PAVLVS V. Pontifex auctâ beati Aloysij Gonzagæ veneratione, concessit Rem Diuinam ad Aras nominatim fieri, cum eius imploratione, tantùm in Ædibus Societatis. Aderat festi eius octauus dies, cùm ipse inuitatus antiquâ pietate erga Iuuenem sanctissimum, Medicos rogauit , potestatem facerent ituro quàm propè ad Collegij Templum. Sed cùm illi annuerent , modò ab aurâ defensus , & in gestatoriâ sellâ iret ; potius habuit , voto suo fraudari , & carere solatio tam pio, quàm vti commoditate non v̄sitatâ, vel à Medicis imperata negligere.

In Tusculani propinqua rura , sicut & Tibur

bur ad Collegium Societatis eum Patres inuitarunt sæpè; cùm sit necessarium, vt dixi, interdum per honesti spatia laxare animũ studiis negotiisq̃ue fatigatum: labor enim, voluptasq̃ue dissimillima naturã, nihilominus societate quadã naturali inter se iuncti sunt. Sed initio Purpuræ, bis aut ter tantũ ad paucos dies, passus est induci se ad eam rationem iustissimi secessus. Deinceps, quoties rogaretur causam, cur abnueret eam, adferebat; nempe S. Carolo in more hoc olim non fuisse. Viginti annis totis, quibus Cardinalis vixit, ferè vtendas vestes alias non habuit, præter illas, quas à CLEMENTE VIII. Pontifice primũ acceperat. Indumenta detrita refarciri perpetuò iubebat; & manicas dumtaxat in eis mutari, si hæ vsui deficientes, aut nõ ita perfecti luminis forent. Rubram subuculam veterem, & æuo laceram, numquã permisit sibi à famulis detrahi, vt indueret nouam; & cùm obiit, inuenta hæc est, instar centonis, assutis è vili panno frustulis minimum octo; adeò triumphauit se paupertate suã, clàm saltem, inuolui. Tibialia non erãt vilius operis, aut pretij; sed ex panno, vel ex pelle, nec suppositis lineis: mansitq̃ ita semiamictus, etiam cùm tibiæ nonnumquam vlcerosæ ingredientem pænè destituerent: etenim in Societate sine illis tegi antea dī dicerat.

Inter induendum diu recusauit Cubicula-
rij opem; & is affirmauit, nec in pedis digito,
nudum à se visum Cardinalem Bellarmi-
num, nisi cùm postremis annis pedes tan-
tùm præbuit excalceandos, & tibias exuen-
das; cetera sufficiens, quando cubitum ibat;
& se deinde totum induens, manè cùm sur-
geret. Hieme aduersus inclementiam Cæli
vix muniebatur: & cùm à frigore supra mo-
dum excrucialetur, atque intumescerent ei
manus acri gelu, villosâ manicâ ferè vsus
numquam est; tantùm chirothecas induens,
non vt minueret frigus, sed vt tegeret in ma-
nibus ægritudinem. Hibernis mensibus, et-
si lecto exiliebat multò ante primam lucem,
sibi quæ parabat ipse lumen, donec aurora ef-
set; haud propterea in conclaui suo foculum
ardere permisit, priusquam tempus audien-
tiæ appeteret, id quæ solùm in gratiam adeun-
tium. Imò cùm P. Claudius Aquaiuiua suasis-
set, ne ignem horis illis frigidissimis recusaret;
respondit, legisse se in Vitâ PII V. Sanctissi-
mi Pontificis, foco eum caruisse: & idcirco
malle eius imitationem sequi. Idem testatus
est Cardinalis Crescentius in hæc verba: *Vir
erat aduersum se scueritatis tanta, vt sibi, ne in
ultimo quidem senio, vllatenus indulgeret. Et
cùm ab ipso exigerem, vt durissimâ hieme ali-
quid necessitati daret, permitteretque, dum sur-
geret*

geret ante auroram, focum in cubiculo instrui, respondit: Si hoc fiat, quandónam exercebit nos virtus Patientia? Aliquando postquam externi iam abierant, visus est è foculo suis manibus semiuistulatos torres reprehendere, & custodire in sequentem flammam; tum vt posset incommodi aliquid pati, dum ita in Conclavi calor minueretur, tum vt non egerent inde pauperes. Quòd si Aulici hoc aduerterent, ad velandos fines virtutis in eâ parsimoniâ, petebat ioco; an non censerent ipsi etiam, esse contra leges hominis deparci, ligna ita prodigere? Mensa fuit hominis adedò temperantis & frugi, vt qui ad initia Purpuræ vltra nummos argenteos tres quouis die pro se impendi vetuerat, postmodum duos tantùm infurni præceperit. Verùm domestico obsonatori visum id immodicè parum; & idedò dicto audiens non fuit. Cardinalis tamen, quia de imminutâ sibi annonâ persuasionem habuit, merito non caruit apud Deum, qui solet etiam desideria munerari. Solemnibus prandiis & cœnis hæc apponebantur; vulgaris caro ter in hebdomadâ, patina pulmentarij, & pomum. Ad diem lunæ ouis tantùm vescebatur; ad Mercurij, Veneris, & Saturni, & per Aduentum totum ita ieiunabat, sicut in Quadragesimâ, & in diebus pro festis Sanctorum. Coëgit tamèn is qui

ci à Confessionibus, vt postremis annis sibi diem saltem vnum restitueret. In eâ ipsâ trium dierum inediâ, quam in hebdomade quauis custodiebat sponte, mensæ numquam accumbebat ante meridiem, & si quando à publicis negotiis domum seriùs reuertisset, prandium differebat, vt familia priùs curaretur: & postquam ea digressa per otium è triclinio erat, tum demum ipse incipiebat; adeò familiare habuit, quibus ex Purpurâ dominabatur, iis ex modestiâ & demissione famulari. Hunc abstinentiæ modum tenuit quoque in statu aridæ senectutis; & quamuis defectu cibi noctes vigiles sæpè traderet, in vesperâ sumebat dumtaxat frustulum cibarij panis vino perfusi, & postea bibebat semel. Ceteris cœnis & prandiis, quando se plurimùm inuitabat, tertium haustum non excedebat. Nulli ferculo, cùm rectè parabatur, arrisit; vel monuit contrà, quid facto opus, si malè conditum apponeretur: quippe cùm cibo non delectare palatum cuperet, sed sustentare naturam. Temerè interdiu nec bibit vmquam, nec sumpsit potionis loco, quamlibet ob causam, frigida poma, vel è saccharo bellaria. Renuit quoque in æstiuis caloribus ora perluere gelidâ, quam egereret statim. In quâ laude mirâ constantiâ perseueravit sex quoque menses postremos, in quibus

bus valetudine permolestâ, ita vt siti propè inaresceret, tentatus est. Erant interea solatio Martyrum exempla, quos propter copiam profusi sanguinis aiebat simillimos fuisse Christo Domino in Cruce sitienti. Denique conuiualia oblectamenta non alia addita epulis, quàm prælectio libelli alicuius pij; qui animæ voluptatem ministraret, dum corporis consulebatur necessitati.

Attamen hoc genus vitæ vsque adeò temperans, quod etiam duris iudicibus videri nimium poterat, ipsi Bellarmino visum non est explere mensuram votorum; eò quòd cupe-
ret adhuc magis imitari Sanctos illos, qui vt vim retractantem corporis perfectè reprime-
rent, carnem suam afflictationibus asperri-
mis perdomuerunt. Cœpit aliquando solis nutrire se herbis & leguminibus; sed repentè insalubres cibi, alimento noxio in venas dif-
fuso, morbum ei crearunt: quare Medici ius-
sere, vt parsimonix priori se redderet; cùm
interim ipse suspiria traheret, & ad id præstan-
dum vires maiores, aut ætatem minorem
optaret. Hanc porrò viuendi rationem pro-
cul à deliciis; quibus adferendos labores re-
mollescere animi solent, quia expertus in So-
cietate, tum ad studia idoneam, tum ad spi-
ritus vigorem & ad corporis quoque incolumi-
tatem aptam fuerat, coluit perpetuò: &

cùm foret genus quoddam necessitatis haud
 expers occultæ pœnæ; pœna erat ei magis
 grata, quia ceteris minùs nota videbatur.
 Nec enim ignoramus, eius studia fuisse sem-
 per, quas obiret frequentes corporis afflicta-
 tiones, verbera, & ciliciorum asperitates, eas
 hominum oculis subtrahere, vt esset ipse spe-
 ctaculo dumtaxat Superis ac Deo. Præter
 hunc modum frenos iniiciendi propriis cu-
 piditatibus, quò faciliùs eas regeret; ostendit
 etiam, veluti eius artis Magister, quàm non
 victo esset animo, dum planè potens sui con-
 suefecit inferioris hominis potestates, vt vo-
 luntati subiectæ penitùs parerent. Huius in-
 diciâ fuere, nihil auersari eorum quæ insua-
 uia euenirent, etiamsi ex iis forent, quæ sta-
 tim eiicere homines, naturæ quodam impe-
 tu, nauseabundi solent. Quare non domi,
 non vbiuis locorum, si res è sententiâ minùs
 fluerent, in querimonias agi, atque inclamare
 famulos. Pedes fortè ei obcalluerant; & licet
 in dies molestia cresceret, non ideò sibi vi-
 tiam cutem, & cum eâ dolorem adimi
 permisit: cùm diceret, acerbiora eos pati,
 quos purgatorius ignis & gehennæ crucia-
 menta, vel probant, vel puniunt. Caloris per-
 inde patiens, ac de frigore narrauimus, sæpè
 visus est in cubiculo, vbi Sol æstius agebat
 perpetuum diem, circa meridiem sudore
 fluens,

fluens , atque æstu languens , componere & scribere ad horas plures ; in quo tamen cubiculo familiares eius hæere non poterant, quin statim madore summo perfunderentur. Culices, sicut & paruas alias animantes, veluti à Deo traditas pro exercitio patiendi, vultu miti tolerabat ; ita vt nec ipse oppositâ manu , neque excientes ventulum alij eas abigerent.

Cardinalis Crescentius refert, Bellarminum, veluti patientiæ victimam, muscas à vultu ne depellere quidem solitum fuisse; tametsi odiosæ nimiùm essent, sicuti Romæ in æstu solent: cumque hoc mirarentur hi qui aderant; tum ipse suauiter, haud æquum videri dixit, perturbare animantes illas, quibus non supererat Paradisus alius, quàm volitandi ea libertas, ac potestas, vbi libeat, morandi.

Capita hæc rerum in vnum congesta, sicut indicant satis, eum ita comparatum fuisse, vt ad omnia, quæ obuenirent, posset vsurpare illud; *Obmutui, & non aperui os meum, quoniam tu fecisti*: ita prudentibus rerum æstimatoribus Bellarminum quasi virtutis miraculum quoddam perenne substituerunt. Ea verò res gloriam Societati plurimùm auxit: siquidem Cardinalis Bellarminus, à multis appellabatur *Iesuita* tantùm à suis in Purpurâ

varians; videlicet vt is, qui vestem diffimilem, cetera Societatis tenuerat. Aula item vniuersa, nata Virorum Illustriū factis censendis æstimandisq̃ue, sicut & vulgi persuasio, longè duxit admirabiliorem hanc innocentie semel initæ & numquam imminutæ laudem, quàm Sanctitatis lumen aliud magis clarum; idq̃ue postrema ægritudo eius, & mors egregiè confirmavit.

C A P V T IV.

Quâ ratione disposuerit domum, & familiam ordinarit.

STatim atque Bellarminus Cardinalis fuit; adlecto in Oeconomum Petro Guidotto, quem ab integritate & à prudentiâ cūprimis nôrat, iniunxit ei, vt consultor nauus & industrius eorum omnium esset, quæ necessaria domi forent. Illud verò & hoc initio, & semper deinceps memorauit; se non Dominum annui census, sed esse eius distributorem tantum; eiusq̃ue negotij religionem & conscientiam omnem se in illum reijcere. Pro se verò poscere cibi ac potionis modum necessitate finitum, non voluptate; pro familiâ victum decentem: & pro eâ velle ita disponi, vt nihil abundaret, nihil deesset. Paruit Oeconomus, & in coëmendis iis quæ sufficerent defi-

desiderio domus, imitatus moderationem illam est, quam sibi Cardinales aliqui parsimonix maioris, & clarioris probitatis, Romæ præscripserant. Postea rem omnem cœpit ad trutinam æqui librare primùm meditatione suâ : & de eâ mox aliquot Patres Societatis inspectæ prudentiæ consuluit ; quò ita constaret ei, num aliquid paupertati Religiosæ parum congrueret. Sed nec visa sufficiens est inquisitio ea tam diligens : proinde cuncta quæ habuit domi vtenda, retulit in syngrapham, & ad P. Claudium Aquatuiam Generalem Præpositum transmisit, postulans ab eo modum argento, supellectili, familiæ; vt hæc essent, non tam pro gloriâ Purpuræ, quàm pro inopiæ voto, quo se obstrinxerat in Societate.

Ille singula æstimavit, laudavit omnia; tantùm interpretatus est rem documentum maioris, si fellas cubiculi ex holoserico villosò instrui non permisisset. Cardinalis vix hæc audiit, cùm imperavit, vt quatuor, quæ solæ erant eius ornatus, diuenderentur; atque ideo sedes aliæ cultu simplici, & pretij ferè vulgaris, earum loco emptæ fuerunt.

Exemplum similis notæ, quam tradidit mihi exceptam è Cardinalis scripto is qui ei à Confessionibus, quia continet, quo pacto se & familiam aleret, consultò, vti modestiæ parsimio-

simoniæque ipsius indicium magnum, hoc loco referam. Ita verò incipit:

Ad victum, vestitum, Sacrificium, & quæ sunt huius generis, ferè nihil est additum. In familiâ numerantur capita circiter triginta quinque; octo sufficerent, vel decem: sed quaeritur, an citra decorum Purpura, possit comitatus imminui. Ex his deni sunt honestæ conditionis, quindeni infimæ sortis; ceteri honestioribus famulantur.

Tres rheda sunt: nam equorum sæpè aliquis ager est, & equi coniuges ac pares agrè ac vix longo tempore inueniuntur. Rheda verò minimum duæ, ut frequentari possint publica munia, requiruntur.

Supellex est tenuis, & priuata elegantia. Nihil ex argento præter candelabra, guttum, polubrum, cochleariola, & fuscinulas. Cibi vasis fictilibus ministrantur; sella intectæ omnes corio. Aestate pellibus pictis cubacula tria, hieme tantum duo belluatis peristromatis, sed vilibus vestiuntur.

Annui redditus diuiduntur, ut familiam alant; ut salaria dispensentur; eos, qui à pedibus, vestiant; soluant pro conductâ domo. Ex his quæ superant, datur Consanguineis aliquid, ut minùs egeant: reliqua, vel cedunt pauperibus nutriendis, iuuandisq;, vel Ecclesiæ ornanda; in arariam ne assis quidem infertur.

Ex

Ex hac subductâ familiæ, expensarumque, & vtenfilium notâ, rei suæ dispensator fidelis & providens videri potest. Sed quia meditabatur assiduè, num re aliquâ posset carere, quadam die vestem vnius cubiculi è purpureo panno parietibus detraxit, misitque ad Domum Professorum nostræ Societatis, ne deesset Patribus, quo in hieme tegerentur: iussitque, vt ex eo nostris subuculæ thoraces fierent; cùm diceret, spoliatos parietes sensum, vt algeant, non habere, quemadmodum habent ij qui Deo famulantur. Imò vt ad occasiones varias affirmavit, detrahere voluisset e cubiculis cultum omnem, & nudis parietibus habitare; si Cardinales aliqui antiquiores, & primæ auctoritatis hoc egissent: nam id ipse veritus est inchoare, ne res ea sermones, sicut omnis nouitas, pareret; & ne ob nimiam, & fortasse suspectam seueritatem aduersus luxum, ab aliquibus incessetur. Saltem cubiculum, in quo habitabat vltimis ædibus, cùm ornatu nullo tegeretur, suum illud appellabat; & cetera hospitibus seruire, vel Purpuræ, aiebat. Accidit, vt prouentus, quos percipiebat è *Prioratu* sancti Andreæ cis Alpes, postremis annis cœpti sint admodum imminui. Quare cùm nequireret eosdem sumptus domi sufferre; aliqui consilium dedere, vt imponeret eleëmofynis modum.

modum. Verùm ipse ne vel obolo fraudaret pauperes, potiùs rhedam vnā, vnum cubiculi administrum, vnum à pedibus, vnum à Sacris ex familiæ albo sustulit. Atque ita non deseruit antiquam artem benefaciendi.

Domum regebat Parentis more, numquam declinans in alterutram partem, aut largitatis nimix, aut nimix parsimonix; salaria multò ante diem singulis repræsentabat; famuli à pedibus bis quotannis vestiebantur simili panno, & donabantur semper antiquis vestibus. Aduersâ valetudine si qui corripentur, aderat eis Medicus idem, à quo Cardinalis curabatur: cuius etiam expensis è Tabernâ medicamentariâ eis pharmaca miscbantur; atque eosdem ipse commiseratione summâ idemtidem inuisebat. Donaria etiam, si quæ mitterentur ex his quæ ad rem cibariam spectant, distribuebat in familiam. Exigebat porrò ætatis maturitatem, præter mores & virtutem annis parem, in iis quos admittebat ad sui famulatum. Quod causæ fuit, vt adnumerare inter Affeclas suos, præter alios, noluerit iuuenem nobili genere, quem primùm nouerat Ferrariæ; cùm nimium ei ætatis honor deesset. Vicia, quæ in Aulicis suis constanter abominatus est, præcipua fuerunt, quæ aliis sunt offendiculo; nempe in Deum & Cælites impiæ voces, labeculæ

læ vel minimæ contra castitatem, vetitaquæ alearum genera. Quæ quidem omnia exosus est adeò, vt qui se eis polluerent, scirent certò, se ex familiâ excidisse. Ad hæc adiri se mendaciis non patiebatur: abstinebant etiam omnes à fallentibus verborum ambagibus, quas ille concoquere, vti alienas artes ab ingenio suo, nequibat; & ab hac parte seuerus, cetera lenis ac facilis habebatur. Modum vestibus eorum non præscripsit, sed tantùm indicauit, sibi gratius fore, si bysso non vterentur; vt autem essent magis probi, has leges omnibus proposuit:

Interfint omnes Sacro quotidie, ac Dei Sanctorumq; implorationi: etiam quotidie bis nixigenibus orent; manè semel cùm euigilant; iterùm vesperti, quando cubitum eunt: interdium Rosarium recitent, aut similes preces.

Animum exomologesi singulis mensibus semel minimum expient: sacram Synaxim saltem sumant festis diebus Christi Domini Resurgentis, Pentecostes, Virginis Annuntiatæ, Commemorationis Omnium Sanctorum, Natalis Domini, & Purificationis B. Virginis.

Doctrina Christiana compendium, si qui non didicere, tradant illud memoria. Aduersus Deum & Sanctos atrocita dicta, & periuria detestentur. Omnibus ignorent modis, tam dicere quod turpe dictu, quàm quod factu inhonestum

Q

stum

frequēter eſſet communis obligationis; quoniam metuēret, ne quis fortè pietatem fingere; & quoniam nouerat quantum Aula & Religio differant. Sic publicè inſtituens omnes, tum demum ſe eorum Dominum exiſtimabat, quando ſciret Cæleſti Domino perfectè eos obtemperare. Sed & prætereà ſi cognoſceret priuatim in aliquo mores notari, emendationem præparans, non ad reprehensionem ſtatim ferebatur: ſed temporis ac loci captans opportunitatem, clàm aliis, eos qui peccauerant, admonebat quàm leniſſimè; non plura addens, quàm quibus rem exponeret. Ea verò lenitas profuit ad corrigendum magis, quàm profuiſſet obiurgantis ſeueritas; præſertim cùm adderet, ſe perinde atque amicos eos velle commonitos. Ex hac modèſtiâ non modò illi verecundabantur vehementiùs, quàm ex obiectu ipſo criminis admiſſi; ſed erudiebantur etiam, vt certatim eſſent inuicem obſequioſi: id quod cupere ſe indicauerat ſæpè, & monſtrauit apertè occaſione quam narro. Eum adiuerat vnus è famulis, cuius munus erat domi menſam apparare; & querimoniarum plenus, doluerat, datam ſibi mulctâ, vt careret triclinio, & comuni epulo, proptereà quòd erga Præfectum menſæ officiij terminos exuiſſet. Cardinalis adiudicauit poenæ: & hominem redarguens,

Si honestiores, inquit, Aulicos meos consueui egomet reuereri, patiârne ergo infimæ familiæ eos esse contemptui? Pòst vbi culpam obiurgatione hac perstrinxerat, pœnam remisit. Questum verò eum hominem reor; quia erat inusitatum ex eâ familiâ quemquam pœnis mulctari, siue hoc defugeret ipsa Heri lenitas, siue talia non ferret laus disciplinæ in iis famulis, qui cùm nihil contra morem cuperent, nihil etiam per metum prohibebantur.

Ex hac benignitate Cardinalis, & Aulæ vicissim institutione optimâ oriebatur, vt rari dimitterentur, vel emigrarent sponte; siquidem omnes postquam in eius se familiam dederant, certâ erant persuasione, viuendum ibi esse perinde, ac si in Religioso aliquo, & à prauis documentis alieno loco versarentur. Et meritò ita iudicabant; cùm viro deseruissent, qui satis intelligeret, esse Domini in eo culpam, si domestici modum excederent: imò si peccarent ij, fore suæ Aulæ mala æquè graua, non æquè excusata, propter etatem, & Religionem quam profitebatur. Ideò nullus seruorum erat in totâ domo, qui non pensi haberet, quid coram tam pio Domino aut diceret, aut faceret: dum parte ex aliâ, quæ seruendo quis interdum peccaret indiligens, id ab eo toleraretur indulgentiâ summâ. Accidit

dit anno Sæculari M. DC. vt à solemni ritu Vesperarum in Templo S. Petri quadam die deberet ipse ad Palatium, vnà cum Cardinalibus aliis, deducere Pontificem. Toga purpurea, & candidis suffulta villis requirebatur: quam famulus à pedibus, cùm interim obdormisceret, ad eum seriùs attulit. Cardinalis adæquè sui potens, quasi nesciret irasci, & vultum iudiciis nullis varians, semel tantùm, toga vbi esset, interrogauit. Tum Iosephus Vignanesius cubiculi Præfectus, & eius consanguineus, vt officij admoneret ceteros, statim è familiâ hominem seposuit. Ea tamen seueritas Cardinali parum arrisit: idcirco lenitate indignationis locum occupante, permisit vt ille post dies pauculos rediret; ratus eam aliquot dierum absentiam satis esse, ad familiæ exemplum pariter, atq; ad existimationem alterius tuendam, qui hominem seposuerat. Verùm hæc patientia eius, Aulicos reddebat intereà imparatos ad obsequiũ; præsertim quia non ita erat facile statis horis, aliquando circa auroram ei adesse: tam ille properè inueniebatur promptus ad ea quæ deliberauerat pridie, cùm disponderet diem. Attamen quoties necesse habuit opperiri famulos; quia conqueri de eis non consueuerat, idcirco illi accedebant securi, nec metuebant, ne fortè ægri aliquid ab eo audirent. Ali-

quando cū Cardinalium confessum nescio quem dimitti celerius contigisset, asseclas suos expectauit diu; & vbi aduenerunt, neque de absentia causā, neque de morā eos postulauit. Quam eius modestiam, & silentium, nemo in familiā erat, qui lentæ naturæ tribueret, & nō adscriberet potius virtuti. Quia vnusquisque nouerat, cum ab ingenio præteritum esse. Sæpè enim, cū Dei vel Ecclesiæ causa vrgeret, studio magnò accendi, micare oculis, & ardere vultu toto visus fuerat; tametsi mox colligeret se, & iustissimam iram sineret languescere sensim, ac redire lenitatem.

Contrà non impediti sermonis, sed planè disertus & eloquens erat, quando eorum in se benè collocari officia animaduertebat: nā ea libenter commemorabat, & gratias referebat etiam, oblitus ferè se Dominum esse. Si quid cuiquam subinde onerosius præciperet, cum pro inopiā suā remunerabatur; vt saltem illi gratum animum suum exprimeret. Affirmant generatim omnes, neminem cuiusvis conditionis ab eo esse pro imperio appellatum; rogabat enim, aut indicabat, fore sibi gratum, si hoc nimirum, si illud agerent: & cū aliquò mitteret quemquam alienis horis, siue imbres essent, siue æstus nimij, pro eo statim rheda parabatur. Sacerdotibus, si
qui

qui Templo alicui operam deberent, potestatem faciebat, suo etiam cum incommodo, ut horis constitutis interessent muneri pio. Item, ut ei qui ab epistolis scribendi onus minueret, ipse litterarum magnam partem exarabat, & tradebat illas ei tantum obsignandas. Latinas ferè omnes concipiebat: & ex iis quoque solum exscribi eas iubebat, quæ pingi melius deberent, & ad Principes destinari. Demum aliâ re nullâ se Dominum inter eos ostendebat, quàm excellentiæ notâ, & quadam præstantiâ virtutis, quâ inter eosdem eminebat. In his quæ sunt reliqui, semper ceteroqui paratus inveniëbatur exequendis iis, quæ famuli suggererent. Badinûs Nares, qui Præfectus Cubiculi eius ultimo septennio fuerat, reputans quàm soleret prope Cardialis deferere omnia, cum admoneretur adesse aliquos, qui spatium sermoni orarent, habuit pro re compertâ, ipsum, ut obedientiæ merito non careret, deliberasse famulis suis obtemperare; quoties in his quæ ad eorum spectarent munia, etsi non pro imperio, deuocaretur. Cubiculi Administer Augustinus Mongardius, qui ei deferuiuit ad obitum vsque, ferè sine obseruantia modo, simplicissimè cum eo loquebatur: monebat, moueret se loco, assurgeret, adduceret se aliò; expertus ad eiusmodi nutus & voces numquam

quam lentas Cardinalis aures. A primis tenebris vesperi Aulicos suos à custodiâ cubiculi liberos fecerat, vt singuli se ad sua referrent. Et ab eo tempore, si necessariò quis ipsum adiret, adpositum in mensâ lumen accipiens, per intermedia cubicula, abeunti prælucebat; atque ita ipse Cardinalis & Dominus, sponte suâ, & ex modestiâ, nihil à famulorum imitatione cessauit. Sperare ab eo Aulici & Affeclæ eius opulentos & magnos redditus Ecclesiasticos non debebant; tum quia eorum ipse ferè indigens erat, tum verò quia deliberauerat Capuæ beneficia non ad alios, quàm ad ipsos Patriæ Clericos, vt infra subdam, transferre, quoties propter aliorum obitum vacarent. Idcirco, præter salarium & cibaria, quibus ipsos domi sustentabat, solum eis annuam pensionem, decisam ex suismet redditibus, dedit: & fuisset conatus maiora, si par animo facultas hoc permisisset; aut certe nisi credidisset, viuere libenter paruo animum, cui timor Dei thesaurus est,

CAPVT V.

*Quæ Consilia CLEMENTI VIII.
Pontifici dederit.*

DIxerat Cardinali Bellarmino sæpiùs
CLEMENS Pontifex, ad Purpuram se
illum

illum deuocasse propterea, vt haberet apud se vocem virtutis; à quâ nimirum, inter voces fallentes adulantis Aulæ, veritatem securus audire posset. Proinde iniunxerat ei, moneret serîo, si quid aduerteret, pro Ecclesiæ bono debere rectius & consultius agi. Has voces, sicut mandata omnia Pontificis, Bellarminus venerans, cùm etiam intelligeret Cardinales hoc munus cum Purpurâ induere, vt suo iudicio res probare ac improbare, & non pendere ex alieno vultu seu nutu debeant; paruit iubenti: atque vsus eâ rarâ moderatione Principis, apud quem videbatur fore gratior oratio singula monentis, quàm silentium cuncta aut pleraque damnantis; scripturam circa Pontificis munus præcipuum concepit, & eam CLEMENTI quàm demississimè transmisit. Optimi Consiliarij monita prono & auscultante animo audiuit Pontifex, atque in eius scripturæ margine per capita fere singula, scripto item suo, adiecit quædam, partim vt se expurgaret, partim vt ostenderet, se aures monitori submittere, & contestari angustias animæ suæ.

Vtramque scripturam interferam hoc loco, verbis iisdem, ne oracula contingat, aliter atque accepta sunt, reddi: & ne à priuati Scriptoris oratione mollius fortè sonus maiestatis referatur, quo cum egerunt inter se Viri duo

Qs

summi.

summi; alter in Ecclesiâ nemini dignitate, alter nemini doctrinâ secundus. Incipit Bellarminus:

Summus Pontifex triplicem gerit in Ecclesiâ Dei personam: est enim Pastor, & Rector Ecclesiæ uniuersæ; est Episcopus Urbis Romæ proprius; est Princeps temporalis Ecclesiasticae diuisionis. Sed inter omnia eius officia primum locum tenet sollicitudo omnium Ecclesiarum. Hoc enim est primum, singulare, maximum. Primum quidem, quoniam Apostolus Petrus multò antè factus est Pastor totius Dominici gregis, quàm Episcopus Antiachenus, uel Romanus. Singulare autem, quoniam multi sunt alij Episcopi nobilissimarum Ciuitatum, multi quoque Principes temporales; sed Pontifex Orbis terrarum, Christi Vicarius Generalis, Pastor uniuersalis Ecclesiæ, solus ipse est. Denique maximum, quia Episcopatus Urbis Romæ suos habet definitos limites, eosq; satis angustos, ut est etiam Principatus Ecclesiæ temporalis: at Summus Pontifex nullos habet in Orbe terrarum limites, nisi quas ipse Orbis terrarum habet.

Porro officium hoc tam antiquum, tam magnum; tam singulare, tam proprium sibi, tam necessarium Ecclesiæ, facile poterit Summus ipse Pontifex implere; si Ecclesiæ singulis bonos Episcopos præficiat, eosq; suo muneri satisfacere curet, & si opus sit, cogat. Siquidem boni Episco-

pi bonos eligent Parochos, bonos Concionatores, bonos Confessarios; itaque animarum salus, nisi per ipsos steterit, in tuto erit.

At si fortè negligentia Episcoporum, vel Parochorum, aliqua pereant; sanguis earum de manu Pastorum particularium requiretur. Summus autem Pontifex animam suam liberabit; quippe qui fecit, quod suum erat, ne perirent. Sin autem Summus ipse Pastor Ecclesiis particularibus, vel Episcopos dederit minus bonos; vel ut ij fungerentur munere suo, non diligentem operam dederit; tunc sanè animarum illarum sanguis de manu Pontificis Maximi requiretur.

Hac me consideratio ita vehementer exterreret, ut nulli hominum magis ex animo compatiar, quàm Summo Pontifici, cui plerique omnes invidere solent. Nam S. Ioannes Chrysostomus, magno cum animi sensu, scribit, paucos ex Episcopis saluari; propterea quòd difficillimum sit tot animarum sibi creditarum bonam rationem reddere. Neque blandiri nobis debemus de bonà conscientia, de rectà intentione, de sanctis operibus; cùm Apostolus Paulus dicat: Nihil mihi conscius sum; sed non in hoc iustificatus sum. Quare fretus Apostolicà benignitate deponam in sinum pientissimi Patris, seu potius ad pedes eius, scrupulos meos, qui me, ut verum fatear, quiescere non sinunt.

Ad

Ad hoc exordium Bellarmini Pontifex, Hoc quoque nos terret, inquit: sed cum corda hominum soli Deo pateant, nec possimus nos nisi homines eligere; duo interdum exempla nos consolantur. Primum, quando Dominus noster Iesus Christus elegit duodecim Apostolos, præviâ pernoctatione in Oratione: quod nescimus an in aliâ occasione fecerit; & nihilominus inter illos electos vnus fuit Iudas. Aliud exemplum est, quòd duodecim Apostoli, pleni omnes Spiritu sancto, septem elegerunt Diaconos, inter quos vnus fuit Nicolaus, tam insignis postea Hæreticus. Quæ exempla pro suâ infinitâ bonitate putamus Deum Omnipotentem, pro consolatione Eligentium, in Ecclesiâ reliquisse.

Pergit Bellarminus: Videntur igitur mihi sex quadam res esse, quæ reformatione indigeant, nec sine periculo negligentur. Prima res est diuturna vacatio Ecclesiarum; de quâ re existat Epistola S. Leonis ad Anastasium Episcopum Thessalonicensem, in quâ iubet sine morâ prouideri Ecclesiis, ne gregi Domini diu desit cura Pastoris. Extant quoque plurimæ apud S. Gregorium Epistola, in quibus admonentur ij ad quos spectat electio, quàm citissimè Pastorem vt eligant. Et si fortè necessaria fuisset aliqua mora, consueuerat idem Pontifex vacantem Ecclesiam commendare vicino Episcopo, non ad fructus percipiendos, sed ad sollicitudinem
eius

eius Ecclesiæ interim gerendam. Itaque studebant sanctissimi illi prudentissimiq; Pontifices continuo vacantibus Ecclesiis providere, ne Rei efficerentur animarum, quas ob defectum Pastoris perire contingeret. Difficile enim esset paucis explicare, quantum detrimenti capiant Ecclesiæ viduata; in qua vitiorum abrupta se Grex precipitet, dum caret Pastore; quantum siluescat Vineæ Domini, dum caret Agricultor.

Pontifex ad hæc, *In hac primâ re, inquit, siue in hoc primo capite fatemur nos peccasse, & peccare. Sed plerumque in causâ est difficultas inueniendi viros idoneos. Et quamuis sæpè multi nobis proponantur, cum per nos ipsi nequeamus sumere informationes, & cum aliquando experti simus, illos, quibus hanc curam demandauimus, nos decepisse, vel ipsos ab aliis deceptos fuisse, tutius interdum putauimus, memores sententiæ S. Pauli, Manus citò nemini imposueris, differre, ne deciperemur. Tamen recordamur tempore Magni Gregorij fuisse Ecclesias, quæ diu vacabant; & hac de causâ solitum fuisse vni Episcopo, aliam Ecclesiam non suam commendare, ut interim curam illius haberet.*

Rursus Bellarminus: *Secunda res est, inquit, promotio minùs vtilium Prælatorum; deberent enim provideri Ecclesiæ de bonis personis, non autem personæ de bonis Ecclesiis. Fateor tamen optimam illam esse prouisionem, cum*
utrumque

utrumque simul fieri potest, ut & persona benè merenti, & Ecclesiæ vacanti utiliter prouideatur. Ac ut alia nunc præteream, Concilium Tridentinum affirmat, peccare mortaliter eos omnes, ad quos quocumque modo spectat Episcoporum promotio, nisi eos præficiendos curauerint, quos Ecclesiæ magis utiles ipsi iudicauerint; quæ est communis Doctorum sententia. S. Gregorius rectum ordinem esse dicit, ut quarantur homines ad Episcopatum, non ut quarant homines Episcopatum: & S. Bernardus, Qui pro se rogat, inquit, iam iudicatus est. & infra: Cunctantes & renuentes coge, & compelle intrare.

Subiungit Pontifex: Scimus hoc; & quantum in nobis est, semper præ oculis habemus, prouidere Ecclesiis, non autem personis; nisi quando & Ecclesiæ & personæ æquè nos prouidere putamus. Sed prima & maxima ratio Ecclesiæ habenda est. Sententia, quam affert, vera est: sed si de dignioribus est agendum, numquam prouidebitur Ecclesiæ; quia nescimus modum, quem tenere possimus, ut sciamus, quis dignior sit. Quoad ipsos Episcopos, hoc etiam nos torquet, quia si nolimus dare Episcopatus petentibus, vel his qui nobis ab aliis proponuntur, nescimus quomodo poterimus Ecclesiis prouidere, præsertim Ecclesiis non ita magnis, & modici redditus. Si Dominatio vestra scit aliquem modum,

dum, libenter audiremus, & amplecteremur. Multa enim possunt, & quidem verè dici; sed cum ad praxim deuenimus, in magnas incidimus difficultates.

Bellarminus item, Tertia res, inquit, est absentia Pastorum ab Ecclesiis; quid enim prodest idoneum eligi, si non resideat? nam oues suas agnoscere, easq; Sacramentorum administratione ac bonorum operum exemplo pascere non possunt, qui gregi suo non assistunt, ut per se notum est. Inter hos numerantur Episcopi, qui Nuntios Apostolicos agant, quorum aliqui per annos multos Ecclesias suas non viderunt. Nonnulli, relicto ministerio pascendi animas sibi creditas, Magistratum politicum gerunt. Multi, relictis ouibus suis, Romæ iis in rebus occupantur, quæ per alios commodè fieri possent. Fateor quidem, aliquos Episcopos à residentiâ per obedientiam excusari; neque illud inficior, Summum Pontificem certis de causis, atque ad tempus Episcopos aliquos à residentiâ eximere: sed nescio an Deo placeat, ut tantus numerus Episcoporum, tam longo tempore, cum tanto animarum detrimento, à propriis Ecclesiis absit; quos certè suo muneri satisfacere non posse perspicuum est.

Pontifex ad ista: In hoc fatemur, inquit, nos peccasse, quia nimis facile indulsimus Episcopis, ut possint Romam venire, & difficile Ro-
mâ

mâ dimittuntur. Antea, si Dominatio Vêstra velit recordari, longè pauciores residebant. Quoad Nuntios; putamus decentissimum esse, ut Nuntij sint Episcopi, quia Episcopis imperant, & maioris auctoritatis sunt, quàm Principes, & Populus: & nisi tantâ hominum penuriâ laboraremus, citiùs eos mutaremus. Quoad eos qui politicos Magistratus gerunt, non est hoc tempore in Statu Ecclesiastico nisi vnus aut alter, & tam propè ad suum Episcopatum, ut quouis die, nedum quauis hebdomadâ, possit esse in suâ Ecclesiâ, & ferè quauis horâ in suâ Diocesi. Reuerà nos non nisi Nuntios diu absentes retinemus, quorum mutatio ob magna & periculosa negotia facile fieri non potest.

Bellarminus iterùm, *Quarta res, inquit, est polygamia spiritualis; cùm videlicet vni personæ plures Ecclesiæ committuntur. S. Bernardus in Epistolâ ad Comitem Theobaldum rem totam tribus verbis absoluit, cùm ait, id non esse licitum, nisi dispensatoriè ob magnam Ecclesiæ necessitatem. S. Thomas scribit beneficiorum præsertim Curatorum multipliciter, non solum contrariam esse Iuri Canonico, sed etiam Iuri naturæ: non quòd ita sit intrinsecè mala, ut nullo modo honestari possit; qualia sunt adulteria, mendacia, & similia: sed quòd absolutè mala sit; possit tamen ob certas circumstantias honestari, ut ob Ecclesiæ necessitatem. Ex quo cpl-*

lit

ligit idem S. Thomas, cum qui ex dispensatione duas Ecclesias habet, non esse tutum in conscientia; nisi causa illa adsit, nempe Ecclesia necessitatis, vel certe maioris utilitatis; quoniam dispensatio non tollit, nisi vinculum Iuris positiui: & hanc S. Thoma doctrinam omnes Theologi probant. Quare timendum est, ne forte non sint in conscientia tuti, qui aliquando duas Ecclesias habent, unam Cardinalitiam, alteram non Cardinalitiam. Causa enim, cur Episcopis Cardinalibus dua permittantur Ecclesie, non videtur esse necessitas vel utilitas Ecclesie, sed maior persone dignitas vel commoditas.

Denuò Pontifex, Quoad istam polygiam, inquit, ea interdum est solum in istis sex Episcopatibus Cardinalitiis, circa quos nihil mutandum duximus, cum à Prædecessoribus nostris, etiam post Concilium Tridentinum, res hæc examinata fuerit, & ita constituta. Et turbare ordinem Collegij, & redarguere facta Prædecessorum nostrorum, & tot Cardinalium, non visa fuit nobis res quæ sine scandalo fieri possit.

Quinta res, inquit idem Bellarminus, est facilis translatio Episcoporum de unâ Ecclesiâ ad aliam. Translatio enim Episcoporum, secundum Canones, atque usum veteris Ecclesie, non debet fieri, nisi ob Ecclesie necessitatē, vel maiorem utilitatē. Neg, enim instituta sunt Ecclesie

R

propter

propter Episcopos, sed Episcopi propter Ecclesias. Nunc autem quotidie translationes fieri videmus, & solum de causâ, ut Episcopi vel honore vel opibus augeantur. Propterea notum est ex cap. Inter corporalia, de translatione Episcoporum, vinculum matrimonij spiritualis esse aliquomodo maius, quàm vinculum matrimonij corporalis; & ideo non posse solui, nisi à Deo, siue à Vicario Dei declarante voluntatem Domini sui. Quis autem credat velle Deum, ut ob solum temporale lucrum, vel honorem, vinculum huius sancti coniugij dissoluatur? Præsertim cum id sine detrimento animarum fieri nequeat, ut experimentum ipsum docet. Neque enim Episcopi Ecclesias diligunt, quas breuè se deserturos sperant, ut ad alias commodiores transeant.

Nos, inquit prætereà Pontifex, cum difficultate transferimus, & non desuimus monere Principes per Nos, & per Nuntios nostros.

Sexta res, subdit ultimo capite Bellarminus, est Episcopatum resignatio sine legitimâ causâ: nam si tam est æctum ac panè insolubile vinculum inter Episcopum & Ecclesiam, ut Canones docent; unde fit, ut tam facile vinculum istud quotidie solui videamus? Alij retentis fructibus Ecclesiam resignant, ac si quis uxorem repudiet, & dotem retineat. Alij diuites ex redditibus Ecclesiæ effecti, renuntiant Episcopatu,

tui, ut ad maiora sibi viam aperiant. Alij nepotibus Sedem renuntiant, ut specie renuntiationis possideant Sanctuarium Dei. Alij malunt in Romanâ Curia Referendarij esse, vel Clerici, quàm extra Curiam Sacerdotes Magni. Denique alij causantur aëris insalubritatem, alij proventus exiguos, alij populi proteritiam. Sed Deus novit, an ista iusta sint causa resignationis, & utrùm eiusmodi Episcopi quarant quæ sua sunt, an quæ Iesu Christi.

Nos, ultimò item inquit Pontifex, resignationes difficillimè admittimus, non nisi examinatis causis in Congregatione rerum Consistorialium, & aliquando admittimus ob ineptitudinem resignantium.

Demum addit in fine Bellarminus: *Hæc sunt, Beatissime Pater, quæ mihi hoc tempore suggerenda Sanctitati Vestræ esse videbantur; ut conscientiam meam hac in parte exonarem. Quæ sicut à me sincero animo scripta sunt; ita benigno vultu ut à Beatitudine Vestrâ legantur, cum omni reuerentiâ & demissione etiam atque etiam precor.*

Post hæc CLEMENS etiam ipse in verba definens, quibus videtur è Maiestate descendere ad Christianam ac Pontifice dignam humilitatem: *Hæc paucula, inquit, ita cursim diximus, non ad excusandas excusationes in peccatis; sed ut ipsa potius misereatur diffi-*

cultatibus, quibus impliciti in has arumnas incidimus. Fatemur enim, nedum in istis, sed in aliis multis nos, imò in omnibus peccasse, & in nullâ re muneri nostro satisfacisse, nec satisfacere. Roget igitur Deum Omnipotentem, vel ut suâ diuinâ & efficacissimâ gratiâ nobis opituletur, vel, quod magis optamus, ut nos ab hoc mortali vinculo absoluat, aliumq; subroget, qui omnibus numeris officium sibi iniunctum absoluat.

Sic ambo sese per scripturam allocuti sunt: & iam historiæ beneficio auditi in Orbe terrarum, fortasse imponent Hæreticis silentium; dum ij vel de Bellarmino spargunt, eum fuisse veri consilij periculosâ libertate deteritum, ne Monitorem ageret erga Pontifices; sed & infractum vitio assentandi, cum fortunâ ipsorum potius, quàm cum ipsis locutum esse; vel Pontificem & Cardinales traducunt, primisq; Ecclesiæ luminibus scdam illam, quam ex proprio cœno exhalant, caliginem offundere nituntur. Discant, opinor, nec à Bellarmino solitum dissimulanter agi; nec posse vitia enormia, quæ Pontificibus ipsi asfingunt, alibi quàm in ipsorum diris inueniri. Certè in scripturâ, quæ debebat fide litterarum secretò adire Pontificis solius aures, si grauiora fuissent quæ stylo petstringeret, cur voluisset ea suppressere is, qui persequitur
leuio-

leuiora tam sanctè; tametsi quædam ex eo genere sint, quæ humanus animus numquam satis, in tam vastâ gubernatione, defugiat? Scripturam hanc verò, cùm adiectis à Pontifice responsis, ita ut fuit vtriusque manu exarata, accepit ab ipso Cardinali Bellarmino P. Stephanus de Bubalis; apud quem exstat hodieq; nobile huius rei monumentum.

Ferè per idem tempus cœpta Romæ agitari controuersia fuerat inter Religiosum Ordinem S. Dominici, & Societatem nostram circa opiniones P. Ludouici Molina, De Concordiâ Gratia, & Liberi Arbitrij. Quam sententiâ etsi aliqui, eò quòd ex vnius priuati Scriptoris nata ingenio erat, minimè censebant defendi debere à Societate vniuersâ: attamen ij, qui tum præerant, aliter deliberarunt; tum quia nostrorum Professorum pars maior in Academiis eam tuebatur, tum verò quia iudicabatur in primis idonea ad nostri æui hæreses peruincendas. Quoniam itaque videbatur materia magni momenti, & in quâ stabiliendâ tot olim Patres & Concilia desudauerant; CLEMENS Pontifex partis vtriusque theses & pronuntiata in cœtu Theologorum proponi mandauit, eaque meditari ac miscere sermonibus etiam ipse cœpit. Idcirco Cardinalis Bellarminus, cum quo de iis Pontifex disseruerat non rarò,

commentarium composuit : in eoque primum controuersia totius descripsit statum, coactis in pauca partis vtriusque rationibus ; ac post adiunxit, quid demum sentiret. Opusculum hoc æstimauit Pontifex : sed cum patroni aduersæ partis vrgerent contrà ; nouas difficultates suggerendo , afferendoque incommoda plura , quæ nasci posse inde ominabantur ; Bellarminus adhuc Tractationes alias duas celerrimè confecit , & soluit argumentationes obiectas ; atque has item accipiens Pontifex , plaussit erudito labori. Verum spatium cœptum est in comperto haberi, quàm non ex æquo futura ea disceptatio videretur : paulatim enim Pontificis obsideri aures ab aduersæ partis propugnatoribus penitus visæ sunt. & demum res eò cessit , vt Pontifex Cardinalibus diuersis affirmauerit, velle se de Controuersiâ decernere. Sed enim id non propterea Bellarminum expauescit : quin imò candidè atque liberrimè auctor Pontifici fuit ; in negotio , ex quo multa & summa penderent , festinandum lentè ; imò ne festinandum quidem esse. Pontifex nihilominus, qui in re expendendâ haud sibi fuisse videbatur indiligens , facturum se prope diem quæstioni finem , quem apud se disposuerat, repromisit : & tum Bellarminus clarè futurum dixit, vt de eâ numquam definiendo
pro-

pronuntiaret. Quoniam verò Pontifex retulit se ad eadem quæ semel dixerat, Bellarminus rursus pari constantiâ negavit fore vîquam, vt de re illâ decerneret. Atque hoc totum Cardinalis manu suâ testatus est, custoditurque in reconditorio Scripturarum Societatis. Neque hoc Pontifici modò, verùm & Cardinali à Monte adhuc maiori firmitate prædixit, vt alibi constabit ex huius testificatione, quam referam. Libertas hæc sentienti aduersum ea quæ Pontifici prima erant, fuit aliquibus occasio interpretandi, Bellarminum ex eo tempore speciem magis in amicitia Pontificis, quàm vim tenuisse; nec potitum esse, sicuti priùs, æquabili apud ipsum gratiâ: creuitque rumor in Aulâ (quæ est rimandis offensionibus nimis interdum sagax) cum viderunt non multò post, eum Capuæ Archiepiscopum esse renunciatum, & Româ emigrare; tamquam Pontificis abalienatâ mente discederet, anhouereturque de industriâ, ne promeret quæ sentiret. Verùm hi sermones Bellarmini animum haud induxerunt, vt quod semel, sicut existimabat ipse, veritati dederat, reuocaret. Angebatur animi tantummodò, dum reputaret nata opinionum dissidia inter Religiones duas tam egregias; & tametsi sciret vtrîque neminem offendi decere, cum in comperto sit,

Controuerſiarum huiusmodi legem eſſe, iudicium animi citra damnum affectus proferre; nihilominus, ſi fortè quid in affectu immutaſſet ingenium, optabat, vt ambæ in gratiam redirent, quò in Eccleſiæ vtilitatem fortius illarum coniuncta virtus incumberet.

Et verò, quàm fuerit propenſus erga eum Ordinem, indicauit ſatis Deſiderius Scaglia Cardinalis eiſdem Ordinis, dum de Bellarmipo, *Religionem meam*, inquit, *ſummè veneratus eſt, & Sanctos ac Beatos eius apprimè coluit. Hiftorias eius quoque legit frequentiſſimè, affirmauitq; ſe inde præclarè incitari ſolitum ad perfectionem omnem. Ex quo decere exiſtimabat, vt alia qualibet benè inſtituta Religio ante oculos perpetuò eas haberet, & exempla inde gubernationis, doctrina, ſanctimoniæq; ſumeret.* Quod ad controuerſiam verò antedictam ſpectat; totum triennium, quo Cardinalis Bellarminus aberat, CLEMENS Pontiſex negotij molem ſentiens, vti erat optimæ mentis, coram ſe & Cardinalibus aliquot diſceptari de eâ voluit, atque excedens è viuis ſpatium PAVLO V. Succeſſori reliquit; vt commiſſâ ſubinde diſputantium acie, demum iudicauerit tempori aptum, partes ambas diſcedere integro certamine, ac neutrò inclinatis ſententiis. Vetuit verò, ne alterutra pars cenſuris in alteram ageret; & ſic placuit,

vt pari exitu exarmarent ambæ, aut saltem
receptui canerent; rediretque ab eo congres-
su certamen ad exedras Academiæ, vbi
liceat cuique sentire quæ velit: quemadmo-
dum fieri iam, ignotum est nemini; quoniam
in Theatro fit Orbis terrarum.



R 5 VITÆ •

VITÆ
ROBERTI
CARDINALIS
BELLARMINI
E
SOCIETATE IESV
LIBER QVARTVS.

CAPVT PRIMVM.

*Capuæ Archiepiscopus renuntiatur , cum
insigni totius Prouinciæ vtilitate.*

TRIENNIVM circumegerat se,
ex quo ei Purpuram (de quâ alij
ambitione certant) Pontifex
quiescenti dedêrat. Necdum ta-
men prouentus vllos certos illi
contulerat ; alebatque se interim Bellarminus
eo censu breui , qui annuè in Cardinales pau-
peres distribui solet. Obstupuit verò Ponti-
fex , & Aula vniuersa , ipsum adedò propositi
tenacem fuisse ; nec redditus rogasse saltem , vt
cum familiâ se ad decorum Purpuræ susten-
taret.

taret. Cardinalis Baronius, præ aliis, miratus est hominem, qui ita despiciatui haberet diuitias; quas è sapientibus plures vituperant, quàm fastidiunt: & ideò sponte suâ (vt erat incenso erga ipsum studio) quoties vacabat Sacerdotium aliquod, Pontifici toties Bellarmini merita memorabat; subsidium inopiæ petens, ac monens, vt quia eum euexerat ad Purpuram, absolueret beneficium suum, adderetque etiam congruum eidem Purpuræ censum. Perpulit ea res Pontificem, vt excusationibus cum Bellarmino vteretur: quas ipse audiens, gratias primò referre; deinde cum Pontificiâ pollicitatione certare, ne quid vltra vsum necessarium haberet. Ad excusationes verò, passus est sibi fuisse abundè consultum: nam, etsi parum habenti, nihil defuerat. Sed excepit Pontifex: *Quæ à me habes, hæc admodum exigua sunt, cum plerique haud artibus tuis pares, maiora his acceperint. Tibi, quamdiu me seruauerit Deus, prorsus nihil defuturum scio, at non ero ego superstes perpetuò. Tum Bellarminus iterum: Profectò neque casus hic in mærorem mihi, aut in damnum euaderet: nam si me destituant, quæ necessaria sunt, vt personam sustineam quam gero; occasio ea erit, vt postulem meum mihi restitui nomèn: meq; ad Religionem referam, ubi neque cubiculi neque panis me copia deficiet; quæ duo essent*
abun-

abundè desiderio meo, ut tenuis vita, quam ducerem, non mihi pudori, nō cuiquam oneri foret.

Modestiam hanc animi, tam alieni ab opibus appetendis cumulandisque, etsi suspexit & commendauit Pontifex; statuit nihilominus quamprimum ei prospicere. Idcirco quia paulò post diem postremum obiit Cæsar Costa Capuæ Archiepiscopus; cum non querendus esset qui eligeretur, statim huius Antistitæ Ecclesiæ BELLARMINVM creauit. Qui oneri nouo ac magno non ausus est refragari: quia tametsi ab eiusmodi gradibus amplitudinum sponte reprehenderet pedem; ratus quantò plus ascenderet, tantò se magis in lubrico stare; nihilominus per Purpuram excussus à statu priuatæ securitatis, propior gerendo, quàm petendo Episcopatu erat: etenim instituto suo, quod Societati vniuersæ commune est, iudicabat accommodatum, si pro Dei obsequio in salutem animarum incumberet; seque ad simile vitæ genus accingeret; atque illud est, quod in expeditionibus piis, quas Missiones nominamus, Societatis Religiosi vbique terrarum obeunt.

Capua, in pulcherrimâ Campaniæ orâ, Vrbs est vetustate originis, & crebrâ fortunæ varietate apud historias celebris; exactisque sæculis in toto Regno etiam Urbium caput. Ædes eius maxima, exstructa magnificè, ab
anti-

antiquitate ipsâ est venerabilis; & piis Sanctorum Reliquiis, reiâque vestiariâ ornatu sacro abundat. Sanctus Protomartyr Stephanus est eius tutelarîs; atque ab Ioanne Pontifice XIII. erecta in Metropolim, & complexa tum Episcopos Suffraganeos nouem, habet in dotem annuè vberes redditus, vt Clerum copiosum alat. Canonici vnâ cum Archipræsule, quaterdeni numerantur. Parræciâ in Vrbe sunt fermè numero viginti; præter Cœnobia propè Religionum omnium, Sacrarum Virginum septa, Clericorum Seminarium, & Templum Annuntiatę Virginis propter Xenodochium; in quo ægritudine ac sumptuosè curantur. Diœcesis tamen vrbi circumiecta, non explicat se in longos limites; nec habet defensa mœnibus Oppida; sed multitudinem innumerabilem Pagorum; in quibus Arę & Tempia prouentibus instructa non contemnendis. Inter hos Pagos nonnulli sunt frequentissimorum capitum: vt Pagus S. Mariæ Maioris; in quo, cum insigni Collegio Cleri, sunt plusquam octingentæ, aut circiter mille domus.

Idem Clēmens Pontifex, sicut Bellarminum inter Augustos Patres adlegerat, ita honoris causâ, voluit sacris cum ritibus inaugurare; idque egit secundo die Dominico, à celebritate Christi Domini resurgentis: quo die
ad

270 VITÆ ROBERTI CARD. BELLARM.
ad aras ex Euangelio prælegitur, *Ego sum
Pastor bonus.* xi. Kal. Maij, anni M. DC. II. ap-
probata hæc Electio omnium Ordinum
plausu fuit; vñ potuerit meritò Cardinalis
Cæsar Baronius, in Annales Ecclesiasticos
eam inferere; occasionem idoneam arri-
piens, dum referret postulatum Othonis
Imperatoris, qui à Ioanne Pontifice XIII.
obtinueat, vñ Capua vrbs, in quam ambo con-
uenerant, nouo titulo Ecclesiæ Metropolitana
insigniretur. *His diebus, inquit, quibus hæc
scribimus (quod non tacendum) maximum ac-
cessit eidem Ecclesiæ ornamentum; dum vacan-
te eadem Sede, obitu Cæsaris Costa Archiepisco-
pi, delectus est à Sanctissimo Domino Nostro
Clemente Papâ VIII. ad nobilissimæ Ecclesiæ
regimen, vir doctissimus ac religiosissimus, Ro-
bertus Bellarminus S. R. Ecclesiæ Cardinalis,
virtutum meritis toti Christiano Orbi conspi-
cuus, exoptatus votis, collaudatus suffragiis,
atque exceptus plausu; illud sacro Collegio accla-
mante: DIGNVS, DIGNÆ.*

Copia, his peractis, Bellarmino fuit, expri-
mendi in re iam suâ quod in aliis expetuerat;
nempe vt Episcopi, cum Romæ sunt, citò ad
Ecclesias proprias remigrent. Triduo enim,
quàm inauguratus fuerat, ex Ædibus Ponti-
ficiis, cum sacrum Pallium accepisset, ad Col-
legium Romanum contulit se; tum, vt denun-
tiato

tiato iam itinere, domestica supellex commodiùs anteiret; tum, vt crebra officia aduentium in eo digressu euitaret, & citiùs ad Sponsam, Amicam, & Columbam suam, (quemadmodum admirante Româ & Aulâ fecit) proficisceretur. Salutauit verò in Collegio dulcissimos socios, & mutua eorum officia admisit iucundè; quippe inter eos degens, inter quos adulatio, veri affectus venenum, metui non poterat.

Interim audita est Capuæ fama Pastoris egregij, & inter signa publicæ lætitiæ varia, vnum ad Cardinalis Bellarmini gloriam in primis pertinere visum est; quòd nimirum eo nuntio, formæ optimæ desiderium in multis excitatum fuerit, & aliqui etiam eius rei initium fecerint iam tum in moribus suis, deliberauerintque è vitiorum cœno semet extrahere, atque inire consilia vitæ honestioris. Prorsus vt sperari deberet ex eius præsentia prouentus virtutis maior; quandoquidem ad solum absentis nomen ita incalescere visi fuerant. Veniâ abeundi à Pontifice impetratâ, Capuam peruénit itinere prospero: Ciuitas verò in expectatione magnâ erat, cum nulli dubium foret, mediatum ad eam Prouinciam animum adferri ab eo, qui instruere solitus fuerat Antistites alios; & quem Pontifex non tamquam Episcopum face-

faceret, sed tamquam cum facto ageret, illuc destinauerat.

Bonus Pastor vt in primo ingressu, pabulo animas pio reficeret; antemiserat Indulgentias pro his, qui Sacramentis animum expiaſſent. Atque has opes, cogitationesque secum vehens, Kalendis Maij ſolemni pompâ Urbem intrauit. Populus omnis effusus obuiam fuit, sed Sacerdotes præcipuè cum insignibus ſuis; atque cum propè Diui ipſi tutelares exceperunt. Fruebatur nouus Pastor conſpectu ouium ſuarum; inter quarum vota, preces, & laudes ibat; in eiſque virtutes varias diſtinguebat. Ad Templum verò accedebat: perinde, ac ſi manum ingredienti daret S. Stephanus Protomartyr ac Patronus: quem veluti præſentem intuens, animo motus eſt; & ſolemni indutus habitu, Sacrum Eccleſiaſticâ Maieſtate decantauit. In fine vniuerſis benè precatus, pias Indulgentias populo impertiuit. Hæc eadem animorum iucunditas fuit continuata poſtridie: nam rûſus inſtructo agmine ſacro, Sancti Protomartyris brachium Supplicatione perlætâ circumlatum eſt, atque eâ re Cardinalis Bellarminus populum biduo exhilarauit.

Ex eâ diè, vt Pastorem egregium exhiberet ſe ouibus ſuis, ſibimet illius imitationem

pro-

proposuit, de quo scriptum est: *Ante eas vadit, & oves illum sequuntur, quia sciunt vocem eius.* Factis enim ea, quæ præstare alios cuperet, conabatur in se prius exprimere; vt hoc pacto cunctis efficacius opitularetur. Ad diem sanctum Christi in Cælum ascendentis, cœpit pro concione dicere; ac visa est res inusitata, Ecclesiasten audiri extra Aduentus & Quadragesimæ ferias. Sed vt ad id Vrbem consuefaceret, etsi primis congressibus frequentissimum non fuerat Auditorium, haud propterea intermisit Apostolicum sonum, qui est adeò proprius Episcoporú: sed quamdiu ibi moratus est, extra tempus solemniū ieiuniorum, concionatus est Dominicis ac festis diebus, semper in auctiore Ciuium numero. Vix autem credi potest, quàm admirandos effectus pepererit sermo, de ore fluens Pastoris tam eximij: qui audiebatur modò commonefacere omnes de his, in quibus obsequi Deo sit necesse; modò precibus & oburgationibus vrgere, vt vitia fugerent, vt virtutes persequerentur; & re ac voce illud præstare, ad quod sacri Oratores ab Ieremiâ instituuntur: *Ecce constitui te super gentes, & super regna; vt euellas, & destruas, & disperdas, & dissipes, & adifices, & plantes.* Quæ res, cum succederet feliciter, induxit eum etiam, vt postremis litteris datis ad Clemen-

S

tem

tem Pontificem, in quibus ei recurrentes anniuersarios dies Diuinorum Natalium faustos ominabatur, eidem valdè auctor fuerit & deprecator; ne, cùm in Ecclesiis Antistites nouos præficeret, inter virtutes alias, de quibus cognosci lex iubet, crederet minùs præcipuam esse facultatem ipsam concionandi. *Memineris*, inquit, *Beatissime Pater, Episcopos olim reliquisse aliis temporarias procurationes, ac statuisse de se illud: Nos autem verbo Dei, & orationi instantes erimus. Hunc morem docuit nos Christus Dominus, Episcoporum omnium Episcopus, quem & secuti deinceps Sancti Pastores alij sunt; ac postremò Carolus Borromæus, de quo verissimè dixerim: Non est inuentus similis illi hoc æuo nostro. Is enim, cùm sæpiùs rogaretur (quemadmodum retulit ad me Episcopus Auerse) vt N. inter Episcopos adsciscendum proponeret GREGORIO XIII. constanter abnuuit; eò quòd minimè idoneum norat, vt ad populum concionaretur. Hoc verò esse munus Episcopi primum, Concilij Tridentini auctoritas, & ritus ipse inaugurandi Episcopos, manifestum reddunt. Sacrum enim Euangeliorum librum in eorum humeros collocamus: vt agnoscant, suum ipsorum onus debere esse studium Euangelij. Post idem liber ab eis inter manus accipitur, auditurq; singulis intereà dici: Accipe Euangelium: & vade prædica populo*
tibi

tibi commissio. Atque ea videtur forma propria, & necessaria, inaugurationis Episcoporum. Aptitudo hac autem concionandi, in amplis Urbibus, uti Roma, Neapoli, & Mediolani, ubi reperiuntur Concionatores plurimi & optimi, haud videtur requiri perinde, atque in secundis Ciuitatibus; quarum tam ingens est numerus. In his itaque, si Episcopus non loquitur, extra Quadragesima dies tacent omnes. In Quadragesimâ etiam audiuntur sæpè Concionatores, quos merces quàm Charitas conduxit; & qui aris quàm animarum inhiant lucro. Itaque sunt hæ misera ciuitates, quasi infelices agri; quos Calum, dum rigat ubertim cetera, mensem vnum dumtaxat, in annos singulos, aspergit imbribus suis; & ex quibus agris proinde colligas nihil, præter dumos & steriles herbas. Sic in epistolâ ipse.

Ex eâ repurgatione morum, pro suggestu generatim obitâ, ut descenderet ad singularia, quæ euelleret, inquirere primùm cœpit, quid in totâ Ciuitate & Prouinciâ validum, quid ægrum esset, ut hoc pacto corrigeret sanaretque eos, in quibus deprehendisset ægro-
tare mores: sed pro iis parabat tantum medicamenta illa, quæ paterna eius pietas duceret magis esse consentanea benignæ curationi. Plurimus fuit in extirpandis iis, quæ vitiorum quasi plantaria videbantur. Reperit intra Urbem Capuam, & foris ad eos Pagos, in

quibus erat frequentior populus; non in angustis modò apertè: sed, quod multò perniciosius erat, secessione occultisq; conuentibus iuuentutem aggregari, ibique talis charitatisq; lusoriis (aduersus quæ duo tamen alearum genera, leges ibi omnes armantur) pænè ad insaniam furere. Facinus augebat, quòd præter damna ludi, alia inde gliscerent flagitia; execrationes in Deum, rei alienæ direptiones, familiarum detrimenta, & probra libidinum diuersa; quæ moribus corruptis inferbat ea colluies. Porro, cùm intelligeret, tametsi vetarent eos ludos Regni edictiones, à Laicis ministris permitti eos nihilominus, causâ emolumenti nescio cuius; & satis agnosceret, absque brachij, vt aiunt, sæcularis complexu haud posse validè morem deiici, quin exurgeret denuò, imperantiq; obluetaretur. Idèò, qui antea deliberauerat, auctoritate propriâ licentiam illam profligare, ac detonare Censuris aduersus eos, qui ita operam simul ac rem familiarem atque animam luderent; existimauit fore consultius, si vnà in id conspirarent Regij, & coniunctim imperium, quâ sacrum, quâ publicum, insufficientem consuetudinem labefactaret, eliminaretq;. Ad eum finem, quia etiam potentius erat malum, quàm vt minores per Magistratus sedaretur, Neapolim amico scripsit,

vt Proregem super eâ re , & Capuæ Patronos adiret. Is ergo nactus secundas aures cùm Proregis , tum Regentis Martos , qui Patronus vrbis erat , facîle legem impetrauit , quâ ea gymnasia corruptelæ penitus vetarentur. Interim Cardinalis hoc prudenter egit , ne res emanaret , & ne Ciuitatis magistratui esset in cômperito , ipsum auctorem Legis illius fuisse ; quippe cùm putaret multum conducere communi rei , si studeant Episcopi à Ministris Laicæ potestatis , amorem fauoremque colligere : aiebat enim , animarum gubernationem necessariò pessum ire ; si à Pastore , is cui publica est auctoritas , abalienetur. Edictione Neapoli transmissâ , & re ab Urbis Governatore strenuè susceptâ , nihil tempori datum est ; sed statim ardore magno cœptæ interdici aleæ , & in aleatores pœnæ propositæ sunt , tum quæ corpus , tum quæ animam affligerent : breuique , nemine aduersum nitente , omnes à ludis iis reuocati sunt , & conciliabulum prauis moris dissolutum est , publicâ cum utilitate , Dei que etiam insigni cum gloriâ.

Dum his artibus ad modestiam sensim Ciuitas reducebatur , corrigebanturque in populo , quæ irrepsérant prauæ consuetudinis exempla ; haud neglecta interim Cleri cultura , & repurgatio fuit : cùm constet in his,

278 VITÆ ROBERTI CARD. BELLARM. 7
quæ ad virtutem aut secùs perrinent , grande
reliquis documentum esse , populorum capi-
ta Sacerdotes. Ex eorum numero vnus erat
aleæ infamiâ notatus , & tali. Vt sanaret igitur
affectam ouiculam , & ad caulas eam re-
traheret , statuit bonus Pastor vlcus premere
leniùs ; vtpote veritus , ne si dolores coori-
rentur , plus remedium , quàm morbum ip-
sum metueret. Primò itaque placidè ac seda-
tè interrogat , cur Ecclesiasticus & Sacerdos
aleæ rumorem non expauerit ; sed luserit imò
palàm , oblectamenti causâ , vel indecori quæ-
stus ? Respondit , se à re familiari destitui ; &
vitam idèò , nisi per ludum , sustineri à se non
posse. Tum Cardinalis promptâ pecuniâ sta-
tim ei quæstum omnem aleæ repræsentauit ;
adhortans , vt quoties referre tantumdem ,
aut plus vellet , toties ad se cum illâ innocen-
tiâ rediret ; nec puderet honestè accipere ,
quod alioqui per nefas quæsiuisset. Hoc fa-
cto , ille mutatus est in virum alterum ; reddi-
tusque ex aleatore Sacerdos , is qui tam im-
potenter ad alueum ab aris rapiebatur. Sed vt
singularia omittam , cùm primùm sacri regi-
minis clauum accepit , Sacerdotes , quibus
demandatæ Tribus animarum fuerant , num
doctrinæ idoneæ ac vitæ integræ essent , sin-
gulos pertentauit. Orsus visitationem ab Æ-
de primariâ , reperit multa in eo Collegio Cle-
ri

ri perperàm agi, notabilemque obrepfisse defuetudinem folemniũ cærimoniatum. Prætereà plurimos per Templum inambulare, & negotia ibi tranfigere peræquè atque in foro; quin etiam per portas ipfas Templi, non abſque loci ſacri iniuriâ, geſtores cum oneribus ſuis vltro citroque commeare. Occaſio autem erat mercatus, qui in exteriorẽ areâ fiebat, cum incondito vulgi ſtrepitu; adedò vt sæpè diuinos modos ea res interturbaret. Ratus hoc indigniſſimum eſſe Cardinalis Bellarminus, breuî effecit, vt abuſus hic ceſſaret: nam portam Ædis, ex quâ in aream aditus patebat, muro impediuit, in eâque altare dedicauit. Sic diuiſis ſacris locis, & negotioſis, domus Dei reſtituta eſt; ita vt domus orationis tantum eſſe deinceps iudicaretur.

Pro Clero item prohibuit, ne qui ſacris erant initiati, inter infimos miniſtros templi haberentur; & quò ſuis ordini eſſet honor, vetuit ne ij, qui in Eccleſiâ ſunt primi gradus, vltima procurarent. Iuſſit prætereà, Theologicam prælectionem, & alteram quæ eſt de rebus conſcientiæ, magis frequentari; iisque ipſe non rarò auditor intererat. Quoties conuentus Cleri, ſeu Capitula, vt vocant, cogi oporteret, interueniebat ſemper; & pro eis ſanciuit vtiliter multa, quæ hodieque ſeruantur. Cærimonias, vt præſcribuntur in Roma-

no codice, restituit; effecitque vt rectiùs vsurparentur. Si qui ex certamine dignitatis contendissent, vter alteri præsideret, hos conciliare, ac reducere ad officia certa studuit dexteritate mirabili. Et quia Concilium Tridentinum præcipit, vt inter Canonicos Sacerdotum sit numerus maior: cùm essent deni Presbyteri tantùm, Diaconi totidem, viginti verò Subdiaconi; tametsi antiquæ taxationes & emolumenta aliter fieri ægrè paterentur; negotium ita flexit eius charitas, vt dissentiente nemine, deliberatum de Sacerdotibus fuerit, vt deinceps essent minimùm viginti. Ad Canonicorum subsellia, quemquam è Laicis adscendere, numquam permittit; sed ab Odeo vniuerso submouit, pristino Ecclesiæ more, profanos omnes: cùm verò vir primarius sedem suam, sicuti consueuerat, eò inferri voluisset, id ei prohibuit pari constantiâ, atque olim S. Ambrosius Magno Theodosio: ac significauit per internuntios, stationem illam dumtaxat eorum esse, qui aræ ministrant; ceterum Templum vacare Laicis. Vt in functionibus sacris obeundis augeretur Maiestas, cantum induxit modulatũ & grauem. Odeo intererat quotidie, etiã in matutinis precibus: festis verò diebus assidebat ad Horas omnes. Et quia Archiepiscopus inter Canonicos numeratur, percipitq; propterea partem communium

munium distributionum, quoties diuinis laudibus interfuerit; Cardinalis Bellarminus, partim vt eâ tamen tenui ratiunculâ ditaretur, eandem, vtpote acquisitam incommodo suo, cum voluptate maiori erogaturus in pauperes; partim vt præsentiam suâ Canonicos instrueret, quàm piè ac modestè deceat eos Cantica & Hymnos sacros modulari; circa primam lucem Odeum cum ipsis frequentauit, postquam in conclaui matutinas easdem preces nixus genibus recitauerat. Expertus verò est, suauem iuxta & efficacem artem esse impetrandi quæ vellent, si eadem ipse prior exequeretur. Hieme, quia templum erat præfrigidum, & quia consuetudo ferebat, vt matutinæ laudes ante diluculum inchoarentur; præclare tum à frigore exercebatur: nam intererat, more Pontificum, linteatus; nec instructâ pellibus veste, aut manicâ villosâ, aut chirothecis aduersus horæ tam alienæ frigora muniebatur. Rogarunt amici sæpiùs, vt se instituto illi negaret subinde: præsertim cum ob præsentiam eius viderentur iam redacta omnia ad formam optimam: sed ipse maluit Apostoli vocem, quàm ea consilia sectari: qui, *Laboret, inquit, operando manibus suis, quod bonum est; vt habeat, vnde tribuat necessitatem patienti.* Ob eam causam Oeconomum etiam admonuerat, ne rationibus inferret

summam aureorum triginta, quam in singulos menses lucrabatur, Ædem sacram frequentando; nam eam ipse in conclavi custodiebat. Et erogandæ per honesta pecuniæ cupidus (quam virtutem perpetuò tenuit, ex quo paupertatem necessariò exuerat) manu suâ eam honestioribus quibusdam distribuere optabat; solitus propriam vocare, & factam priuato nomine largitionem; cùm Archiepiscopatus largitiones alias, pauperibus diceret non tam spontè dari, quàm ex obligatione deberi. Præterire non possum in hac re argumentum ingens modestiæ eius, quâ sibi primo anno religioni duxit; quòd in Odeo, dum Chorus, vti fit, Psalmos & Hymnos alternaret, in vicem ipse non cecinisset; vt is, qui Officij diuini pensum in cubiculo antea persoluerat: veritus enim, ne Distributiones immeritò accepisset, voluit Romæ viros prudentes rem discutere; & quamuis ab ijs deinde audierit, haud obligatione conscientiæ vllâ adigi se, vt pecuniam renumeraret, redderetve quasi malè perceptam; nihilominus in Conuentu Canonorum dixit, se eam restitutum, nisi vltro ipsi eam condonarent: cùm interim adderet, se in ipsos transferre meritum piæ largitionis, quam illo anno erogauerat. Quin & reipsâ soluit nonnèmini, qui velut de obligatâ sibi summulâ eum postularat.

Dein-

Deinceps cecinit semper ; cùm insuper festis ac religiosis diebus, post solemnia sacrorum, è folio in suggestum migrans, etiam quando rem sacram decantauerat, horatium spatium concionabundus expleret. Hanc formam itaque in Ecclesiasticos Ædis primariæ, constantiâ & labore vim aduersam superans, induxit tandem: pro quâ, ut esset perpetua, cœpit educare primam indolem, & eligere eos, qui muneri, cui destinabantur, essent animo ac virtute pares. Idcirco in Seminario Cleri auxit numerum Alumnorum, & curauit, ut simul litteras & mores probos in eo discerent, redderenturque exercitati quoad munia Cleri, circa aras modestè & grauitè obeunda. Quòd si certò intelligeret, adolescentes aliquos ingenio præstanti arctari angustiiis rei familiaris, atque impediri, ne, post diu trita limina primæ litteraturæ, ad disciplinas maiores niterentur, Neapoli eos alebat; quòd ibi supremis facultatibus operam nauarent. Sed ne suâ spe interim fraudaretur, & priuaret subsidio inopes alios; præter industrias plures, quibus de inopiâ ipsorum certior fieret, sacramentum & fidem exigebat ab iis, à quibus commendabantur. In sacrorum Ordinum inaugurationibus parciore erat; neque id honoris cuiquam deferebat, nisi spectatâ prius peritiâ. Res enim rara, virtus est; & fit
modi-

modici pretij, quidquid passim impetratur. In his verò, atque eius generis aliis, Sacræ Tridentinæ Synodi decreta semper coluit. Cùm Parochis suis Ecclesiæ destituebantur, subrogabat eos, qui in certamine sapientiæ specimen præ aliis dedissent; nec inuitatu alio, quàm doctrinæ, grauitatis, & maturæ virtutis, hoc vniquam egit. Alia beneficia, quibus adnexa non erat animarum procuratio, solis ciuibus, non autem asseclis suis distribuebat: quippe, cùm prouentus eos diceret fuisse à maioribus ad commoda Ciuium institutos. In Ecclesiasticum Collegium adlecti ab eo nobiles viri fuerunt, aut præstantes commendatione illustrium meritorum; nec Ciuitatem adeò ægram inuenit, vt Clerum non posset Templis suis abundè suppeditare. Quòd si opulentum sacerdotium alteri conferret, idque sacros iuxta Canones esset oneris alicuius capax, pensionem pro Clericis pauperioribus, de quibus suberat expectatio maior, imponebat; idque egit etiam, postquàm Ecclesiæ regimine se abdicauerat, mensibus iis, in quibus beneficiorum dispositio ad ipsum spectabat. Cùm verò pauperum necessitates & merita tunc ignoraret absens, per epistolas flagitabat notulam seu indicem eorum; virisque etiam Religiosis scribebat subinde, vt adolescentes tres aut quatuor laudabili

bili vitâ, honestis natalibus, ingenio felici, & à solâ re familiari miseros nominarent, quò eis copiolam aliquam conficeret. Interdum de iis Capuæ ciues interrogabat, qui Romæ versabantur: & Pompeio Gariglianio imperavit aliquando eiusmodi album inopum; monuitque, vt eos, quibus domi forent angustix maiores, subditâ lineolâ notaret: atque iis pensiones vtrò ad triginta, ad quadraginta, interdum etiam ad quinquaginta aureorum annuè, quas non rogauerant inutiliter verecundi, tribuebat. Hos effectus autem paternæ charitatis odorati deinde plures, inuitarunt se, vt quæ opus haberent, ea promptè peterent: & tum si quando nequiret omnibus, quotquot supplicauerant, gratificari; excedente votorû numero, beneficium vnum, aut alterum, quod petebatur, dolebat sanè, præsertim sicubi deberet meritum, aut necessitatem grauem aliquorum, sine sperato subsidio, præterire.

Capuæ, anno millesimo sexcentesimo vigesimo, Ecclesiasticum beneficium vacauerat; & Sacerdos quidam inops, affinis alterius demortui, Romam, ipso Quintili mense, venerat, pensionem à Cardinali postulaturus. Porro, ita vt appulerat anhelus, in eius conspectu sterit, cum vix ferret auram; siquidem ætas erat, & calores vt in Vrbe maximi. Cardinalis

dinalis supra modum flexus ad commiserationem est, amplexatusque hominem: hoc-cine, inquit, temporis & auræ, ac vitæ cum periculo tanto, huc pensionis vnius desiderio aduenis, qui de re scribere poteras, nec ego abnuissem? Post hæc monuit, eadem vesperrâ ex Vrbe pedem efferret; ne ab haustu Cæli grauioris, eo tempore anni, in quo ingruere morbi solent, periculum adiret; & tractatum tempestiuo cibo, atque adeò instructum viatico, cum pensione annuâ aureorum triginta, exhibens egregiè se parentem inopum tutoremque, ex Vrbe dimisit. Hinc oriebatur, ut quoniam eâ benefaciendi arte, quasi escâ delectabili, omnium ceperat animos; liberri-mè posset Ecclesiasticos exigere ad rationem honestatis, quæ decet ipsorum dignitatem: fiebat enim feliciter, ut virtus, quam ita munerando lactauerat, cresceret, ac responderet prorsus huic eius nutritiæ charitati. Mœrebat tamen, & angebatur animi, si quando (ut falli solent sæpè hominum spes) fraudaretur summâ votorum; & ad commune bonum minimè interdum idonei euaderent ij, quos benefaciendo nutriuerat. Apud omnes denique, quâ supremos, quâ infimos, pro comperto erat, Bellarminum Capuæ morari, non ut se, vel suos opimaret; sed ut, quasi cælum, incumberet perpetuò cælestis eius ani-mus

mus in alienam vtilitatem, foueretque singulos præsentia suâ pariter, atque opibus suis.

CAPVT II.

De visitationibus, Synodis, Aedificiis, & Cœnobiorum reformatione.

QVamdiu in Ecclesiâ suâ sedit Cardinalis Bellarminus, hoc habuit ex destinatione præcipuâ; vt non segni situ innocens esset, sed strenuè obiret Episcopi munia, & quoad posset, subditos suos in splendorem daret, & gloriam filiorum Dei; etiam ipse iterum eos parturiens, donec formaretur in eis Christus. Bonus Pastor propterea extra ouile suum vix vñquam inuentus est: nam semel tantum, ad dies pauculos, Procidam, cum ibi esset Abbas, & bis Neapolim migravit; primò, vt Cardinalem Gesualdum Archiepiscopum per officij vicissitudinem resalutaret, apud quem bidui moras non excessit; iterum, obscuro habitu, non purpureo, vt ignotus interesset pompæ sacræ, in quâ ea Ciuitas ad Sanctos Tutelares D. Thomam Aquinatem aggregauit. Præter eas occasiones, etsi rogatus precibus multorum, numquam induci potuit, vt eò rediret. Amabat enim suos, & ipsum hi vicissim (qui amor omnium est cultu optimus) redamabant.

Etsi

Etſi verò commoratio eius in vrbe Capuâ, viſitatio quædam perennis erat; cùm indidem, velut è communi ſpeculâ, exploratum haberet, quidquid per Prouinciam ageretur: nihilominùs, quia ſubibat animum, optimos Paſtores ſuis magis oculis quàm alienis gregem luſtrare; expeditionem hanc impigrè ſuſcepit, & triennio diœceſim totam ter obiuit; ſemel etiam adminiſtros ſuos ſecum vnâ circumducens, vt quæ opus forent, ſapientiùs atque efficaciùs decerneret. His verò perfunctus, quando intelligere non poterat, num exequendis his quæ iuſſa fuerant, ſubditi animo fuiſſent languido ac remiſſo; tunc eò deſtinabat, qui inquirerent, & de rei ſtatu renuntiarent.

Dum diœceſim luſtrabat, non diſſimili formâ vſus eſt, atque olim Chriſtus Dominus, nempe duobus diſcipulis antemiſſis ad loca, in quæ profectionem adornabat. Vt enim probè nouerat, Epiſcopos ad Eccleſiæ regimen multis & manibus & oculis indigere; ſemper Patres Societatis binos habuit in vſu huius adiumenti. Itaque P. Simon Francus operarius induſtrius, & conſtans in ſuſcipiendis laboribus piarum expeditionum, vnâ cum altero comite ac ſocio iubebatur antecedere, ac parare plebem perfectam; quâ concionando paſſim, explicandoque doctrinam

nam Fidei, quâ myſteriis ſacris animas repurgando; vt præberent deinde Paſtori diſpoſitas aures, & cum fructu maiori vocem eius audirent: Cardinalis ipſe mox aderat, à loco ſancto viſitationem auſpicaturus. Vbique è ſuggeſtu, vel ſede ſuper aræ gradum poſitâ, ſacris alloquiis populos inſtruebat; miniſtrabat eis Eucharistiæ Sacramentum, Eccleſiæ nouellos milites Chriſmate ſacro inungebat. Cùm interim conſlueret multitudo ingens pietate ſummâ, atque amplis in eum ſtudiis: quâſi adeſſet Pontifex è Cælo miſſus, ſanctior & auguſtior humano viſu. Patrum Societatis excuſſiones, quærentium quos ab ſe dimitterent meliores, fuere in diœceſi perennes; eratque mittenti & miſſis læta ea expeditio. Alebat illos tamen Cardinalis impendio ſuo; ne Parochis, aut populis oneri eſſent. Item ex his ad urbem alios euocabat, eoſque ibi relinquebat, veluti ſui vicarias voces, dum eſſet abiturus: vt concionarentur interim, & ſacra miniſtrarent, dum foris ipſe procuraret minores greges, templaque & loca pia pagatim viſitaret. In eâ porro diœceſis recognitione adducebat comites expeditionis paucos, vehiculis ad proſectionem proprio ære comprehenſis; & imperato etiam, vt quæ ſibi & comitatui forent neceſſaria, ex urbe Capuâ ſubmitterentur; ne oppida, per quæ iter

T

duce-

duceret, vlllo sumptu onerarentur. In eodem itinere affeclis & familiaribus interdixerat, ne munera à quouis acceptarent; sibi verò, vti erat rei nullius perinde ac propriæ quietis impatiens, omnia postputauit, præ illorum comodo, ad quos ibat. Spatium cuius erat adeundi, vt necessitates ei proprias narraret: excipiebat verò singulos benignè; & nemo intrabat cum inopiâ, qui non aliquâ instructus copiâ ab eo reuerteretur. Reperit Ecclesias plures, re vestiariâ & vasis sacris adeò destitutas, vt alicubi venerabilis Eucharistia in ligneâ pyxide custodiretur; calices autem, operis antiqui, maleque fusi, vix aut ægrè mysterio apti iudicarentur. Hos expensis suis, in aliquam elegantix formam refusos, inaurauit; argenteas pyxides coëmit, & instaurauit omnia. Liberalitate ab istâ, sicut ab aditu facili ad aures eius paternas, haud promptum explicatu est, quàm frequentes elemosynas, quidquid vbique erat pauperum, ad se corriuaret. Ordinario Dispensatori aderant quouis momento, qui libellos darent; quos cum notâ largitionis, à Cardinali subscriptâ, mox referebant. Sed addam vnum, ex quo coniici similia poterunt, quæ sileo.

Miles, qui Regis castra deseruerat, petiit à Cardinali aureos triginta, quibus transfugæ crimen redimeret: & impetrauit statim: sed

Præ-

Præfectus rationum , cuius erat soluere , hominem conspicatus , qui vt ad aciem remigraret, & rursus in castris mereret, adeò insignem poscebat largitionem ; cœpit primò rem suspectam habere, deinde contestari, fore prorsus excedens , si ad similes quoque multas exoluendas debeat manus aperiri ; etenim de benignitate, aiebat, vt sit perennis, parcè hauriendum esse . Cardinalis contrà, decens non esse ait , eleëmofynam & eius causas adeò explorari: proinde monuit, exhiberet se hilarem datorẽ, quem diligit Deus, & addidit: *Ego me , non mercatorem meminisse , sed Episcopum ; atque ab Episcopi conspectu , pauperum quemquam tristem discedere facinus reor. Si prompta pecunia non suppetit ; aut commodato ea accipiatur, aut oppignoretur aliquid ex vasis argenteis, vestibus, & cetera supellectili.* Sic ipse proprium habuit, malle decipi , quàm odiosè nimis inquirere de necessitate pauperum : cùm eligeret potiùs, cui non oporteret dare ; quàm non perinde , cui oporteret . His exemplis , idem Præfectus rationum Petrus Guidoctus aiebat, opus iusti voluminis impleri posse, si ea memori animo retineri potuissent ; at , quia quotidiana erant, menti ferè assiduitate ipsa viluerant : vt mirum non sit , Cardinalem communibus lacrymis , dum discederet , gaudio cùm

adueniret, excipi solitum; tamquam eum, qui veniebat in nomine Domini, & qui Pastoris ac Patris viscera parata omnibus afferebat.

Ad visitationes adiecit Synodos, quas Episcopis tantopere sacri Canones commendant: & in hac etiam parte studuit S. Caroli vestigia sectari; de quo, tamquam de Pastorum raro nimirum exemplo, dicebat subinde: *Non est inuentus similis illi, qui conseruaret legem Episcopalem.* Sicut lustrauit ter diœcesim omnem; ita ter, hoc est quotannis, Synodum coëgit. Inquirebat primùm in eâ, vt quisque vitam honestè, aut secus ageret: & tum, si quid in moribus corrigi deberet, prauos vsus tollere, sanare affectas animas, impudicitiae probra, famosa præfertim extinguere, inducere mores optimos nitebatur: cùm in cunctis præceptor egregius, pro imitatione substitueret exemplum sui, & faciem virtutis in se lineis simillimis repræsentaret.

Præcipuum consilium tamen erat, Cleri forma atque institutio: idcirco quia compererat crebris experimentis, propter incuriam aut imperitiam Parochorum, ruralium præfertim, ex Christianis multos Christum ignorare; declarationem vberem Symboli Apostolorum Italico idiomate composuit, atq; edi statim curauit; quò Rectores anima-

rum,

rum, quibus ad concionandum facultas non suppeteret, haberent quæ populo legerent saltem, in celebritatibus anniuersariis Christi Domini, & mysteriorum eius. Atque ita quod vox Antistitis non poterat pertingere; ibi cum fructu magno saltem scriptura eius audiebatur. Munus hoc tradendæ Christianæ doctrinæ demandauit aliis pariter, & per se obiuit; ad festos ac religiosos dies descendere solitus in Ædem sacram, rudioresque ibidem instruere. His manu suâ etiam præmiola diuidebat; prorsus ut inter quos erat dignitate maximus, inter eos adhuc exemplo maior appareret.

Prouinciale Concilium, quod in Ecclesiâ Metropolitanâ fuerat intermissum ab annis duode-viginti, Episcopis Suffraganeis indixit; initumque est ad probationem mirâ, & omnium ordinum communi beneficio. Quoniam tamen de antea acti Concilij sanctionibus relatum ad Pontificem, & facta Romæ earum recognitio cum laude fuerat; sed nec promulgatas, nec vsui datas eas fuisse sanctiones constabat: ideo cum placerent magis vetera decreta, quàm ut noua conciperentur, ne nimium leges crescerent; itum in eam sententiam est, ut ederetur antiquum Concilium, modicâ cum accessione capitum aliquorum, quæ ad statum præsentem conducerent.

cerent. Iudicium quoque habitum est circa nescio quæ perperam gesta, in diœcesi duorum Suffraganeorum, non absque iacturâ Ecclesiastici prouentus. Visæ propterea sunt interuenire conditiones, ob quas Tridentina Synodus spectare ait ad Metropolitanum cognoscere de iis; vt ille de re dein perspectâ referat ad sanctam Sedem. Id autem muneri tantum non abnuuit Cardinalis Bellarminus; quandoquidem dignitate inter alios eminebat. Ceterum pluris animarum salutem æstimans, quàm propriam dignationem, ad Alexandrum Mediceum Cardinalem scripsit (qui tum sacre Congregationis caput erat; & postea fuit totius Ecclesiæ Pontifex Leo XI.) & significauit futurum opportunius, si negotij arbitrium iniungeretur alteri; cui plus experientiæ esset, & minus operæ, quàm sibi: proposuit verò Episcopum Calui, Episcopum Sinuessæ, vel etiam Episcopum Casertæ: adiecitque, hæc à se non scribi modestiæ causâ; sed quia coram Deo, & pro Ecclesiæ suæ bono ita sentiret. Pontifex, & sacra Congregatio consiliū laudarunt; & destinauerunt arbitros eius causæ Antistites Calui ac Sinuessæ; qui, vt erant integerrimi ambo, atque antiquâ prudentiâ, pronuntiauerunt de eâ æquissimè: & ad cōmodū Ecclesiastici census, ac ad rei sacre vtilitatē res ea demum cessit.

Hac

Hac occasione Concilij Prouincialis, Cardinalis Bellarminus non potuit quidem erga Episcopos, dum Capuæ omnes aderant, id officij præstare, vt domi vniuersos haberet: nam Archiepiscopi habitatio angustior, quàm pro hospitum copiâ, eius spatia charitatis non æquabat. Mensæ tamen suæ illos accumbere perpetuò voluit; & fuit ferè ciborum conditio eadem, quam initio purpuræ iniuerat. Tametsi enim copiosum Sacerdotium haberet; manebat parsimonix prior animus, & professio antiqua hominis frugi. Cetero anni tempore, quotquot Capuam, aliò ituri, commearent, præsertim Episcopi, & Religiosi viri; hos è meritoriâ domo deduci in Ædes suas, hospitij causâ, iubebat: præcepti memor, quo S. Paulus exigit ab Episcopo virtutem hospitalitatis. Aliquot Conclauia in hunc finem vacua, & ornata, in Ædibus erant, ad quæ hospites diuerterent; in eisq; supellex nitida semper in promptu hospitibus excipiendis inueniebatur. Hîc eos Cardinalis tempore suo inuisere humanissimè; prospicere, ne quid deesset, & tractare in mensâ, vt non nimio sumptu, ita summâ comitate. Perinde quoties ob negotia aliquem accerferet, ei aut venienti, aut manenti nihil non hospitaliter ac benignè fiebat. Sic Patres Societatis apud se frequenter habuit; pro quibus

bus Collegium Capuæ nondum erat. Iis verò semper aditus in domum familiarior fuit; & planè excipiebantur, tamquam nati ex eâdem matre. Reficiebat eos cibo: & cùm somni tempus appeteret, sublatis mensis, ipsemet ad cubicula eos ducebat: manè verò, ante primam lucem (quasi gestiret adhuc eorum excitatorem agere) illis importabat lumen, ut surgerent; seruitutem pro Christo, etiam in purpurâ decoram ratus. Sed hoc muneris obibat ipse; tum ne famulis incommodum crearet, tum ut religiosi hospites spatium haberent, in quo tranquillè, sicut pro exordio diei solent, sese in preces darent.

Domum Archiepiscopi (ut veniam ad expensas ædificiorum, quas etiam sacri Canones præscribunt) malè materiata, nec ferè habitabilem, instauravit, non mediocri sumptu. Nam conclauia plura, eaque percommoda, ut familiæ sufficerent, exstruxit; & stravit quoque novos gradus, ut esset honestior ad templum aditus. •

Aduerterat prætereà Sacellum, S. Paulo dicatum olim, in domesticum penuarium mutatum esse: idè non ferens locum sacrum diutiùs profanari, aram ibi, nitoremque & venerationem pristinam restituit; atque ut elegantiam eius augeret, adscripsit Hebraicum epigramma. Pro foribus insuper,
sancti

sancti Pauli iconem , calusque eius picturâ expressit ; quando spirans minarû in discipulos Domini, cecidit , excussus tonitru diuinæ vocis : ac post ibidem Deo assidue perlitauit. In Æde Urbis maximâ Sacellum sanctæ Agathæ , Archipræsul eius decessor inchoauerat ; id ipse , non piè magis quàm splendide , inaurato albario , sectoque & illustri lapide absoluit : eiusdemque defuncti Archipræsulis Cæsaris Costæ ossa in sepulchro honorifico ibidem tumulauit. Suggestum in Templo pulcherrimum , ex segmentis insititiis colorati marmoris , fecit : Odeum , quod operâ rudi in Ædis medio situm erat , submouit ; ac statuit in summâ Ædis eiusdem parte , atque ad nostri æui aptauit ingenium . Denique , quæ in ædibus propriis , quæ in Templo reconcinnari necesse aut conueniens fuit , ea reparauit ; auxitque Ecclesiæ vestiarium , atque omnis generis ornamenta pro Sacerdotibus , & pro aris coëmit.

Sed magis cordi habuit procurationem ædificij alterius , in quo simul mores restitui viderentur. Erat Capuæ domicilium Virginum , ad sancti Ioannis ; in quod , propter aliqua quæ perperam euenerant , sacra Cardinalium Congregatio vetuerat , ne aliæ puellæ admitterentur , quæ religiosæ vitæ ibi ponerent tyrocinium. Ex câ re imminutus adeo

298 VITÆ ROBERTI CARD. BELLARM.
numerus earum fuerat, vt sex non ampliùs
supereffent. Ergo defiderio Sodalitij nume-
rofioris, cùm optarent etiam aboleri vete-
rem famam; Cardinalem Bellarminum,
vbi primùm is Capuam venerat, vnum il-
lum effe iudicarunt, qui eius afflicti domici-
lij poffet rem quantumuis inclinatham refiti-
tuere. Rogant ideò Miffæ facrificium in Ec-
clefiâ Monafterij celebret: & vbi perlitauit,
tempus fermoni orant; manantibusque la-
crymis flagitant patrociniũ apud Cardina-
les Romæ. Id fi impetrent, pollicentur fe vi-
tæ normam, quam Cardinalis præfcriberet,
& fub Antiftitâ quam eis præficeret, sanctè
inituras. Acceffere, vt in re difpofitâ, preca-
tores alij; nempe honefti viri, delecti à Ciui-
tate; vt nomine publico idem vrgerent. Hi
quoniam in fignis probri loco ducerent, Ro-
mæ iudicari, Virgines illas ad formam vitæ
fancioris non poffe iterũ adduci, & quo-
niam agnofcerent, in commune detrimen-
tum Ciuitatis cedere eam prohibitionem
(fiquidem puellæ primæ nobilitatis, paffim
intra ædes paternas hærebant, defideriis illæ
quidem nobiles Deo, fed voti fui minimè
compotes; cùm in aliis Cœnobiis locus non
vacaret, & illud ingredi non liceret: quod
tamen diues admodum, ex cenfu annuo, au-
reorum ad tria millia percipiebat) Cardinali
per-

persuaserunt, vt negotium suscipere, & rei exitum efficaciter promoueret. Scripsit proinde sæpiùs ad sacram Congregationem, ac rogauit; ne clausæ aures eius forent redituræ virtuti: quin etiam vt citiùs nouis Virginibus denuò aditus ad eius Cœnobij septa impetraretur, œconomum suum ad Vrbem misit; atque iniunxit, vt non rediret, nisi priùs difficultates omnes peruinceret. Multa perperam audita pridem, Cardinalium animos inclinauerant in sententiam contrariam: sed concessere demum, magis permoti Collegæ petentis pietate, quàm earum, pro quibus peteret, merito. Potestatem verò alias admittendi, eâ conditione fecerunt, vt ædificia Cœnobij mutarentur.

Reintellectâ, Cardinalis Bellarminus statim, vt idem Cœnobium à vicinis ædibus Laicorum seiungeret, domicilia emit, quæ intra fines nouæ descriptionis erant; postea circumfurgere muros, & claustra concludi quamprimùm curauit. Ædificauit intus dormitorium commune, cum lectis dispositis; & extruxit officinas varias: foris deinde locum parauit, in quo Sanctimoniales loqui possent cum externis, ferreâ laminâ discretæ; ita vt paruis foraminibus, non spatio aperto spectent, nec videantur vllâ parte oris, quæ impleat aspectum: quod genus honestæ latebræ reddit

reddit magis tutam earum honestatem. Denique non cessauit, antequàm omnia obsepta esse pudori animaduverteret; & imposito fabricæ supremo lapide, aliunde magno natu Virgines, ac virtutis antiquæ religiosas deuocauit, quibus noua soboles committeretur: atque hæ, leges à Cardinali acceptas, primæ in eam domum intulerunt. Quotquot autem ad tyrocinium admissæ sunt, non sine lætitiâ communi, & euentu felici, ita viuere inceperunt, vt freno quàm stimulo indigerent. Veteranæ etiam (sicut ignes intermortui sæpè maiore flammâ reuiuiscunt) de integro institutæ, in eam perfectionem breuî refluoruerunt, vt inter Parthenia sodalitia, nulum in totâ Ciuitate sanctius haberetur.

Peracta hæc euentu secundissimo, inuitarunt Cardinalem, vt similem communis vitæ laudem induceret in Cœnobium aliud sacrarum Virginum; quibus à IESU nomen, ratio verò instituti est sancti Francisci, ac sanctæ Claræ. Cùm enim earum pleræque ex proprio censu viuerent; conatus est ad religiosæ vitæ modum, in quo nihil proprium singulæ haberent, eas pertrahere. Non ignorabat moliri se rem difficilem; quia Monasterij paupertas Sanctimonialibus, quas alere non poterat, priuatas commoditates permittebat. Nihilominus circumspèctans consilia omnia,

nia, vt rationem inueniret subleuandæ inopiæ, quædam proposuit Ciuitati: nam sine subsidio eius, frustra rei successus sperabatur: nempe vt Sanctimonialium aucto numero, quotquot antiquis aggregarentur, omnes cum supellectile dotem aureorum quingentorum adferrent; vt pro iis collocandis ædificium ampliaretur: vt Præsides seu Curatores Cœnobij prouentus eius annuos exigèrent tempore suo; quò res tempestiuè, & quando minoris veneunt, possent emi: vt parentes Monialiũ, quæ iam certis erant instructæ redditibus, paterentur eosdem redditus in commune conferri; ne, dum aliquæ omnibus abdicant se, aliquæ adhuc sua possideant: denique vt in Cœnobio ipso, illæ quæ valerent prosperè, plagulas, aut alia similia nerent, acupingerent, & pretia quæ lucrarentur, repræsentarent Antistitæ, vel iis qui præessent rationibus Monasterij. Sic euenire posse aiebat, vt partim census annuus Cœnobij, qui erat aureorum circiter mille, partim priuati quarundam prouentus, & simul operarum pretia, dotes atque eleëmofynæ, summam explerent, quæ pro eis esset satis, ad naturæ desiderium, & ad sanctæ modum paupertatis in eo domicilio asserendum.

Cùm hæc rerum capita Cardinalis ad eos mitteret, quibus negotij huius procurationem

302 VITÆ ROBERTI CARD. BELLARM.
nem Ciuitas dederat; ne consilia tantum, &
non subsidia offerret, aureos centum dedit,
vt spatia dormitoria laxiora exstruerentur,
dummodò Ciuitas suppleret reliqua: atque
adeò in mēses quoslibet sex aureos tribuit eis;
præter incerta plura, quæ pollicitus est, si pro
voto succederet reformatio. Ciues consense-
re, & cœptus est sacris illis Virginibus victus
de publico statui; atque ita eas etiam pau-
pertate, sicut erant aliis virtutibus, venerabi-
les ac sanctas fecit. Potuit verò generatim,
veluti cor existimari, quod vitam & spiritum
cælestem iugiter ac benignè affunderet cor-
pori Diœcesis vniuersæ.

C. A P V T III.

*De Episcopalibus functionibus, Eleëmofy-
nis, et exemplis eius summæ Charitatis.*

CApuam vocatus à Deo, per interpretem
vocem Vicarij eius, ad Ecclesiæ illius re-
gimen, incensus desiderio statim est Cardi-
nalis Bellarminus, ita vitam instituendi, vt
euaderet Archiepiscopus sanctus: quapropter
vt abundaret exemplis egregiis, nihil habuit
prius aut potius, quàm vt historias euolueret
Sanctissimorum Præfulum. Habet hoc epi-
stola eius data, postquam abdicauerat se Ar-
chiepiscopatu, ad Franciscum Archipræsu-
lem

lem Rothomagensem, anno millesimo sexcentesimo decimoseptimo. Rogatus enim, vt formam optimi Pastoris ei describeret, affirmavit initio, Deum sibi auctorem fuisse, vt Archiepiscopi munere defungeretur; ex quo nequiuerat indagare modum sanctitatem adipiscendi: atque addens, idcirco minime idoneum se esse, vt doceret, quæ ipse prius non didicerat. Tandem, *Si adigis me*, inquit, *vt promam quam proposita mihi ratio fuerit, vt Archiepiscopus bonus efficerer, triennio illo, quo Capua in antiquâ & diu principe Vrbe vixi; dicam equidem. Tamquam ad speculum quoddam conuerti animum assidue, ad vitam & ad mores omnium, quotquot Episcopi laudatissimi ante me in Ecclesiâ fuerant; annixurus, propitio Deo, vt extinguens imperfectum meum, induerem vultus simillimos iis, quos mihi eorum res gesta subiiciebant. Quare sanctorum Episcoporum historias præ manibus habui semper, & euolui ordinatè Surij volumina; legig, præsertim Sanctorum Pontificum, Ambrosij, Martini, Augustini, Germani Antisiodorensis, Anselmi Cantuariensis, Antonini Florentini, Laurentij Veneti Patriarchæ, aliorumq; vitas. Sed & fructus peculiaris fuit, in sanctissimorum Præsulum, qui me Capua antecesserunt, Ansberti, atque Audoëni narrationibus: nam ij ambo Pastoris nomen & munus sustinuerunt*
perfe-

perfectè; subditorum animos prædicatione assiduâ verbi Dei, & corpora effusis largitionibus, semet verò orationis cibo salutarî nutriendo. Si tu in hac specula inspicere, si firmare animum his constantibus exemplis volueris; horum, inquam, qui non virtute minùs, quàm auro nos anteuerunt; haud dubitem, quin Episcopus sanctuseuades; sicut nec scribere consilia ego meliora possum. Christus IESVS Princeps Pastorum, concedat sancta anima tua, quod piè adeò desiderat: & tu diuinam ores Maiestatem pro me homine nihili, ac famulo tuo; qui hac pia subsidia tantò equius flagito, quanto me viciniorem video, ut ex hac vitâ, in alteram, quam spero, migrem.

Hac piâ exercitatione, factus aliorum exemplis Episcopus talis, qui & ipse deinceps inter exempla futurus est: à sacris functionibus numquam vacare videbatur; recusans omne laxamenti genus, etiam honestum, quod sæpè ad virtutem animos instaurat. Quippe suberat ei persuasio, nauum Agricolam ab agro vix, aut ægrè abesse; sed laborare in eo assiduè, ut fructum referat, quem optauit; & sic aiebat excoli Ecclesias ab Episcopis, debere.

Initiaturus alios Ordinibus sacris, ad quos ex manu eius suscipiendos Religiosi, & Clerici, etiam alienæ diœcesis (quæ de ipso apud omnes

omnes illustris opinio erat) confluebant; cùm dies instabat, affigi edictum publicè volebat, in quo præcipiebatur, vt quotquot forent inaugurandi, coram se prius sacræ eruditionis arbitria subirent. Et quamuis, vt indicauimus alibi, admitteret raros, nec nisi ex graui causâ; nihilominus quoties oportuit, tum in Archiepiscopatu, tum Romæ in omni vitâ, eosdem Ecclesiæ Ordines contulit libenter; præsertim si quando id expeterent, vel homines nostræ Societatis, quibus esset denuntiata ad Indos vel ad Sinas expeditio; vel quiuis alius, qui venerationis ergo, ipso Antistite cuperet initiari: hodieque inscriptam sibi à Bellarmino animam, diuinumque ex eius manu se hausisse characterem, etiam Cardinales aliqui gloriantur. Postremò, quidquid posset diuini cultus augere splendorem, in id incumbibat; non decenter modò, & cum meditatione rituum ac cærimoniarum, sed tanto insuper cum sensu atque ardore pietatis, vt cuilibet eum intuenti, potius initiatus aliquis in Cælo Sacerdos, quàm inauguratus Antistes in terris videretur. Denique accedebat frequens ad Deum Orator, pro necessitatibus populi sui; & sæpè ieiuniis afflictationibusque semet Numini pro eo, simul victima, simul Sacerdos immolabat. Interim velut elata montibus suis Roma spectaculo inter-

esset; dum hæc ipse tantâ cum gloriâ Capuæ gereret, Pontifex & boni omnes in Vrbe ei plaudebant: ideoque Clemens VIII. vt eum currentem gressu Apostolico adhuc magis incitaret, caractere suo hæc ad ipsum scripsit:

Venerabilis Frater, salutem, & Apostolicam benedictionem.

Libenter vidimus Angeluccium, Vicarium Lolim tuum; qui mirificè nos exhilarauit, dum retulit de virtutum exemplis, qua in Pro- uinciâ istâ concionibus, ieiuniis, Supplicationibus, & sacrorum mysteriorum vsu frequenti edis. Hinc verò agnoscimus, quas agere Diuina Maiestati gratias debeamus, quæ tibi adest numine tam propitio; & præbet vim suam celestem, vt sustineas pastorale onus, atque impleas ministerium tuum. Et sanè aequius multò postulare nos à te preces ad Deum debemus, quàm vt tu, in his quæ agis laudabiliter, votis & precibus nostris indigeas. Nihilominus confugiamus ad Deum omnes, cum fiduciâ magnâ: sed & simul fateamur illud; quòd nimirum cum hæc omnia fecerimus, serui inutiles sumus. Atque, vt hîc scribendi finem faciamus, impertimur tibi Apostolicam benedictionem. Dat. in Palatio nostro, Apostolico, XIV. Kal. May; M. DC. III.

Inter has laudes, haud erat spectaculum minùs dignum, cui plauderetur, commiseratio

tio

tio eius erga inopes. Statim atque fuit Capuæ, iuxta priscum morem sanctissimorum Episcoporum, voluit in album referri Ciuitatis familias omnes, quæ essent in ære alieno, aut aliter à re domesticâ destituerentur: atque harum subsidium ipse vnicum fuit. Ob eam causam Alexander Iacobillius, qui ab eleëmofynis eius erat, & Canonici duo circumibant ædes inopum; & vbique aureos binos, ternos, quaternos, aut plures distribuabant, iuxta notam paupertatis, quam Cardinali prius Nobiles ciues aliqui proposuerant: & hoc subsidium, exacto quouis mense, in orbem denuò redibat. Porro eâ diligentia, sicut innocentium quorumcumque subleuabatur honesta paupertas; ita reiiciebantur prodigi, & ob flagitia egentes. Ad Palatij eius limen, quotquot pauperes accedebant, ita beneficentiam ipsius experiebantur, vt nemo reuerteret inde tristior. Tantummodò ipsos nummatus in copiâ dimitti prohibuerat; quia præterquam quòd id è re sui census non videbatur, hac ratione existimabat se erga eos Parentis & Oeconomi officio fungi, dum simul tēperaret in eis quotidianam inopiam, & caueret ne aliquibus præberetur occasio, vt charitatem copiosè acceptam temerè statim prodigerent. Consuetudinem hanc distribuendi pro foribus elecmofynas, retinuit

in omni vitâ. Inueniebat verò, quotiès ad ædes suas reuerteret, ante vestibulû, in areâ, & per gradus confertim dispositos pauperes. Imò in Aulâ etiam non deerant, qui libellos supplices, & in ijsdem historias inopiæ offerrent intranti: quos non citiùs tuebatur, quàm iuberet ipsorum satisfieri postulatis. Et hic sanè fuit comitatus Aulicorum multò nobilior, qui limen eius frequentare, venientem excipere, ingressibus adesse, ac deducere eum solebat, vti Consulem inopiæ, ac Tutorem egestatis. Fruebatur verò eorum ipse conspectu, salutabatque singulos lætissimè, & oculis aspiciebat plenis benignitate; vt Christum Dominum imitaretur: quem inter vaticinia sua Vates Regius olim prædixit, habiturum honoris loco, pauperum patrocinia; *Animas*, inquit, *pauperum saluas faciet: ex usuris & iniquitate redimet animas eorum; & honorabile nomen eorum coram illo.*

Aliquando, quia tanto numero vestibulum ædium obsederant, vt introëunti aditus præpediretur; quidam è familiâ, volens turbam illam inopum submouere, fortè vnum ad terram dedit. Cardinalem tamen casus ille non parum afflixit; & idèd seuerè hominem increpans monuit, ne iterùm inopes, quos æstimabat sicuti pupillam oculorum

rum suorum , ita contemptim acciperet.

Iam , ne sit necesse memorare alibi , quæ spectant ad pias eiusmodi largitiones ; congeram in hunc locum , quæ huius rei suppetunt plura & illustria argumenta. Ante omnia illud affirmare sit , annui proventus ipsius partem ferè tertiam erogari solitam quotannis in pauperes. Cùm enim , ex quo Capuæ Archipræsul esse defierat , ad sex vel septem millia aureorum eius census annuus redigeretur ; sæpè etiam , si quis annos conferat , minor esset ; aureos bis mille pauperibus distribuebat. Tertia hæc pars tamen Capuæ erat copiosior ; quando summa reddituum eius censebatur aureorum circiter duodecim millium. His addere oportet , quæ clàm & manu suâ diuidebat. Dispensatori etiam sæpè iterabat illud : *Colligite fragmenta , ne pereant.* hortans his verbis , ut , si quid superfuisset etiam è disposito in vsus alios censu , id ad pauperes perinde deriuaret. Et verò cùm ex obligatione hæc à se fieri opinaretur ; interpretabatur id esse , restituere aliena veriùs , quam sua erogare : id eoque citra meritum id quòque à se fieri , subinde asseribat. Locis iis omnibus , è quibus proventus aliquot annuos perciperet , iuxta summam eorum , aut vberem , aut exiguam , eleëmofynas erogabat : itaque ipso absente , beneficia eius non aberant. In partem venit

huius largitionis etiam Politiana Ciuitas; ne in patrio solo desideraretur, quod in alieno prouidè ferebatur. Procidæ quamdiu Abbas fuit, sicut & Taurini, vbi erat Prior, experti pariter sunt pauperes beneficiâ eius. P. Iosephus Alemannus è Societate nostrâ, qui procurauerat redditus Cardinalis Bellarmini in regione subalpinâ, aliqua scripsit, quæ referam hoc loco, vt ex iis conicere exempla similia liceat, quæ prætermittuntur. Existimauerat, pro voto Cardinalis futurum abundè, si egenis ibidem daret annuè aureos sexaginta, cum ædificia collapsa reparari, & restitui eius generis plurima deberent. Cardinalis tamen auxit eam summam ad aureos octoginta quatuor; neque hoc minui vel eo anno passus est, in quo ij redditus, ædibus dirutis instaurandis, expositi omnes fuerunt. Siquidem, vt aiebat, quì liberalis erga Deum est, Deum is erga se multò liberaliorem experitur. Perinde id ei constans & stabile fuit, quando iidem redditus dimidio minores ab eo percipiebantur: maluit enim (quod indicauimus alibi) familiæ numerum, quàm inopum salaria contrahi, vel vllatenus arctari liberalitatem suam.

In vrbe Capuâ aliquando, siue aduersus frugibus annus fuisset, siue ij qui præerant annonæ, copiam eam non emisissent, rei frumentariæ,

tarix, quæ necessaria erat; pauperes extremâ inopiâ laborassent, nisi Cardinalis Bellarminus, rogatus à primoribus Urbis, ex horreo suo, tritici tumulos mille, (tot enim desiderabatur) nec pretio, quod Magistratus fecerat, nempe argenteis triginta in singulos tumulos, sed minoris, id est, viginti vendidisset: volens libensque iacturam passus aureorum mille, ut ex ore egenorum famem propulsaret; quorum tum non mediocriter annona conualuit. Omnia insuper Cœnobia, & piorum domicilia, certam ab eo largitionem in menses singulos accipiebant. Multis pariter vestes detritas, & seminuda corpora deprecantibus, rei vestiariæ copiam fecit; seu pretia exoluendo ut lacernas emerent, seu vestes proprias interdum eis impertiendo. Iisdem lodices, stragula, aliaque è supellectili propriâ sæpè distribuit; eâ liberalitate, ut paritura ipsi egestatem videretur.

Quæ propensio ad benefaciendum aliquos sæpenumerò audaciores reddidit, & tantæ confidentiæ, ut non, quemadmodum supplicem animum decebat, peterent. Auditus quidam est cum Cardinali minaciter loqui, si non subsidium, quale optauerat, daretur. Et tum ipse non indignari contra, sed suadere dumtaxat beneuolè ac sedate, ut crederet, summam, quæ offerebatur, iustam &

necessitati parem esse : ne videlicet si nimia vni tribueret, faceret præter aliorum necessitates. Sæpè tamen neque hos à se tristes dimisit : siue quia efficacior ad persuadendum omni arte , tametsi fortè modum excedat, necessitas est; siue quia homini liberaliter pio religio erat, non esse re & factis peræquè beneficium , ac foret verbis , lenissimè eos consolando.

Alius adhuc magis improbè sibi met ipse consuluit : cùm enim Cardinalis pecuniam, quam Odeum frequentando meruerat, attineret, vt dixi, apud se, studio eam distribuendi in viros honestis natalibus, passos infortunia rei familiaris ; vt qui nouerat , quàm illis durum esset , coram aliis ex inopiâ verecundari ; quidam ex pluteo conclauis eius , gnarus eam custodiri inter loculamenta librorum, dum abessent famuli, clàm illam surripuit. Ex eâ re Cardinalis mœrere animi visus est; præsertim cùm oriretur suspicio, ne manus furti rea familiaris esset. Sed triduo pòst ex Religioso viro intellexit, pecuniam illam sublatam ab homine inope fuisse; qui rogabat vt Cardinalis illam ei permitteret, fatebaturque , se in lubrico inopiæ constitutum, id consilij accepisse à præsentī necessitate. Tunc Cardinalis, qui quærere maluerat , quis eam abstulisset , quàm propterea quem-

quemquam arguere, seu vindicare, libens eam concessit: & significauit Oeconomo, vestigia eius, ad quem pertineret facinus, iam extare; ne vltius de furto inquireret. Ceterum id sibi gratulatus est, tamquam factum ex voto animi sui; quod ea pecunia pauperis in subsidium cessisset: præsertim ex quo audierat, hominem conscientiam adductum esse, & posse eam pecuniam Deo aut propitio, aut non irato, possidere.

Haud dissimilem liberalitatem expertus est Materiarius quidam pauper; qui operam suam Sacello S. Agathæ locauerat: quippe is inopiâ tentatus, lapides aliquot politos, & eidem Sacello iam aptos diuendere meditabatur. Hoc vbi agnouit Cardinalis, questus cum eo est; quoniam cum damno animæ prospicere sibi, & silentium ac paupertatem, cuius pudor pessimus est, postulationi ac beneficio præponere maluisset. Dein ipsum aureis decem donauit; ac spem fecit, fore ut acciperet plura, quàm optare auderet, modò beneficium petere non verecundaretur. Sed mens optimi parentis adhuc minimi ducebat, domi opperiri perpetuò inopes, vel demandare aliis curam eos perquirendi. Statuit proinde, quidquid ægrorum in Ciuitate esset, visitare: id quæ egit libentiùs, sicubi audiret in valedinarario, ad quod se conferebat,

è Clero quempiam decumbere; cui & eleëmofynas copioſè distribuebat. Inuitatus etiam, ad cuiusvis ædes, etſi non primæ ſortis ac notæ,ibat. Quæ facilitas rem eò perduxit,vt iam fere domus ægriorum Capuæ ſupereſſent nullæ, quas non aduiſſet, ſuper affectos ritè precaturus. Promptius interferebat ſe in tuguriola pauperum; ſingulos conſolans,& curam eorum præſectis inopum commendans. Sæpius verò eius prudens charitas id agebat,vt ſimul medendo corporibus, accuratiùs multò animis mederetur. Etenim eum tangebatur commiſeratio grauis eorum qui in periculo verſabantur; metuebatque, ne deberet reus expoſtulari ad tribunal Dei; niſi moliri cuncta ſatageret, quò è faucibus lupi ouiculas ſuas bonus Paſtor eriperet. Dum ita circumiret, conabatur inſuper exſtinguere inter familias odia inueterata, inclinare ad concordiam animos, & ſubleuare eos, quos magnis nominibus premi, neque eſſe ſoluendo, audiebat. Demum, ſi quem ſpes reliquerant omnes, hunc adſpicere tamquam filium, & infortunium eius tam ferre familiariter, quàm ſi ferret ſuum, videbatur. Proſus vt cum Apoſtolo poſſet uſurpare illud: *Quis infirmatur, & ego non infirmor quis ſcandalizatur, & ego non vror?*

Hæ res ab eo geſtæ, ſicut Spiritus ſancti mini-

ministrum & interpretem decuit, in æstimatione omnium, reddidere Cardinalem Bellarminum virum non sæculi sui, & tantum non æuo similem claris Ecclesiæ luminibus, Gregorio, Basilio, Ambrosio, Augustino. Hinc erant multi eâ persuasione, vt impetrari posse à Deo crederent, si quæ peterentur ob virtutes & merita eius: quod viri laudatæ fidei, interposito etiam iuramento, affirmarunt. Puellæ geminæ possessæ à dæmone, ex hac opinione in templum inductæ fuerant, vt à Cardinali, ad robur animæ, Chrismate sacro illinerentur; eoque vestigio secuta est vtriusque liberatio. Sed vt feminam aliam Cardinalis à simili molestiâ vindicaret, necesse habuit sumere armâ virtutis Dei. Adduxerant è vicino pago mulierem ruralem, nomine Baronissam Prateliâ. Agnouit Cardinalis energumenam esse, monuitque reuerteret ad suos. Pòst adhibiturus omnem opem pro eius curatione, ac satis gnarus peritiæ illius quam Christus Dominus tradiderat, cœpit austerius, quam soleret, ieiuniis supplicationibusque dæmonum vires frangere; qui sensere vim illicò, & indignabundi clamarunt: *Ecquid nobiscum habet Cardinalis Bellarminus? tolquet nos nimio equius; hinc facessere iubet, cogit nos immigrare aliò; utique immigrauerimus.* Hæc iterando rabidè, abs-

absque Ecclesiæ aliis amuletis, excessere gemebundi, ac mulierem reliquere, ab omni iactatione quiescentem. Quod beneficium hodieq; multi in eius merita referunt. Alias item ægrotudines sanauit; quas ingeniosè pius, ad velandam laudem suam, hac industriâ in alios deriuabat. Ad affectorum corpora frustulum chartæ, è S. Ignatij epistolis intercisum, in quo eius erat subscriptio, ferebat; & ex eo conualuere permulti. Sed notabile in primis est, quod iam subdam.

Dæmoni filiam duodennem mater deuouerat; atque idè ante oculos eius, æruminosam & miseriarum compotem puellam vexator sæuus cruciamentis & flagris ita durè accipiebat, ac si ancillam propriam heris aliquis immanis flagellaret. Factum indignissimum vix audierat Cardinalis, cum suâ interesse existimans, crudele iugum puellæ infelici detrahere, instar sacri edicti syngrapham exarauit; imperauitque in eâ dæmoni, vt desineret puellam exagitare, sibi traditam à Deo, tamquam Episcopo & Tutori animarum. Matrem verò, Dei ius impiam violasse, adiecit; nec potuisse filiam ita dæmoni prodere. Eam deinde syngrapham iussit collo puellæ circumdari, atque alligari vnâ cum sancti Ignatij subscriptione: quæ quia mox ægro cuidam alteri debuit mederi,

ri, iussu Cardinalis recepta est; cùm diceret, puellæ satis remedij in syngraphâ esse. Res mira: ex eâ die impius exagitatôr ad puellam numquam accessit propiùs: sed ex longinquo loco tantùm initidò ostendit se, torques, gemmas, atque aurum, offerens; modò abijceret proscinderetque scripturam illam, quâ se fatebatur ab accessu eius arceri. Atque ita nequiuit ad puellam ampliùs redire. Hæc verò aliqua sunt, quæ Capuæ gessit cum admiratione Cardinalis Bellarminus.

Romæ quamdiu vixit, postquam Archiepiscopatu abdicauerat se, in menses singulos ad aliquot Religiosorum domicilia certas eleëmofynas semper misit; præter alia subsidia, quæ frequens erogabat in pauperes, transalpinos præsertim; qui ad ipsum; tamquam ad parentem fidei suæ conueniebant: aluitque interdum ex eis quosdam, vel ex proprio familiæ penu, vel præsentì pecuniâ.

Particeps in primis huius largitionis erat Ecclesia sancti Vitalis Romæ: intra quam pauperes, quauis hebdomade, à Nouitiis Societatis, in Christianâ doctrinâ erudiuntur; & postea singuli pane vno triticeo, nummulisque pauculis donantur. Dedit similem panis annonam Ecclesiæ olim tituli sui, sanctæ Mariæ in Viâ, ut ibi audirent peræquè inopes fidei documenta; & id continuauit etiam,
post-

postquã titulum sanctæ Praxedis à PAVLO V. Pontifice , inductus veneratione erga S. Carolum , impetrauerat. Potest verò gloriari meritò Ecclesia S. Praxedis ; post S. Carolum Borromæum , sui ipsius tituli honorem obuenisse Roberto Cardinali Bellarmino , qui sanctimoniâ fuit alteri simillimus. Reperit in eius templo ferè nudatum tectum , & patere imbribus omnia ; ideò ne putrefieret , statim illud sumptu suo , pro loci dignitate , reparauit. Expensis adhuc maioribus ad sanctæ Mariæ in Viâ ædificium Templi , & vestium Sacerdotalium Ædiculam absoluit ; consecrauitque Aram eius maximam. Nam Cœnobitæ eius Monasterij hoc subsidium ab eo maluerunt , quàm vt Cardinalis , sicut proposuerat , veste byssinâ , Templi parietes , quaquà circumeunt , conuestiret. Primis purpuræ annis , in hac ipsâ Æde , horis pomeridianis concionatus est ad dies festos omnes , tum Quadragesimæ , tum Aduentus Domini ; & semper in auditorio frequentissimo. Egenis item , qui in eâ tribu atque viciniâ erant , eleëmofynas distribuit ; ne eum quidem sterilem Titulum sufferens esse , absque pensione beneficentiæ suæ. Fuit porrò ad rem suam domi tam attentus , quò in gratiam pauperum plura seponeret ; ut si hac vnâ illecebrâ sanctè inuitari ad parimoniam visus non

non esset, propè sordidi hominis atque de-
parci subuereri notam potuisset. Exemplo
sit, quod addam.

Cùm habitaret ad S. Mariæ, trans Tibe-
rim, (qui olim locus celebris olei perennitate
fuit) habuit in propinquo muro horologium
solare, in quo stylus ferreus erat è sede suâ a-
liquantulum excussus. Ergo, quia nequior
usus eius redditus fuerat, Cardinalis propo-
suerat horologium restituere: retardatus ta-
men est, cùm rei pretium indicarunt, fore
circiter denarios argenteos duos. Æstimauit
enim pauperibus seponi eos æquiùs posse,
quàm impendi in re non adeò necessaria. In
quo sensu commiserationis erga pauperes
abundauit adeò, vt qui tam perfectè præstò
aliis erat, plane vni deesset sibi. Aliquando,
quia ei crura defluxu vitii humoris solito
grauius intumuerant, Medici verò suaserant,
tibialia indueret laxiora: ipse, tametsi horum
pretium, cùm ex panno solerent parari, per-
paucorum esset argenteorum, subdidit et-
iam tum, pecuniam illam qualemcumque
congruere melius pauperibus, & tibiis suis
abundè fore, si quoquo modo illæ tegeren-
tur. Quare accipi par tibialium, quæ domi
erant usus antiqui, eisque mediis afflui frustu-
lum è simili panno, vt essent laxiora, impe-
rauit. Dom verò de hoc veteramenti genere
raro,

raro, ac vix audito in purpurâ, statuitur; & obiciunt familiares, prorsus operam ludi, tibialia reconcinnando, quæ haberet ab annis iam duodeviginti: interim ad vela foribus cubiculi prætenſa, ex inopinato adoleſcens eleëmofynam petiit pro genitrice; quam, ut aiebat, in itinere deſeruerat, ut modum quæreret eam deuehendi. Qui aderant Aulici, commentum id eſſe interpretati ſunt; & veluti compoſiti mendacij reo, denuntiandum exiſtimârunt, ne inopem ſe inuerecundè ad eò ſimularet. Sed Cardinalis, cui pro tibialibus religio fuerat circiter denarios argenteos ſex in ſui commodum exponere, aureos binos homini largitus eſt, votiſque eum compotem dimiſit. Sic amor erga pauperes, ipſum pro iis omnium, quæ eſſent domi, diuitem, pro ſe omnium inopem reddiderat.

Femina item honeſta, ſed pauper, quia dum perquireret, quinam Præſules Romæ eſſent, de quorum liberalitate clarior opinio percrebuiſſet, Cardinalem Bellarminum audiuerat in hac laude facilè primum eſſe; conditionem ſuam ei expoſuit, nec fruſtrâ. Nam Cardinalis eam, quamdiu vixit, in menſes ſingulos aliquot aureorû cenſu perpetuo ſuſtentauit: in quo genere erga alios plurimos eò progreſſus eſt, quò progredi benignitas poteſt. Copiam ſermonis, dum menſæ recum-
bere

bere vellet, rogauit iuuenis Britannus nescio quis pauperrimus, & tantùm non fame enectus. Statim, sicuti S. Martinus vestem olim, ita Cardinalis Bellarminus obsoniolũ suum, quod vni ipsi, nec lautè famuli parauerant, cum eo diuisit; seque in hunc modum fraudans victu suo, pauperibus proprios cibos sæpenuerò dispersit: vt cùm ad alium ægrum, qui pro foribus domus emendicabat, suæ paropsidem offulæ de prandio misit. Quotquot aut in triuiis occurrerent ægri, aut decumberent prope domum eius; continuò illos manu, vel gestatoriâ sellâ duci ad Xenodochium iubebat. Nec desunt, qui referant, cùm similis æger occurrisset in loco vbi geruli nulli erant, à quibus posset in valetudinarium deportari, hominem pannis & morbi lue squallidum, in rhedâ susceptum à Cardinali Bellarmino fuisse, & delatum rectà ad proximum Xenodochium: in quibus ægris Christum latentem cerni oculis ab eo dixisses, ac illi obsequium deferri, qui ait: *Quamdiu fecistis vni ex his fratribus meis minimis, mihi fecistis.*

Non omittam, ad eamdem erga inopes commiserationem, conatum eum fuisse etiam inducere alios. Nobili Viro, qui Venetiis librum, de quo errorum suberat aliqua suspicio, ad eum miserat, rescripsit; quoniam vo-

lumen illud Romæ erat venale, futurum fuisse magis è re pauperum, si denarios argenteos tres, quos vt librum transmitteret, exposuerat, pauperibus potiùs erogasset. Capuæ quotquot è Clero erant in Diœcesi, quibusdam anni celebritatibus ad Archiepiscopos dona mittere consueuerant. Cardinalis, cui piaculum videbatur, ad munera manus aperire, & se eorum contactu quasi pollueret; litteris datis ad omnes Archipresbyteros Pagorû idem perscripsit, quod per internuntios Ecclesiasticis aliis significauerat in Vrbe Capuâ. *Decreui proximis Natalibus, inquit, & deinceps à Presbyteris & Clero munusculi loco nihil accipere. Proinde moneas, quotquot in tuo sunt Archipresbyteratu, ne quidquam vel mittant, vel ferant. Sed potiùs qui sunt pauperes, semet iis donariis nutrant; diuites verò & copiosi, erga pauperes munifici sint: ita namque meriti maioris compotes erunt, quàm si ea mihi dedissent. Dominus noster sit tibi Deus totius consolationis, &c.*

Præterea, quia profitebatur Petro Cardinali Aldobrandino se plurimùm debere; haud aliâ significatione testari se posse illi gratum animum suum ratus est, quàm si eum hortaretur ad similia pietatis officia. Auctor illi præcipuè erat, vt mansurum aliquod ac stabile subsidium pauperum Romæ fundaret.

fundaret. Epistolam legi, Prid. Idus Ianuarij M. DC. IX. datam, in quâ idem Cardinalis Aldobrandinus rescribens ad capita duo, quæ Bellarminus ei proposuerat; nempe vt foueret amplexibus beneficentiæ suæ illos, qui ad Christi fidem conuertebantur; & vt aperiret tabernam medicamentariam, gratis adeundam in ægitudine à pauperibus viciniæ ipsius, Medicisquæ salaria persolueret, vt gratis eosdem inuiserent; respondit, ad ea prouum se quidem esse, sed nequire statim illa exequi, ob Ecclesiæ necessitates alias. Ceterum, quoad ægros inopes iuuandos, non diu Romæ fuit desiderata Cardinalis Aldobrandini ea liberalitas. Cardinali Montalto, quem nouerat ad benefaciendum esse apprimè dispositum, persuadere conatus est; vt vel in Vrbe Româ, vel in Ciuitate aliâ, vbi Academiæ opportunitas foret, fundaret Collegium pauperum Clericorum, qui nati essent in obscuris Pagis: quò ij nimirum victu & vestitu haud ita multum dissimili, atque habeant domi suæ, hoc est, tenui mensâ & cultu educarentur; studiisquæ humanioribus, ac præceptis conscientiæ instructi in patriam redirent, in eâque vineam Domini excolerent. Etenim constare aiebat, ex eo genere non paucos, postquâ fuisse in Seminariis iuuenum nobilium aliquamdiu versati, verecundari,

atque ægrè induci, vt ad Pagos remigrent,
& confortia honestiorum atque felicitum de-
ferant.

CAPVT IV.

*Qualis in eo fuerit amor Iustitiæ, ac
tutela Jurisdictionis.*

TImore Domini sancto, castoq̃ue, vsus
Cardinalis Bellarminus est, tum in om-
ni vitâ, tum præcipuè in æquitate admini-
strandâ. Quæ ad Diuinæ Maiestatis hono-
rem augendum conducerent, ea videbatur
sequi semper: & cum antè conscientiæ quàm
famæ consultum vellet, hoc tantummodò
putare gloriosum, quod esset tutissimum; at-
que ideò sectari opiniones securiores stude-
bat. Sed arduum est, rem æquis ponderibus
librare, cum ad exercitium ipsum venit æ-
quitatis tuendæ. Si enim Iudices ceteri ad id
ægrè sufficiunt; quantò erit difficilius in Ec-
clesiasticis, qui Pastores nominantur & Pa-
tres, ac temperare debent seueritatem iudicij,
illamq̃ue miscere cum dulcedine charitatis?

Hanc laudem quoque assecutus egregiè
Cardinalis Bellarminus, vsus est eâ formâ
gubernationis, in quâ summæ æquitati iun-
geret summam lenitatem. Coniecti sunt ab
ipso in carcerem pauci; nulli vinculis diutur-
nis,

nis, aut perpetuis damnati: siquidem timendum in eius Tribunali non fuit, ne aut causæ fierent æternæ, aut gratia æqui vim obtineret, aut auro culpa redimeretur. Quidquid monendo corrigi poterat, id animaduersione aliâ non puniebatur; cùm ipse nollet mortem peccatoris, sed vt melior innocentiorq; viueret. Nemini verò magis rebatur, quàm Episcopo, spiritum lenitatis conuenire; cui diceret studendum potiùs, quemadmodum ceteris esset exemplo, quàm quemadmodum oporteret vincula reo iniicere, vel ad tritimes quempiam damnare: itaque cauendum sibi peræquè arbitrabatur, ne aut Clerus peccando, aut ipse puniendo modum excederët. Et quia constans opinio erat, nullo discrimine inopis aut potentis, sed summis infimisq; iura æquando, solitum eum laudare probos, & malos corripere; idcirco non erat periculum iam, ne metus aut reuerentia exciderent animis subditorum: quibus lenitas Pastoris, & Iudicis austeritas, videbantur ideò misceri, vt hæc sibi mutuò excessum adimerent, non vt alterutram altera deiuuaret. Quin imò magis metuere voces, si quid moneret ipse, quàm pœnas exhorrescere in alio Tribunali, plerique eorum videbantur: & verò aduersus resides ac inobedientes erat animo tam acri, & tam constanti, vt perfecto odio incitatus,

fauore nullo posset inclinari, quò rediret cum eis in gratiam: si cederent ij tamen, clementioris sententiæ statim erat, & lenissimè placabatur.

Simultates, quibus Ecclesiastici, vel de iurisdictione, vel vter alteri loco ac dignitate sit antefendus, mutuò certant, concoquere Cardinalis Bellarminus non poterat: cùm crederet, vix eas posse suscitari, quin populo offendiculum creent; dum Prælatos, institutos à Deo in procurationē pacis, fouere contentiones perpetuas videt, & hostibus quàm fratribus apparere similiores. Admonebat proinde, vt ea dissidia ponerent, si qui hoc pacto inuicem discreparent. Scripsit aliquando etiam viro cuidam illustrissimo, Iustitiam & Charitatem sorores ambas esse; & curandum, vt perinde ac sorores decet, quoties oboriuntur lites, re demum adiudicatâ, non disiungantur. Haud propterea tamen sui præiudicium fori vñquam tolerauit: & ideò cùm vnus è Canonicis ipsius, à Cardinali Gesualdo, Archiepiscopo Neapolitano, in ius Neapolim vocaretur, non permisit illum eò ire; & ad Cardinalem scripsit, causæ illius arbitrium ad se potiùs pertinere: proinde a discussione eius abstinere, & controuersiam ad se reiiceret: neque aliter egit Cardinalis Gesualdus, cùm agnosceret rem æquam postulari.

stulari. Contrà, si quæ inciderent dubij iuris; mirum erat, quàm facilè aliorum se iudicio submitteret.

Exemplo sit alia controuersia, circa Abbatiam S. Michaëlis Procidæ; quam ei Clemens Pontifex, post obitum Cardinalis de Aragoniâ, contulerat. Illam is, tamquam *nullius Diæcesis*, rexerat perpetuè; neque Cardinalis Gesualdus, Archiepiscopus Neapolitanus, quamuis hoc tentauerat sæpiùs, potuerat ibi iurisdictionem vllam vsurpare: nam alter id prohibuerat; transmiseratque etiam Ecclesiasticos suos, vt Sacris initiarentur, ad vicinos Episcopos Ænariæ, ac Puteolorum; quorum primus secundo tantùm, alter quarto inde lapide distabat. Postquam verò Cardinalis Bellarminus Antistes Procidæ renunciatus est, noluit sumptu inutili, & cum iacturâ charitatis, litem illam diu alere. Sed Cardinali Gesualdo auctor fuit, pateretur arbitrum eligi, qui eam ditimeret. Itaque Clemens Pontifex iniunxit Camillo Cardinali Burghesio, qui fuit deinde PAVLVS V. vt litem æstimaret, ac pronuntiaret de illâ pro æquitate. Is verò, re discussâ, censuit Insulam Procidam Neapolitanæ Archidiocesis partem esse, & eius iurisdictioni subiacere. Gaudius est Cardinalis Bellarminus, controuersiæ finem impositum esse, absque vllò fori strepi-

328 VITÆ ROBERTI CARD. BELLARM.
tu: ac paulò post Procidam se contulit; eo-
que ad possessionem adeundam Cardinalem
Gesualdum ipsemet Neapoli tranquillissimè
inuitauit.

Sed acerbiora in eo Regno dissidia non
rarò nascuntur, vt asseratur Ecclesiastica au-
thoritas contra ministros laicæ potestatis. Ab
hac parte Cardinali Bellarmino felicitas
summa fuit: & vt appareat, quâ prudentiâ
& dexteritate potuerit periculosum eum sco-
pulum declinare, illud affirmari potest, ip-
sum re & factis impleuisse, quod scripto post-
modum docuit Angelum de Aciariâ, Soro-
ris filium, quando is inauguratus est Episco-
pus Theani. Dum enim monitis maximè
idoneis illum instrueret, vt meditaretur per
otium, quæ deinde vsui forent; septimo eius
Admonitionis capite, quam composuit in
gratiam illius, fermè hæc habet: *Iurisdictio
hac videtur nostro auro lapis offensionis esse, &
petra scandali; nec facilis est tutela eius, abs-
que eo quòd offensio Principum incurratur. Et
tamen negligi non potest, absque eo quòd negli-
gatur Deus, & Pontifex Vicarius eius. Sub-
eunt animum in primis duo; & utrumque
ad rem hanc arduam conducere admodum pote-
rit. Primum est, ne in hoc genere quid aggre-
diamur temerè, aut sine maturâ deliberatione.
Quòd si viri spectata prudentia in promptu
non*

non sint, quos consulamus; sciscitemur saltem per litteras, interrogemusq; eruditos homines & probos. Alterum est, ut viuamus eâ moderatione, ex quâ fiat persuasio Principibus, eorumq; Administris, nos occasiones rixarum non peruenari; sed sustinere eas controuersias dumtaxat, professione obsequij erga Deum, & Fidei quâ tueri Ecclesiasticam libertatem tene-mur. Ceterum cupere nos eorum amicitiam; quam ut permagni aestimamus, ita semper conabimur promereri. Etenim Principes Viri erga Episcopos beneuoli, complura permittunt eis solâ huius mutua vicissitudinis causâ; non permissuri aliàs, quando illos aut minùs amicos, aut palàm aduersarios experiuntur.

Hæc duo ipse seruauit perfectè, & ideò potuit feliciter suos regere: quam laudem nec ignorauit, nec siluit de ipso Roma; eamque propterea Clemens Pontifex gratulatus est illi manu suâ, ferè in hæc verba:

Venerabilis Frater,

Sensu cordis magno amplectimur rationem officij, quo fungeris erga Nos, occasione Natiuitatis Domini: & fuisset etiam nobis voluptas maior, si prætermisâ consuetudine hac. Aula, insinuasses potiùs, quæ peccauimus anno iam exacto; ut nos erudies, quo pacto possemus annum insequentem auspiciari sanctiùs, &

seruire in eo impensius Diuina Maiestati. Gratulamur tibi pacem istam, quâ frueris cum ministris Regiis; qui cùm caput habeant, egre-gium atque optimum, & cui nos laudem debe-mus, spem nobis faciunt fore, vt tu pacem eam iam partam facile possis tueri. Inuidemus (si fas est ita loqui) desiderio, quo incenderis, co-natus & vires omnes tuas consecrandi anima-rum utilitati; quæ Vigilantia tuæ commendan-tur. Hac nos cogitatio angit quotidie, & expa-nescit adeò, vt nisi Deus Benedictus, qui cog-nouit figmentum nostrum, panderet interdum nobis sinum benignitatis suæ, & ostenderet quantum sperare debeamus in misericordiâ eius; necesse foret, propè animo caderemus, ac deficeremus sub onere magno nobis imposito. Vale, & nostri memôr sis in Sacrificiis & pre-cibus tuis. Datum ex Palatio nostro Apostolico, hac die SS. Innocentium, M. DC. III.

Sed Cardinali Bellarmino id non peperit sola felicitas eius temporis, absque industriâ ipsius. Cùm enim plurimùm gratia & di-gnatio Viri profuerit; constat, in negotiis ca-possendis & tractandis alacritatem eius, & consilij lumen, plus adhuc huic rei profuisse.

Prima laus debetur quidem obseruantix, quâ PHILIPPVS III. Rex Hispaniarum, & Regina eius Coniux MARGARITA Austria-ca, illum venerabantur. Scripsere siquidem
ambo

ambo ad Neapolitanum Proregem, Franciscum à Castro, statim atque Bellarminum Archiepiscopum Capuæ renuntiatum esse intellexerunt; & cum commendatione perhonorificâ ei præceperunt, vt nouo Capuæ Archiepiscopo, in quacumque Ecclesiæ ipsius necessitate, obsequeretur. Quin & addidere, suâ ipsorû interesse, vt Magistratus Regni honorem illi deferant; vtpote Viro, quem tantopere ambo venerabantur. Prorex itaque Cardinali, dum vtrique se interuiferent, testificatione plurimâ obsequij, quid Rex & Regina præciperent, quid ipse sponte suâ cuperet, patefecit; & quamdiu præfuit Regno Neapolitano, semper eum in honore præcipuo habuit: quemadmodum egit Comes Beneuenti, alter ab illo Prorex. Verùm prudentia, quâ vsus est Cardinalis Bellarminus, vt mutuam eam animorum vicissitudinem confirmaret, & vt posset liberiùs petere, quæ sacri erant iuris, ex eo maximè apparuit. Nouerat, Capuæ familias aliquot, specie tenus, in Ecclesiasticorum aggregari album, & gaudere immeritò immunitate Cleri; quæ res cedebat in damnum censuum Regionum: intercessit ipse, & vsum prauum aboleuit, ac Cæsari reddi voluit, quæ erant Cæsaris; quò deinde, cum res ferret, Deo redderentur, quæ erant Dei. Hinc nata erat inter Ministros
Regis

Regis frequens ea vox: Cardinalis Bellarminus enim uerò iustus est; sua tamen si repetit, non retinet aliena. Opinio hæc, hausta è tam claro euentu, uti altè infederat animis Ministrorum Regiæ potestatis, id in primis effecit; ut potuerit Cardinalis Bellarminus, obluctante ex eis nemine, loca quatuor Archiepiscopatus, ex quibus magni prouentus annuè percipiebantur, à Dynastis & finitimis populis recuperare. Oeconoמו iniunxerat, ut ea in Ecclesiæ antiquum ius, ex quo & reuulsa pridem fuerant, reduceret: & is loca eadem, re & facto, non sine aliquâ vi tamen, recepit; magnoque incepto adhibens effectricem rerum constantiam, eadem iure etiam & possessione defendit; populi faustâ cum admurmuratione, & cum admiratione Magistratum Regionum. Vim adhibitam, tamen si usurpandi iusti iuris causâ, uti rem odiosam, Cardinalis mansuetudo non probauit: fuit verò (quæ apud omnes erat de ipso integritatis fama) ei possessio confirmata per Administros Regios; & mirati sunt omnes, potuisse iurisdictiones eas amplas, & tam culta prædia è manibus Virorum Principum reuelli. Ipse Regens Martos, qui Regni iurisdictionibus præerat, Oeconoמו eius, quoties is Neapoli secum vnâ ageret, iterabat illud: Ego à Cardinali ero, in quauis petitione illius; nam ipse iustus

iustus est, mereturque, vt, quia est ei ratio rectissima postulandi, sit quoque auctoritas ea, quæ postulauerit, obtinendi. Sed neque Dynastæ ij, à quibus fundos antedictos recuperauerat, mansere alieno aduersus ipsum animo; at fuere imò beneuolentiæ indicia eadem, ac si non eos fundos vi, sed sponte reddidissent: adeò res pro æquitate gestæ, & acta innocenter vita, amandum ipsum verendumque, supra honorem & infulas eius, omnibus proponebant.

Hic fauor à Prorege, & à Ministris Regni, sicut numquam eum induxit, vt præter ius & fas quidquam vellet; ita nec perpulit, vt à conditione descenderet suâ. Etenim se pro Archiepiscopo & Cardinali gerere, personamque interdum ab humilitate positam sumere in loco, ac sustinere magnitudinem Ecclesiæ, semper visus est.

Comes Beneuenti, Neapolitanus Prorex, & eius coniux, Cardinalis Bellarmini (quem vti eximium colebant) præsentiam & colloquium expetebant vnicè. Proinde Religiosum virum, qui vtrique erat à Cõfessionibus, Capuam non semel miserunt, deprecaturi aduentum eius Neapolim. Verùm, quia Prorex proposuerat, cum Cardinalibus officia mutua vsurpare ex æquo, atque eos honoris causâ tantum domi suæ deducere à dextris, inque

inque ædibus ipsorum dexteram vicissim ab eis accipere; Cardinalis Bellarminus conditionem oblatam conueniendi eum, repudiavit modestè. Itaque desperato colloquio, dum aliquid hic purpuræ dignitati, aliquid ille regio muneri existimat tribui debere; orauit Religiosum illum internuntium, Pro regi affirmaret se, honoris ipsius causâ, & fecisse, & facturum omnia, in quibus non migraret à se ratio Ecclesiastici muneris præcipui, quod gerebat in purpurâ. Addens alioqui fore, vt si secus ageret, id ægrè Cardinales Romæ interpretarentur. Atque id causæ fuit, cur celebritati ac pompæ, in quâ D. Thomas Aquinas ibi cooptatus est inter Patronos Ciuitatis, non nisi habitu ignoto interuenerit. Non enim Regiam tum intrauit, ne Purpuram dedecori offerret; sed potius, quamuis humili animo, sobriè honori seruiret. Audiuit hæc verò inoffensis auribus Prorex, nec deinceps vllatenus ipsius amicitiam declinauit.

Dum hac prosperorum continuatione cum Magistratu Regio Cardinalis Bellarminus frueretur: tametsi plurimum præsidij poneret semper in conscientiam facti sui; sensit nihilominus haud parum conducere artem quamdam, cum præmuniendi instruendique circa causas, propter quas aduersarij ipsius ad Regni Tribunalia ibant. Quin imò,

ne

ne recederet à consilio Sapientis, qui ait; Sedatum dum est mare, de tempestate cogita; & vt præparata consilia in promptu haberet; dixit aliquando iis, quibuscum ei intererat consuetudo familiarior: si mitti ad se codicillos, vti fit in eo Regno, contigisset, quibus monentur Antistites nomine Regiæ Maiestatis, vt desistant ab intentatis minis execrationis excommunicationisq̃ue; & ne huic vel alteri eminari atque interminari pergant fulmina censurarum, si quidem optant gratiam Regis: futurum fuisse, vt quemadmodum apud se meditatus diu erat, simili aliâ syngraphâ eos moneret, nomine supremæ Maiestatis; cupere Regem Cæli, vt Ecclesiæ suæ integrum permitterent, exequi iura potestatis diuinæ, si quidem optarent ipsi quoque gratiam Dei. Hoc pacto induens lorica iustitiæ, & paratus ab animi fortitudine, ac fiducia in Deum, difficultates atque discrimina quæuis peruincere; præclarum rebatur, causâ tuendi Ecclesiæ iura, magna non solum agere, sed etiâ pati. Nihilominus hoc fuit in Dei prouidentia pro eo semel & semper placitum, vt cuncta cederent tranquillè, quamdiu Ecclesiæ illius gubernaculo præfuit; siue innocentiam ipsius eâ perpetuâ felicitate testari voluerit Deus, siue ostendere potiùs, æquè delectari se prudenti lenitate,

quâ

quâ nauim peritè quis gubernat , inter scopulos & pericula similia , ac delectetur constantiâ , quâ sancti Præsules alij , cùm opus est , exhibent sese inuictos libertatis Ecclesiasticæ propugnatores.

C A P V T V.

Romam proficiscitur, Sede vacante, ab excessu CLEMENTIS VIII. Summi Pontificis.

P Ax ea igitur , quâ Cardinalis Bellarminus (incertum feliciùs , an sapientiùs) triennio vsus est; & fructus, quem ex morum culturâ copiosum percepit; ad hæc , facta eius laudabiliter , quâ mysteriis sacris operando, quâ omnibus benefaciendo; absentia demum à strepitu Aulæ , facilem ei reddiderant , & ferè iulti oneris sollicitudinem animarum. Quocircà probè conscius , à se impleri vota populorum ; ferè quid optaret amplius, fermè non habebat. Hoc indicauit clarè, dum Capuæ, sub cælo sibi ad valetudines improspero, perseuerauit; tametsi humor noxius in tibias ei magnis extuberationibus deflueret ; nec aliâ ex causâ , vt Medici putarunt, quàm ex aëre regionis afficiente, atque insalubri. Metu ægritudinis huius Cardinalis Baronius , ne in deterius iret , ex consilio etiam

etiam Summi Pontificis, suavit, vt secederet inde Procidam : nam ibi quoque Antistes erat, & Capuâ tam parum aberat, vt vix esse extra diocesim videretur. Sed ipse peregrinabundus vagari, & tantum animi causâ captare amœnas oras, recusauit. Quod vbi intellexit Cardinalis Baronius, rescripsit, mirari se, Neapolis & Procidæ delicias illi tam parvæ dignationis fuisse; qui tamen tractus Italiæ molliissimus est. Id verò argumentum esse dixit, sponsam suam ab ipso ita diligere, vt vel ad spatium breue solitudinem illi metueret.

Exhilarabat eum messis copiosa, quam ex agro suæ plantationis & suæ irrigationis percipiebat, & ex quâ pretia meritorum cumulabat. Hinc denuò Cardinalis Baronius in Epistolâ, *Est cur gaudeam*, inquit; *quia dum lator, istic benè tibi esse, & à te benè etiam ceteris esse, ero particeps meriti huius perinde, ac si merito fruerer meo. Gratias Numini ago; & rogo, vt peruiuas diutissimè, quò ita possis magis Ecclesiæ prodesse. Quæ superant arumnarum, symbola sunt, quibus nostrum omne opus bonum consignatur; & quibus sit manifestum, ita placitum Deo fuisse. Itaque est, quòd tu pariter gaudeas: nam tibi respondent oracula cuncta. Illud tamen sancti Petri obuersetur animo: Satagite, vt per bona opera certam faciatis ve-*
Y *stram*

stram vocationem. Ideò si egeris perseueranter ad finem vsque; quid est, quod possit nocere vobis, si boni amulatores fueritis? Collige te intra recessus imos sanctæ humilitatis, & exulta cum timore & tremore: vt tu quoque scribis, & nosti melius, quàm ego possim exprimere. Quoad defensionem nostrorum Patrum, in promptu est historica instructio, admodum fusca. Sed proderit magis, si cum Pontifice aperte, atque, vt est animus, loquar: quod egi hætenus, & porro, agam. Sperare imò & ominari audeo, fore vt Deus sit victoria compos; & vt famulos suos, qui deprimuntur, exaltet. Roma, prid. Non. Ianuar. M. DC. III.

Multò minùs ea ægritudo, & alia quæ ibi sufferre iniucunda debuit, retardarunt seu manum eius, quin ageret fortia; seu mentem, quin meditaretur vtilia pro ouibus suis: & hoc egit eò impensiùs, quò certior ei, ab ipso initio, fuerat persuasio, vltra spatium triennij Capuæ se non permansum. Etenim vnum illud iterabat frequenter, quoties familiam teneri desiderio Urbis aduerteret; quemadmodum etiam denunciato itinere, quando Capuam eundum fuerat, dixit: vt qui nouerat Aulicorum genium, qui secessum ab Aulâ exilium esse ducunt; & nusquam libentiùs vitæ spiritum hauriunt, aut alibi meliùs, quàm in Romano Cælo, inca-

lesce-

lescere ad grandia solent. Monebat videlicet, bono essent animo; & crederent futurum, vt tantum triennio, nec eo quidem exacto, Capuæ morarentur: debere interea Pontificem mori: denique subrogandum in Pontificatu alium, qui veniam abeundi non daret; & prædictionem hanc excepit euentus. Admiratio tamen fuit, quod cum appeteret finis triennij, & gnarus esset propediem sibi remigrandum ad Urbem, ad iter nihilominus viaticum non parauerit: sed in pauperes erogauerit, quidquid pecuniæ suberat; quam ultra mensem domi senescere, non patiebatur. Ordinarius Dispensator tamen industriâ suâ hoc periculum inopiæ anteuertit, neve oppignorare suppellectilia foret necesse: apud diuites aliquos debitores, qui quouis momento potuissent, quæ exigenterentur, repræsentare, distulit redditus aliquos petere, & ij veluti ad vltimos casus relictî, sumptus viæ suppeditarunt, quando CLEMENS VIII. obiit, v. Non. Martij, An. M. DC. v.

Hic, dum familia ad auram nouæ spei velificans, profectioi adornat se, plurimum doluit Cardinalis, quod deberet à sponsâ suâ postremum diuelli. Tutelam eius Vicariis delegauit; & curauit, vt esset ei consultum optimè, dum præsentîâ Pastoris destitueretur. Populo dein è suggestu valedixit: & post

salubria monita, hortatus est, ut timorem Domini sanctè colerent, omnes; & si quid superesset prauis moris, citò illud virtutis proposito emendarent. Adiecit, tametsi vates non foret, se haud reuersurum ad eos; nec permitturum nouum Pontificem, ut denuò ipse Romam defereret. Dotes etiam noui Archiepiscopi & Successoris indicauit perinde, ac si creatus ille iam esset: & distinctè addidit, cum diu peregrè in Legationibus, ad obsequium primæ Sedis, distinquendum. Hanc verò absentiam, ait ex Dei destinatione ipsis in pœnam imminere; quia Pastorem ornatum virtutibus egregiis haud merebantur præsentem ij, qui cū fructu adeò tenui triennium exegerant, dum ipse interfuerat eorum Antistes; & quâ priuatim, quâ publicè, de vitiis, ac de irâ cælesti, eos commonefecerat. Ad hæc omnibus lacrymæ obortæ sunt; & salubrem talium sermonum amaritiem clamor excepit, ac luctus publicus, cūm dicerent vniuersi: *Ne derelinquas nos, Pastor bone: ne deseras nos, nos orphanos: sub te, quæ peccauimus, Pater, filij emendabimus.* Atque hoc mœrentium & lacrymantium sono deductus ad ædes est, die altero indidem abiturus. Dixisses sanctum Paulum à Mileto Ephesum proficisci, dum & ipse prædiceret fore, ut faciem eius non viderent ampliùs; denun-

tiaretque omnia, quæ post euenire. Quo tempore, sicut S. Lucas refert, *magnus fletus factus est omnium; & procumbentes super col- lum Pauli osculabantur eum, dolentes maximè in verbo, quod dixerat, quoniam amplius faci- em eius non essent visuri: & deducebant eum ad nauem.* Et par erat, ut Cardinalis Bellar- minus, cuius in Ecclesiæ regimine fuerat imi- tator, eiusdem, in digressu ex illâ, videretur esse simillimus.

Speâculum magis lugubre fuit, cum se- quenti die, præparatis ad profectiorem om- nibus, obuersata est vestibulo domus eius mœsta Ciuitas. Aderant primores è Senatu, immixti cum plebe, atque interiacebat pau- perum multitudo; cum verò Cardinalis in conspectu fuit, repente fletus & clamor exor- tus est, Pastorem, Parentem, Tutorem con- fusis vocibus appellantium; & lamentantium suam solitudinem atque orbitatem. Mox eum circûstetere tam multi, partim vestium oram exosculantes, partim rosariis piè contin- gentes, precesque & vota flagitantes; ut adhi- biti sint, qui submouerent vndam populi, ne cum incommodo graui premerent abeun- tem. Circumsonabant omnia singultibus gemitibusque, ac vocibus, quibus, ut reuerte- ret, nec desereret suos, rogabant; fatebantur- que, cunctos vnus spiritu viuere, & inter vi-

scera charitatis ipsius respirare omnes. Ipse, cum illos publici doloris oculos non ferret, coepit vicissim lacrymis exstillare copiosius; ac satis indicare, oues suas quantopere diligeret. Quare, ut voces colligere potuit, vniuersos collacrymantes consolatus est blandè: ac fassus est, corpore abire se, animo atque affectu manere tamen; nec permissurum, ut per eam absentiam eleemosynæ minuerentur: quod fecit deinde; & Ciuitati reddidit incertum, procul an coram benignior haberetur. Post hæc manu ac voce omnibus faustè precatus, Romam versus iter inchoauit. Ibat verò inter significationes acclamationesque populi, pudorem eius onerantis; ægrè in confertâ multitudine progrediens, ac per Ciuitatem præsertim, ex accessu & recessu populi cunctabundus, ac properans. Foris verò ad milliaria plura eum persecuti sunt è Primoribus multi; & hæc omnium vna vox erat: *Felix abi Parens sancte, Pastor bone; tibi Deus faustum iter, & simul celerem det reditum.*

Atque hæc eius fuit commoratio in vrbe Capuâ, non diuturna tempore, si annos numeres; sed ad gloriam longæua, si spectes māsura virtutis eius exempla. Suspiciet enim in eo posteritas omnis cælestes artes, quas intulit ad regimen Ecclesiæ illius; ita ut coniunxerit studium efficax tuendæ iurisdictionis

nis cum vniuersali tranquillitate, & cum clementiæ famâ mentem retinentissimam æqui: subditos docuerit amare, dum metuunt: officiis æquè summos atque imos demeruerit: homo temperans ac frugi egerit secum arctè contenteq̃ue, cum aliis liberaliter atque magnificè: ac demum infractus laboribus visitandi, cogendi Synodos, concionandiq̃ue, & mysteriis operandi, per se obierit omnia; neque aliter, quàm si vnus multorum aut manus aut animos haberet. Diceres, eum perfecti Episcopi descriptionem, quam rogauerat è multis Archiepiscopus Rothomagensis, calamo non concinnasse; quia factis eam ita in se formauerat pulchrè, vt in posterum esse idem deberet Bellarminum imitari, ac perfectissimi ideam Episcopi moribus referre. Cuius semet ipse statuerat, veluti signum aliquod, non quod semper in basi hæreat; sed quod vt vnique proponatur ad imitandum, possit per orbem vniuersum famâ & recordatione peruagari.

CAPVT VI.

Aliquot pia eius consilia, circa optimum regimen Pontificatus.

ANtequam ad ea veniam, quæ Cardinalis Bellarminus in comitiis Pontificum

egit, subdam aliquot eius consilia; quibus credidit fieri posse, ut sancti Petri successores sanctius gubernaculo Ecclesiæ præsent. Suggeriebant illa, partim muneris proprii obligatio, quia ex purpuræ loco, propinquas habebat aures Vicarij Dei; & versabatur in eo gradu, ex quo ad supremum ascenditur: partim exprobrationes Hæreticorum qui criminationibus, quibus solis valent, bellum perpetuum Ecclesiæ inferunt, ei que falsò & superbè multa obiiciunt. Quorum dicta, ut factis & moribus confutarentur; desiderio exarsit sic formandi Ecclesiasticam gubernationem, ut perfectionis tantumdem haberet, quantum in humanis sperari potest. Proinde sicuti semper absuit in ipso, perpetuum malum Principum, adulatio; solebat apud viros graues sermonibus serere ea, quæ communi bono prodesse opinabatur: & quæ fecisset procul dubio, si vocatus fuisset à Deo in excelsū & summum locum; quem non optaret tamen, imò & trepidè metueret. Magnam partem horum consiliorum, in his quæ ad Clementem Pontificem scripserat, retulit. Superfunt alia, quæ partim ab inspectæ fidei viris accepi, partim reperi concepta scripto eius. In primis gnarus, multa esse, foris quidem coloris optimi, sed quæ incommoda sæpè intus celant; affirmabat (ut is, cui cauta potius consilia

cum

cum ratione , quàm prospera ex casu placueret semper) futurum prorsus , si deuoluta res ad se vniquam foret , vt minimè auctor rerum nouarum esset , absque prudentissimorum hominum suffragio , & spe vtilitatis magnæ , pro Ecclesiæ totius vel commodo vel ornamento. Atque idèd penes se ad consultationem viros sapientiâ & probitate eximios habiturum se , aiebat , & spatium etiam deliberationibus daturum : quia magni regiminis consiliis damnoſa admodum est festinatio.

Dein præ cunctis curandum Pontifici credebatur , vt ad normam Ecclesiasticæ disciplinæ formaretur Clerus. Nam , quia fluxa sunt humana omnia , facilè fit , vt mores in licentiam sensim prolabantur. Idquæ obtineri posse , absque nouis decretis , arbitrabatur , si Concilium Tridentinũ seruaretur. Vix enim res alicuius momenti superest , cui sancta ea Synodus non perfectè consuluerit. Propterea optabat , vt noui inaugurati Pontifices , in primo Senatu , quem habent , eius Concilij volumen profferrent , ac dicerent : Formæ ratio , quam in Ecclesiam inducere constituimus , hic Liber est.

Desiderasset etiam , ne Pontifex in laicæ ditionis regimen incumberet perinde , ac si eius ceruicibus onus grandius impositũ non esset. Etenim , aiebat , videndũ quidem ei , ne respu-

blica illa inferior detrimenti aliquid patiatur: sed ita, vt simul penitus dedat se spirituali iurisdictioni; tamquam ipsius distractissimus tantorum onerum mole, huic vni negotio vacaret animus, vt Christi oues pasceret: interitus expensis, infractus laboribus, quancumque de Fidei amplificatione, deque auctu diuinæ gloriæ ageretur. Ita scire se, addebat, multos præclaros Pontifices, atque Sanctissimos, armatos non loricâ, non gladio; sed æquitate, sed fide, mundi Principibus & Monarchis obniti veritos non fuisse: & expressisse, vel ab inuitis venerationem ac metum; Orbem terrarum à prauis documentis repurgasse; & nouas gubernandi regendique præscripsisse formas, quando ita æquitas vel Euâgelij defensio postulauit; Reges quoque & Imperatores, ad expeditiones bellicas, aduersus hostes Christiani nominis, & aduersus tyrannos Ethnicos permouisse.

Ideò existimabat, diui Petri temporarium patrimonium debere potissimum impendi pro fidei propagatione; atque huic negotio in mente Vicarij Christi, in quâ versantur sollicitudines omnium Ecclesiarum, prærogatiuam tribui oportere. Hortabatur proinde, exiret quasi custos vniuersalis in agrum Mundi, vt prospiceret, parsne aliqua operas ad sui culturam exigat, vel contrâ segetes

iam

iam albas ad messem habeat? anne pars alia ad prospectum amœna sit, sed reipsâ siluescat? pateâtne vsquam aditus feræ pessimæ, quæ culta, hæc speciosa demoliatur? demum supersitne vitiosum germen, quod euelli debeat, tradique in combustionem igni? locûsne appareat aptatus Euangelico semini suscipiendo? *Nonne, si exis, & cernis ista*, aiebat cum sancto Bernardo, *pudebit otiosam iacere securim? pudebit sine causâ falcem Apostolicam accepisse?*

Præterea, quoniam Episcopos Deus adiunxit Summo Pontifici, tamquam adiutores sacros; hæc in eorum delectu potissimum suadebat: Nempe, vt Pontifex excluderet, si qui ambitione propriâ, aut aliorum commendatione honorem peterent: notitiam verò perquireret eorum, qui in variis Mundi regionibus doctrinâ, prudentiâ, sanctimoniâque præstent: vt cum occasio adest, non sint quærendi, qui eligantur; sed possint eligi statim, qui excellunt. Nam graue esse rebatur conscientix ipsius, aliter tot eligere, tot differre, vel præterire. Putabat etiam fore, vt Episcopi munere suscepto fûngerentur alacrius; si eos Pontifex (quod suadet Tridentina Synodus) coleret tamquam fratres. Vt verò cognosceret accuratiùs de Ecclesiarum statu, quas illi regunt, & ne cum ad limina redeunt,

348 VITÆ ROBERTI CARD. BELLARM,
redeunt, color superesset moræ in Aulâ diu-
turnioris; expetebat, certum in hebdomadâ
diem, in quo eis spatium sermonis daretur, à
Pontifice constitui, quò ita non differrent
reversionem ad sedes proprias. Demum,
quoties opus esset, salubria in loco monita
eis impertiret Pontifex; iisquæ monitis, nisi
fierent alij mores, tum exemplum ederet pa-
ternæ seueritatis. Mitteret quoque Ecclesia-
sticos inspectores, qui Domini agros inuise-
rent propiùs, culta ab incultis distinguerent;
ac de his referrent postmodum, quò ipse na-
uos, ac desides, laudaret, castigaretquæ. Item,
quia certum est, gubernationi Ecclesiarum
lites eas plurimùm obesse, quæ innascuntur
causâ iurisdictionis, inter Principes quâ Sa-
cros, quâ Laicos, suasurum dixit; ne contro-
uersias istiusmodi perpetuas alerent, quibus
impeditur fructus, quem exigit Deus à Pa-
storibus animarum.

Peroptabat aboleri, vel minui saltem, tot
modos referuandi, supremis Iudiciis, no-
xas conscientiæ grauiores. Præscribi quoque
terminum censuris intentatis à Iure. Imponi
meditatè pensiones iis Sacerdotiis, quibus est
adiuncta procuratio animarum. Videndum
etiam esse, aiebat, ne Magistratus iustitiam
vendat; aut permittat, vt Rei ex gratiâ pas-
sim supplicia euadant: quod in Regno suo
sanctus

sanctus Ludouicus cauerat olim, lege non solerti magis, quàm felici.

Ad hæc, censuit in règimine supremo, Urbem Romam à Christi Vicario, qui eius Antistes est, haud negligi debere: & par ideò esse, vt illius Ecclesias per se circumspiciat semel; quemadmodum egit olim S. Gregorius Magnus; & frequentius id muneris obeat per Cardinales, qui ipsarum titulos habent.

Rationem quoque ineundam, relegandi ex Vrbe tot prostratæ pudicitiae mulierculas: quod pariter egit S. Ludouicus Rex Lutetiae Parisiorum: cum sit indecens, in sanctâ Ciuitate, ita esse incontinentibus semper paratam voluptatem. Atrocia in Deum & in Sanctos dicta, thori maritalis violationes, præposterarum libidines, puniri oportere suppliciis grauissimis, iuxta præscripta Veteris Testamenti: ne pudor sit, Christianos homines, non perinde, atque Hebræos olim, istiusmodi facinorum vindices haberi. Interdicenda quoque Hebræis ipsis in Vrbe scœnora tam aliena, quibus nec inest æquitas, nec adest modus.

Formam temporarij regiminis exigebat in Ecclesiâ tam ordinatam, quàm fingere Philosophi & docti Viri eam vmquam potuerint. Suadebat in primis, vt subditis vectigalia minuerentur; quò nimirum admini-
stratio

stratio Ecclesiastici Principatus, Dynastis aliis præberet exemplum gubernationis æquissimæ. Id autem procurandum existimabat; tametsi propterea superflua demi, & tolerari etiam in Principatu vitam hominis frugi, oporteret. Et quoniam rebatur, debere Pontificem magis Episcopum, quàm sæcularem Principem agere; Diuinæ Fidei propagandæ studio, partem prouentuum maiorem ab eo impendi voluisset: & non, vt Consanguinei opimentur, aut Magnates fiant; cùm sit satis impertire iis, quantum videatur opus esse pro gloriâ dignitatis, & pro conditione Ordinis quem obtinent, iuxta doctissimorum hominum, sanctorum Patrum, & Conciliorum præscripta.

Commendabat Pontifici etiam viros Religiosos, quòd ij suæ sint compotes immunitatis, etiam in Ecclesiasticâ ditione, & ne Magistratui Laico vllatenus subiaceant. Si qui tamen deprehenderentur ex eis prauis documentis; hos seponendos à probis, & intra Cœnobia ipsorum æquâ animaduersione puniendos.

Adiecit, utilitatis & famæ plurimum Ecclesiam Dei posse colligere, si Pontifex Religiosorum Ordines reducere ad vitæ antiquam laudem conaretur. Ad hoc verò Religiosos ipsos maximè idoneos putabat; & deli-

deligendos propterea viros prudentiâ moribusque conspicuos è variis Cœnobitarum Ordinibus, vt hi, iuxta singulorum instituta primæua, decernerent, quidquid in rem crederent pro eorum reformatione. Item submotis indignissimis, gubernacula Cœnobia eis tradenda, quos virtus, non fauor commendaret; & qui possent exemplis quoque ad disciplinam subditos instruere. Quorum gubernatio vt constans & tranquilla esset, necessarium credebat, vt aduersus proteruos & resides auctoritate suâ Pontifex iisdem patrocinaetur.

Quoniam insuper sanitas capitis confert adedò ad corporis totius sanitatem; etiam asseribat, nihil potius aut prius debere esse, quàm vt Diploma pro ordinandis comitiis Pontificum conderetur, iubereturque electio eorum fieri per arcana suffragia. Cuiusmodi sanctio promulgata feliciter fuit à Gregorio XV. vt consuleretur suffragiorum liberati. Præterea inter Augustos Patres, quoniam solent ex his Pontifices eligi, tantùm assumi cupiebat eos, qui aut essent virtute magni; aut excellenter doctrinâ, aut generis & familiæ gloriâ præ aliis eminerent. Ij porro euecti in amplissimum Ordinem, Religioni ducerent, si sententiam rogati, respectus rerum priuatarum (qui officere semper, & officient consiliis

352 VITÆ ROBERTI CARD. BELLARM.
filiis publicis) non ponerent; imò potiùs ingenio aperto, & impauidi mitterent liberam vocem, vt qui neminem timeant pariter ac neminem terreant.

Concludet hæc omnia Cardinalis Bellarmini votum, quod nuncupauit, dum piis meditationibus exerceret animam: & inuentum hoc fuit inter scripta eius magis arcana: continet verò, futurum, vt si Pontificatum adeptus aliquando esset (quod ne eueniret tamen, impensè Deum rogabat) tunc ex agnatis neminem, vel Cardinalem, vel Principem, vel Comitem crearet, aut ditaret amplis opibus; sed curaret tantùm, vt in eo ordine in quo nati erant ciuium honestorum, id acciperent commodi, quò minùs egerent. Hoc verò sacramento se obstringere voluit; non quò alios Pontifices notaret, qui agnatos, & affines, nempe dignos, ad purpuram euehant (cùm id quisque variè pro suo sensu possit interpretari, & cùm sint viri etiam prudentes, quibus reipsâ stare posse sine adiutore moles tanta non videatur) sed quia Numinis instinctu allici se ad hoc sensit: nec animo atque ore tantùm, sed scriptione etiam votum id concepit; quod eius verbis referam.

Die XXVI. Septembris M. DC. XIV. fer. VI.
In domo Nouitiorum S. Andrea degens,
✠

& exercitiis spiritualibus vacans, maturâ præhabitâ deliberatione, in Sacrificio Missæ, cùm sumpturus essem Sanctissimum Domini nostri Corpus, votum voui Domino in hac formâ:

Ego Robertus Cardinalis Bellarminus è Societate IESV, Religiosus professus, voueo Deo Omnipotenti, in conspectu Beata Virginis Maria, & totius celestis Curia, quòd si fortè (quod non cupio, & precor Deum ut non accadat) ad Pontificatum assumptus fuero, neminem ex consanguineis vel affinibus meis exaltabo ad Cardinalatum, vel temporalem Principatum, vel Ducatum, vel Comitatum, vel quemcumque titulum; neque eos ditabo; sed solum eos adiuvabo, ut in statu suo civili commode vivere possint. Amen. Amen.

CAPVT VII.

Qualem se in Comitibus exhibuerit, in quibus electi Summi Pontifices LEO XI. PAVLVS V. & GREGORIVS XV.

CVM intra spatium breue, Pontifices duo, Clemens VIII. & Leo XI. post annos verò sexdecim, Paulus V. obiissent; ea, quæ Cardinali Bellarmino tum euenere, in Comitiorum conclavi, (qui locus statio est, ampla diuersis animorum motibus, flu-

Quantiq̃ue electioni , in magnâ studiorum
 varietate) satis indicarunt , ipsum intulisse eò
 mentem retinentissimam suę perpetuæ tran-
 quillitatis. Aulici vrbis Romæ, tum maximè,
 si ṽmquam aliàs (vti sunt ad omnem auram
 spei mobiles) pro se quisq; ominari fausta, atq;
 adeò ferre sermonibus & multiplicare famâ
 præstantiam Heri sui, consueuerunt. Proin-
 de sunt diuersi in ore tunc frequentissimæ
 Ciuitatis; & id efficit partim varietas meri-
 torum; partim intemperantia vetus, donec
 Patres vnum eligant, plures, & varios desi-
 gnandi. Tametsi verò Ordo ille Purpurato-
 rum tantam habeat sup̃remo cum hōnore
 propinquitatem, vt ferè nullus sit adeò sper-
 nendis honoribus validus, contemptorq̃ue
 gloriæ, cui non aliquantulum cupiditas il-
 lius animum commoueat; de Cardinali Bel-
 larmino potest illud affirmari, ab ambitionis
 aurâ pectus ei intactum fuisse penitus. Rece-
 perat enim se intra nidulum humilitatis; &
 meditans imperfectum suum, iudicauerat si-
 bi prorsus impares vires esse, ad onus illud
 humeris etiam cælestibus formidandum.
 Imò quia fastigium omne supremarum di-
 gnitatum, putabat finitimum esse ruinæ lo-
 cum; sibi numquam imperare potuit, vt
 Pontificatum inter res optabiles recenseret.
 Quocircà sermones de illo miscere solitus
 erat,

erat, tamquam de re quam fugeret anhelus, & sancto quodam horrore metueret. Aliquando exhilarari se eâ cognitione dixit; quòd, qui oraculo ineuitabili Pontificis, minitantis certum animæ vulnus, ad Purpuram fuerat vocatus, ad summum Ecclesiæ Sacerdotium adigi non posset; nam in interregno, imperandi ius esse nemini arbitrabatur: tantum à studio humilitatis inuentus aliquid ignorare is, qui omnes docuerat. Hunc eius animum, ab ambitione omni alienum, Alexander Cardinalis Vrsinus describit fermè his verbis: *Agnoui, inquit, quàm præclarè dimitteret se, cùm in conclauì, ab excessu PAVLI V. Pontificis, me in cubiculum suum ducens, narrare quasdam suas rationes & causas cœpit, propter quas indicabat dedecere omnino, vt de se eligendo ulli cogitarent. Has verò mihi aperuit famulo suo; quem trahere in arcanos sermones, & pectoris sui participem habere pridem consueuerat. Adiecit postmodum fore sibi gratum in primis, si commonesacerem, dum eligendus fortè proponeretur. Hæ cogitationes in Cardinali Bellarmino non oriebantur ex eo, quòd sentiret de se magnificè; sed quia pars magna Patrum erga ipsum ad eò erat inclinatis animis, vt ad murmuratione secundissimâ, dignum S. Petri successorum eum plurimi acclamarent. Quod de*

se S. Hieronymus testatur, *Totius*, inquit, *in me Urbis studia consonabant; omnium panè iudicio dignus summo Sacerdotio decernebar: dicebar Sanctus, dicebar humilis, & disertus.* Ex propensione verò, quâ in eum ferebantur Cardinales non ita pauci, factum omnibus his tribus comitiis est; ut in primâ suffragatione, quam *Scrutinium* vocant, ipse vnus Cardinales reliquos superauerit numero suffragiorum.

Certus erat deinde, Principes omnes sibi esse beneuolos; tametsi nec secretò quemquam conciliauerat, nec ad eorum vllum adhæserat. Ex quo excludebatur à nemine, & ab aliquibus etiam optabatur. Accedebat ad laudem vitæ eius, quòd tertium iam annum Capuæ latuerat, nec assiduus fuerat in oculis Urbis; quæ sæpè res minùs verendos magnos homines ipsâ satietate reddit. Hinc itaque nati sunt, præsertim in secundo conclavi, aliquot Cardinalium è primariis conatus pro eo magni; qui de ipso eligendo egerunt, tantâ cum aurâ Sacri Senatus, ut res habitura successum crederetur. Ipse interim, non modò conditionem suam non auxit; sed artes eas adhibuit, quibus, ut posset excludi, potiùs consequeretur.

Cardinali Bellarmino proprium fuit, miscere in consuetudine familiari modos quosdam,

dam, nescio dixerim, seueritatis lætissimæ, an
prisæ hilaritatis; utebatur enim interdum
non frigidis & accersitis, sed lepidis ac tem-
pestiuis iocis: ab iis tamen in conclaui sem-
per temperauit; & cùm ingenio esset summè
obsequioso, quæ res amicos parit, tum, quasi
conaretur studia in contraria ferri, minuere
comitatem, & officia vsurpare parciùs vide-
batur, ne sibi animos aliorum conciliaret. Si
qui Cardinalium intereà, recensitis meritis
eius, Pontificem nominare se eum velle si-
gnificarent; Bellarminus asserere contrà ra-
tiones plures: & de se contemptim, magnifi-
cè de aliis loqui; proponere etiam eos, quos
pro tanto honore credebat eximios; ita vt fa-
cilè appareret, nihil magis eum agere, quàm
vt obstaret gloriæ suæ. Addebat, fore rem
fortasse pœnitendam Cardinalibus, si ipsum
eligerent, qui genus ducebat ab Auis adedò
longæuis, vt superstites fuèrint vsque ad ex-
tremum senium: ideò enim metuendum
esse, ne Pontificem viderent nonagenarium,
asserebat. Atque ea sparsit in primis Comi-
tiis, cùm adhuc vegetus, & viribus prosperis
erat, Cardinalis à Dietrichstain refert, Car-
dinalem Bellarminum in propriâ cellulâ, eo
vestigio temporis, cùm de ipso eligendo de-
liberarent Patres, repertum à se ita in tran-
quillo agere, ac si videretur animus eius tum

maximè à curis omnibus feriari. Dein cùm indicasset, quæ tum de ipso cogitarent Patres; statim respondisse: Hoc verò absit; nam est animus, ut me abdicem quoque hac Purpurâ, quam gero.

Interim nec voce nec nutu gratam sibi esse operam ostendit, quam Cardinalis Baroni-
 us, Princeps amicorum eius, tum obtulit; cùm differens, Pontificatum famâ, spe, veneratione ipsi à multis destinari, quem humilitas tamen quasi in occulto haberet; adhortatus est, daret Patrum consensui spatium de se, panderetque sinum venienti Deo, & per illos eligenti; ac sponte etiam promisit, adhibiturum se omnem industriam, quò res succederet ex voto. Etenim ei Cardinalis Bellarminus supplicare statim enixè cœpit, ne se tantæ dominationi, atque eius periculis obiceret. Atque hîc ego non possum, quin admirer, viros duos eximios, inter se de Sacerdotio summo, alterum offerendo, alterem recusando agere; de quibus dubites, vter dignior principatu esset: cùm vitam, in quâ nihil præteritum excusandum erat, honorem ætatis, urbanam gratiam, doctrinam, atque promerita potuissent inuicem commemorare, neuter falsò: & tantùm addere, Dignus ego fortasse, nisi tu potior habereris. Non hæc audita tamen: non gratiæ redditæ: qui
 solet

solet esse finis talium sermonum. Imò officium ita repulsum, vt offensus eo Bellarminus videretur. Adiunxit verò, se ita esse comparatum, vt nec stipulam, quæ tum fortè iacebat humi, tollere loco vellet; si minimus ille conatus, vt Pontifex euaderet, requireretur. Multò minùs angi animo visus est, aut perturbari; quando, sententiis in Senatu variatis, electus non fuit: vt qui repeteret crebrò, munus Pontificis laborem esse periculosissimum, & periculum laboriosissimum. Sunt, qui referant, à Cardinali solitos deinceps nominari cum commendatione perhonorificâ, quotquot ipsum à potestate eâ summâ (cui rebatur minimè sibi animum parem esse) reiecerant; compellarique veluti eos, à quibus beneficium, quantum vsquam maximum, accepisset.

Intereà morem institutum, circa munia pietatis, non tenuit modò constanter, sed auxit imò; & diutiùs, quàm domi soleret, illum frequentauit: postulabat à Deo quotidie cum suspiriis, & gemitu cordis, vt quem destinauerat, mitteret. Subinde vel in cellulam suam, vel in solum ac secessui similem locum se recipiens, vt Rosarium & diuinos Psalmos recitaret, seu libellum aliquem pium euolueret: iterabat idemtidem hæc verba: *A Papatu libera me Domine; & mitte, quem missurus es.*

Iuxta consuetudines Conclauis, pane & obsoniolo vno victitauit semper, ne vel minimam eius temporis legem transgrederetur. Libertatem vt retineret in eligendo, suffragium nemini oppignorauit, præterquam Conscientiæ ac Deo; sicut nec antea aut prouentus, aut quæuis speciosa pretia venalis libertatis ab vilo vmquam è Principibus acceperat. Religiosus vir quidam anxie eum monuerat, significaueratque, propter gratiam impetratam à Pontifice, ex voto Ecclesiastici nescio cuius, offensum ei Neapolitanum Proregem; & posse hunc impedire, cum res ferret, ne Pontifex eligeretur. Rescripsit Cardinalis Bellarminus, haud se facti pœnitere: etenim studio Ecclesiasticæ libertatis, Pontifici auctor fuerat, vt ita deliberaret. Crederet verò, si excluderetur à supremo Sacerdotio, nomine Regis Hispaniarum, id sibi fore gratissimum, cum illud numquam ambierit. Ceterum è MARCELLI II. Sorore se natum esse; & se nosse spiritus, nosse animum eius: abiturum itaque in Auunculi mores; cui Ministri Cæsaris interminati cædem etiam fuerant, si Concilium, vt Pontifex mandauerat, Bononiam transtulisset; nec eum propterea iis terroribus auertere, ab inchoatâ illa tractatione, potuerunt. Quippe cum diceret Cæsarem posse corpus, interius se Principe, interimere;

re; in animâ non patere eius vulneri locum:
& Deum, iudicem æquissimum, cunctis esse
metuendum.

Hac innocentîâ Cardinalis Bellarminus
electioni trium Summorum Pontificum in-
terfuit; primò LEONIS XI. qui sedit tantum
ad dies quinque supra viginti. Dein PAULI V.
qui præter expectationem, quam excitauerat
magnam, dotibus excellentis animi, & pror-
sus facti ad Mundi gubernationem; exhila-
rauit Cardinalem Bellarminum, vel ideò,
quòd formâ corporis esset augustâ, prosper-
rimâque; ex quâ ominatus illi annos, quos
postea vixit, sibi visus est securus à metu, ne
ad ea suffragia denuò rediret. Quamquam
etiam huic superstes, interuenit postea Co-
mitiis GREGORII XV. in quibus ipse emi-
nens inter alios, & velut omnium animos ge-
rens in voce & in consiliis suis, tantæ digna-
tionis est habitus, vt potuerit morari frequen-
tissimum Senatum, ne (quod destinauerant
plerique) eligerent nouum Pontificem, prius-
quam valuis parietibusque secretum electio-
nis custodiretur; Populus, & Proceres, Ora-
toresque Regum loco prohiberentur; recita-
rentur Diplomata Comitiorum, & tranquil-
lissimè sancti Spiritus numen imploraretur.
Quod meritò Cardinalis à Monte, Decanus
eius supremi Ordinis, vti rem, quam ad me-

362 VITÆ ROBERTI CARD. BELLARM.
moriā omnia sæcula ferent, existimauit testimonium esse posse venerationis magnæ; quā Cardinali Bellarmino sacrum Collegium deferēbat; quasi priuato suo consilio maiorem, pro communi re, cetero senatu animum haberet.

C A P V T V I I I.

Abdicat se Capuæ Archiepiscopatu, vt obediāt Pontifici, eiūque Romæ seruiat.

INter laudes alias, quas Cardinalis Bellarmini doctrina, integritas, & prudentia meruit; semper videbitur egregia opinio illa, quā apud omnes Summos Pontifices excelluit ad eō, vt non ob causas alias penes se ipsum attinere voluerint, quā quod agnoscerent columen Ecclesiæ ipsum esse; & posse consilia, posse nutus eius, pro decretis Patrum, & pro oraculis haberi. Propterea LEO XI. qui CLEMENTI VIII. in Pontificatu successit, denuntiauerat ei, se haud permissurum, vt extra Urbem Romam ampliùs degeret. PAVLVS V. qui diu postea sedit, eum per æquē morari in Vrbe voluit; cū haud decorum existimaret, si alia eum Ciuitas, omisā Vrbe vnde in omnia regimen, distineret. Huic deliberationi (quā & præsenserat, & prænuntiauerat sæpè) minimè ausus est resistere Cardinalis.
Bellar-

Bellarminus; vt qui satis agnosceret, Dei mentem exprimi per interpretem vocem Vicarij eius. Quamquã id non magnopere fuit ex voto eius, cùm delectari cœpisset dulci quæstu animarũ; quod litteræ eius testantur, in quibus Sponsæ suæ carissimæ valedicere se, cum suo & sponsæ mœrore graui, sæpenumerò scripsit: & professus est id agi dumtaxat, propterea quòd ita Pontifici placitum esset: cùm alioqui, procul à strepitu Aulæ, Pastoris munere fungi maluisset. In hanc sententiam Iusto Baronio (cui persuasio erat, Cardinalem ideò se abdicasse, quoniam, vt legerat apud S. Hieronymum, putaret Episcopatum rem ærumnosam esse) rescripsit, causam non illam fuisse; sed solam voluntatem Pontificis: cui vt obtemperaret, necesse habuerat subire in Romanâ Vrbe molem occupationum miseram, & molestissimam; quarum comparatione, Pastoris sollicitudinem appellare poterat delicias suas.

Postquam ergo decreuit Pontifex, vt inter Aulæ ornamenta in Urbem maneret Bellarminus veluti columna, cui onera sanctæ Sedis inniterentur; vtrò ei gratiam residendi obtulit, præsertim cùm ad initia Principatus instarent negotia grauissima. Sed cùm abnueret ipse; ne vel minimùm declinaret sanctiones & decreta sacrorum Canonum, in quibus

bus præcipitur Episcopis, ne greges proprios deferant, deliberavit potiùs Ecclesiæ nuntium remittere: & tum non defuere, qui conarentur ipsum ab eo consilio retrahere, dum proponerent instar exempli Episcopos non ita paucos primæ auctoritatis, qui non resederant ad occasiones eiusmodi; & dum adderent, inter abdicationem illam, & novitatem successoris, amitti posse opportunitatem rei benè gerendæ; & posse contrà, vnum ipsum, quidquid providentiæ absentiæ, & moles, & multitudo negotiorum adimeret, supplere opinione atque vsu rerum, ac per Administratos expertos rectè omnia procurare. Nihilominus constans in proposito mens eius fuit; tum quia sequi maluit securiores sacrorum Canonum interpretationes, tum quia triennio didicerat, quantum boni ouibus adferat præsentia Pastoris. Itaque Pontifice consentiente, vt abdicaret se Archiepiscopatu, scripsit Clero, & Senatui Urbis Capuæ, ferè in hunc modum: *Meministis, reor, me istic pro concione ultimâ dixisse, futurum, vt non remigrarem ampliùs; tametsi cuperem & sperarem reditum ad vos. Sed & addidisse, integrum sub nouo Pontifice mihi non futurum, vt Româ discederem. Mensis est, ex quo Pontificem rogaui, iuberet negotia quædam grauiâ ultra Autumnum non trahi, cùm eo tem-*

pore

pore reuersionem meditarer ad Ecclesiam meam: sed fuit ea res occasio, vt Pontifex indicauerit, velle se, vt deinceps Roma agerem. Tum subdidi ego, à me imperium non detrectari; sed religioni tamen duci, si Archiepiscopatum retinerem. Proinde, aut me Capuam remitteret, aut Ecclesia mea Pastorem inueniret. Hoc secundum approbavit Pontifex; ac iussit, vt successorem idoneum perquirerem. Pro me illud affirmauerim, non sine sensu doloris mei nos inuicem separari; siquidem Ecclesia isti accommodaueram ego amores meos. Optabam insuper iam, vt nunquam aliàs, denuò istic ingemere laboribus, & obsignare hoc symbolo dies postremos vite meae. Fateor etiam, istic plus me quietis habuisse, & vixisse contentum magis, quàm Roma viuam; ubi nec ad diem vnum mihi à laboribus assiduus feruari animo licet. Sed Diuina Voluntati par est acquiescere; subitq; animum (quod & dixi pridem abiturus) fructum tenuem, quem Capuae tres annos percepi, fortassis mutationis huius causam esse. Quid si enim Episcopus supremus Christus Dominus experiri velit, an Episcopus alius iunior, atque validior, messem allaturus sit cumulationem? Polliceor futurum, vt non abrumpere charitatem erga vos videar, & erga Ciuitatem istam, cuius regimen intra spatium bimestre deferam; at potius immolans Deo sacrificia votorum meorum, seruabo semper vestri

stri memorem animum. Item, quâ priuatim, quâ publicè, prodero unicuique; & poterit vestra Ciuitas opinari, habere se Archiepiscopos duos, Roma alterum, & alterum Capua. Atque ut hîc scribendi finem faciam; fausta deprecor vniuersis, optoq; gratias Deo referri, quoniam ita disposuit, & flagitari pro nouo Antislite fauentem auram Spiritus sancti, &c.

Interim, dum versaret animo, quem pro se gubernaculo illius Ecclesiæ posset præficere (quam ita rexerat, ut strenuo etiam successori videretur futura difficilis eius æmulatio) amici rursus consilia dederunt, ut ex familiarissimis, quorum sæpè allaudauerat virtutem, & quos expertus fuerat fideles in procuratione animarum, vnum eligeret. Nam hoc pacto, aiebant fieri posse, ut quæ ad obsequium Dei inchoauerat ipse, eadem certiùs alter prosequeretur; nec deprehenderetur ferè Episcopi mutatio. Addebant, mansuras in tuto pias largitiones: nam adleuus quiuis ex hoc ordine, & haud dubiè contentus paruo, integrum ei reliquisset, ut de liberalitate nihil remitteret. Quòd si succederet alius, non temerè id metui: quia in comperto est, quàm soleant facilè benignitates hominum perire. Sed hæc magis auribus, quàm animis, à Cardinali Bellarmino accipiebantur; conscientia intus suadente, ut offerret Deo volunta-

luntatem perfectam. Quare Pontifici totius rei permisit arbitrium, & tantummodò, siquidem ita ille iusserat, delectui habendo, viros idoneos aliquot nominauit; sollicitus, vt tanti possessio Archiepiscopatus, vacuo ab se relicto loco, alteri satis digno traderetur. Electus fuit Antonius Caietanus; qui obiit deinde conscriptus inter Augustos Patres; & quem generis summa claritas, prudentiaque singularis, & apta negotiis magnis, sine prosperrimo terminandis, atque adedò gratia tum apud Regem Hispaniarum, tum apud ministros Regni Neapolitani, plurimum ad id commendabant.

Supererat, vt de prouentu annuo Cardinalis Bellarmini aliquid statueretur: nam ante eam diem, ferè solis Archiepiscopatus redditibus aluerat se: in quâ tractatione, si vquam aliàs, moderati animi gloriam adeptus est. Monuerat Pontifex, vt nouo Archiepiscopo daret quotannis aureos mille; & summam reliquam suo relictam vsui putaret. Verùm ipse, ratus fore satis diuitem se, si bonam famam sibi seruaret; maluit censum vniuersum, cum Archiepiscopatu, redire ad Pontificis manus. Nam, quia dixerat sæpè, haud licere vxori valedicere, & ipsius dotem retinere; volebat, vt facta dictis fidem facerent. Præterquam quòd nec decere arbitrabatur,

batur, facultatem Archiepiscopo non relinquere, erogandi egenis quæ vellet, ac deberet, iuxta Sacrorum Canonum præscripta. Hæc fama temperantiæ eius, quàm secundâ admurmuratione excepta Romæ fuerit, facilius potest intelligi, quàm referri: adeò huius rei sunt rara documenta. Pontifex tamen, qui auctor erat abdicationis, haud permisit degere apud se in Aulâ Cardinalem tantę opinionis ac meriti, & interim summâ aureorum nouem millium annuè priuari: nam hæc ratio tum, ex auctis ipso Antistite Capuæ redditibus, conficiebatur; tametsi septem non ampliùs millia à conductoribus priùs exsoluerentur. Proinde quoniam ita tenax propositi, etiam redditibus sponte cessit, ne, quod aiebat, sponsam sine dote alteri traderet: Pontifex victus non constantiâ magis quàm admiratione virtutis, suæque meditationi relinquens, iustum ei censum aptare; effecit vt nouus Archipræsul, beneficia nescio quæ ei cederet vicissim, & decisam ab Archiepiscopatu pensionem insuper annuè solueret: quò in hunc modum, pro honore Purpuræ, Cardinalis Bellarminus semet, & familiam suam aleret.

His dispositis, necesse habuit, Ecclesiasticæ iurisdictionis tuendæ causâ, rem aggredi fatis à moribus suis alienam; expertus Taurini

rini difficultates, in adeundâ possessione Prioratus, quæ vocant, S. Andreæ. Anno M. DC. IV. Clemens VIII. Pontifex beneficia aliquot simplicia Ordini Militari SS. Mauritij ac Lazari concesserat; inter quæ nomen expressum erat huius Prioratus: & tum eo potiebatur Antonius Caietanus, creatus dein Archiepiscopus Capuæ. Is Prioratum illum contulerat Cardinali Bellarmino: Dux Sabaudia tamen, Magnus Præses Ordinis, ipso initio acquisiti iuris, haud probabat, eos prouentus denuò in alium Dominum transferri; maluisset verò vt manerent, saltem titulo tenus, in aliquo Equite Ordinis. Dum res ea tractatur, circumegit se annus; & tandem Dux, Pontifice annuente (vti is numquam in animû induxerat, Cardinalem Bellarminum illis redditibus priuare) deliberauit, fratris filium, & ei cognominem, Robertum Bellarminum, gestamine magnæ Crucis insignire, & loci Commendatarium constituere. Sic magnitudo beneficij moram compensauit; & fratris filio fuit honori atque præsidio Patruï virtus: ac simul, tum Ordo beneficij possessionem adiuit, tum Cardinalis Bellarminus prouentus suos inde sumpsit; numquam immemor obligationis magnæ erga Sabaudia Ducem, propter oblatum vltro beneficium familiæ suæ, cùm huius illa subfi-

370 VITÆ ROB. CARD. BELL. LIB. IV.
dij admodum indigeret. Itaque functus iis
curis animus eius, par negotiis quibusuis in-
gentibus obeundis, impendere se cœpit in
publica munia, ex destinatione Pontificis; &
moratus est Romæ, hoc est, in Vrbe consul-
trice Ecclesiarum omnium.




VITÆ

VITÆ
ROBERTI
CARDINALIS
BELLARMINI
E
SOCIETATE IESV
LIBER QVINTVS.

CAPVT PRIMVM.

*Ecclesiam Politianam, dum proprius illius
Episcopus abest, annos aliquot guber-
nat.*

VM ad initia principatus Pau-
li V. esset abiturus in Gallias
Legatus, Robertus Vbaldinus
Politianæ vrbis Episcopus, qui
iam est inter Purpuratos Patres;
is ne Ecclesiam suam incustoditam relinque-
ret, Cardinalem Bellarminum, qui abdicaue-
rat se non ita pridem Capuæ Archiepiscopa-
tu, rogauit, vt illius gubernaculo præesset in-

terim : nam eam regere ipse, propter legationis munera, & regionum longinquitatem, ægrè, aut vix poterat. Id verò flagitauit tam impensè, vt Cardinalis Bellarminus consenserit; præsertim vbi conscius factus est, idem quoque à Summo Pontifice desiderari. Verùm, cùm reputaret, quàm sit res formidanda, propter administrationem animarum, debere se sistere supremo Iudici ac Pastori Deo; professus est, illud onus haud subiri à se alio titulo, quàm solius obligatione charitatis; & hoc in Pontificio Diplomate exprimi singillatim voluit: quod factum est in hæc verba: *Per præsentem autem non intendimus curam aliquam aut onus animarum tibi imponere; sed facultatem tantum præmissa faciendi, vt tua in Ecclesiam prædictâ charitas suadebit.* Sollicitudo tamen & vigilantia, quâ Ecclesiam Politianam gubernauit, eum iustum Antistitem, & non precarium, Diœcesi vniuersæ repræsentauit.

Statim Etruriæ magnum Ducem, Ciuitatis illius Dominum, certiolem reddidit initæ deliberationis; significauitque, inductum se ad id vehementi postulatione Episcopi, & imperio etiam Summi Pontificis. Porro, sicut defugere onus nequiuerat; ita conaturum se, vt cuncta ei obsequenter fierent: nam neque ab ipso Duce quidquam exigendum præ-

præter fas & ius arbitrabatur. Pòst manum, ad eiusmodi curas idoneam, admouens gubernaculo, proposuerat Ecclesiæ illi, non per vicarios tâtum præesse, & per litteras cognoscere de statu eius; sed eò quotannis immigrare, & in custodiâ gregis ibidem interuallo aliquo morari. Pontifex tamen, qui Capuæ veluti sepositum perseuerare eum noluerat, sed præceperat potiùs, vt pro Ecclesiæ Vniuersalis necessitatibus grauioribus Romæ interesset, veniam abeundi pro eo negauit Orationibus Cleri Urbis Politianæ. Et tunc piæ Cardinalis querimonix auditæ sunt; vt qui censeret haud posse, dum aberat, Pastoris semunera implere, iuxta votum amplæ suæ charitatis. Et quia Pontifex postulanti etiam ipsi responderat, permissurum se, dummodò animi causâ, vel studio amœni secessus eò cogitaret; non verò vt ibi tamquam Episcopus resideret; variato potiùs ordine id concedi oportere, iudicabat. Sed eius virtus in semet seuerior, quia numquam se inuitabat ad speciem vllam honesti laxamenti, Pontifici perspecta erat; qui arte illâ vsus est propterea, vt quod negabat constanter, id condiret eâ oblatis otij & secessus libertate. Itaque destitutus hac spe Cardinalis Bellarminus, quia Vgo Vbaldinus, S. Petri in Vaticano Canonicus, & Politiani Episcopi ger-

manus Frater, negotia Episcopatus Romæ cum eo tractauerat; decreuit virum egregium, & in quo deprehenderat probitatem magnam virtutemque singularem esse, mittere in Politianam urbem, ut lustraret Diocesim, ac referret de statu eius; quod ita sapientius, quæcumque in rem forent, deliberaret. Acta sunt hæc, ut optauerat: & tum gnarus rerum, videbatur sibi aduigilare securius Ecclesiæ illius necessitati. Exinde cœpta sunt sacra mysteria ibi obiri decenter, ritè ministrari verbum Dei, rudes sedulò institui, Cœnobia instrui quibusuis vitæ sanctioris præfidiis. Fuit enim etiam Religiosis viris forma viuendi præscripta; in Clericis pietas & mores honesti reffloruerunt: demum omnibus rectè faciendi, aut iniecta est voluntas, aut imposita necessitas.

Inter alia digna memoratu, quæ tum egit, haud postremum fuit, quod conatus sit Constitutiones eius Ecclesiæ recognoscere, easque ad formam illam exigere, quam ætas præsens & Sacra Tridentina Synodus requirunt. Anno M.D.XLII. Pontifex Cardinali S. Crucis, qui fuit deinde Marcellus II. Diplomate Apostolico auctoritatem dederat condendi Ecclesiæ Politianæ leges: nam ea tum redacta in Collegij formam erat; sed exempta ab Episcopali iure, & nullius Diocesis. Quæ igitur

igitur sanciuerat ille, ea etiam ita confirmauerat, vt nequirent absque veniâ Primæ Sedis immutari. Quia tamen Pius V. Pontifex, Ecclesiæ Politianæ concesserat Episcopi honorem; Constitutiones illæ veteres nouo vsui parum aptæ visæ sunt Antistiti, qui primus ei præfuit: & ideò is anno M.D.LXVI. leges alias, Sede Apostolicâ non rogatâ, nec consultâ, introduxit, quas tum ipse, tum Successor ipsius seruarunt. At post obitum vtriusque, tam priscae quàm nouæ leges, desuetudine, vti fit, cessarunt. Atque hinc Vbalinus Antistes, & vnà etiam Clerus Politianus à Paulo V. Pontifice flagitarunt, iniungeret Cardinali Bellarmino, vt Constitutiones, quas Cardinalis S. Crucis Auunculus eius tulerat, ad præsentem vsum aptaret: adderetque, vel demeret eas, quæ magis Ecclesiæ illi congruere, vel secùs, existimarentur. Cardinalis Bellarminus, vbi accepit, pro eâ re, Apostolicæ Sedis Diploma; voluit, vt Canonici omnes assensum darent, pro legum illarum mutatione; & vt se admissuros ea, quæ statueret ipse, pollicerentur. Tum indagare studuit, quæ magis conducere possent ad statum illius ordinandum: & Constitutiones condidit quidem; sed antequam illas Pontifici traderet (ratus plus pollere multorum ingenia) ostendit easdem amicis Episcopis

376 VITÆ ROBERTI CARD. BELLARM.
aliquot, qui habebantur in eâ peritiâ longè
primi, vt conferrent mutuò sermonibus: at-
que ita magis à curâ, Paulo V. negotium præ-
parauit.

Pontifex, vt fuit illi proprium atque per-
petuum, singula quæ erant huiusmodi, suæ
meditationi tradere; & vt ferè nihil motum
ex antiquo probare consueuerat; veteribus le-
gibus viuere maluit. Canonicos, tametsi pa-
rum illis idoneæ viderentur; mutatis dum-
taxat paucis, quas vsus aut status præsens non
admittebat. Hoc refert in Epistolâ suâ Car-
dinalis Bellarminus: *Scire, inquit, vos velim,
Summo Pontifici, cuncta quæ optastis, fuisse
à me proposita: sed ipsi placuit leges non abro-
gari, quas Cardinalis S. Crucis, auctoritate
Pauli III. sancit olim: passus est tolli eas tan-
tummodo, quas vsus aut status nouus Ecclesia
reiceret: addi verò iussit, quas Sacra Tridenti-
na Synodi præscripta, vel postmodum edita
Summorum Pontificum Diplomata, communi-
ter pro Clero introduxerunt. Constitutiones
omnes legit ipsemet, & æstimauit singulas; ac
denique, quod modo scripsi, deliberauit. Quæ
igitur vobis minùs placent, mea non sunt, sed
sunt Cardinalis S. Crucis, & Pauli V. Summi
Pontificis. Me verò contradicere nõ decuit Car-
dinali tantæ integritatis; vel etiam ei, quem vt
Dei Vicarium in terris Ecclesia veneratur.*

Sed

Sed anceps & diu tristis fuit alia tractatio, cum Cardinalis Bellarminus, vt ibi augeret quotidianas distributiones, quæ tenuissimæ erant, optauit adiungere Clero primario beneficium aliud, cum onere procurationis animarum; quod tum vacauerat, propter obitum Pastoris Ecclesiæ S. Mustiolæ. Visa etenim ei est ea occasio peropportuna, vt eadem distributiones magis copiosæ redderentur: ideoque sepositâ cogitatione, aliorum priuata in se merita munerandi pensione aliquâ, cuius beneficium illud capax erat; hoc egit eò lubentiùs, cum beneficia eius Diocesis rara admodum essent. Sperabatur etiam illud commodi, vt Cœnobio piarum Virginum S. Bernardi, ad S. Mustiolæ, hoc pacto adimeretur onus procurationis animarum. Rem tamen desiderans consultiùs auspicari, conferre primùm de eâ voluit cum Cardinali Arrigono, Datario, & viro eiusmodi negotiorum expertissimo: deinde agens cum Oratore Etruriæ, explorauit num ea Magnæ Ducis, quæ tum regebat, mens & voluntas esset: demum totius Ciuitatis, Parochorum præsertim, consensum accipiens, re dispositâ, & nemine intercedente, impetrauit Summi Pontificis Diploma, & ritè adiri eius possessionem iussit. Non ita multò post, pauci ex Tribu seu Parœciâ extinctâ, litem inchoa-

runt coram Nuntio Apostolico Florentiæ ; idque egerunt eò securius , quòd conatibus ipsorum fauerent , nescio qui præpotentes in Aulâ Principum Etruriæ . Cardinalis ægrè enimuèrò tulit , aduersarios eò niti , vt rem dissoluere molirentur , quam maturitas tanta consiliorum , Summiq; Pontificis auctoritas stabiliuerat . Idcirco vt motus illi sedarentur , ad Magnam Duce[m] Etruriæ , aduersus eos moratores publici boni , litteras dedit ; fassus in eis , futurum fuisse , vt si sensum illum paucorum hominum , qui factam aggregationem trahebant in deterius , initio comperit habuisset , priusquam Clerus procuraret impendiis suis Diploma Pontificium , ab incepto statim desisteret . Sed retractantes eos esse , postquam à Summo Pontifice sancita res erat , & à Cardinali Arrigono Datario meditatè admodum concepta , Oratore ipso Etruriæ particeps & conscio , successu item pro Clero vtilitatis summæ , pro Religiosis Virginibus S. Bernardi summæ etiam quietis , hoc existimari non ferendum . Deinde litem obortam esse , quæ damnosa singulis priuatim , damnosa vniuerso Clero , nihil aliud , quàm exagitatis iuxta & importunis exagitationibus expensas , Ciuib[us] verò dissidia creare poterat . Ad Epistolæ finem à Magnâ Duce flagitauit , permetteret Sedis Apostolicæ Nun-

Nuntio rei totius arbitrium; & silentium imperaret iis, qui soli factum carpere (quod tamen approbauerant omnes) videbantur. Rescripsit illa in hunc fere modum: *Semper fuit mihi persuasio, nihil solere à te, nisi admodum circumspicere, agi; & aggregationi Ecclesie S. Mustiola intercessi tantummodo, quoniam ex eâ aiebant incommoda & turbas oriri. Sed ex quo agnoui perpaucorum hominum querimoniis falso hæc spargi, ac Ciuitatem in tranquillo esse; nec debeo, nec possum, quin probem ac laudem, quæ tu egisti, & quæ Summus Pontifex approbavit. Nuntius Apostolicus satis conscius est, me nec locutam esse, nec præcepisse ulli, ut loqueretur pro causâ istâ aliter, atque in præsentia scripsi: & hoc desidero, ut perspectum habeas; sicuti nouit Archidiaconus Politiana Ecclesie, qui me propterea conuenit. Quod superest, ex more antiquæ obseruantie meæ, manus tibi deosculor. Florentiæ, VIII. Idibus Iunij M. DC. XIV.*

Sed cùm turbarum fomes non idèò extingueretur, vitio quorundam, qui Cardinali Bellarmino infensi erant; & quibus ipsa eius voluntas benefaciendi, grauis videbatur; decreuit abdicare se eâ præfecturâ, & curas deponere, in quibus felicitas deerat. Secuta verò est tranquillitas; & stabile fuit id, quod pro Clero disposuerat.

Sic

Sic ipse, postquam sollicitudine mirâ ad quadriennium Ecclesiam Politianam rexe-
rat, asseruerat Clerum in formam optimam,
censum eius ampliauera, atque omnem ad-
hibuerat conatum, vt Societas IESV in eam
urbem reuocaretur; annuente Pontifice, ad-
ministrationē eiusdem Ecclesiæ Vgoni Vbal-
dino cessit, qui apprimè capax illius iudica-
batur. Nihilominus, quàm constanter pie-
tatem erga patriam etiam deinceps coluerit,
gestis in gratiam eius affirmavit: quia pluri-
mis conditionem petentibus interpret & de-
precator apud Principes fuit; ambiguus con-
silia, subsidia egenis, suppeditauit: & erga sin-
gulos, atque vniuersos partes impleuit opti-
mi, dicerem potius Consulis, quàm Cuius.

CAPVT II.

*De Patrocinio, tum Ordinis Cælestinorum,
tum piarum aliquot familiarum.*

INter occupationes alias, quas Romæ ob-
leunt Cardinales, vt Summo Pontifici ad-
iumento sint in regimine Ecclesiæ Vniuersa-
lis, patrocinia numerantur, non Regnorum
modò & Prouinciarum, sed etiam Ordinum
Religiosorum: distribuit verò eisdem Cardi-
nalibus idem Pontifex istiusmodi Præfectu-
ras. Hoc munere pariter fungi Cardinalis
Bellar-

Bellarminus debuit ; & fuere sub tutelâ eius Ordo Cælestinorum , Cœnobium in Vrbe Sacrarum Virginum S. Marthę, & Collegium Nationis Germanicæ.

Patronus Cælestinorum renuntiatus est anno M. DC. VI. & spem Religiosi magnam conceperunt , futurum vt sub ipsius tutelari fide, inciperent omnia felicitate quadam domi forisq̃ue temperari. Ipso initio, cùm instarent Ordinis Comitia ; quia non satis no- rat, quinam apti essent vt eligerentur, decreuit per litteras eos ad electionem laudatissimam hortari. Significauit verò, se, postquam egisset cum Pontifice de ipsorum communi bono, & singillatim de Antistite Ordinis Supremo, deq̃ue aliis Præpositis deligendis ; gratiam illis impetrasse ab eodem Pontifice, vt libera forent Comitia, nec externi vlli eis præfiderent. Ad hæc mandauit, vt libelli in commendationem aliorum, siue ad Comitia generatim, siue ad singulares Religiosos missi, non traderentur iis quibus inscripti erant ; sed seruarentur, donec absoluta esset electio Antistitum omnium. Quòd si quæ fortè epistola, inter eas litteras gratiæ, negotium aliud contineret ; tum ex Ordine vnus, probitate & consilio eximius, legeret illam, ac redderet ei cui destinabatur, dummodò fauorem nemini conciliaret. Prohibuit quoque, ne in-
tereà

tereà temporis famuli, vel per syngraphas, vel ore tenus, quidpiam eligentibus nuntiarent; & demum iussit has leges, utpote asserentes suffragiorum libertatem, publicè in Comitiiis recitari. Ad finem epistolæ insinuauit, cupere se, ut succederent tranquillè omnia; & ut in id conspirarent cuncti, quò Diuinæ gloriæ, atque vtilitati Ordinis vnice cōsuleretur.

Triennio pòst, cùm ad suffragia redeundum esset, quia iam nouerat, in quem virtus, in quem inclinaret fauor; & quia Religionis necessitates perspectas habebat; solertiâ maiori, ut ritè Comitìa celebrarentur, procurauit. Itaque recurrentibus iis ad annum M. DC. IX. Episcopum Soræ, qui deinde Archiepiscopus Tarenti fuit, voluit in eo confessu pro se præsidere; & hic postmodum de electionis successu ad Cardinalem Bellarminum retulit. Comitiiis tertio denuntiatis, ad annum M. DC. XII. haud visæ satis hæ industriæ sunt Cardinali Bellarmino; sed statuit coràm adesse. Itaq; ad Abbatiam Moronis, quam appellant, prope Sulmonam contulit se; & ne expensis nimis Cœnobium premeret, eò cum Asseclis paucis migravit; tametsi Religiosi rogarent, ut accerferet ex familiâ reliquos, ne adesset sine honore comitatus. Ibi, cùm ex fluxionibus pituitæ valeret improspere, numquam potuit adduci, ut
excu-

excusato languore, vel semel à Comitiiis abesset. Monachos hortabatur quotidie, & obtinuit Orator egregius, vt nonnulli, qui ex præsentia eius nescio quid metuerant, magis timuerint Deum, & conscientiam propriam. Fatebatur verò id vnicè optare se, vt esset libera electio, & vt eligerent optimum. Sic æquissima ipsius mens, quam nec propria ratio, nec vis naturæ vehemens turbabat, efficiebat suauiter, ne in studia priuata vel in partes Religiosi discederent. Atque hinc non sine admiratione dein euenit, vt datis ferè sine variatione suffragiis, Generalis Antistes creatus fuerit P. Ioannes Baptista Sulmonensis, magnæ vir experientiæ, & diu notæ probitatis.

Post hæc, vt stabilirentur nouæ sanctiones, impetrauit à Pontifice Diploma, quod in Comitiiis aliis, indictis ad annum M. DC. XV. Antistes retineri idem posset, qui eo triennio præfuerat. Vt verò ad hoc omnes suauius induceret, epistolam scripsit Ordini vniuerso: in quâ disflerebat, veteres quidem leges Petri Cælestini, Sanctissimi Pontificis, præscribere, vt Abbas supremus, exacto triennio, abdicet se Præfecturâ; sed generalibus Comitiiis potestatem nihilominus relinqui, eum retinendi pro triennio alio. Quod si Conuentus Generalis, qui habitus est sedente Pontifice IOANNE XXII. hoc ius abrogauit; factum
id

id propterea, ut ambitioni magis præclusæ
 viæ in posterum essent. At experimentis con-
 stare, triennale spatium, quando Antistes exi-
 mius est, angustum esse; ut quæ inchoauerit
 utiliter, possit ea constanter, ne illicò vane-
 scant, stabilire. Quippe in Religiosis iis Or-
 dinibus, in quibus omnem potestatem ad
 vnum conferri, boni communis interfuit,
 magna licet ingenia eligantur; haud posse
 existimabat perfectè eos, qui præsunt, guber-
 nare, nisi aliquo modo in regimine insene-
 scant. Quæ causa est ferè, cur Religiosæ fa-
 miliæ iam pleræq; id more agant, ut vel con-
 tinuent, ad obitum vsque, in supremo Præsi-
 de Magistratum; vелеum, triennio circum-
 acto, in eisdem iurisdictionibus ad sexennium
 retineant. Demum absoluit in hæc verba:
Et quia Generalis Antistes, qui iam Ordini præ-
est, in gubernatione suâ, vota impleuit egregiè
Summi Pontificis, & mea (quæ fuit in eo pru-
dentie & æquitatis cõmendatio) cùm non possit
ulla esse suspicio affectatæ ab ipso potestatis diu-
turnioris; ut qui credere potuisset, niti se in veti-
tum, in eiusmodi procuratione; propterea spontè
flagitavi Pontificium Diploma; quò possit hac
vice dumtaxat confirmari. Verùm, quia Ponti-
fex Diplomate suo non cogere, sed suadere id
solum voluit; non possum ego, quin horter om-
nes, ut seponant respectus propria utilitatis; &
quæ

qua scripsi, perpendant accuratè: nempe quando Antistes optimus est, triennium in gubernatione prodesse parum. De me velim ea sit omnibus persuasio; consilium hoc à me proponi tantum, ex desiderio quo teneor, ut hinc Deo, & Ordini vestro decus & præsidium maius oriatur. Sic ipse; & successit quemadmodum optauit: nam P. Ioannem Baptistam Sulmonensem, Ordinis supremum Antistitem sententiæ omnium resalutarunt. Simile Diploma, ad tres item annos, Patri Celso Amerigo, qui electus primum fuit anno M. DC. XVIII. & adhuc Ordini præest, impetrauit; virum expertus egregium, tum in omni re, tum præcipuè, quando prudentiâ & dexteritate suâ Galliarum & Belgij Cœnobia, Italiæ Monasteriis aggregauit; & effecit, ut vni Antistiti Generali, vniuersæ familiæ huius Ordinis subiaceret. Negotium hoc, quia fuit à Cardinali laboriosissimè ac diu promotum, præteriri silentio non debet. Galliarum Cœnobia Ordinis Cælestinorum, & vnum in Belgio etiam, imperium Abbatis vniuersalis, excepto tributo, quod ei persoluebant annuè, detrectabāt; & peræquè recusabant, parere eminùs iubenti, aut pati eum cominùs visitantem. Obfuerat vel distantia locorum, vel inducta perperam consuetudo; quæ maturè, priusquam inualesceret, opprimi debuisset. Imò iam Re-

gni Galliarum Orator à Pontifice; Regis sui nomine, postularat; Cælestinos Italiæ Galliaëque iuberet deinceps ita distingui, vt pro Regno Galliaë Abbas Generalis alius, & Præsides Prouinciales tres constituerentur. Ex Religiosis verò non pauci hoc ipsum, quod commendatione Regis petebatur, specie Reformationis interea honestabant. Sed vota eorum irrita fuerunt. Nam Cardinalis Bellarminus, vt summo Præsidi Ordinis illa submitteret, postquam rem in Comitiis proposuerat, adiit Pontificem venerans; ne Galliaë Cœnobia, abscissa esse à Capite pateretur. Apostolico Nuntio etiam scripsit, vt cum Rege ageret; quò Abbati Generali, visitandi causâ, fieret potestas vt in Galliam veniret. Denique inchoatam procurationem non prius deseruit, quàm ex auctoritate Sedis Apostolicæ, & ex Regis consensu, licuerit Generali adire & circumspicere Cœnobia Galliaë omnia. Quod egit sanè euentu prosperrimo; vbique exceptus hospitiiis humaniter, & auditus obsequiis feliciter. Obuenere difficultates tamen, quæ propter circumstantias graues, absque indultis iis, cuiusmodi Romæ rarò impetrantur, superari non potuissent. De singulis verò, cùm ab Abbate Cardinalis per litteras certior fieret; tunc laboriosa & difficilia quæ essent, mirâ constantiâ per-

peruincens, rescribebat quid facto opus: & perueniebant responsa eius in Gallias tam properè, quasi adferret ea Cælestis Nuntius.

Sanè P. Celsus Amerigus Generalis existimauit, tractationes illas tam arduas, precibus ipsius Cardinalis veriùs, quàm humano subsidio, adeò felicem & celerem exitum habuisse. Inducebatur verò in eam persuasione, dum reputaret, sibimet in Gallias ituro prædixisse Cardinalem, futurum, ut res flueret è sententiâ; & ut cum honore cuncta succederent. Etenim exceptus à Rege beneuolè, spatium sermonis & copiam auctoritatis habuit, ut quæ destinabat prudenter, fortiter eadem exequeretur. Habentur hæc in litteris Legati Pontificij (qui iam est Cardinalis Bentiuolus) ad Cardinalem Bellarminum datis. Referunt enim, Generalem Antistitem adductum ab ipso ad Regem, priusquam visitationem auspicaretur, fuisse; & postea, dum rebus in vno loco compositis, alias atque alias adiret sedes, vbique sanctitas ab eo leges, idoneas continendis in officio iis, quorum inclinata in diffidium leuitas metueretur. Addebant, eum Lutetiam Parisiorum reuertisse, & cœpta fuisse Ordinis Comitia; atque inductos vniuersos, ut Prouincialem vnum eligerent, qui communis boni perstudiosus semper, lenique ingenio, & vir

factus ad quietem visus fuerat, dum inuicem diffidiis alij differrentur. Ne multis, restitutam fuisse legibus vim antiquam, & firmatum nexum inter Galliaë Italiaëque Cœnobia; dimissis propterea, faustâ cum acclamatione, Comitibus. Quæ omnia, quia Generalis Antistes circumspicere & prudenter gesserat; fatebatur ex eo factum, ut expectationem omnem superarit. Legatus deinde, ne fortassis hæ officiosæ commendationes viderentur, hæc adscripsit manu suâ:

Ne id scribi exaggeratè putes; quia nihil potest tam magnificè dici, quin hoc virtus P. Generalis, fama, & commendatio superet, cum quâ in Italiam rediit. In partem verò præcipuam laudis huius tu venis; quia auctor suscepti itineris in Gallias ei fuisti. Lutetia Parisiorum, IX. Kal. Nouemb. M. DC. XVIII.

Sed & epistola noui Prouincialis Galliarum, hoc totum vni adscribit Bellarmino; dum in eâ, *Statim atque à te, inquit, litteras accepi, datas XIV. Kal. Mart. grates Deo pro beneficiis egi, quibus nos cumulasti. Et verò, nisi te Patronum habuissemus, planè perieramus. Semper propitius sit tibi Deus, ô Tutor vigilantissime. En iam, decussis capitibus turbarum, tandem, etsi serò, sapere videmur. Vigiles erimus deinceps, & custodie intenti religiosa disciplina; ut floreat sub tuo patrocinio, atque*

ut spiret odorem suum. Quin imò, ne suscepti à te labores ex nostrâ incuriâ pereant, res gestæ tuæ erunt perennes in recordatione omnium. Interim, cùm promerita tuæ, Amplissime Cardinalis, ea sint, quæ possint à Deo tantum instâ vicissitudine compensari; à nobis verò aquari numquam; credimus nostræ obligationi fore satis, si nos ea, ut ita dicam, adorauerimus; & beneficentiam tuam, velut inenarrabilem, silentio coluerimus. Perge, ac magno animo filiis tuis patrocinare. Nostra hæc desideria sunt, ô Praeses optime, ô Tutor. Ego, si quæ imperaueris, semper dicto audiens ero; & lambere iam aueo, quàm demississimè, pulverem pedum Summi Pontificis; ac locum simul exosculari, quem tu vestigiis tuis consecrastî. Ambiani, VI. Id. Aprilis, M. DC. XIX.

Sed haud minoris emolumenti res fuit, cùm, ut iidem Religiosi in virtute atque in literis magis proficerent, seligi voluit Cœnobîa quatuor, eaque Ordini vniuerso, totidem in partes diuiso, Domicilia esse, in quibus Nouitij, separati à Veteranis, viuerent. Namque hoc pacto partim priuata & assidua institutio, partim Sociorum æmula virtus prolem poterat sufficere, ab antiquâ disciplinâ minimè degenerem. Deinde quatuor alia Cœnobîa dedit iunioribus Professis, qui exacto Tyrocinio ad studia minora; & totidem proue-

ctioris ætatis aliis, qui ad disciplinas grauiores niterentur : adlectis Præsidibus , in quibus probitas eruditioni par inueniretur. Atque his adiuuentis mirum dictu est , quantopere auctus numero & conditione fuerit Ordo Cælestinorum vniuersus. Quoniam verò vsu didicerat , quantum conferat , ad profectum in religiosâ perfectione , consuetudo cælestia meditandi , morem hunc restituit quoque ; & vt Congregationi sancti Benedicti Ordo Cælestinorum similis redderetur , Cœnobia minora quædam adnecti maioribus , & familiam vnâquamque ad duodenos minimùm augeri iussit. Pòst à PAVLO V. Pontifice impetravit , vt domicilia , in quibus hic numerus esset , suo peculiari Abbate regerentur : atque ita simul cum disciplinæ laude aucta quoque dignitas Ordinis fuit. Hoc pacto formatis & ordinatis , quæ ad Antistitum electionem , ad obsequia subditorum erga Præsides , ad Tyrorum institutionem , ad studia Iuniorum , ad omnium meditata preces , ad novos Ordinis titulos , ad commune bonum attinere videbantur ; officio Patroni optimi , & Magistri morum solertissimi , functus est Cardinalis Bellarminus. Ad hæc ratio eius agendi cum singulis , qui ad ipsum perfugerent , hæc potissimùm fuit. Vnicuique copia erat semper , ei curas animi exponendi , promendi que liberè ,

liberè, quod parauerat: & tum primò ipse officijs ægrum animum delinire, pòst consilijs & monitis curare; atque vti lenitate, nisi cùm ad sanandum aliqua medicinæ austeritas requirebatur. Nam si quis notatus probri, vel mali moris corripendus esset; decernebat, lueret pœnas, sed semper citrà quàm ille merebatur: nec pacem habere cum eo poterat, donec rectis euntem sensibus adspiceret. Et sanè amabant iidem, in quos animaduuerterat, artem hanc eius, temperandi lenitate seueritatem: cùm ipsorum errores sanaret, vt Pater; nec aliter, quàm si viscera secaret sua, singulis mederetur.

Vt Præpositis assereret propriam eorum auctoritatem, recusauit semper miscere imperium in iis, in quibus ipsorum vertebatur iurisdictio. Ideò rescripsit sæpè, de Religiosis disponere, & Cœnobia eis distribuere, sui muneris non esse. Si qui fortè Viri primarij è Monachis fortè aliquem commendarent, eum proponebat Præsidi Generali, aut minoribus Præpositis, simplicissimè; atque ita moderans, vt illi non facilè aduerterent gratiæ signa: imò videretur interdum ab eo contraria fieri significatio: adeò huiusmodi germinibus sub alienâ latentibus vmbra patere Cælum cupiebat, ne rerum suarum spem vlli, præterquàm vni committerent Deo. Sed-

enim superuacanea erant hæc officia : nam quæ facerent ad virtutem, vltro ea offerebat; nullo alio vel auctore, vel interprete, quàm instinctu benefaciendi. Secus, si contingeret patrocinium peti Religiosis minùs probis, & qui coaspernari disciplinam solerent; tunc nec auctoritate, nec gratiâ Principum vllâ flecti poterat, vt eis in re propositâ suffragaretur.

Initio Monachi huius Ordinis, cupientes cum Cardinali officiosè agere, munus ei quoddam ex re cibariâ miserunt. Tum ipse ex dono perinde, ac si fuisset lacesitus iniuriâ, crubuit; iussitque illud ad Cœnobium referri, ne manus eo commacularet. Sic non semel Romæ, ad sancti Eusebij domicilium remisit poma, quæ Monachi eius Cœnobij, ex propriæ vineæ pœnu, specie officij transmiserant. Sed & Aulicis suis, muneribus eorum, tametsi leuiusculis, interdixit; néve haberent neglectui præceptum, propterea è familiæ albo vnum aliquem erasit. Munusculis iis pariter abstinuit, quamdiu Religiosarum Virginum sanctæ Marthæ Patronus fuit: consolationes verò vberes iis subministravit perpetuò, atque assignauit in primis viros idoneos, qui confitentibus aures darent; iis quandoque etiam substituens alios, qui ordinarij non forent, quò illæ possent liberiùs ægri animi atque affecti eis aperire causas, certiusque

riusque sanari. In confessu earum quoque assedit sæpè, Antistitam dum eligerent; atque ut communibus privatisque necessitatibus earum prospiceret, interfuit eis aliquoties, rogatus, etiam eo ipso anno ac mense, quo PAVLVS V. obiit, & qui vitæ ipsius quoque annus postremus fuit; tametsi nec valeret prosperè, & cum hiems asperior, tum negotia, ut in Sede Vacante, grauissima eum impedirent. Denique simili patrocinio complexus est Collegium Nationis Germanicæ, & alias familias pias; nempe absente Cardinali Petro Aldobrandino, Sodalitium sancti Hieronymi, quod à charitate nuncupatur; & domicilium Mulierum Pœnitentium, quæ à lustris & lupanaribus in claustra migrant Religionis & honestatis.

CAPVT III.

*Obsequium eius erga Summos Pontifices;
& Consiliorum libertas.*

Affirmauit frequenter Cardinalis Belarminus, à Purpurâ se non id accepisse, ut obedientiæ sacramento exauctoraretur; sed ut mutaret Præpositum. Quod egregiè testatus est obsequio suo erga Summos Pontifices; quorum imperia sic accipiebat, quasi vicario eorum ore ipsum alloqueretur

Deus. Hinc abdicauit se Archiepiscopatu, ex solo nutu Pontificis; tametsi ea res prouentus eius annuos magnoperè minueret. Item cùm iuit ad Comitìa generalia Ordinis Cælestinorum, certior fieri de Pontificis voluntate priùs voluit: atque in reuerfione suâ migrans Assisum, studio venerandi loca S. Francisci sacra vestigiis, & adeundi celeberrimum Templum B. Virginis Angelorum, quam vocant; adduci numquam potuit, vt in Patriam, quæ perparum aberat, ad suos salutandos flesteret. Excusatione verò vsus est, quòd veniam à Pontifice non haberet; & tamen redeunti per eas propinquas oras obuius Frater germanus venerat, Ciuēsque alij, qui eum nomine publico inuitarunt, vt Patriam in Purpurâ semel inuiferet. Renuit itaque constanter, futurus exemplo; vbicumque Deus sedem dedit, ibi homini Religioso Patriam esse. Pontificis assensu etiam in Septembri mense quotannis pium secessum captabat, in ædibus Nouitiorum ad S. Andree. Subiectionem hanc autem exprimit satis Epistola eius nuncupatoria, quam præscripsit Commentariis suis in Psalmos; dum ait, Pontifici volumen se illud dedicasse, tamquam Parenti & Domino; vt esset conscius, quo pacto, aut clàm, aut palàm tempus suum impenderet; néve à consuetudine

dine recederet, quam hauferat in Societate, vbi pro se quisque cum Præpositis agit ingenio aperto, factorumque & temporis rationem eis reddit. Hinc nata quoque assiduitas, quâ publicis functionibus interueniebat: à quibus numquam aberat, nisi ægritudine tentaretur; vt qui propter eas diceret se Cardinalem esse factum. Sæpè vltimis annis Cardinales Collegæ aliquot rogarunt, vt veniret tantum, quoties de re magni momenti foret consultandum; aded cuncti expetebant vitam ei maximè diuturnam esse; sed non impetrarunt. Imò asseclæ honorarij, qui eius egressibus adhærescere, & officij causâ prosequi adeuntem eas functiones consueuerunt, affirmant, arduum fuisse, rhedis tempestiuè, vti fit, sisti vestibulo ædium eius: aded properè ad Consistoria, ad Pontificalia Sacra, ad confessus alios Purpuratorum ibat. Quod si non adesset omnium primus, in vultu ostendebat mœrorem animi; dum sedulitate aspiceret se à quopiam superari. In Congregationibus S. Inquisitionis, Sacrorum Rituum, atque Indicis, quoties proponebantur res, quæ ad doctrinam & historiam Ecclesiasticam pertinent, erat in ipsum inclinatus ferè omnium labor. Sic præcipua curarum meditationi suæ tradens, & vbi vigiliam res posceret, exsomnia, sententias referebat in
syn-

396 VITÆ ROBERTI CARD. BELLARM.
syngrapham, tamquam è scripto pronuntia-
tur; ac deinde oracula loquebatur. Cardi-
nalis à Monte, Caput S. Congregationis Ri-
tuum, testatur id fermè in hæc verba: *Non
ego dumtaxat mihi honori ducebam, quòd sole-
rem in sententiam eius ire, utique certio-
tutio-remq̃: verùm id egit vniuersa Congrega-
tio Rituum, in quâ numerabamur Cardinales
circiter quatuordecim. Etenim etsi, dum consul-
tatio foret, in vnum conspirarent omnes; sæpe
deinde cum Bellarmino suffragia omnium va-
riabant. Perspectum id fuit, postquam nobis
mors attulit desiderium ipsius: quia statim de-
liberatũ de causis quibusdam fuit, quibus ipse
ante annos plures contradixerat; & quæ eo su-
perstite numquam ampliùs proposita fuerant.
Sed parum hoc est, cùm fateri debeamus, solitos
nos eum prosequi, nescio quo sensu veneratio-
nis: non modò, tamquam esset Parens & Magi-
ster omnium, de quo & gloriabamur; sed tam-
quam in eo sublimior, & supra communem
conditionem excellens quædam virtus Dei elu-
ceret; ideòque, etiam dum aberat, voces eius &
sententia pro oraculis accipiebantur. Sed ipse
hoc honore vsus sapienter, in cœtibus Purpu-
ratorum haud egit vñquam, nisi admodum
modestè. Ratione siquidem nudâ simplici-
que afferebat sua, cum obsequio magno ad-
uersum omnes: & maior adhuc erat hæc ob-
seruan-*

seruantia, quando coram Pontifice loquebatur; filebat enim statim, dum non consentirent alij; nec rem persequebatur, etiamsi ab ipso æquitas & ratio starent: sed si erat necesse, dimisso Senatu, cum Pontifice tantum de re eadem priuatim differebat.

Hac veneratione vsus erga Summos Pontifices, audiebatur nihilominus minime liberam vocem; dum cunctarentur alij, & gratiam eorum potius, amicitiamque respicerent. Egit verò id, etsi parum ipsi beneuolè posset ea res cedere: & cum oportuit, coram, aut per Epistolas eos commonefecit; siue ad mores eorum, siue ad distributionem patrimonij sacri, ad Episcoporum electionem & regressum in Ecclesias proprias, ad luxus & licentiæ modum, ordinandamque iustitiam illam, quæ honores & dignitates distribuit, siue ad Sanctiones Tridentinæ Synodi admonitio spectaret. Aduersus quas præcipuè sanctiones, quoties in Congregatione Cardinalium audiret gratiam aliquam postulari; contradicebat vel ideò, ne si cuncti silerent, aduersus Canonem sacrum sensim præscriberetur. Dum hæc porro consilia Summis Pontificibus daret; id moliebatur vnicè, vt partes impleret suas, néve offensionem Dei incurreret silens: si videlicet Diuinam Maiestatem minùs vereri ac metuere, quàm humanam

manam potentiam videretur. Ided illis, qui subinde hortabantur, vt quæ facta non probaret, de iis monitor esset; respondebat, satisfactum conscientia à se abundè fuisse, cum sæpenumerò aures Dominantium ipse monitis suis fatigasset. Quippe altè infederat animo id, quod olim S. Ambrosius ad Theodosium Principem scripsit: *Nihil in Sacerdote tam periculosum apud Deum, tam turpe apud homines, quàm, quid sentiat, non libere pronuntiare.* Et securus id agere Cardinalis Bellarminus potuit; sortitus eos Pontifices, quibus silentium ipsius grauius multò, quàm hæc admonendi libertas fuisset. Erat quoque auctor aliis, vt ab omni assentatione, tamquam à communi Aulæ scopulo, alieni essent, & vt in custodiâ Ecclesiæ canes metuentes latrare non imitarentur. Quæ opinio de eo, peruagata Europam fere vniuersam, inuitauit haud ita paucos, vt ei indicarent per litteras quoque, si quæ obuersarentur prauis documentis; quò & emendari ea monitis curaret. Verùm, cum nonnumquam laruata quorundam ambitio subdole, sub hac specie honestâ suggrederetur; aduersus hæc adulterata officia circumspèctus & sagax ostendebat, haud posse ita facilè decipi suam cautissimam senectutem, acerrimamque mentem. Et quamuis existimaret

con-

conueniens, liberaliùs quàm parciùs mone-
re: cùm alienæ sit meditationis, non suæ, rem
expendere, & perinde ac oporteat deliberare;
nihilominùs rogatus interdum, negauit fa-
cturum se, nisi priùs rem illis aperiret, qui cri-
minis insimulabantur, iuxta modum Chri-
stianæ admonitionis. Etenim hoc pacto fieri
poterat, vt vel criminis eiusdem suspicionem
diluerent, vel non quererentur saltem, quòd
non paruisset Christi Domini præcepto; quo
debere corripì clàm à monitore primùm eos
qui peccant, dein coram testibus, postremò
palàm ac in cœtu plurium, pronuntiauit. Est
qui referat, Cardinalem Bellarminum sibi
temperare non potuisse, quin Religiosum
nescio quem magnæ auctoritatis in Aulâ re-
dargueret, quia libellum Ciuitatis cuiusdam
aduersus Episcopum, illo non priùs monito,
ad se tulerat: adeò vnâ aurem cupiebat ac-
cusatori præberi, & seruari alteram reo absen-
ti; ne temerè facta aliena videretur interpre-
tari. Litteræ eius de hac re extant in hunc
sensem: *Ciuitati cuperem gratificari, quam
ex animo diligo: sed non possum in his, quæ in
damnum alienum euadunt. Conqueri Episco-
pus iure posset, si reus à me apud Pontifi-
cem fieret, antequam ipse etiam audiatur: id-
circo contra eum non loquar, nisi potestas
mihi sit scribendi ad ipsum, & quæ pro sui
defen-*

defensione adferet , priùs intelligendi.

Cum his, qui in Aulâ eo interprete cupiebant euehi ad Sacerdotia magna, negabat sibi rem esse; nec aliâ de causâ, nisi quia, cùm pro se postularent, idèò minùs idoneos eos credebat, tametsi cetera digni viderètur. Contrà sponte indagabat, si qui præcellerent virtute & modestiâ, vt eos Pontifici proponeret eligendos: & beneficium interim ignorabant hi, quorum ipse merita non ignorauerat.

Pro Cardinalium delectu etiam Pontifici nominabat intereà viros, quos propter virtutis commendationem habendos iudicabat in omni præcipuo honore; quoties aduerteret præsertim, in Ordine Purpuratorum, Theologos desiderari. Cùm verò ægrè pateretur implorari se, vt vel Pontifici, vel Principibus magnis commendaret alios; si necessitas inuitaret tamen, vel pij operis vtilitas, tunc, vt negotium susciperet alacriter, suadebat ingens eius illa charitas, quæ, veluti Sol, beneficentiâ publicâ fouebat omnes. Si quæ contra Societatem nostram scriberentur grauiùs, aut dicerentur; vel etiâ contra viros alios, quorum ei nota probitas aut eruditio erat: tunc enimuerò, vir, nisi concitaretur iustissimè, suopte mitis ingenio, ea maledicta inhibere statim, atque auctoribus rescribere; mirari se, talia ipsos promere veritos non fuisse. Sed
 necess-

necessariæ iræ ita laxabat habenas, vt easdem adduceret cûm vellet ; potens, vel cûm feruebat maximè, tam placidus, quàm columba reddi. Alios, quorum dictis suberat minus audaciæ, commonefaciebat suauius, vt linguæ temperarent : & captans occasionem ex ratione scribendi eorum, ponebat ab oculos arcana Dei iudicia, & in hunc modum ad pacem eos hortabatur. Pacem hanc verò ali oportere in primis iudicabat inter Religiosos Ordines ; quò ij in hostes Fidei potiùs acuerent animos, & stylum stringerent ; atque adeò inter Episcopos, ne sint populis prauo documento. Denique Religiosis fauorem, vel immunitatem exorantibus auctor erat, vt meritis, non impetratìonibus sterne-
rent sibi ad gradus & ad honores, quos peterent, viam : nec vlli præsidio vmquam fuit, qui Præpositi sui detrectaret imperium ; cûm obedientia Religiosæ vitæ anima sit, à quâ virtutis motus omnis debet proficisci. Cûm autem in sermone & facto eius, quædam columbæ inueniretur procul ab asperitate & à felle sinceritas ; rari fuere à quibus sancta hæc libertas probandi, damnandique, ea quæ cum laude, aut secùs fierent, non magnopere commendaretur.

CAPVT IV.

Quàm prudenter, vnà cum Odoardo Cardinali Farnesio, controuersias conciliauerit inter Lucensem Rempubicam, & eius Antistitem.

VNum ex difficillimis negotiis, quæ prudentia & dexteritas Cardinalis Bellarmini felici exitu terminauit, fuit; cùm Lucensem Remp. & eius Antistitem Alexandrum Guidiccionium (inter quos fuerat dissidium vetus) ad concordiam magno consensu partis vtriusque perduxit. Natæ inter eos animorum alienationes, maleuolorum vitio fuerāt; & intercesserant Dynastæ, ac viri primarij pro conciliatione, atque adeò è numero Purpuratorum aliqui, imò ipse Pontifex Maximus, cùm semper operam ludèrent irriti, tametsi potentissimi conatus. Quippe negotium cum iis erat, qui (vti sunt in Senatu plura capita) interdum etiam plura & diuersa sentiunt; nec sperari poterat fore, vt essent reconciliatores pacis ij, quibus causæ pars aduersa prima erat. Venerat ad Urbem Orator Cæsaris, Ioannes Godefridus Episcopus Bambergensis. Huic functo iam suâ legatione, & per Urbem Lucensem fortè redituro, tractationem hanc PAVLVs V. Pontifex, & Cardinalis

nalis Bellarminus, commendarunt. Multa verò spem fecerant fore, vt Antistes opinionis tantæ, negotium pro ceterâ eius felicitate cōficeret, perrumperetque difficultatum obices; quò tandem cum Antistite suo coalescerent animi Ciuitatis. Adfuit Senatui, exceptus perhonorificè; & petiit, vt inter honores, quos videbat sibi eximios deferri, primū esse vellent eam concordiam, pro quâ ipsos conuenerat. Cū verò momenta rationum expromeret, quæ apud se disposuerat sapientissimè; difficiles adedò expertus est Senatores omnes, vt ad Summum Pontificem, & ad Cardinalem Bellarminum rescriberit; miraculo posse rem confici, ceterū ludi humanas artes. Quoniam igitur destinata salubriter, alienior plurimorum è Senatu voluntas disiecerat; & interim detrimento erat Ciuitati absentia Pastoris; ac iurisdictioni Ecclesiasticæ credebatur iniuriosum, quòd aditus ad propriam Ecclesiam Antistiti negaretur; venēre multi in eam sententiam, vt existimarent optimum fore, si Episcopus abdicaret se, ac diceret velut alter Ionas: *Tollite me, & cessabit mare à vobis; quoniam propter me tempestas hac grandis venit super vos.* Consilio acquieuerat Pontifex, modò Episcopus id non ageret inuitus; ei que Sacerdotium aliud, nec minùs copiosum, promiserat. Verū ille

imperare hoc sibi numquam potuit; sermones defugiens, ne violenter decedere, vel cum sponsâ tantummodò mansisse quæstus gratiâ diceretur. Hic status postremus rerum erat: cùm Episcopus tandem (vt sæpè cum spe studia hominum senescunt, & quæ non possunt assequi, ea sequi desinunt) actum esse penitus de concordia ratus, approbante PAVLO V. Pontifice, deliberavit ad quædam suæ iurisdictionis loca proficisci, quæ Lucensi Reip. non suberant; vt gregem suum è propinquâ saltem speculâ custodiret. Misit Republicâ interea Romam è Senatoribus vnum, nobilem virum, & ingenio solertem; ætate verò haud inutiliter senem, quippe cui octogenario, par annis ætas erat. Is à Pontifice pro bono Reip. Episcopum alium postulavit: siquidem annos decē & quinque, tot adhibitæ artes à præstantissimis ingeniis, controuersias Ciuitatis cum Antistite præsentī, quem deprecabatur, dirimere non potuerant. Postea cùm circumiret domos Cardinalium, & referret ad singulos de Legatione suâ; rogauit, vt ipsi pariter postulationem Reip. iustam esse, in animum inducerent. Itaque etiam ad Cardinalem Bellarminum venit: nec orauit modò postulatis Reip. secundas aures, sed vocem quoque eius flagitauit; quem apud Pontificem, & apud Antistitem Guidiccionium, esse

esse nouerat auctoritatis magnæ. Cardinalis eâ libertate, quæ ipsum decuit, mirari se primum ait, ita negligi ab eis rationes æternas, vt malint earum, quàm honoris humani iacturam pati, & vt recedant à laude illâ obsequij, quâ olim sacros Antistites suos consueuerant venerari. Hortatus' deinde est, verterent eam notam in decus; neque sinerent, sibi peccatus iis simultatibus ita obscurari, vt non perspicerent, quantopere debeant subditi deferre Pastoribus animarum. Adiecit post hæc, haud futurum vmquam, vt Pontifex Episcopo iniungeret, abdicaret se Episcopatu; cum sciret ægrè ad id posse ipsum induci, ne dissiparetur, ipsum alienâ potentiâ, & non sponte suâ Ecclesiæ illi nuntium remisisse, priusquàm ei licuisset illius possessionem adire. Demum ex partis vtriusque commodò ostendit posse litem eam dirimi (quæ damnum afferebat, quod cum aliqui & pauci vellent, omnes interim patiebantur) si nimirum Episcopus inuitaretur ad Urbem, admittereturque ad locum suæ dignitatis, ne quis vim illatam posset interpretari. Et tunc, ait non defuturas voces amicorum, qui Episcopo, quæ in rem forent, pro Dei gloriâ suaderent. Auctoritas loquentis, rationes allatæ, ac via etiam, quæ aperiebatur ad rei honestum exitum, Legato persuaferunt, consilium illud Reip. non fore pœni-

406 VITÆ ROBERTI CARD. BELLARM,
tendum. Sed quoniam à Senatu auctorita-
tem non habuerat admittendi nouam eam
tractationem, nihil statuere potuit: gratias
tamen Cardinali referens, mox ad Senatum
scripsit; & quid Cardinalis Bellarminus de-
disset consilij, significauit. Vix redditæ litte-
ræ in Senatu fuerant; cùm excitati sunt re-
pentè motus animorum magni: sed ij tamen,
quibus cordi erant obsequium Dei, & Patriæ
bona existimatio, naçti auram cum quâ sibi
posse videbantur nouæ spei velificari, rogan-
dum Cardinalem Bellarminum iudicarunt,
vt adspiraret adhuc benigniùs; & agendas ei
gratias, ob nouam illam concordiaë viam,
quam proposuerat: itaque re communiter
deliberatâ, cunctorum versæ eò curæ, vt con-
ditionem acciperent. Cardinalis Lucensi
Reip. scripsit; se, Summo Pontifice annuente,
suasorem Senatui esse, vt cum Antistite suo,
qui Pastor, & Pater, & Ciuis patritius erat, in
gratiam rediret: de cuius animo erga omnes
beneuolo, testificari se posse affirmauit. Ad-
didit, cupere se, vt esset omnibus persuasio,
haud ipsum fauere magis Episcopo, quàm
Reip.: sed tantummodò, citra damnum par-
tium, colere amicitiam cum Episcopo eo-
dem, & cum Patritiis aliis. Vbi verò ipsorum
ita præparauerat animos; tum rationes per-
strinxit, quibus Senatum induceret, vt pro
aduen-

aduentu Episcopi consensum daret. Ex potissimum erant: Summi Pontificis ad hoc pronior voluntas: difficultas abdicandi se, in Episcopo; nisi circa hoc Senatus annueret; & detrimenta, quæ patiuntur Ecclesiæ suis Pastoribus destitutæ. Rursus dedit epistolam aliam, plenam cælestis sapientiæ, in quâ hortabatur auctoritate Diuinarum Scripturarum, ne in eâ discordiâ insenescerent; sed cum Domini lex iniurias fratri condonare nos iubeat, secum reputarent, quantò id æquius fieri cum Episcopo, Pastore, ac Parente, exclusâ omni simulatione, interdum speciosâ verbis, sed re inani, deberet. Quæ litteræ ubi superuenerunt (inclinatis iam ad concordiam animis) effecere, vt Senatus reconciliatoribus pacis, & disceptatoribus circa eam controuersiam vti Roberto Cardinali Bellarmino & simul Odoardo Cardinali Farnesio deliberauerit.

Re nuntiata exhilaratus est summopere PAVLVS V. Pontifex; atque vt negotium transigeretur cum auctoritate maiori, obtulit spontè Apostolicum Diploma, laudauitque Episcopi reditum ad propriam sedem. Cum tamen in eo reditu difficultas tota verteretur, Cardinalis Bellarminus, quò id succederet tranquillissimè, Senatui Lucensi in hunc modum denuò scripsit:

Priusquam me conueniret D. Benaffaius, col-

locuti diu Cardinalis Odoardus Farnesius & ego, censuimus decere, ut quamprimum Episcopus ad Ecclesiam suam conferat se. Id verò ut fiat circumspectè, iniunximus Episcopo, ut ad vos ipse primus scribat, & beneuolum animum suum testetur, offeratq; redditum ad Ecclesiam propriam, quò in eâ seruiat commodo animarum vestrarum. Vos verò rogaremus, ut huic facilitati, demittentis se Antistitis vestri, respondeatis vicissitudine pari; & comiter eum istuc inuitetis. Quoniam autem Cardinalis Farnesius Parmam iturus est breuî studio agenda communiter rei ita constituimus, ut si quæ incidunt dubia circa hoc negotium, & citò expediri debeant, eâ ego auctoritate etiam ipsius Cardinalis Farnesij decernam: secùs de iis quæ moram pati poterunt, Parmam ad eum scribam, & expectem eius responsionem: nam hoc pacto erit consilium serum, sed optimum. Hæc in litteris ipse. Sic re placidâ, tamâque vtriusque partis integrâ, Episcopus Lucam reuertit, & exceptus est à Senatu, Populoque vniuerso, cum iudiciis amoris; perinde ac si diu exoptatus votis aduenisset. Ex quo summa laus in primis Deo tribui cœpta est, & dein Cardinali Bellarmino, qui causam adedò depositam consiliis & precibus suis, tantâ successus felicitate, sanctificauit.



*De consuetudine illius domesticâ, &
priuatis occupationibus.*

CARDINALIS Bellarminus, ceteroquî vir decori tanti ac tantæ dignationis, laudem quoque meruit haud sanè mediocrem ingenio amœno, naturâque leni; atque vrbanitate illâ suauî, cui limites, quos non excessit, statuerant ingenua hilaritas & religiosa moderatio. Nam neque facetias illas vsurpabat, quæ dum ex moribus aliorum multum veri trahunt, acrem sui memoriam relinquunt; neque illas, quas in cachinnos, effusi venantur homines leues: sed eas dumtaxat, quæ non læderent quemquam, & honestè interim exhilararent. Iucunditatis huius delectabilis participes, è numero Purpuratorum, ij fuere, quibuscum ei amicior & frequentior erat consuetudo. Ex iis verò non defuerunt, qui dicta eius potiora scripto, ne exciderent animis, notarent. Sed hoc lepore sermonum eius fruebantur sæpiùs familiares & domestici, qui ei aderant; dum interdum animi causâ gestaretur, & post decisa quæcumque obuenssent negotia, captaret auram. Etenim hæc illi momenta soliti arripere studiosiùs, prouocabant de industria,

striâ, & occasionem dabant, vt ex ioco innocentem aliquid in rem propositam diceret. Significauerant aliquando, asperitatem nimiam esse, Cardinalem eius ætatis, & tot occupationibus fractum, adhuc ieiunio ter in hebdomadâ hebetari. Tum ipse; Necessarium, inquit, hoc videtur, si velim quidem saluus fieri. Et quia responsionem hanc excepit omnium admiratio, subdidit iucundè: E Scripturæ sacræ oraculo id pro me satis constat. Certum enim est, debere iustitiam nostrâ abundare, plusquàm Scribarū & Phariseorum; aliter non intrabimus in Regnum Cælorum. Cùm itaque illud de se Phariseus prædicet, *Ieiuno bis in Sabbato*; quis non fatebitur, oportere (quò nimirum plusquam Phariseorum nostra sit probitas) vt ter vel minimùm ieiunemus? Simili suauitate monita sua respergere ac miscere, vt grata acciderent, consuevit. Vnum ex hoc genere proferam. Picturas nudas in ædibus cuiusdam Cardinalis fortè aduerterat, dum eum interuiferet; & in digressu ait, commendare se illi nescio quos inopes, quos ibi intra conclauia exutos viderat: nuditatem verò eorum se ideò deprecari, ne si tuniculâ vel palliolo caruerint proximâ hieme, durè admodum cum eis agi videatur. Tum Cardinalis ille intelligens, quid per gratas eas ambages insinuaretur,

nuaretur, picturas easdem (quâ fuit erga monita ipsius obseruantia) regi velo statim præcepit, cum reuelli aut transferri nequirent, nam in pariete ipso hausti colores erant.

Aliàs, quoties ei (quæ est negotiorum sæpè varietas) aliquid vehementius proponeretur, initio sedare æstum iratæ orationis, acerbitemque eius omnem conabatur locutione leni temperare. Id quando non proderat, præsertim si cum iis sermo erat, cum quibus posset agere familiariùs, tunc solitus erat aliquas moras, inter colloquendum, edormiscere; somno illo denuntians, animum suum lædi & sopiri tamquam vulnere, dum aliorum factis ac famæ detraheretur. Mox redeunte sono innocentiore, euigilabat; atque ad negotium institutum mens eius & vox illicò redibant. Multò cauerat studiosiùs, ne aliorum ipse carperet existimationem: quam, excusato mentis consilio, quod fortasse rectum erat, potiùs tuebatur; cum diceret, Deo arbitria interioris animæ permitti debere. Pro hac re satis momenti habet eà Cardinalis Crescentij testificatio; qui, Cardinalis Bellarminus, inquit, in rebus aliorum factisque æstimandis, fuit tam circumspectus & retinens, ut nisi necessitas magna vrgeret, de iis fileret prorsus. Et idèd rogatus aliquando, quid sentiret de lege illà, quâ iniungitur Episcopis,

scopis, vt resideant ; respondit lenissimè : *Ego non iudico Dominos meos*. Redarguebat nihilominùs ea in quibus honestas deerat , tantùm vt intelligeretur, quæ essent eiusmodi , à bonis ea non laudari. Etenim etiam S. Bernardus, *Ideò, inquit, hac dico, vt sciatur publica nō probari; & transire in præscriptionem, cū non fuerit qui contradicat: non retego verenda, sed inuerecunda confuto*. Quem utique modum Cardinalis à Monte gratam ubique libertatem vocabat, arguendi damnandique tempore apto, quæ ad virtutem minimè conferrent. Ad occasiones has tamen, studia inferioris animæ sedabat priùs in se; ne fortasse ex perturbatione plus minùsve reprehenderet. Idcirco, cū alieniore animo aduersus Præfulem quempiam, inuitus tamen, foret, vnum ex amicis illius perrogauit, vt de virtutibus eius inquireret, de quæ iis nonnulla referret; quò ita poneret prauam illam opinionem, sibi quæ vel mitiorem sensum, vel amorem erga Præfulem eundem imperaret. Ad hæc non res gestas suas iactabundus serere, aut colloquia replere propriis exemplis consueuerat; sed ita moderans erat, vt vitio utroque, sua promendi, & suppressendi aliena, mutuis in alloquiis careret. Hoc ipsum tamen parum esse rebatur, quòd in sermone videlicet vitium fugeret; nisi plectrum oris eius semper
aliquid

aliquid honestati ac Deo modularetur. Et in hac re felicitas ei quædam singularis fuit; quia sensu admodum suaui, & quasi spontè naturæ omnem locutionem in fine ad Deum semper transferebat. Quòd si aures à pietate non adeò præparatas interdum aliqui attulerant: vis & gratia eius in loquendo fastidium ipsis & nauseam omnem adimebat. Videbatur quippe oratio eius, quasi speculum nitens esse; in quo cernere liceret, quantopere culpam detestaretur, & humana omnia despiciatui haberet. Quibus cumulandis dum auidè multos, nec Laicos modò, sed Ecclesiasticos etiam inhiare considerabat; tum maximè verebatur, ne id eis in iacturam cederet bonorum æternorum. Idcirco conceptam Ecclesiæ præcationem, quæ ad Aras pronuntiatur Dominicâ tertiâ post diem sanctum Pentecostes, nempe, *Sic transeamus per bona temporalia, ut non amittamus æterna.* inter amicos mutabat subinde; *Sic transeamus*, inquiens, *per mala temporalia, ut non incurramus æterna.* Frequenter incendebatur ardenti desiderio cælestis vitæ: & tametsi ex timore sancto interdum ab eo temperaret, ne securus nimium de salutis opinione ac spe redderetur; crebrò nihilominus erumpebant ex eius ore, mixta suspiriis verba illa Apostoli: *Cupio dissolui, & esse cum Christo.* Sanctorum
vitas

vitas in promptu admodum habuit; & ideo
 frequenter eorum res gestas referebat: ita ut
 miraculo Romæ fuerit Nobilibus, è Sodalia-
 tio beatæ Virginis Assumptæ, dum hi ad ip-
 sum, utpote Sodalem, nouis Kalendis fere-
 bant parua in chartulâ nomen Sancti, quem
 pro eo mense tutelarem sortitus erat. Nam
 audiebant statim, seriem gestorum eius ab
 ipso narrari; tametsi ex Sanctis iis foret, quo-
 rum illi dumtaxat non ignorabant nomen.
 Tunc verò apparuit, si umquam aliàs, quàm
 agnosceret familiariter Cælites, & Ciues
 Beatos omnes; quandoquidem eorum nomi-
 ne & factis cor inscriptum gerebat. Consue-
 tudo eius cetera, vim habuit quamdam in-
 fundendi virtutem & pietatem sensim in ani-
 mos aliorum. Atque id iureiurando testantur
 familiares eius; & qui spiritum illius frequen-
 tius hauserunt. Ex his Comes Camillus Bar-
 berius; *Mira, inquit, res erat, quoties ad Car-*
dinalem Bellarminum ibam, etiamsi ad breue
spatium inuicem loqueremur, & ego, uti fit, de
rebus variis sermonem miscerem, semper ab eo
melior, & piarum cogitationum in digressu ple-
nior recedebam. Hac autem amicis meis de Bel-
larmino adhuc superstite referens affirmavi; me
effectus eosdem experiri solitum, dum fruerer
consuetudine illius, quos de Sanctis viris aliis
historia narrant. Opinione ab istâ inductus,
 Cardi-

Cardinalem Bellarminum tantopere is venerabatur, vt à Medicis depositus, & iturus in Cæli manentem Ciuitatem (quod vitæ probitas, & pius obitus eius, persuadent) inter Sanctos alios plures, quos cupiebat eo vestigio periculis animæ suæ opitulari, implorauerit etiam, quemadmodum ipse loquebatur, Sanctum Bellarminum, cùm inter mortuis vocibus hoc sæpiùs iteraret: *Sancte Bellarmine, ora pro me.*

Inuitabat eius coniuncta cum pietate benignitas plurimos, vt ipsum adirent; & iis (modò exciperes horas, Sacerdotali Officio, Rei Diuinæ, & piæ meditationi datas) parata semper admissio ad colloquium erat. Pro quâ re voci obediebat famulorum; & ægrè id patiebatur, si denuntiarent seriùs, àdesse qui spatium sermoni orarent; siue primæ conditionis homines, siue pauperes aduenirent: adeò vt, abscessâ sæpè, quam inchoauerat, periodo, exurgeret; nec admissos vmquam dimitteret, sufferens interdum nonnullorum vaniloquentiam, qui tempus pretiosum ei adimebant. Tum verò non oculis aut tristi vultu prodere fastidium aurium videbatur: sed audiebat eos patientissimè. At cùm alios habuerit fortasse æmulos huius summæ facilitatis: in hac laude aliâ procul dubio ceteros superauit. Meditabatur interdum, & scripto
materias

materias graues concipiebat ; cùm intermittere, quæ tum generaret animus, & externos audire cogeatur : Nihilominùs , post horarum interualla , referebat se ad eadem quæ intermiserat , & perinde ac si diuagari mens non debuisset , ita prosequabatur , vt non concipere noua , sed vetera exscribere potiùs videretur : beneficio vtique memoriæ ; de quâ dubites, faciliùs res hauriret, an difficiliùs earum obliuisceretur.

Erat Romæ ipse, vnicum & certum perfugium Episcoporum , Præsulum , & Clericorum oræ Septemtrionariæ ; de quæ eorum necessitatibus referebat ad Pontifices , tantâ erga ipsos charitate , vt Patrem veriùs , quàm Patronum eorum ageret. Ex his vnus, cui annuos redditus & Episcopatum Turcæ surriperant, dixit Romæ ; multas ærumnas suas satis sedari vnâ illâ voluptate, quâ perfundebatur animus eius , dum charitatem experiretur Cardinalis Bellarmini ; qui , quasi inopiæ eius damna ferret , peræquè indolere ob ea videbatur ; vt propterea affirmauerit, æstimari à se multò pluris amicitiam eius , quàm si perciperet in prouentibus annuis aureos mille. Adibat pro eis Ministros Pontificis, qui distribuunt pias eius largitiones : plurimis etiam ex suo censu tenui, certam summam annuè, & vni de multis aureos quinquaginta repræsen-

præsentauit : neque dissimilem Patronum experti eum sunt Italiæ Episcopi; vt infra subdam. Ad hæc Sacerdotes emendicare, tam ægrè ferebat, vt offensus ex eo propemodum videretur. Et pecuniæ quidem summam aliquam eis erogabat; sed monebat proprium ad Antistitem reuerterent, à quo ali debebant. Religiosis item ad propria Cœnobla reuersionem, ne contemptui exponerent honorem Sacerdotij, Ordinisque sui, persuadebat.

Pari cum frequentia conueniebant Antistites, quibus cordi erat Ecclesiastica iurisdictio. Et hos colere ipse, tuerique partes famamque ipsorum; nec pati à laicâ potestate regimen Ecclesiæ collabefieri. Cardinales etiam è præcipuis adibant, tamquam Præceptorem, & Parentem. Cardinalis Tuscius, postquam cum de rebus conscientiæ consulerat, dixit in digressu aliquando asseclis suis : *Nemo mihi res dubias meas ita sapienter & cordatè illustrauit, atque expediuit, quèmadmodum egit iam Cardinalis Bellarminus; & consului tamen plurimos, circa eam, quâ præmebar, animi ambiguitatem.* Inter hæc aduentum officia, & molem negotiorum, quæ sæpè animum differunt, erat tam attentus temporis custos, vt ne momenta quidem sineret absque laude operis præterire. Quod si locus

interdum ad alia spatium non daret, cum Superis ac Deo loquebatur; seu legens apertò capite Rosarium, & pias preces, seu cælestia meditans: & amicis affirmabat, sibi nec particulam minimam è succisuiis horis inutiliter præterlabi. Cùm habitaret, vt dixi, ædibus neque laxitate neque cultu magnificis, iuxta Collegium Romanum; è speculis ac fenestris vltimi Conclauis, liber ei prospectus erat in hortum Religiosorum Ordinis sancti Dominici, ex eâ parte Cœnobij, in quâ Nouitij morabantur. Hi verò sæpius memorarunt, quantum haurirent exempli è Cardinalis modestiâ; quem ad eas fenestras nunquam (etsi curiosius obseruauerant) otari viderant; sed vel recitare Litanias cum familiâ piâ, vel in occupationes alias incumbere peræquè, ac si ea domus quoque religiosis moribus regeretur. Refert Cardinalis Crescentius, blandè redargui solitos à Cardinali Bellarmino illos, qui officij specie tantùm eum adirent: nam rebatur dedecere, quamdiu occasio non alia suberat, temporis, hoc est, rei quæ apud ipsum erat summi pretij, iacturam dissimulare.

Verùm non propterea temporis damno adscribebat, dum rogatus intererat disciplinarum publicis exercitationibus; vt qui semper ingenia fouere, & cohonestare præsentiam suâ

suâ consueuerat labores diuturnos litteratorum. Si qui verò ex iis Patronum ipsum The-
sibus vel Philosophicis vel Theologicis elige-
rent, suadebat alium è Cardinalibus potiùs
rogarent; cùm diceret se, nec summæ poten-
tiæ in Vrbe, nec adeò copiosum esse, vt ma-
gnopere posset eisdem prodesse. Quòd si ta-
men ij de proposito illo non emouerentur;
vt qui tribuerent sibi honori magno, quòd
Patronum studiorum suorum Bellarminum
haberent; tum ipse, Cardinales alios amicos
inuitabat, vt ingenioso certamini secum vnà
interuenirent. Eosdem, quoad poterat, dein-
de munerabatur; & augebat interdum etiam
conditionem eorum. Pari comitate volumi-
na seu dono missa, seu dicata nomini suo,
euoluebat magnâ saltem ex parte; laudes
Auctoribus, pro scripturæ merito, imper-
tiens. Adæquè procliuem ostendit se (nec
euênit rarò) vt libros recognosceret, qui eius
adprobationem aduersus inuidiam desidera-
bant. Et, si fortè opinionibus ipsius aduersa-
rentur, non ideò succensere solitus erat, vel
ostendere quidquam ægri sedisse animo; sed
iustâ laude prosequabatur, si opus ceteroqui
hoc mereri iudicaretur. Inter alios, actum ab
hac parte secum gloriosè existimauit Prosper
Farinaccius, vir, vt in hac quisquam ætate
esse poterat, omnis Iuris humani consultissi-

mus. Is difficultates magnas expertus in editione Libri de Hæresi, Summum Pontificem adiuit, venerans, vt Cardinali Bellarmino Censuram illius permetteret; ac ipso dein referente, præciperet vt pro Tribunali Sacræ Inquisitionis sententiam Patres Augusti pronuntiarent. Materix grauitas, sicut & Operis moles, videbantur indigere temporis interuallo diuturnioris: & idèd Auctor expectare annum integrum proposuerat, fatebaturque etiam, id habiturum se magni beneficii loco; quæ erat series occupationum aliarum maximarum, in quibus Cardinalis Bellarminus perpetuò versabatur. Nihilominus vix circumegerat se mensis, cùm volumen euoluit accuratè: & quò magis beneficium ornaret, voce pariter & scripto dedit Operi Censuram honorificam, qualem ne optare quidem Auctor potuisset; qui laudator vicissim & præco factus est virtutum sui tam humani laudatoris. Facultas hæc seu libros euoluendi, seu negotia terminandi tam prosperè ac celeriter, ingenio eius eximio adscribi quidem potest; sed negari non debet, potuisse ad id plurimùm conferre industriam captandi tempus illud omne, quod sæpè viris quoque occupatis, malè disperit. Quippo non ipse narrationum nouarum auditor erat curiosior; neque rerum istiusmodi transmis-

sis qualibet hebdomade commentariis aures vel animum commodabat. Imò, quod in epistolâ eius reperi, non modò iis sæpè sparsis temerè rumusculis tempus non dedit; sed quemadmodum non scribebat quidquam otiosè, ita nè quid otiosè diceret, omni studio cauebat. Itaque mirum non fuerit, eum inter occupationes laboriosissimas, spatium habuisse tot ingentia Opera, partim quæ typis edita, partim quæ scripta supersunt, parturiendi, absque amanuensibus, vel exceptoribus: vt nescias, utrùm de ipso mireris magis in purpurâ, quòd laborum excesserit modum, an quòd commoditatum omnium abstinuerit.



VITÆ
ROBERTI
CARDINALIS
BELLARMINI
E
SOCIETATE IESV
LIBER SEXTVS.

CAPVT PRIMVM.

*De Virginitatis eius & Cælestis puri-
tatis dono.*



VI cum Cardinali Bellarmi-
no diu versati fuere, ij tum in
puero, tum in omni vitâ, sem-
per radium nescio quem suspe-
xerunt, cuiusdam cælestis ve-
rius quàm humanæ puritatis; & fuit de illo
constans opinio, eum ab infantiâ, vsque ad
senium, castimoniâ virginali, cum quâ natus
atque educatus erat, semper floruisse. Indu-
cti verò sunt in eam persuationem primò,
quia norant, iam à puero perfusum animum
reli-

religione ac pietate ipsum habuisse; ex quo & abhorruit à consuetudine parium, non dixerim praua sequentium, sed etiam inutilia & leuiuscula, ut alibi narrauimus. Eadem opinio dein stabiliri cœpta est iis annis, quibus in Religione vixit; tum propter mille clypeos, qui pro hac virtute inveniuntur in eâ, tum propter sanctimonix famam, quam apud omnes constanter meruit. Spectarunt in eo insuper alij propensionem sanè miram erga Virginitatem; hoc est, virtutem ideò in terris raram, quia Cœlestium est. Neque enim oblectari vllâ re aliâ magis, quàm familiaritate eorum videbatur, quos Virgines esse in Romano Collegio, cùm ibi esset spiritualis Pater, non ignorabat (inter quos erat B. Aloysius Gonzaga) & id argumento erat; quorum conuenirent animi, horum pariter conuenire virtutes. Demum haud ita pauci, ad hoc vestigandum vsi sunt iudiciis & coniecturis aliis. Vir nimirum erat ingenio tam acri, ut ferè nihil tam altè sapientia collocauerit, quod mens eius non posset eniti: nihilominus, dum aut studiis animum, aut aures pœnitentibus daret; quoties legeret, vel audiret, quæ ad præceptum vi. Diuinæ Decadis, atque ad Sacramentum Matrimonij spectant; necesse habuit percunctari alios, ut exponerent, quid illæ voces (quæ adæquè ac res ipsæ ignotæ

erant cogitanti) significarent. Non hoc verò iunior, & religiosus dumtaxat, sed senex, & in purpurâ egit, cum de re simili fortè consilium rogaretur: & sermones eiusmodi rubor verecundiæ affusus ori comitabatur; ei que auctor erat hic honestatis color, ea ut colloquia quamprimum absolueret. Verum Divina providentia, ne Dei famulus gloriâ illâ in terris priuaretur, quâ iam haud dubiè in cælo fruitur, effecit; ut virtutem hanc, quam de se solus ipse nôrat, certò de se etiam ipse narrando patefaceret. Neque hæc nova res est, vel inaudita: cum sæpè viri sanctissimi virtutes suas, & præsertim donum virginitatis, ad Dei gloriam, candidè aliis enuntiauerint. Ita D. Gregorius Nazianzenus, intra publica volumina sua, hoc est, in maiori luce, quàm in familiari sermone, nempe in Opusculo, *De seipso* quod inscribit; *Corpore*, inquit, *virgo sum: an etiam animo, haud certò habeo.* Tria in rem præsentem adfero, & singula iuramento affirmantur ab iis, qui ex ore Cardinalis Bellarmini dici eadem audivere. Demophoon Ferrinus, vir satis notus in Vrbe, & cui à publico munere, quo fungitur, potest fides adhiberi; dum aliquando cum Cardinali Bellarmino ageret, occasione priuignæ, cui nomen Veronica Vitalis, & quam Gaspari Bellarmino nuptum dedit, ait, *Cardinalem*
tum,

tum, quòd intelligeret puellam annorum esse non amplius tredecim, dixisse, *Vellem, ne tam properè vsurparent matrimonium, ut proles faustè succedant.* statim verò adiecisse: Scio hæc solum, quia in libris ea interdum legi: nam res mundi huius haud noui ego aliter, quàm apud Scriptores, in paginis; & Virginitatem ad Deum referam eo flore atque odore, quem cum animâ & cum vitâ suscepi. Sed adhuc maius testimonium addo Viri Illustrissimi, nempe Cardinalis Crescentij; qui rogatus per Epistolam à P. Mutio Vitellesco Generali, ut quæ sciret de Cardinali Bellarmino, ea testari fide publicâ dignaretur, annuit humanissimè. Itaque coram Testibus, & Scribâ Urbis, hæc de eo prolocutus est: *Ego Petrus Paulus Cardinalis Crescentius, uti semper sum veneratus Cardinalem Bellarminum, faustæ recordationis; tum ob præstantiam eius in doctrinâ & Ecclesiasticâ eruditione, quâ pro Ecclesiæ triumpho, hæreticos aut reduxit aut afflixit, tum ob virtutes eius & sanctimonie famam; testari possum sincerissimè, vsum me consuetudine illius maximè familiari, & semper animaduertisse in illo caelestem quamdam puritatem. Memini verò, cùm diceret aliquando, haud expertum se, quamdiu vixit, prauæ voluptatis delectabilem sensum ullum; ex quo conficere certò possum, ipsum virginem fuisse.* His verbis in-

dicari & illud videtur, ope videlicet & gratiâ singulari, placitam Deo animam eius, fuisse præmunitam; in præmium gloriosi conatus, quo sensum residem in iuuentute domuerat, & perpetuam de eo victoriam reportauerat.

Sed quia item casta generatio, tunc esse pulchra dicitur, quando est cum claritate; adiungam, quæ Ioannes Antonius Cangianus Sacerdos, & testis oculatus idem atque auritus, audiuit pariter de virginitate Cardinalis Bellarmini, & vidit quoad admirandos eius nitores; quod vtrumque interposito iureiurando affirmavit. Is moderator erat Seminarij Clericorum Capuæ; & intererat aliquando, dum Cardinalis Bellarminus in eâ vrbe, inter laudes S. Gregorij Magni, de quo instituerat sermonem, addidit post multa; se Sanctissimo huic Doctori posse similem videri: nam si fuerat ille Religiosus, & impenderat se scribendis pro Ecclesiæ defensione voluminibus, si fuerat Virgo & Cardinalis; ipse perinde Religiosus erat e Societate IESV, susceperat similes labores conscribendi libros pro tutelâ & patrocinio Religionis, denique Virgo & Cardinalis erat. Ea comparatio visa homini tum est, in ore Auctoris, haud ita concinere modulatè cum laude illâ, quam à silentio vel à præcone alio meruisset; statim itaque

itaque erubescere, defixis humi oculis, pudibundus cœpit. At paulò pòst, respectans denudò, vidit Cardinalis Bellarmini vultum clarâ circumfundi luce, & Solis instar consulgere: cùm autem conniueret oculis, ita vt vix intueri posset, obtegens adpositâ manu, & pressans eos paululum, conatus est iterùm aspicere vultum Cardinalis; pariùque eum luce clarescere animaduertit: atque id perdurauit circiter, quamdiu sedatè quis legeret Symbolum Apostolorum. Extemplò pauor quidam venerans, & simul admiratio, eius animum cœpit: ita vt potuerit conijcere, linguam illam, quæ, præter solitum de se magnificè loqui audita fuerat, non plectrum vaniloquentiæ in eâ re, sed Spiritus sancti organum fuisse.

Imò, quia item Capuæ Philippus Carreus, Rector Ecclesiæ S. Marcelli, iuratus testis perhibuit; se, cùm auditor frequens concionum esset, quibus Cardinalis populo Epistolas Diui Pauli in summo Templo explicabat, vidisse non semel, splendido radiorum igne ei collucere vultus, non aliter ac pingi soleant Sanctorum imagines: posse mihi videor etiam de Bellarmino vsurpare illa, quæ Cardinalis Cæsar Baronius de simillimis nitoribus habet, quibus S. Ambrosij vultus radiarunt, dum Psalmum tertium & quadragesimum
expla-

explanaret : splendorem enim illum, ait cæleste symbolum fuisse, quo illius verba Diuinitas obsignauit. *Non ad ostentationem*, inquit, *ut homines, Deus edit ostenta; sed ut quid magnum ostendat: & quidem* (quod ad hanc rem spectat) *voluit huiusmodi visione, veluti sigillo apposito, consignasse ostendisseq;* tantum in Ecclesiâ Doctorem, non pro humani sensus arbitrio, sed ore Domini locutū, Diuino afflatum spiritu docuisse, disseruisse, scripsisse, atq; dictasse ea, quibus vel populum erudiuit, vel hæreticos confutauit: cum viuâ voce & scriptis Episcopale munus impleuit, & numeros Doctores absoluit. Ceterum Ioannes Antonius Cagianus, vbi à veneratione rei adeò miræ animum colligere potuit, Religioso viro, ex Ordine Clericorum, quos Theatinos appellant, quidquid viderat, narrauit: & is, cum esset ei à Cōfessionibus, monuit, rem silentio premeret; ne emanaret, dum Cardinalis Bellarminus superstes erat. Paruit verò ille, & tantum ab obitu eius rem, non obliuioni datam, sed suæ concreditam fidei ac taciturnitati, eiusdem Cardinalis Bellarmini famæ consecrauit. Possumus primos radios huius lucis, vel à concionibus ipsius in Belgio repetere. Nam tunc pariter flamma concionanti fusa per caput, & per cæsariem, apparuit, & visa ei facies est splendescere non aliter, ac de

S.Ste-

S. Stephano tefert Diuinus Auctor. Hoc autem Andreas VVife Eques, & Magnus Prior Britannia, interposito iureiurando, septuagenarius testis, vidisse se affirmat, cum esset Louanij, annumque ageret ætatis vndeagesimum.

Sed vt reuertamur ad eius pudicitia thesaurum, non castius eum, quam cautiùs custodiuit. Satis constat, confessionibus mulierum aures eum dedisse numquam; nec modò in iis confessionibus excipiendis (quæ est Sacramenti veneratio) verum ad occasiones alias quascumque, interdixerat sibi ferre mulierum conspectum. Quod si interdum necessaria colloquia cum eis haberet, tum maximè, si vniquam alias, modestiâ muniri, & induere oris quamdam veluti austeritatem videbatur; ponereque humi vultus, ne quid de virginitatis integritate saltem oculi delibarent. Romæ Cardinalis, & Capuæ Antistes, hospitij causâ numquam eas admisit domi suæ: imò Seni cuidam graui, & Sacerdoti, primò veniam, postmodum consilium petenti, an propter familiae vsum Ancillam, etiam ipsam satis magno natu, quippe sexagenariam, posset penes se in ædibus propriis attinere; Cardinalis respondit: cum eâ, in vnis ædibus, haud equidem habitarem. Quod consilium sequi alter maluit, ratus,

ratus, sibi nullam fore securitatem, quando-
quidem Cardinalis ipse illud consortium de-
fugeret, vir ætatis pariter ac sanctimonix ma-
gnæ. Ad hæc sermones eosdem cum feminis
ipse non diu trahere; sed, si posset, momento
absolvere solebat. In alloquiis autem Princi-
pum feminarum, vel cùm negotij conditio
celerem exitum non pateretur, semper hoc
egit, vt cùm sermonis initia eis dedisset, ex-
trema sibi reseruaret; & tum semper pio ali-
quo documento perorabat.

His artibus adiecit aliam, quam ex vitâ
S. Augustini, & ex Religionis item suæ præ-
ceptis hauserat: videlicet ne feminis spatium
sermonis, nisi coram arbitris, daret; qui om-
nia spectarent, & verba non audirent tan-
tùm. Celsus Amerigus Generalis Antistes
Ordinis Cælestinorum refert: cùm aliquan-
do ab audientiâ Cardinalis recederet alto iam
meridie, deducereturque officij causâ media
per conclauia, inuentam ibi feminam nobi-
lem, & filias ipsius adolescentulas; peregrin-
as è Transalpinis oris. Æstas erat, necdum
famuli ad obsequia redierant; hos verò illæ
opperiebantur, vt audientiam impetrarent.
Cardinalis cùm eas vidit, primò erubuit, hæ-
sitque aliquantulum anceps: postmodum ne
expectare custodes Aulæ diutius illæ debe-
rent, Generalem, cui iam valedixerat, reuo-
cavit;

cavit ; vt cum Sacerdote alio , qui tum fortè aduenerat , adesset : ac officiosas locutiones abrumpens , statim re intellectâ , pro quâ rogabatur , postulationi annuit ; easque à se quantocyùs dimisit. Ægrè etiam , vt ad mulieres scriberet , adducebatur : ex quo , litteris à feminâ nobili Cæsenate acceptis , iniunxit ei qui sibi erat ab epistolis , vt Præfector Urbis Cæsennæ responderet potiùs ; excusatâ consuetudine non scribendi ad feminas , nisi consanguineæ , vel matronæ essent primariæ ; quibus iniuriosum fuisset , nihil rescribere. Romæ Cardinales in rhedis suis consistere solent , honoris causâ ; quoties occurrunt in rhedis etiam Principes feminæ. Cardinalis Bellarminus tamen , quia erat Religiosus , rebatur immunem se esse ab eâ specie obsequij ; & dumtaxat , ne qua oriretur offensio , mittebat ad eas , postquam præterierant , famulum vnum à pedibus , qui consuetudinem illam excusaret. Interim ipse fruebatur altâ animi pace ; prorsus perinde , ac si corpus , quod corrumpitur , non habitaret.

Attamen , etsi hæc laus continentix tam eminens , dubio procul Cardinalem Bellarminum constituit in eo gradu hominum , quos suspiciet & demirabitur omnis ætas ; haud ego æstimo tanti virtutem hanc excellentissimam , cuius est , quæ fœda corpori ,
quæ

quæ foeda animæ, sub mouere; quanti donum aliud, generalis cuiusdam & excédentis longè humanas vires innocentiae, quâ noxas etiam leues (quantum homini permittitur) euitauit. Siquidem prorsus rarum est, in tot humanis periculis, solâ innocentia viuere. Latent res animæ, nec intelligi queunt; nisi claras eas velit Spiritus ille idem, qui earû secretus est auctor. Idedò, quæ sunt huiusmodi, de Sanctis viris aliter sciri nequiuerunt, nisi dum ipsimet promerent ea: fides verò eis habitata est, quia vitæ cetera sanctitas, & grauitas morum in ipsis decus hoc, sine consentaneo ob-signarunt. Id in Cardinali Bellarmino, præter constantem opinionem virtutis, quam apud omnes promeritus est, etiam illud peculiariter confirmat, quòd à mendaciis alienus habitus semper fuerit; nec in Religione tantum, vel in Purpurâ; sed à pueris, & in domo paternâ. Etenim P. Mutio Vitelleſco factus est, se mendacium nullum, nè in infantia quidem, dixisse: quo tamen tempore, nobis hereditaria quædam veluti propensio est, ut excusatiunculis & mendaciolis prima illa malefacta protegamus. Hoc itaque candore, interdum de statu interioris animæ narrauit quædam, quæ suadebunt facilè (iudicium tamen integrum reiicitur semper in Deum, qui solus potest cordis arcana certius aestimare)

re) in Ecclesiâ Catholicâ, quantum è Scrip-
toribus colligitur, haud ita multis conces-
sum fuisse, vt vitæ innocentiam ipsum ante-
irent. Præter alios Cardinalis Verallus refert;
dixisse eum sæpius, ad octauum quemque
diem se confiteri solitum, vt Societatis legi
obsequeretur; cetera experiri se difficultatem,
vt absolutionis materiam inueniret. Et tamen
in seipsum quotidie inquirebat accuratè, erat-
que conscientiam timidiorè, & sequebatur ri-
gidas opiniones; ita vt sæpè culpam agnosce-
ret, vbi culpa non erat. Is qui fuit ei à Confes-
sionibus, quamdiu vixit Cardinalis, testatus
est; necessariam ei fuisse exomologesim, vt
præcepto Ecclesiæ obtemperaret, annuè tan-
tùm semel: & potuisse cum alioqui annos
plures Sacramento illo non vti; sed perlitare
Deo nihilominus quotidie, in innocentiam
cordis sui. Addidit verò; Cardinalem sæpè,
conuentum à se constituto hebdomade die
vt aures confitenti daret, respondisse inge-
nuè: Diu multumque cogitaui, nec noxas re-
peri, quarum me reum statuerem. Tam ipse
feliciter occupationibus perpetuis id asseque-
batur, vt quouis momento Numini pla-
ceret.

P. Innico de Guevara, qui ex Dynastâ Re-
gni Neapolitani, Societati nostræ consecra-
uerat se, Cardinalis Bellarminus dixit qua-

dam die, dum ille Præses in Domicilio Professorum Romæ esset, & vnà ibi colloquerentur; destinatum habere se, eò regredi, vt Sacrum celebraret, postera die: moneret proinde Confessarium, ad Ædes non veniret, sed ibi se potius opperiretur. Postea cum diu sermones ducerent; *Sunt duo, inquit, in quibus soleo delinquere. Alterum est, si non perpetuâ custodiâ cauerim ego mentis euagationes, quando pensum Officij Diuini persoluo; neque id horis matutinis, dum ante primam lucem eas recito, sed horis aliis interdum, propter frequentiam adeuntium. Alterum est, si quid otiosè dixerim, vel ioco: sed non deerunt culpæ aliæ, quas ignoro.* Sic ipse.

P. Iulius Cæsar Recupitus, item è Societate, iureiurando asserit; cum familiaris à Cardinali Bellarmino quæsiuisset, an in his quæ ad animæ disciplinam spectant, in Cardinalatû videretur sibi remissiùs viuere; tum cum respondisse, videri auctum potius studium illud interioris perfectionis, idque ex coniecturâ duplici: tum quia res Diuinas contemplanti sibi, nullas inanes cogitationes euagationesque honor ille submitteret; tum verò, quia rei nullius appetens, præterquam vt in Cælum iret, à Pontificatu ambiendo erat alienus, sicuti à re, in quâ periclitari Æternitas poterat.

Postremò

Postremò P. Thomas Fritzhebertus, Rector in Vrbe Româ Collegij iuuentum Anglorum; testatur; Cardinalem Bellarminum, dum ageret cum eo in Ædibus Vaticanis, paulò antè quàm languore vltimo tentaretur, (quia erat materia sermonis Ioannes Berckmans, adolescens Belga, qui in Romano Collegio cum opinione virtutis magnæ tum obierat) quæsiuisse; quid maximè dignum memoratu de iuvene illo circumferretur. Cùm ipse autem respondisset, magnum quid videri, quòd ille numquam vel noxam vnâ minimam spontè ac prudens admiserat; Cardinalem ad hoc aliquantulum hæsisse cogitabundum, & subdidisse post modum: *Mihi sanè hæc res non adèò magna videtur; quis enim sciens & prudens, vel leuiter peccaret?* Deinde meditatum circa id adhuc aliquamdiu, dixisse: *Haud memini, me ita vquam deliquisse.* Iam si perpetua Innocentia admirationi est in iuvene, cui ætas erat annorum vnus & viginti: quantò maior veneratio tribui debeat viro, qui vsque ad annum propè octogesimum consenuit, numquam imminutâ probitate; & tametsi negotiis magnis atque honoribus tentatus, in iis tamen nihil nisi laudandum, aut cogitauit, aut fecit, aut dixit?

Vniuersa hæc opinioni congruunt, quam

de ipso habuit gloriosam Urbis Romæ Aula;
 ceteroqui tam prona factis aliorum interpre-
 tandis: & consentanea etiam sunt iudicio eo-
 rum, qui cum ipso diu versati, perhibent
 velut vno omnes ore; Diuinas leges eum ita
 obseruasse, vt quæ præcipiunt illæ vocibus,
 eadem perfectè redderet ipse moribus suis.
 Quocircà non immeritò à Cardinali Vbal-
 dino irreprehensibilis, & idea perfectionis
 nominatur. Verè enim (quod de paucis in se-
 nio memoratur) defuit malitiæ destruendi
 eius locus; & ferè quam è lustrali fonte inno-
 centiam hauserat, illibatam eam ad Superos
 pertulit. Ex hac eadem innocentia oriebatur
 subinde, vt doleret admodum, propter no-
 xas aliorum: præsertim quoties intelligeret,
 aliquem obiisse absque iudiciis veræ pœni-
 tentiæ. Reputans quippe animo, eos qui ita
 obeunt, damnari ad gehennæ loca, tormen-
 tis perpetuis excrucianos; tametsi voluisset
 ipsos culpæ magis, quàm supplicio eximi:
 nihilominus pœnæ eorundem iustissimæ, li-
 beraliter pius, sæpenuerò illacrymauit &
 ingemuit; patefaciens interea non obscure
 perfectissimam innocentiam suam.

CAPVT II.

Eius erga B. Aloysium Gonzagam Virginem, & æquè innocentem studia; & quid præterea egerit pro obtinendis ipsius B. Aloysij ac S. Ignatij Diuinis honoribus.

NUmquam fuit tam egregiè inter pares & similes amor, atque inter Bellarminum, & beatissimum iuuenem Aloysium Gonzagam: de cuius rebus gestis, non possum, quin delibem pauca ex his, quæ cum Bellarmini famâ & factis coniuncta sunt; nec pro hac narrationis parte, locum alium opportuniorē habui: nam lilium lilio intextere, pulchrum, opinor, videbitur. Is è Ferdinandi Gonzagæ Parentis & Principis Castilioni domo, optimâ spe, & summæ tum virtutis tum pietatis puer, aliquamdiu in Aulâ Regis Hispaniarum innutritus, inter illustres eius ephebos; atque adeò dignus, qui iura sui famulatus elocaret apud Regem cæli; Societatem IESV, moribus suis honestissimis, ac Aris quoque & diuinis honoribus cumulauit. Huic incolumi Bellarminus, ad generalem totius vitæ expiationem, aures dedit: ægrotanti suppeditauit subsidia omnia, agen-

rique animam affedit; cùm antea, eo spatio temporis, quo vnà vixerant, consueuisset magnos ei spiritus communicare, & ab ipso eos vicissim fumere: quod postremum, beneficij solùm accepti memor, sæpiùs deprædicauit. De illius virginitate innocentiaque hæc in Epistolâ ex Ædibus Vaticanis datâ Kal. Nouemb. M. DC. I. ad P. Virgilium Ceparium, habet: *Diu confessiones accepi dulcissimi & sanctissimi Fratris nostri Aloysij Gonzaga; vnâ etiam, quæ vniuersam eius vitam complectebatur. Ex quibus colligere potui, ipsum numquam letalem noxam vllam admisisse: quod ab anno septimo, & deinceps per ætatem reliquam, certum habeo; de primo septennio facile coniecturâ assequor: neque enim induci possum, ut credam, puerum eius ætatis, & qui ad innocentiam adeo magnam destinabatur, se ipsum, exitiali aliquâ labe, inquinare potuisse.* Ad hæc in Templo Beatæ Virginis Annuntiæ, Collegij Romani, cùm esset in Purpurâ, & de B. Aloysij laudibus diceret, tria in eo virtutum capita proposuit, ad quæ nos ægrè possimus aspirare. *Primum est, inquit, quod fuerit vocatus à Deo, ante primam horam; cùm iuxta Vineæ parabolam ceteri vocentur, vel horâ primâ, vel tertiâ, vel sextâ, vel nonâ, vel undecimâ: nempe in pueritiâ, vel adolescentiâ, vel iuuentute, vel maturitate, vel senectute.*

Sed

Sed Beatus Aloysius vocatus est in ipsâ panè infantia; siquidem septennus dum erat, qui terminus est infantia, vocatus ad notitiam Dei, ad mundi neglectum, & ad vitam perfectam fuit. Mihi enim affirmavit aliquoties, illum annum fuisse initium suæ reuersionis ad Deum; quippe qui cœpisset, ante id tempus, cogitare nescio quid de gloriâ militari: si tamen culpæ adscribi debeant, quæ tum pueri cogitant, ante annos illustrata mentis; Deus aut paucos, aut nullos innocentes habebit. Alterum est, quòd ita gratiâ castitatis fuerit à Deo præmunitus, ut euaserit immunis ab omni carnis, imò & spiritus inquinamento. Et verò in Ecclesiâ Dei, tametsi Virgines multi sint, & casti, saltem ad longum tempus, multi; carnis tamen titillationum expertem neminem, præter hunc Beatum Iuuenem, noui: fortasse haud desint alij, sed mihi noti non sunt. Quæ prærogatiua tam insignis longè pluris æstimanda est, quàm donum resistendi tentationibus: ut vel ex eo sit manifestum, quòd Christus Dominus, quando cum hoste, Imperator simul & Miles, manus conseruit, non permisit, ut se ille iis motibus adoriretur. Multò minùs permisit interiùs sibi, è prauæ libidinis tetro igni, faces intus admoueri; aut eas etiam inter Matris suæ Sanctissimæ nives, vel ad leuem usque cogitationem suscitari. At enim, stimulis qui carent, coronâ carent victoriæ. Ita

sanè: sed si aliunde augetur gratia & charitas, feliciter iactura illa compensatur. Ita, qui numquam peccarunt, Christus Dominus, & Beatissima Virgo, caruerint dono & merito pœnitentia: sed huius meriti & doni fuit iactura felix; quia stetit innocentia pretio, stetit maioris gratia compensatione. Tertium est, cum tranquillissimâ mente, procul ab omni euagatione, inter meditandum fuisse. Quemadmodum enim in terris genua, ita cor in Deo, cum oraret, figebat. Tametsi verò aduenirent frequentes, qui cognoscere, sanèto ne operi quisquam desit, in Societate solent, & ijdem sæpè fores cubiculi cum strepitu reserarent, clauderentque; ipse nihilominus, numquam eos aduenisse observaue-
rat: adeò sopiti sensus eius erant, dum cor inter-
rim cum Deo vigilaret. Postquam hæc tria de Aloysio, velut inimitabilia, recensuerat; tum ad imitandum quædam alia proposuit, verbis vsus, quæ patefaciunt maximam ipsius animi demissionem. Veniamus, inquit, ad virtutes alias, vt discamus exemplo perfectissimi Iuuenis, nos imperfecti Senes, quæ sit via ad vitam: neque enim turpe nobis videri debet, à iuniore discere, qui super senes intellexit. Sic ipse. Præterea, cum cœptum est agi de Aloysio inter Cælites conscribendo; Cardinalis Bellarminus, in Sacro Senatu differuit primus, & complexus multa, tandem Sanctos om-

omnes, dixit eâ insignitos appellatione fuisse, vel propter summam innocentiam, vel propter summam vitæ austeritatem : at verò eam Aloysio deberi propter vtramque laudem ; sicut debita fuit olim S. Ioanni Baptistæ. Cui sententiæ subscripsere Cardinales, consensu miro. Sed nō dictis modò B. Aloysium adeò impensè coluit : verùm facta etiam adiecit, solitus quotannis, in anniuersario die obitus eius, sacras ipsius Reliquias inuifere; & à Romani Collegij Templo, ire etiam in cubiculum illud, vbi ægro assidere, fouere deficientem, satiari vultu & complexu meruerat. Nec ferre diu potuit, cubiculum illud, pro ægris passim, quasi careret Religione, vsurpari; siquidem ad sancti Iuuenis gloriam, & ad loci venerationem, Sacellum in eo dedicauit: quia par ei visum est, vt ibi ara, vbi cecidit tam innocens victima, poneretur. Pro eo ornando suppeditauit expensas; erantque laquearia auro lita, cum lychnis præpendentibus ante beati Iuuenis effigiem: parietes non è marmore elaborato, aut distincti gemmis erant; sed apparatu nobiliore, expressas imagines virtutum eius, intranti offerebant. Parte in vnâ videtur Aloysius adhuc puerulus, qui nixus genibus ante Crucem, nudatos humeros flagris cruentat; & nullius culpæ reus, flagellat innocentiam.

Adstant foribus interim famuli; & perspe-
ctant rimulis paruum Dominum, piè aduer-
sum se ita sæuientem: quæ res denuntiata
Ferdinando parenti, aditum ei in Societa-
tem impetrauit. Ipse deinde mutatâ veste in-
ter Præfules, & alios è sacris Paginis salutaria
monita distribuit; Mundoque & pompis eius
valedicit. Ad hæc inter Vincentium Man-
tuæ Ducem, & Ferdinandum fratrem, inter
quos graui ortâ controuersia non satis con-
ueniebat, litem omnem diremit. Supra vesti-
bulum intus (quia anno Domini M. D. XCI.
sæuiit Romæ lues) adest in publico Xeno-
dochio, agitque inter plures è Societate: at-
que ibi tametsi pollui cuncta sanie, odore,
contactu cerneret; ea pro inuitamento ha-
bens, quæ terrori aliis fuissent, dum ceteri
scopis pauimentum purgare, cubilia sternere,
manantia tabe stragula versare, recreandæ
refectioni cibos adferre pro se nituntur, ad-
spicitur ipse ad pedes vnius, succinctus lin-
teo, sordes eius eluere, minimè fastidiosus
aut nauseabundus: sed nullâ imò re lætior,
quàm si in morbum incideret; tolerantia com-
mes futurus, quibus erat solatio. Pars altera
parietis, eum item in genua prouolutum, an-
te Crucem ostendit; dum simul percepta di-
uinitus lumina, quæ de Angelis didicerat in-
ter meditandum, perfusus animæ liquidis

voluptatibus in pugillares refert, par Menti-
bus illis purissimis Scriptor, & Commenta-
tor. Ac præterea est lectulus eius verè flori-
dus, ex quo ipse, illo quem prænuntiauerat
die, flos castitatis innocentiaëque, resolutus
non tam in sua initia, quàm in odorem sua-
uitatis, ad Cælum migravit.

Ceterùm de Aloysio Cardinalis Bellarmi-
nus, aucturum eum Cælestium numerum,
eiùque aras dedicandas, prædixit, vel à mo-
mento illo temporis, quo nobis ereptus est.
Epistola eius, de quâ paulò antè memini, hæc
habet: *Existimo equidem, inquit, rectà eum
ad gloriam Beatorum migrasse: semperq̃, mihi
Religio fuit, pro illius animâ preces ad Deum
fundere; cùm vererer, ne Diuina gratia, quam
aduerti in ipso esse cumulatißimam, fortasse
iniuriam irrogarem. At contra securus animi
ego me eius precibus commendavi; atque in his
credidi plurimum subsidij esse rebus meis.* Id et-
iam causæ fuit, cur demortui corpus in pro-
prio sarcophago condi & seruari voluerit,
quoniam ipsum è communi vmbra sepul-
chrorum, luci & Aris repromisit; præfagiens
futurum, vt sanctitate ac miraculis clarus ad-
oraretur. Ipse tamen studia hæc sua tum
maximè declarauit, cùm optauit moritu-
rus (sicut in tabulis testamenti habet) ad pe-
des B. Aloysij, filij sui spiritualis, sepeliri: hoc
pacto

pacto enim, quos simillimi mores in vitâ coniunxerant, horum exuuias in sepulchro, foris vt mors beneuolentiâ, miscuisset.

Vt S. Ignatio etiâ cælestes honores atque arę decernerentur, procurauit Cardinalis Bellarminus, studio & curâ præcipuâ; deditque insuper occasionem quamdam primæ eius venerationi. Etenim anno M. D. LXXXXIX. Cardinalis Bellarminus, vnâ cum Illustrissimo Collegâ Cæsare Cardinali Baronio, venerat ad Templum Professorum Societatis, die anniuersariâ obitus Ignatij, habiturus ibi, clausis valuis, de laudibus eiusdem adhortationem ad Socios. Dixit verò de optimi Parentis sanctimoniâ tam aptè atque efficaciter ad persuadendum, vt traxerit in admirationem viri etiam Cardinalem Baronium. Qui proptereâ, dum Socij, concione dimissâ, ante Sepulchrum Ignatij, nixi genibus aliquantulum orant; prostratus pariter in hæc obsequia, primò terram, vbi sacre eius Reliquiæ seruabantur, exosculari, dein quodam instinctu diuinitus impelli, vt iuberet Ignatij imaginem, & scalas adferri, quibus eam publicè honorandam è loco superiori proponeret. Auctoritas viri nostrorum vicit modestiam, qui diu erga Ignatium signa ea cultus edere recusauerant; rati sufficere interim, si Parenti sanctissimo, in animis filiorum

rum virtutes eius, veluti templa & effigies ponerentur, donec in luce publicâ Deus famuli sui gloriam collo caret. Quare iis, quæ postularat, allatis, acceptâ tabulam ipse primus religiosè veneratus est; & mox eam scalis adscensis, supra sepulchrû suspendit, adorauitq; rursus; nemine minorum spectante isthæc insperata gaudia dulcissimi Parentis, cui nō præ gaudio ex oculis vbertim lacrymæ profilirēt.

Ceterum, quoad ritus, Cælestium albo inferendi eorum tum animas, tum nomina, qui castè sancteque in Ecclesiâ vixerunt; nec illud omiserim, quod Cardinalis Bellarminus P. Virgilio Ceparo aliquando dixit; dum is negotia id genus procurans, experiretur difficultates, quæ tum oriuntur, cum commentarij rerum ab eis gestarum formantur, longo post tempore, quàm obiissent alij, qui de iisdem testificari poterant. Censuit enim, prorsus è re communi Ecclesiæ fore; si de iis, qui cum opinione sanctitatis diem obeunt, fierent statim auctoritate publicâ Commentarij. Veniret enim certior ad posteros veritas: ab iis nimirum expressa, qui mortuum nouerant; non autem à famâ tantum, quæ incerta certis, & falsis vera sæpè confundit: quod utique necessariò contingere debet, quando ea, post annos plures, serâ indagatione perquiruntur.

CAPVT III.

*De Orationis pio exercitio, ac studio
erga res animæ.*

EXpertus feliciter est Cardinalis Bellarminus, quàm pronuntiauerit sapienter diuus Arhanasius illud : *Sufficit animæ puritas, ut per se Deum speculetur.* Etenim eius purus ab omni labe animus, cœpit à teneris annis, & continuauit in omni vitâ, pium exercitium cœlestia quotidie meditandi. Horis verò sancto huic otio sepositis, mirum est, quàm accuratè colligeret se; & quàm studiose animum venienti Deo pararet. Prætereà, ut diximus, Diuinas Laudes, Matutinas præsertim, qualibet die, & non pridianâ anticipatione, semper legit; partesque singulas Officij Sacerdotalis, propriis & distinctis horis recitauit. In quâ sanè re, haud scio quemquam alium magis tenacem propositi fuisse, inter assiduas fereque omnium horarum occupationes; quas obire Cardinalis Romæ, & Archiepiscopus in Vrbe Capuâ debuit. Quâdiu in Societate vixit, circumtulit notatum in tabellâ horologium Solare; atque eo quasi interprete & monitore, pro tempore earumdem horarum utebatur. Cardinalis deinde, vsus est Horologio rotato, ex iis quæ horas
nar-

narrant, & insuper quâ pridie quis disposuerit horâ, tinniendo sæpiùs à somno excitant, vt ad preces matutinas euigilaret.

Si, dum sermonis copiam aliis daret, tempus minorum precum appeteret, secretum pro eis rogabat; & vbi persoluerat, ad colloquium se referebat. Quàm piè in iis Deo supplicaret, satis exprimebat fusa per vultum & per corpus totum veneratio. Nullo vsus adiutore ex his qui erant ei à sacris: sed semper solus in horariâ precatione fuit: quam nixus genibus, aut stans apertò capite (quemadmodum olim sanctus Franciscus) Deo immolabat; cùm interim ei oculi arderent, & suspiria vocem interpellarent. Aliquando, dum ad S. Andreæ in Monte Quirinali piis meditationibus animum excoleret, ipsum adiit Religiosus quidam ex Societate: qui, vti modestiâ summâ inambulantem inuenerat; num exsolueret pensum Officij Diuini, interrogauit. Tum ipse respondit, se tam parum obsequiosè tributum illud Deo reddere non consueuisse; de quo præcepti obligatio suberat. Narrauit Cardinalis Petrus Aldobrandinus, à se quadam die Cardinalem Belarminum repertum esse in horarias preces intentum adeò; vt tametsi ab Aulicis in conclaue ipsius introduceretur, ille nihilominus immotus hæserit perinde, ac si feriatus à sensibus

sibus cum Deo ageret. Dein obsequia omnia tanto hospiti exhibuit; qui æquissimè rem interpretatus, iudicauit, Deum non debuisse deseri, vt sermo cum homine institueretur.

Ad preces, quæ pro Sacerdotibus sunt communis obligationis, addidit Officia duo, beatæ Virginis, ac Defunctorum. A meridie, post prandij refectionem, non colloqui animi causâ solebat; sed secretò solus inambulare, & recitare aperto capite Virginis eiusdem Rosarium, & coronam alteram Christi Seruatoris; vt cum Deo ac Superis non animò dumtaxat plurimùm ageret, sed ore etiam assiduè loqueretur. Has verò aut similes preces recitabat etiam, dum ad Conuentus habendos expectaret aduentantes alios Cardinales, vel dum intererat Sacris Pontificalibus. Atque in his numquam desiderabatur; nisi fortè oblanguesceret: eratque omnibus exemplum modestiæ, & silentij perpetui; ad eò vt nemo ipsum intueretur, qui ex vultu pietatem animi eius non introspiceret.

Ante primam lucem, post horæ spatium, quod impendebat matutinis precibus, ad horam alteram nixus genibus meditabatur. Quem vsum meditandi Christianis quibuscumque rebatur tam necessarium esse, vt crederet, haud posse ab vllò rectè disponi diem, nisi manè, saltem ad quartam horæ partem,

vt Deum consuleret, meditaretur. At Prælati debere esse id maximè proprium, in Præfatione Libelli De Ascensione mentis in Deum, ostendit exemplo Moyſis: qui, ſicuti exponit ſanctus Gregorius, Tabernaculum ingrediebatur, vt contemplaretur Arcam Dei; & egrediebatur, vt ſuſtenteret, humero Principis, populorum imbecillitatem. Ex hæc autem exercitatione cæleſti, ipſum haurire ſolitum liquidas voluptates conſtat; cùm ad eam rediret ſemper fame integrâ, nec minùs auidè, quàm infantuli in genitricis vbera ferantur. Interdum viſus eſt in eo ſuaui & dulci otio mergi, quaſi ſopor aliquis ſenſus eius extimos occuparet: à quo excitatus cum tremore, aliquamdiu ardebat oculis ac vultu toto; incenſus videlicet ab eo igne, qui in meditatione exardescit; & conſtitutus in ſobriâ illâ ebrietate, quæ vires animæ euertere non ſolet, ſed ſicut caſtrorum aciem ordinare.

Sic deinde plenus Deo ad Aram ibat, vt Miſſæ ſacrificium celebraret: cui quotquot interfuere circa Auroram, reſtantur ad decorum componi eâ modeſtiâ ſolitum fuiſſe, vt ad pietatem inuitaret omnes. Seruabat perfectè ritus & cærimonias Eccleſiæ; & clare pronuntians omnia, quando erat conſecraturus, moram aliquam quieſcebat, vt quod

facturus esset, interim consideraret. Peractâ re Diuinâ, pro gratiis referendis perseverabat supplex in Sacello, vel in Conclauis, donec tempus negotiorum appeteret. Mane itaque horas fermè quatuor, postquam euigilaue- rat, istiusmodi occupationibus dabat: & ni- hilominùs ratus hoc minimum esse, ac repu- tans quantum pulueris & sordium colligi, campestri opere, & exercitatione humanæ vi- tæ, contingat; consuevit (quod indicauimus sæpè alibi) ad vnius mensis spatium, quot- annis, in Domum Nouitiorum S. Andreæ secedere: & intrans ea loca pura atque inno- centia, tum maximè, si vñquam aliàs, expe- riebat, quàm suauiter in casta, & nullis con- taminata vitiis pectora, influat Deus. Nata verò ex otio huius tranquillæ secessus, pia Opuscula illa sunt, quæ in lucem edita, ma- gnæ vtilitati non iis tantùm fuere, qui in Ec- clesiâ Catholicâ pietatem colunt, sed pluri- mis hæreticorum etiam; quod summopere admirationem parit. Liber eius de Ascensio- ne mentis in Deum, legitur passim à *Prote- stantibus*, quos vocant in Magnâ Britannîâ, redditus idiomate eius Regni, ab vno ex Mi- nistris eorum. Libelli ceteri, quos eodem spi- ritu deinde scripsit, inter eorum manus assi- duè inueniuntur. Imò ipse Iacobus Rex Ma- gnæ Britannîæ (quod idonei Auctores refe- runt)

runt) penes se libellum habuit De Gemitu Columbæ.

Quin imò visus est in eo Cardinalem Bellarminum æmulari, quòd cùm is iam scripsisset florenti ætate Volumina Controuersiarum, composuerit in senio istiusmodi libellos pios. Sic ipse, post Libros operosiores, fassus est, à se Meditationes in Orationem Dominicam edi. In earum Præfatione, alloquens Ducem Bunningamum (huius enim nomini Opusculum dedicauit) *Nec deest*, inquit, *Cardinalis Bellarmini exemplum; qui digladiationibus polemicis, & controuersis, quibus priorem vitam in solidum mancipauerat, non ita pridem valedixit: contentus meditationunculam aliquam quotannis edere, eamq; duobus aut tribus fabulosis ornatam miraculis; quâ in re me æmulum non inueniet.* Sic ille: quamquam hoc postremum addere Regius Auctor non debuisset.

Finis Cardinalis Bellarmini in his Opusculis, erat publica vtilitas; & vt scriptione saltem faces admoueret animis, in eisq; amorem & timorem Domini excitaret. Fuit verò voti compos; quia translata exterarum gentium linguis, frequentem editionem, fructu animarum vbiq; magno, habuerunt. Hic idem eius familiarior accessus ad Deum, non solum animæ gratum solatium, sed corpori

quoque salubre laxamentum erat. Gestire enim vultu toto, & colore uti prosperrimo videbatur; prorsus ut possent solitudo ac vitæ asperitas, ab eo inter amœna numerari.

Ex eo item usu pia meditandi, tantam adeptus erat facultatem loquendi cum superis ac Deo, ut videretur semper orare, & numquam deficere. Et sæpè, dum externa & humana procuraret, quia eius interior conuersatio in Cælo erat, oculos suauiter attollebat, cum leni motu labiorum; quibus sonum occultare, cetera loqui iudicaretur. Quoties diuitias, pompas, & quæ prima Mundus habet, intuebatur; tum ad Deum conuersus, aiebat: si tam multa bona, Domine, tribuisti peregrinis, habitatoribus terræ huius, interdum hostibus tuis, & his qui maledictis proscindunt nomen sanctum tuum; amicis quid non dabis, & his qui assiduè personant laudes tuas? Hinc circa res aspectabiles nulla ei erat delectatio; quin imò à studiis ipsius Theologiæ Scholasticæ, quoniam sensu carent liquidæ illius pietatis, quæ ex meditatione percipitur, alienus ferè in ultimâ ætate videbatur; & euoluendis Auctoris eius dedere se, nisi admoneret necessitas, recusabat. At libros alios pios auidissimè, (ut qui eos appellaret cibos delectabiles ori suo) præsertim in senio, legebat.

Hinc

Hinc etiam nascebatur, erga res sacras omnes, simplex quædam in eo & constans veneratio: habebatque cubicula domi disposita ornatu sanctissimarum picturarum, ne in quotidianâ vitâ traducendâ exemplaria illi deessent; & vocabat Sanctos, qui tabulis iis exprimebantur, custodes ac defensores domus suæ; eorumque conspectu virtutem, ne deficeret, in se idemtidem excitabat. Caput dum erat, Thesaurum sacrarum Reliquiarum visitauit; curauitque vt splendide ac sumptuosè haberentur. Existimabat verò, eas in Templis attineri decentiùs multò, quàm in domibus priuatis: idèd eis perquirendis numquam inhians fuit; sed recusauit illas potiùs, quando sponte offerebantur; contentus pauculis, inclusis in paruâ Cruce argenteolâ, quam ante pectus gestabat, & in Cruce aliâ maiori, è simplici ligno; atque hanc in Museo suo, piè magis quàm magnificè colebat: cùm in eâ sacræ particulæ, paruis loculamentis discretæ, non gemmâ crySTALLINâ, sed paupere, perspicuo tamen, vitro tegerentur. Atque hanc ipse Crucem, quippe gratissimi vsus, & quia erat quantum diuitiarum domi reperièbatur, testamento legauit Petro Cardinali Aldobrandino, his verbis dignis æternâ recordatione: *Relinquo autem Illustrissimo Domino meo, id quo pretiosius nihil habeo; vide-*

licet Crucem ligneam reliquiis pretiosissimis refertam. Quadam die, familiæ suæ frustulum ex veste S. Caroli, cum veneratione summâ, & nudato in obsequium capite, distribuit. Dixit sæpenumerò, admirari se, vti magnum Dei famulum, B. Thomam de Villanouâ, Valentiaë Archiepiscopum; & dolere etiam, quòd ferò nimis vitam eius præ manibus habuerit, nam illum imitari Capuæ studuisset. Vitam certè ibi euoluens Ioannis Riberæ, item Archiepiscopi Valentiaë, & Patriarchæ Antiocheni, exarsit desiderio inueniendi, in scripturarum conditorio domi, epistolam ab eo ad se transmissam; vt inter Reliquias eam veneraretur.

P. Bernardinum Realinum, Religiosum nostræ Societatis, iudicabat esse virum eximiae sanctitatis: & idèò olim, cùm esset Prouincialis, & circumspiceret domicilia Prouinciæ Neapolitanæ; vbi ad Aletinum Collegium venit, reperitque Patres omnes pro foribus, vt se aduentantem exciperent, statim prouoluit se in genua, vt Realinum amplexaretur. Et quia is vicissim in genua procubuerat; aliquamdiu hædere ambo mutuis in amplexibus, inuicem deferendo. Postquam verò excessit è viuis Realinus, particulas aliquot tunicæ eius apud se, venerationis ergò, Cardinalis Bellarminus habuit. Ad hæc, vt con-

sequere-

queretur piaculares Summorum Pontificum Indulgentias , studiosè admodum dabat se operibus piis , cùm illas esse pretium Sanguinis Christi non ignoraret. Atque hæc dispositio interior in Cardinali Bellarmino fuit , quantum illa indicare visa sunt , quæ ab ipso exteriùs vel dicebantur cum laude , vel gerebantur. Quamquam occultare , aut obſcurare ſaltem virtutes ſuas , ne ad famam eminerent , videbatur : fateri debemus tamen , ipſum virtutibus magnis , quâ publicè , quâ priuatim , vitam ſuam ita inſtituiſſe , vt cùm palàm eum laudares , ſecreta eius adhuc multò meliùs audirent.

CAPVT IV.

Perfecta eius humilitas.

Robertus Bellarminus , apud nationes omnes tantum nomen , & qui ex Cardinalis dignitate potuit honoris multum accepiffe , plus dediſſe ; tot proſperis ſeu famæ ſeu gloriæ circumfluentibus , haud propterea ſuperbiâ ullâ afflari viſus eſt : cùm ipſe imò perquireret occaſiones demittendi ſe coram Deo , & coram hominibus. Nemo erat , qui dum adſpiceret corpus eius (quippe figuram animi) adeò modèſtè ſitum ; & dum audiret verba oris leniſſima , agique ab eo ad virtu-

tem omnia deprehenderet ; non simul iudicaret , imaginem se Christianæ humilitatis absolutissimam intueri , etiamsi tam cuperet ipse occultus esse hominibus , quàm erat manifestus Superis ac Deo. Declinandi causâ factum omnem , conuertebat se idemtidem ad virtutes heroicas præcipuorum quorundam Sanctorum ; quò ita cognosceret meliùs imperfectum suum : sed & Solem ipsum Diuinarum perfectionum contemplabatur ; vt eius comparatione , quicquid exsplenduerat in se doctrinæ atque virtutis , id appareret quasi lumen deficiens. Atque ita foueret modestiæ & demissionis studium , perinde ac si speciosas de se opiniones ignoraret ipse , & crederet ab aliis eas pariter ignorari.

Tametsi verò hystoria hæc sit huius virtutis sparsa præclaris monumentis : nihilominùs istiusmodi exemplis eius vita abundauit ad eò , vt iusti capitis materiem possint ea quæ supersunt , suppeditare. Ante omnia respicere significationes excellentiæ omnes conabatur ; etiamsi essent ex eo genere , quæ citra vitij notam à sapientibus quoque admitti solent. In Voluminibus suis , numquam permisit propriam imaginem figurari : & idèd , *Effigiem meam* , inquit in epistolâ quadam , *ante libros , quos impressi , semper equidem depingi vetui ; tametsi rogauerint multi : cùm è*
vinis

viuis discessero , posteri de me statuunt , ut velint.

Lepidè alteri , picturam eius desideranti, haud aliter quàm olim S. Paulinus, respondit: *Scire velim, imaginem veteris hominis flagites, an noui.* posteaque subdidit: *Illam, quâ vetus homo pingitur, quia exoleuit nimium, redacta quæ est ad informem materiam, mitti non decet: sicut nec alteram, quæ est hominis noui, quia inchoata est, sed nondum absoluta.* Quibus verbis ostendit, ut vultus hominum, ita simulacra vultuum imbecilla & mortalia esse; formam verò mentis æternam. Atque ut hæc expressa moribus, non coloribus emineret, pulchrè efficiebat pictor egregius, dum has ei umbras humilitatis circumiiceret. In iisdem etiam impressis à se Voluminibus haud passus est versus adscribi, qui continerent famam eius. Pro hac re, liceat mihi Testem venerari VRBANVM VIII. Pontificem Maximum. à quo, priusquam amplissimi Senatus suffragatione frequentissimâ Ecclesiæ gubernaculis præficeretur, Bellarminus verecundè Latīnam Oden pulcherrimam recusauit, quam in librum eius De Ascensione mentis in Deum scripserat: & quæ extat inter lyrica Poëmata, scripta stylo pereleganti, & genio secundissimo, ac typis edita; paulò antè quàm in Vaticano, non carminum iam, sed cæle-

458 VITÆ ROBERTI CARD. BELLARM.
ftium Oraculorum Vates, & Antiftes Maxi-
mus, coronaretur.

Sed cùm potuerit encomiis id genus frau-
dare Libros fuos; non ideò amicorum iuxtà
& aduerfariorum cohibere calamos, vel in-
hibere sermones potuit, quin de ipfo præcla-
rè sentirent pariter, & loquerentur. Debuit
enim sæpenumero, vel inuitus, pati famam,
iuftiffimasque laudes fuas. Quàm ægrè tamen
iis interesset sermonibus, adtusus ori rubor, &
eius modestæ querimonix patefaciebant. In
Epistolâ scriptâ ad Palatinum Inouvladissa-
uiæ, *Cum mærore plurimo*, inquit, *in tuis lit-*
teris legi, me pluris æstimari, quàm quanti sim
apud Deum. Profectò (sicut S. Franciscus dixit
olim) tantæ magnitudinis est homo, quantam
coram Deo, ne statim effluat, retinere potest.
Diuinam Maiestatem ores, ut misereatur mei,
& ut misericordiâ suâ, qui opifex est rerum
admirabilium, ipse talem efficiat me, qualem
esse indicant probi viri multi. Libellus ille meus
ultra meritum gratus omnibus filiis Ecclesiæ
fuit: utinam sit eis æquè utilis!

Sed in Cardinali Bellarmino, virtus de-
missionis enituit etiam ex vno capite, ex quo
in aliis vitij aduersi sæpè oritur suspicio. Ami-
cis quippe narrare de se quædam interdum
audiebatur, ex quibus eius fama & opinio vi-
debatur clarior illustriorque reddi. Aberat in-
tereà

tereà fastidium aurium ; quia eodem animo, quo gesta erant, oratione simplicissimâ , procul à specie omni iactantiæ, illa referebantur.

Cum tamen sciret , rarò quemquam erga bona sua satis cautum esse ; si quid eiusmodi de se narraret, vel inducebatur proptereà quòd fieri ab aliis maiora existimaret , vel quia comparatione suæ perfectionis interioris, putaret ea pretij esse quàm minimi. Ad finem certè Cominentarioli de vitâ suâ, tametsi complexus ea fuerit, quæ continent virtutes magnas ; addidit nihilominùs, se ab amico & fratre rogatum vt ea scriberet, de virtutibus propriis ideò tacuisse, quoniam ignoraret, num in se vllæ veri generis inuenirentur ; sed & vitia siluisse, quia hæc narrata posteris, profutura non crediderat.

Hinc, sicut velare adnitebatur ea, de quibus splendide alij & magnificè iudicabant, & insuper suaues interdum iocos miscere, quò illa contemnerentur ; si quæ agnosceret in se vitia naturæ, non ea supprimebat, sed celebrabat sermonibus de industriâ, ne idoneus ad magna existimaretur. Idcirco in vltimis comitiis Pontificum, nihil inter Cardinales frequentius, quàm surditatem suam, & sinistras valetudines, quas adfert senectus, memorabat.

Quando erat Romani Collegij Præses, librum

brum reperit, in quo omnes, quotquot è Societate ibi studuerint, cum additâ censurâ ingenij atque præstantiæ notantur. Legit verò, Robertum Bellarminum illâ ætate visum esse ita excellere, ut ingenio P. Franciscum Suarium anteiret. At falsus est, hoc à se minimè verum censerì: qui mentis vim cum excessu perspicacem non habuerat; sed, ut aiebat, capax fuerat tantùm, ex æquo, disciplinæ cuiuscumque. Usque adeò sibi met assentari alienum atque indecorum rebatur. Contrà si fortè alij exprobrarent corporis vitia, leniter id ferebat. Et aliquando in Belgio, ex cuiusdam irrisu, à quo auriculis esse grandiusculis notabatur, minimè commotus est; sed (ut olim S. Gregorius Turonensis) vsurpauit verba illa: *Ipse fecit nos, & non ipsi nos*. Iterùm, cùm in libello quodam legeret, haud se futurum Pontificem, propterea quòd simplex nimium videretur; ad marginem libelli adscripsit: *Felix simplicitas, quæ me à tanto onere liberauit*.

De impressis à se Voluminibus, nunquam audiebatur exaggeratè loqui; inuitusque intererat, si coràm laudaretur; contentus solâ utilitate, quam expetierat vnicè in eorundem Voluminum editione. Rogatus de re aliquâ dubiâ, vel de interpretatione Scripturarum, summâ cum luce ac facilitate, tantùm

tantum ea quæ rem exponerent, afferebat; ut qui apud se paratam, non tamen nimium venalem sapientiam habere consueverit. Si qui verò explanationi non acquiescerent; tum ipse confirmans, quæ semel dixerat, digrediebatur ad alia; atque addebat solum: Quemadmodum vultis, ita demum sit. Ceterum paratissimus fuit, ab subeundam aliorum censuram, ut indicauimus alibi: ex quo Raphaël Episcopus Zacynthi, in Cardinali Bellarmino aiebat, omnes miratos esse; virum adedò excellentem, & qui eruditione cum ætatis suæ Scriptoribus quibuscumque poterat comparari, Operum suorum nihilominus censuram petere enixè, & libenter etiam audire solitum fuisse. Quasi Auctor egregius, vel ignoraret præstantiam suam, vel illius saltem obliuisceretur. Vfus verò est hac demissione, non erga viros modò sapientiæ eximiæ, sed erga alios etiam. Et ideo extant ipsius litteræ ad Balthasarum Moretum: cui cum misisset librum De felicitate Sanctorum, vltro potestatem fecit, ut mutaret capita rerum nescio quæ; ac librum ederet, si opus luce dignum ipsi videretur.

Ad occasiones alias etiam ostendit, se prorsus nihil ad summam demissionem sibi reliquum fecisse. Ita cum in summo Templo Capuæ, feria v. Cœnæ Domini, pedes duodenis

denis pauperibus proluisset, perfunctus pio munere, cœpit eosdem instituere primis Christianæ doctrinæ rudimentis. Ægerrimè verò tulit, cùm deprehendit seniore ex iis, qui ordine primus, ac S. Petrum referens, ab ætatis anno centesimo perparùm aberat, adhuc Apostolicum Symbolum ignorare. Et tum Paróchis id munus erudiendi alios, proprio etiam exemplo, cœpit efficacius commendare: nam ex eo tempore ipsemet paruulos & rudes consuevit Capuæ instruere publicè, vt diximus; nullo ex minoribus Sacerdotibus detrectante munus, quod Antistes supremus occupauerat. Rogatus vt causæ alicui patrocina-retur, interdum etsi potuerat homines deuocare, aut per vnum è famulis renuntiare quid pro eis egisset, adibat eos tamen ipsemet: quo pacto ad vnum è Laicis Adiutoribus Societatis semel & sæpiùs venit; vt plura intelligeret de negotio, quod ille optauerat Pontifici à Cardinali Bellarmino exponeretur. Commeantes ad se externos excipiebat, deducebatque officiosissimè. Et tum videbatur ab ipso id fieri benigniùs, cùm virtuti honor exhibendus erat. Tametsi enim reueritus est omnes, habebat venerationi potissimùm eos, quos Deo cariores existimabat: dixitque sæpiùs, haud aspernari quempiam nos debere, etsi mendicus fuerit, dum
igno-

ignoramus, num ille gratior sit oculis Dei, quam nos fortè simus. Hinc aduentantes pauperes sic admisit, vt eis interdum, quò vnà sederent, propriis manibus sellam aptauerit. Deprehensus est quoque non semel, stans ipse, illos sedentes audire, & ita præcipere, propter eorum lassitudinem, vel senium.

Par ei ratio erat, cùm iustis laudibus eos prosequeretur, quorum emerent merita; fuitque in hoc genere tam eloquens, vt frequenter ex eis modestiæ colorem exprimeret. Nullis artibus Ascleclas honorarios, ad se deducendum, quando ad Pontificias & ad publicas functiones ibat, allicere solitus fuit. Imò iussit sæpè, Episcopos & Præsules (qui adueniebant causâ comitadi deducendique) cessare ab eâ officij significatione, quâ vtique ipse non indigeret.

Animi hæc moderatio ceterum cultum familiæ eius temperabat: non enim domi suppellex erat elegans, non tabulæ pictæ ab auctoribus laudatissimis, non sericæ aut pretiosæ vestes; sed tantùm in cubiculis peristromata vulgari opere, quibus tegerentur illa veriùs, non ornarentur. Super mensam, tenax disciplinæ suæ, parco parabiliq; defungebatur cibo; quem etiam ei patinæ fictiles ministrabant: nec famuli à pedibus incedebant succincti

464 VITÆ ROBERTI CARD. BELLARM.
fuccincti gladio ; sed cuncta modestum Heri
animum referebant.

Super omnia propositum illud abdicandi
se Purpurâ , vt suo posset Ordini restitui , in-
terque Socios senectuti placidæ sedem pro-
spicere , indicium fuit animi eius demissis-
simi. Quocircà annos, quos magis tranquil-
los vixerat, fuisse illos aiebat , quibus in Reli-
gione olim, & postmodum Capuæ vixit : vbi
procul ab Aulæ strepitu se in subsidium ani-
marum impenderat. Mauritius à Sabaudiâ
Cardinalis & Princeps , in quo par amplitu-
dini familiæ magnanimitas & pietas inest,
testatur ex ore ipso Cardinalis Bellarmini au-
diuisse se , quo pacto sæpiùs optauerit in re
priuatâ viuere , superstes dignitati suæ ; atque
inter Socios obscuro habitu , nullaque Aulæ
specie , occupare leti diem. Congruit iis pia
ipsius cogitatio , quâ vnum illud vitæ genus
expetendum esse ducebat , in quo possit quis
de salute suâ viuere securior. Idedò quamdiu
in Societate aliis obtemperauit, anceps de sa-
lute numquam vixerat : at cùm in eâ præfuit,
& multò magis cùm ad Purpuram atque ad
Insulas euectus est , rationem de aliis Supre-
mo Iudici redditurus , aiebat , sibi non eam-
dem securitatem superfuisse ; etiamsi ignora-
ret , cuius noxæ reus posset postulari. Quod,
vt ego interpretor , ignorauerit perpetuò ;
quia

quia numquam ingenium idem ad res diuersissimas, parendum & imperandum, habilis fuit.

In hanc sententiam viro cuidam honesto sciscitanti, quodnam hominum genus crederet certius æternam salutem consequi; respondit statim: *Nisi me fallit animus, opifices ij sunt, & qui diutino labore vitam tolerant: nam iis totâ die nihil ad otium superest. Possident verò, ut se & familiam alant, tenuem illam siue copiam, siue inopiam, quam sudore vultus sui sibi pepererunt: qui titulus possessionis omnium est acquisitus, & optimus.* Addidit tamen hoc intelligi, dummodò ipsi iustâ mercede operis contenti viuant. Id exemplo Christi Domini confirmabat, qui vtique Sapientia æterna, cum in terris statum eligeret, Patentem opificem elegit, exercuitque operam fabri, creditus propterea faber, & filius fabri. Deinde addidit, se, cum per Urbem iret in Purpurâ, adspiceretque eiusmodi opifices in officinis variis laborantes, inuidere solitum eorum felicitati; adeò vt optauerit sæpius, cum humili ipsorum inopiâ Purpuram eandem commutare. Ad hæc in oculis suis vsque eò euiluit, vt interdum palàm, contemptui se esse, lataretur: qui gradus modestiæ ac demissionis supremus meritò censetur. Denuntiata Pontifici fuerat opinio quædam ipsius,

iam typis edita, quasi nouam doctrinam contineret; quæ tamen ab Auctoribus optimis in Theologiâ communiter asserebatur. Conscius latentis accusationis ab amico fit Bellarminus; moneturque, vt datâ occasione vel quæsitâ etiam apud Pontificem causæ suæ, imò veritati patrocinetur. Sed hoc agere ipse renuit, cùm diceret: *Si de hac re loqui cum Pontifice debeam, vt alter existimatione suâ cadat; non possum quin abstineam, cùm iubeamur bonum reddere pro malo. Sin vt tuear existimationem meam, pariter non possum quin si- leam: quantum enim existimationi meæ sensero adimi, certus sum tantumdem addi merito & voto meo.* Nec aliter deinde fecit: & cùm Pontifex sponte de sententiâ illâ sermonem iniecisset, ipse rem nihilominus, plenus constantis silentij, dissimulauit.

Intererat quadam die Theologicis disputationibus, in Templo S. Mariæ Transpontinæ quam vocant; qui locus est Ordinis Carmelitarum. Dum verò inutiliter adstreperet is qui arguebat, Cardinalis Bellarminus modestè insinuauit, posse ipsum responsioni datæ acquiescere, quam solis tum clamoribus oppugnabat. Ille indignatus, & mussitans nescio quæ, ore confuso, tandem affirmauit, petiturum se precibus à Deo, vt numquam eua- deret Pontifex. Inurbanitas ea, neminem è Car-

Cardinalibus aliis qui aderant, minùs quàm ipsum Bellarminum tetigit; siquidem is erat, qui præoptabat immeritò, quàm iure contemni: & idèd nec vultu nec verbis hominem redarguit; adeò iram superauerat. Tum Cardinalis Millinus, Summi Pontificis Vicarius, auctoritate suâ seuerè eundem increpuit, & silere iussit.

Quoties hortabantur, vt conquereretur de iis, quæ secum, non pro conditione gradus & meritorum eius, interdum agerent; recusabat, affirmans pluris fieri à se charitatis vnciolam vnâ, quàm pondo existimationis propriæ; & se nolle, cum iacturâ gratiæ cælestis, bonam inter homines opinionem quærere. Neque fuit metuendum in ipso, ne proprius Amor (orator domi nostræ assiduus, & nostram superbiam sæpè ad alia vocabula transferens) suaderet, decedere honori Religionis ac Dei, quidquid detraheretur propriæ existimationi: quâ nimirum re, nihil solet esse in speciem fallacius.

In confessibus Cardinalium, quibus interueniebat Bellarminus, vnus inuentus est, qui æmulatione laudis eius, cùm sententiæ dicerentur, nihil sentire idem poterat; nec eius consilia, vmquam rata esse apud se, ostendebat. Eo certamine parùm decoro Cardinales alij velut offensi, Bellarminum contem-

ni, nec inuicem contemnere timiditati adscribebant; cū scirent, quantum discrimen esset inter eius oracula, & alterius consilia. Rogatus est propterea Cardinalis Bellarminus, modestiam in loco poneret; & verbo tantum (potuisset enim) æmulum confunderet. At subridens ipse, & digitum primò, deinde brachium ostentans; *Mihi satius, inquit, & melius videtur tantillum charitatis, quàm mensura quantalibet propriæ existimationis.* Et cū subderetur, aduersus charitatem nihil peti; sed tantum vt desineret ille contra ipsum videri semper obliquus, & semper dissentire manifestus: nihilominus ratus arduum esse, æquo examine rem librare, à proposito non recessit. Solū, quia rumorem expauit, quo spargeretur, inter Cardinales duos non satis conuenire; colendo eum vt parem, qui se non ferebat superiorem, conatus est demereri animum eius: primusque ad obsequium, illud addidit ceteræ comitati, vt dexteram illius prehenderet aliquoties; oraretque, mutuo erga se animo, & vnâ mente consilioque esse vellet. Sic nullius inquinauit famam; & absque famæ suæ damno, patrociniū illud propriæ gloriæ detrectauit.

Verū hæc non ideo egit, propterea quòd ingenio spontè languido ac remisso esset; sed quia naturam præferuidam mitigauerat in

eo virtus: idque satis indicauit ad occasiones illas, in quibus ipsum animo constanti esse interdum oportuit. Religioso nescio cui titulum Magisterij à PAVLO V. Pontifice impetrauerat, in præmium defensæ ab eo Ecclesiasticæ iurisdictionis. Cardinalis alter, Ordinis Patronus, petiit à Pontifice gratiæ abolitionem. Sedenim odoratus id Cardinalis Bellarminus, ad solium Pontificis rediit, obtinuitque sanctâ cum libertate, vt non aliter decerneretur. Magis hanc eius constantiam experti sunt alij, qui non perinde ac decuit, dignitatem ipsius reuerabantur: nam, cum in re aliâ omni, iniurias illatas, doloremque animi condonaret; nec iram denuò suscitaret, postquam offensio languerat; videbatur memoriâ valere tantum erga iniurias illas, quas non tam sibi, quàm dignitati suæ animaduertenter irrogari.

Et verò tum maximè apparuit eius lenitas coniuncta cum acri, sed iustâ obiurgatione, quando Cœnobita nescio quis, in libello edito, acerbè inuectus in pronuntiata quædam è Cardinalis Bellarmini voluminibus excerpta, etiam ei opiniones alias, censuris obnoxias, falsò tribuerat. Quadam die ergo, cum vnâ ambo loquerentur, in Cardinalem Bellarminum, Religiosus eius libelli Auctor, eâ arrogantia inuehi cœpit; vt Aulici, qui inau-

470 VITÆ ROBERTI CARD. BELLARM.
diuerant superba eius dicta, animaduersione
cum graui crederent esse corripiendum. Ven-
tum interim ad codicem est, in quo senten-
tia, vt imponebat alter, velut è Cardinalis
Bellarmini libris accepta, refellebatur: con-
fertur cum Auctoris doctrinâ, eiq̃ue minimè
congruit; imò aduersatur iis quæ Bellarmi-
nus assererat, in illâ ipsâ Voluminis parte, ad
quam alter prouocabat. Tum Cardinalis,
postquam animo spatium dedisset, donec
omnis ira refederat, Credideram, inquit,
Theologiæ parum te didicisse; iam & Gram-
maticæ te adhuc minus scire, animaduerto.
Ita qui diu moderans paruerat dicto Sapien-
tis; *Ne respondeas stulto iuxta stultitiam suam,
ne efficiaris ei similis*: necesse habuit obiur-
gans patère etiam dicenti; *Responde stulto iux-
ta stultitiam suam, ne sibi sapiens esse videatur.*

C A P V T V.

*Quàm fuerit alienus ab omni cupiditate,
& affectu rerum terrenarum.*

Ceteræ magnitudini Cardinalis Bellar-
mini illud accessit, propè instar miracu-
li; vt cupiditate fuerit, non tam sedatâ, quàm
extinctâ penitus, circa diuitias omnes: adeò
vt congrueret illi perfectè vox ea S. Cypriani:
Nihil appetere, nihil desiderare de sæculo potest,
qui

qui saculo maior est. Et idè meritò scribere Antonio Ceruino in hæc verba potuit: *Si annis quadraginta, quibus in Ordine Religioso vixi, non didicissem regere inferioris animæ studia, ac rebus mundi huius facere pretium; quò æstimarem eas, non quanti veneunt, sed quanti valent; Episcopus malus essem. Præsertim quia Episcopi est, in conatu perfectionis altius niti, quàm Religiosi profiteantur.* Hoc verò imperium in naturæ deprauatæ rebelles motus tam exercuit placidè, vt familiares eius fermè crederent, eum sensus, quos vinceret, non habuisse: & ad occasiones tamen ostendit sæpiùs; domitis se, non autem per ingloriam innocentiam, sopitis iis naturæ stimulis vsum esse. Erga affines & agnatos nemo affici temperantiùs potuisset, cùm audierit obitum illorum absque lacrymis & comploratu; nec in eorumdem funere, lugubrem domum pullo amictu, in speciem mœroris, vñquam habuerit: ex quo in Epistolâ eadem aiebat; si qui eorùm excederent è viuís, & sperari credique posset, locum ab ipsis inter pios obtineri; tunc non mœrere, sed inuidere potiùs, & ex eorum exitu lætari se debere; vt pote quorum iam æterna fors in tuto esse existimabatur.

Circumspectus deinde, & parcus, subsidia eis suppeditauit, iuxta S. Augustini consilium

illud, quo suader, erogandum eis esse, non quò illi ditescant vel opimentur, sed quò illi minùsegeant. Eius germanus Frater proles factis multas, pro familiæ suæ gradu atque honore, ægrè aut vix alere poterat: nec deerant ex agratis alij, quos inopia premebat: ipse nihilominùseosdem non copiosius, quam ceteros pauperes, fuit. Munia publica nonnumquam eis impetravit tamen, ut vitæ honestæ alimenta inde sumerent. Quos autem ordinata charitas primo loco, uti propinquiore, ei commendabat; hos proprio censu, sed parsimoniâ tantâ sustentavit, ut etiam duris iudicibus, ac pauidæ conscientiæ, nimio parcior appareret. Ita, qui in egenos & alios pios usus distribuit aureorum amplius quinquaginta millia; planè quasi publicus Parens, in locum affinium atque agnatorum adoptasse sibi pauperes videatur.

Rogarant enixè multi ore tenus, ac per epistolas etiam, ut liberalior erga eos foret, sed plenus constantiæ, nihil immutavit; & cum inuitarent illi sæpiùs in patriam, quò ita perspiceret tennes eorum fortunas, numquam induci potuit, ut eò remigraret.

Capuæ, cum ex aëris afficientis vitio tentaretur sinistra valetudine, quæ humorem exstillantem è capite in tibias cum tumore derivabat, Petro Guidotto Oeconomo eius visa
tum

tum opportunitas est hortandi Cardinalem Bellarminum, vt, non minuendo censum annuum, mutaret Archiepiscopatum illū cum Ecclesiā Politianā, & ad suos hoc pacto remearet. Sed Cardinalis satis intellexit vnde consilium illud manaret, ac respondit suadenti: *O Petre, caro & sanguis reuelauit tibi: hæc argumenta suggerunt affines mei: sed nihil fiet: nam Ecclesias quasi per mercaturam distrahere, non est via quā itur ad cælum.* Religioso cui-dam id molienti, vt Cardinalis Angelum de Aciariā, sororis filium, aureis non ampliùs ducentis iuuaret; quò is potiretur Archiepiscopatu Theatino (Archipræful enim ipsum successorem dicere statuerat, modò redditus, quos illi cedebat, compensarentur; ad quam compensationem ea summula tantum dederat) subsidium hoc tamen, etsi tenue, Bellarminus negauit, dicens nolle se de Ecclesiis ita transigi: tametsi merita viri alioqui non ignoraret, quem innutriuerat disciplinā & moribus suis; & qui Episcopus Theanensis postmodum obiit.

Ceterum, non ex naturæ arctæ contentæ-que vitio id oriebatur, vt ostendunt sumptus eius eximij, piæ largitiones, & prouentuum annuorum diminutio; quam passus est sponte, nec deinde à Pontifice sibi conditionem augeri flagitauit. Ex Procidæ Abbatia quot-

annis percipiebat circiter aureos septingentos. Sed postquam iurisdictionem illius cesserat Antistiti Neapolitano, atque eam insulam redegerat in Ecclesiæ tribum, ne quid detrimenti salus incolarum pateretur; annuente Pontifice, aureos centum annuos decēdit ex eâ summâ, pro noui Præfecti animarum salario: tametsi offerrent se, qui onus illud susciperent, contenti annonâ fortuitâ, & incertis emolumentis; quorum non tenuis modus indidem sperabatur. Ad hæc, quia Dynastæ illius Insulæ pro se Abbatiam enixè petebant, facile inductus est Cardinalis Bellarminus, vt eis annueret; propter persuasionem quam habuit, oportere vt Antistes illic resideat: idcirco Thomæ de Aualos illam permisit: & cum ab eo pensionibus annuis accepisset vicissim aureos quingentos, statim in familiam eos vniuersos distribuit. Episcopus Pientiæ non copiosus, debebat ei annuis pensionibus item aureos quingentos: sed euoluto triennio summam illam ab ipso non ampliùs exegit, eò quòd ex inopiâ vix erat soluendo: eâ lege id tamen egit, vt is Episcopo montis Pilosi, item inopi, condonaret annuè pensionem aureorum ducentorum. Non distulit tamdiu abdicare se pensione alterâ, quâ ei aureos pariter ducentos Strongoli Episcopus debebat: siquidem commiserans eius egesta-

egeſtatem, ne admiffit quidem primam ſolutionem.

Quando Capuæ Antiſtes erat, vacauit in eâ Diœceſi Abbatia S. Benediſti; cuius cenſus annuus erat aureorum circiter mille; & poſſederat eam familia Neapolitana de Angelis, titulo iuris Patronatus quem appellant. Sed quia Clemens Pontifex intellexerat, ex priuilegio dumtaxat, non ex fundatione id fieri; ius aboleuit, & Cardinalem Bellarminum eius nouum Antiſtitem nominauit. Verùm ipſe ſtatim per litteras gratias egit, & ad Pontificis pedes beneficium remiſit; tum quia plures beneficiorum titulos nolebat, tum quia ſibi videbatur eſſe ſatis diues, & propter titulum illum iuris Patronatus, lites inde aliquas metuebat. Pontifex tamen reſpondit; titulos ipſius non tot numero eſſe, vt religio ſit eos augeri: & nouos Eccleſiaſticos redditus ipſi meritò ac iure conferri, quandoquidem pauperibus maiori ex parte eos erogabat. Poſtremò vindicandum eſſe ius, quod Eccleſia ibi amiſerat; & id poſſe neminem conſequi meliùs ipſo, cui ſuberat in eâ Prouinciâ plurimum gratiæ atque auctoritatis. Tunc Cardinalis Bellarminus, Pontifici minimè auſus reſragari, in hæc verba reſcripſit:

*Exoſculor cum obſequio magno ſanctiſſimos
pedes*

pedes Beatitudinis tuæ; & gratias habeo propter humanissimam epistolam, quam ad me dedisti. Quoniam ita iubes, BEATISSIME PATER, ut defendam ius Abbatia S. Benedicti; obediam, non ex tristitia aut necessitate, sed corde magno, & animo voluntario, ut Sacra Scriptura loquitur. Siquidem nihil magis in votis habeo, quam ut voluntas mea tua obsequatur voluntati; quam reor esse voluntatem Dei. Interim me, & hanc Ecclesiam meam commendo benevolentia ac patrocinio Sanctitatis Tuæ, &c. Familia de Angelis prouocauit statim ad Ministros Regios: irriti fuere tamen eius conatus; nam Cardinalis Bellarmini sanctimonia & integritas postulatis illius præferebatur. Romam cum rediit, PAVLO V. Pontifici supplicauit, ut annueret cupienti Abbatiâ eadem se abdicare, quod ex illius censu annuo Collegium Societatis IESU in vrbe Capuâ fundaretur. Quod cum non impetrarit; saltem auctor fuit, ut Templum atque Ædes Abbatis ibi in eiusdem Societatis vsus cederent: cuius Templi sacra munia omnia, in principem eius vrbis Ecclesiam translata fuerunt.

Nullius fuisse dignationis apud ipsum copiosos prouentus, indicauit lepidè; quando postquam priuauerat se Capuæ Sacerdotio, & ex duodenis aureorum millibus annuè, ad sena tantum millia redactus fuerat; cui-
dam

dam Cardinali primario , qui percensuerat summam suorum reddituum annuorum, ad sexaginta nimirum aureorum millia, dixit ioco: *Si ita est, hi magni redditus ex nihilo superant meos.* Lusit enim in quartâ Vocalium; quæ inter notas numerorum , solitariè accepta , nihilum numeri est : adiecta verò senis millibus, quæ erant census annuus Bellarmini, numerum auget vsque ad sexaginta millia. Inter quæ ludicra (vti pulchrè interea fertur verum) ostendit, eas quæ affluunt opes à se nihili æstimari.

Constans hæc & perpetua voluntas spoliandi se redditibus propriis , præsertim in Cardinali haud ita copioso , fuit CLEMENTI VIII. primùm, dein PAYLO V. Pontificibus admirationi magnæ. Ille propterea gloriatus est aliquando, se Cardinalem vnum ex eorum numero fecisse , quos Aula raros videt. Hic verò Bellarmino ipsemet dixit, longè aliter eum esse comparatum, ac ceteri sint; qui (vt ingenia cuique sunt ad suam exaggerandam inopiam facunda) flagitant, & cupiunt perpetuò sibi opes augeri : cùm ipse contrà id vnicè peteret, vt quas habebat, aliis communicaret. Sedenim respondit Bellarminus; se pauperem nobilem natum esse , vixisse pauperem Religiosum , & mori Cardinalem pauperem velle. Reputabat nimirum
secum,

secum, aurum & opes propitius an iratus Deus neget, vel conferat, plerumque ignorari; & pecuniam, ut bonis apta est, ita paratam esse peccantibus. Ideò conscientiae consultius credebat, paruo viuere; & virtuti magnæ, quàm opibus magnis, in animâ locum aperire.

Potest etiam aliunde cognosci, quàm fuerit alienus animus eius ab utilitate propriâ. Decreuerat donaria Principum nulla, nullas eorum pensiones admittere; & in eo proposito cōstans perpetuò fuit. Cardinalis S. Cæcilie Bellarmino, quando is vocatus ad Purpuram fuerat, obtulit aureorum aliquot milia; eaque ipse ab illo perinde, ac sæpè deinceps ab aliis, recusauit. Duci Nicolao Christophoro Radziuilio, qui pelles ei nescio quas magni pretij transmiserat, hæc rescripsit: *Quamquam agnosco in his muneribus beneuolam propensionem animi tui erga me; & gratias, uti par est, ago: tamen iam pridem deliberratum habui, munera non suscipere: & hætenus pretiosa dona Principum Virorum recusavi, ac remisi etiam. Sed hoc agere iam nolui; ne reuehi tam procul oporteat pretiosas pelles, quas ad me misisti. Rogo ut, si me amas, nihil muneris loco mittas deinceps; nisi velis, ea quæ mit-tis, distrahi statim, & pauperibus pretia eorum distribui: quod de pellibus, quas iam accepi, pariter*

riter delibero. Ad hæc Maria Christierna & Leonora Austriacæ, feminæ Principes & Archiduces, quæ Halæ vitam castissimè sanctissimeque in claustris agebant; quoniam cum Cardinali Bellarmino per epistolas, de his quæ ad animam, sæpè conferendo, amabilem cum iuxtà venerabilemque compererant; miserant dono Crucem ex auro & gemmis, velut sui erga eum obsequij ac pietatis monumentum. Cardinalis, ne deterius factum suum interpretantibus durior fortè videretur, munus non repudiauit; sed gratias pro eo referens, Crucem vendidit, illiusque pretium erogauit pauperibus.

Religiosus quidam picturam ei obtulerat S. Francisci; pro quâ Cardinalis, cum opus mirè placeret, soluere mercedem opifici statuerat. At cum affirmaret ille, pictoris dono se eam accepisse; non priùs admisit, quàm à Pontifice veniam flagitaret, ne peccaret contra Diploma de muneribus. Transmiserat Religiosus alter arcam, vitris Murani perspicuis refertam: sed ipse, domum ne importari quidem passus est; & Vicario Generali Ordinis, vt de illâ pro arbitrio disponderet, integrum reliquit. Fuit verò propositi huius aded tenax, vt à Religioso item alio cistellulam vimineam tuberibus semiplenam (genus hoc est rei cibariæ) accipere noluerit, nisi cum
nomi-

480 VITÆ ROBERTI CARD. BELLARM.
nomine totius Cœnobij eam Generalis Præ-
ses redonauit.

Sed, quod magis miremur, ne à laicis qui-
dem ac liberis hominibus, vlla grati animi,
etsi parua, indicia admittere, nisi ægrè, solitus
erat. Bibliopolas Transalpinos (cum hi sæ-
pè donarent Volumina varia, quæ imprime-
bant, & numerum etiam Opusculorum ip-
sius offerrent) monuit, exemplar vnum aut
alterum ad se, non autem plura mitterent, et-
iam quando munifici esse cuperent. Adhuc
erat ei minùs gratum, si quæ ad agnatos mu-
nera mitterentur. Idcirco Episcopo cuidam,
qui Fratrem suum germanum donariis sæpè
coluerat, scripsit; non id posse virtuti eius ad-
scribi, propterea quòd nec suberat ei copia,
nec deerat necessitas aliorum pauperum in
Dioccesi propriâ, erga quos benignitatem ex-
erceret. Denique obuersabatur animo eius
assiduè illud Isaïæ: *Beatus, qui excutit manus
suas ab omni munere.*

Hæc vitæ ratio ab aliquibus simplicitas,
aut prudentia deficiens iudicabatur; cum ipse
merito interim crederet, indignum esse An-
tistite ac Sacerdote Magno, quem solum de-
ceret pio quæstu animarum inuitari, si stu-
deat opes cumulare. Ideò, cum Præfecto
Rationum accepti & dati ephemerides con-
sulebat dumtaxat, quia mense & anno cir-
cumacto,

cum actō , cupiebat statim , quidquid supere-
rat, in pauperes erogari. Quoties autem idem
rationum Præses ei suavior erat vt pecuniæ
partem aliquam seponeret, ob fortuitas, quæ
solent sæpenuerò ingruere , necessitates;
ipse respondebat : *Sunt cogitationes de crasti-
no : omittas cetera, & eleëmofynas largè distri-
buas.* Non tamen rei suæ procuracionem
negligi , aut labi domum per incuriam patie-
batur : siquidem Administris suis iniungebat
feriò , vt industriâ magnâ coli arua tempesti-
uè curarent, eorumque custodes & agricolas
tuerētur aduersus ministros Regiæ potestatis.

Tanta erat proinde opinio de ipsius inte-
gritate, vt Scriba publicus Sanctæ Inquisitio-
nis , sententiæ capitali , quâ damnabatur ob
admissum crimen in eo Tribunali, non prius
acquieuerit, quàm , sicuti optauerat , Cardi-
nalem Bellarminum alloqueretur, & æquam
Iudicum sententiam, seque esse capitis reum,
ex ore eius intelligeret. Neque promanauit
aliunde in eo libertas consiliorum : propter
quam ipse virtutem (præsertim cum optimi
consilij auctor esset) à GREGORIO XV. inter
initia Pontificatus , habitare in Vaticanâ Re-
giâ iussus est. Quod vt ei denuntiaretur, Car-
dinalis Ludouicius Clementem Merlinum,
Sacrae Romanæ Rotæ Auditorem , ad eum
misit ; significauitque , cupere se gloriosum

reddere, ipso assidente, Pontificatum Patruī sui; atque insuper meditationis suæ futurum, nouis redditibus eius breuem censum augere. Ex eo nuntio anceps aliquamdiu Cardinalis Bellarminus, respondit, sibi benè esse domi suæ; sed Summo Pontifici nihilominus se obtemperaturum. Concessit itaque in Vaticanas Ædes eâ deliberatione, vt Pontifici seruiret dumtaxat in iis, quæ spectant ad Ecclesiæ commune bonum; & abstinere à reliquis, quæ temporariæ sunt procurationis. Et quia nouerat Cardinalem Ludouisium procliui animo ferri, ad augendam, quibus posset modis, Sanctæ Sedis existimationem & gloriam; currenti addere stimulos decorum esse interpretans, cœpit hortari, vt nouum Diploma de Pontificum electione condi & promulgari curaret: sicut feliciter euenit deinde; atque hoc promouit tam efficaciter, vt idem Cardinalis Ludouisius, ad Cardinalem Borromæum scribens, atque memorans ei causas propter quas hoc deliberauerat, his verbis fermè vtatur: *Peculiariter Cardinali Bellarmino, cui quies iam inter pios est, pollicitus ego fueram, atque iteratis verbis addixeram fidem meam; fore nimirum, vt potentiam omnem & industriam meam impenderem, quò eiusmodi Diploma conderetur, dummodò Summus Pontifex, Deo propitio, esset compos vitæ diuturnioris.*

turnioris. Sic ipse. Verùm Cardinalis Bellarminus , gratiâ Principatus aut sobriè aut numquam vsus , meruit hac moderatione sua , vt GREGORIUS XV. Nicolao Bellarmينو , fratris eius filio , titulum Abbatix sancti Benedicti , quam ipse possederat , conferret. In his quæ erant reliqui , vt nihil magis optabat , quàm in tranquillo esse ; breuî occasionem habuit viuendi pænè in solitudine , & grato secessu. Postquam enim ad Ædes Quirinales cum Aulâ Pontifex migrauerat ; quia ferè in Vaticano solus manserat , non facile est referre , ex silentio illo quantû hauriret commodi cor eius. Perpetuò siquidem agere cum Deo potuit : quod affirmavit ipse familiaribus suis. Cardinalis Crescentius etiam de eo : *Præter Horas* , inquit , *Officij Sacerdotalis* (*quas momentis suis legebat plerumque in genua prouolutus*) & *præter tempus* , quod *pia commentationi rerum caelestium tribuebat* , *interualla negotiorum omnia aut studio aut precationi dabat*. Et memini , cùm eum rogarem postremis mensibus in æstate , vt quia ob aërem insalubrem in Vaticano periculum non deest , secederet inde ; respondisse cum illico , sumere se à solitudine illâ voluptatem plurimam ; propterea quòd , cùm eò aduentarent pauci , animus eius poterat assidue ibidem versari cum Superis ac Deo.

CAPVT VI.

*Quàm illustri cum opinione virtutis
& sanctitatis vixerit.*

VItæ ratio, comes virtutis in Cardinali Bellarmino (ex quâ paulatim is laudes singulas promerendo, promeruit vniuersas) tâ illustrem de illo apud omnes excitauit opinionem, vt MAPHÆVS BARBERINVS (Cardinalis, in cuius animo atque ore tantum sapientiæ inerat, quantum Augustis Patribus requiri visum est, vt in Terris Vicarius Dei constitueretur) dixerit de Bellarmino, dum viueret ac spiraret adhuc, eum à se adæquè æstimari sanctum, atque alios, quos defunctos iam rebus humanis, cum adiunctâ etiam antiquitatis commendatione, veneramur. In carmine, item à se edito, eum sancto Carolo Borromæo virtute parem ac similem facit. Siquidem vt is, cui ingenium suberat, & mens sublimior, atque os magna sonaturum, ex quo & ei meritò des Poëtæ nomen, ac nominis huius honorem, inter Lyrica Poëmata plura, titulum vni adscripsit, *In Opus Illustrissimi Cardinalis Bellarmini de Ascensione mentis in Deum.* Et prosecutus de hoc argumento felicissimè multa, tandem de Cardinali Bellarmino hæc in fine habet:

Huc

*Huc pura mentis lumina dirige;
Scalam recludit rebus in omnibus,
Pulsis Belarminus tenebris,
Quæ gradibus super astra tendit.
Dux ille per vestigia Caroli;
Cui vota fundit, quem decus Insubrum
Miratur Orbis, quem Senatus
Roma sacrum veneratur astrum.*

Cardinalis à Monte supremus in ordine Purpuratorum, etiam ipse de Bellarmino palàm sermonem esse perinde, ac de viro sancto, affirmavit. Quod vocabulum à se usurpari tam propriè dixit, quàm de vilo vniquam possit: Cardinalis Bandinus, similem Sanctis Ecclesiæ Doctoribus, tum in doctrinâ, tum in moribus eum habuit: semper verò visum esse, ait, exemplar absolutissimum Præsulum Ecclesiæ, & lumen Sacri Collegij. Cardinalis Rochefocaut, cùm distingueret in ipso virtutes omnes, quas rebatur dignas eo amplitudinis gradu, in quo vivebat; tres peculiariter aduertit in ipso nitidiùs clarescere. Hæ fuerunt, summa humilitas cum doctrinâ item summâ, rara in semet seueritas coniuncta cum suauitate morum, & demum animus ad finem vsque Religiosæ perfectionis amantissimus. Consonat his Cardinalis Crescentij ea vox, quâ ipsum passim venerationi habitum, vti virum sanctum, asseruit;

adiecitque interfuisse subinde se, cum viri magnæ conditionis ei vultum demitterent prætereunti; & dum ille non aduerteret, vestes quoque eius exoscularentur, tacitè venerabundi. Cardinalis Verallus, ipsum ait in Aulâ vixisse, vti propositum exemplar; vnde sumere virtutem possent Cardinales alij pariter, & Ecclesiastici omnes. Scipio Cardinalis sanctæ Susannæ ait, excedente e viuis Cardinali Bellarmino, iis qui in Purpurâ erant, coronam decidisse; eorumque Ordinem, nescio quomodo sublimiorem augustioremque sibi visum esse, dum lumen illud in eo consulgeret; quod effusum cuncti adeò indoluerunt. Cardinalis Valerius, cum fateatur, se diuersis temporibus nouisse viros doctrinâ, probitate, & morum ceterâ laude primos, sublato etiam e viuis, non absque opinione sanctitatis; addit, in iis omnibus, sub vnâ comprehensione acceptis, haud se reperisse tot virtutes, quot repererat, gradu quodam excellenti, in vno Cardinali Bellarmino. Cardinalis Cremonensis existimat, etiam præstantiâ doctrinæ pariter ac vitæ integerrimæ, comparari posse cum laudatissimis quibuscumque, qui duplici eâ in laude antea actis sæculis excelluerunt. Alexander Cardinalis Vrlinus, in Bellarmino etiam iuvene, miratus est castitatem, perinde atque in Iosepho; paupertatem

tatem inter diuitias, sicut in Dauide Rege; liberalitatem in egestate, quemadmodum in Tobia; solitudinem interiorem, inter obstrepentes Aulae occupationes, tamquam in Gregorio Magno; humilem opinionem de se ipso, tametsi cumularetur virtutibus magnis, adæquè atque in Paulo; denique liberam vocem erga dominantes, sicut in Ioanne Baptistâ. Mauritius Cardinalis à Sabaudia, Bellarminum ait in honore habitum à se fuisse, propter doctrinae miraculum, quâ hæreticos Religionis hostes profligauit; & propter integritatis sanctimoniamque laudem. Refert verò, Sabaudiae Ducem, Parentem suum, crebris sermonibus, quâ priuatim, quâ publicè, loqui solitum de illo, tamquam de viro sancto; & qui de vniuersali Ecclesiâ optimè meruerit. Subdit quoque, expetiuisse diu se, reliquiarum loco, particulam rerum, quas vsu ille suo (vè erat constans multorum opinio) reddiderat venerabiles; atque obtinuisse vestem eius linteatam, quæ est Pontificum gestamen, simulque epomidem illius ex purpurâ. Longum sit ad Magnates alios digredi: à Duce Lotharingo in Galliis, in Germaniâ à Gulielmo Parente, & à Maximiliano filio, Bauaris Ducibus, significatione summâ beneuolentiæ ac venerationis, per epistolas compellabatur. Atque vt de PHILIPPO III. Rege Hi-

spaniarum fileam, cuius erga ipsum studia & obseruantiam alibi memorauimus; SIGISMUNDVS Poloniæ Rex, in litteris plurimis, quæ extant adhuc, iudicium expressit honorificum de sanctitate illius. HENRICVS III. Galliarum Rex, sicut cum non à pietate minùs quàm à doctrinâ coluerat; ita Cardinalibus Regni sui, cum Romæ Comitia instarent, ob CLEMENTIS VIII. obitum, indicauit, futuram sibi rem cum primis gratam, si suffragiis suis in Bellarmini electionem conspirarent. RVDÓLPHVS, MATTHIAS & FERDINANDVS, inuicti Cæsares, cum familiâ AVSTRIACA vniuersâ, venerati sunt in eo semper virtutes illas magnas, propter quas adeò illustrem opinionem Sanctitatis apud omnes promeruerat. Et sanè cuiusuis conditionis homines è Septemtrionis oris, postquam Urbem Romam intrauerant (quasi Vrbs quod eis ostenderet, maius non haberet) de Bellarmino statim interrogabant: aderant, si quâ ille transiret; & vultus eius spectaculum erat, quod ipsorum implebat aspectum; vtpote viri, de cuius tum sapientiâ, tum sanctimoniâ, sæpiùs in Prouinciis audiuerant. Fuere ex iis viri etiam primarij, qui formatum scribæ publici chirographo, & signo eius munitum referre testimonium ex Vrbe voluerunt; vt in Patriam reuersi, hoc pacto

pacto certiùs asseuerarent, visum ab se Bellarminum in vrbe Româ fuisse.

Vt redeam ad Præfules alios: Petrus Aloysius Carafa, Episcopus Tricaricensis, & ad tractum Rheni atque ad partes Inferioris Germaniæ Apostolicus Legatus, fatetur, se veneratione summâ ferri solitum erga Bellarminum; etiam antequam ille esset in Purpurâ. Adeò vt, quoties occurreret in habitu Religiosi, & absque rei alterius, præterquam sui ipsius ac virtutum suarum gloriâ, toties de viâ cedens gradum sisteret, & prima ei obsequia deferret. De eo in Cardinalium ordinem conscripto dixit sæpenumerò, esse cur successores Pontifices CLEMENTI VIII. hanc felicitatem inuideant; quòd Viros duos ita eximios, nempe Robertum Bellarminum, & Cæsarem Baronium, inuenire in Pontificatu suo meruerit, quos ad Purpuram promoueret: nouit enim, quanta laus Principum sit, optimos eligere. Demum ex opinione sanctitatis eius, vltro & non rogatus dedit liberalissimè expensas omnes, vt hæc Latina Cardinalis Bellarmini Vita primùm ederetur, Franciscus Gonzaga, qui natus in familiâ Principe, præ honoribus & mundi fastu Crucis pium contemptum, & decoram Religionis paupertatem complexus in Ordine Minorum, quos vocant de Obseruantia san-

S. Francisci , Generalis Præses in illo pri-
 mum , & deinde ad Infulas euocatus, Ticini
 Episcopus aliquamdiu , demum Episcopus
 Mantuæ, atque Apostolicæ Sedis Legatus a-
 pud Galliarum Regem fuit , semper eximius
 ob prudentiæ , integritatis ac sanctimonix
 famam , & proximus Purpuræ ; quam & Sci-
 pio Cardinalis Gonzaga , eius germanus fra-
 ter , consecutus fuerat. Is , inquam , Præsul
 tantæ existimationis , & de cuius vitâ mori-
 busque processus etiam formantur , tanto
 Cardinalem Bellarminum obsequio venera-
 batur, vt quoties ab eo litteras acciperet , to-
 ties honoris ergo aperiret caput ; & epistolas
 eius solitariè in proprio quodam scrinio ha-
 beret, non autem in conditorio epistolarum
 aliarum , quas à Summis Pontificibus , Re-
 gibus , & Magnatibus plurimis accipiebat.
 Prætereà cum libros eius in mensâ prælegi
 vellet ; famulo ita præcipiebat , vt promeret
 librum eius : *Affer Sanctum Iesuitarum.* atque
 eo Bellarminû titulo constâter adeo dignatus
 est, vt qui Mantuæ in summâ Æde B. Aloy-
 sio Gonzagæ Gentili suo Aram ornatissimam
 posuerat, talsius sit, locum è regione illius , ex
 destinatione suâ , vacare Aræ alteri sancti
 Cardinalis Bellarmini. Idem solitus erat di-
 cere , duos Sanctos viuos in Ecclesiâ Dei esse :
 nempe Robertum Cardinalem Bellarmi-
 num,

num, & Cæsarem Cardinalem Baronium. Quæ omnia, ex ore ipsius audita, refert, ac testatur Antonius Abundantius, qui annos septem à secretis eiusdem Episcopi Mantuæ fuit. Andreas Lipski Episcopus Luceoriensis, & Regni Poloniae Cancellarius, in epistolâ quam scribit ad P. Georgium Tiskeuicium, Prouincialem Præpositum Societatis I E S V: *Cardinalis Bellarmini sanctimoniam*, inquit, *apparere post mortem letor magis, quàm miror: de quo dum viueret, sæpè tacitus mecum cogitavi, tanto assertori & vindici Orthodoxæ veritatis, tanto vitæ celestis & perfectæ Magistro ac Duci, proculdubio constitutam in Cælo fuisse clarissimam mercedem atque palmam. Placuit Domino, ut quem hostes Fidei, quam summâ cum dignitate defendisset, famosis criminatibus in vitam illius coniectis prædamnarant, eius integritas & innocentia astrueretur miraculorum testimoniis; scriptisq; censura sacratio-
ris accederet auctoritas, quò magis ἀπολόγητοι remanerent in diem magnum.* Episcopus Sanfedonius, vir singulariter pius, narrat, se quoties ad Cardinalem Bellarminum ibat, solitum fuisse in viâ adornare animam, præparare obsequia, gestusq; & voces ad pietatem disponere, ut qui erat cum viro sancto locuturus. Addit etiâ, Cardinalem Estensem dixisse frequenter de Cardinali Bellarmino,
cum

eum à se vti verè sanctum adorari. Atque hoc ipse Cardinalis Estensis testificatur in hæc verba : *Cardinalem Bellarminum*, inquit, *existimaui semper ego exemplar rarum & eximium saculi nostri : & quoties vultum eius intuebar, sentiebam toties urgeri me à præsentia illius; non ut cum obsequio, sicut ad Cardinales reliquos, sed ut cum adoratione, tamquam ad virum sanctum accederem.* Idem Cardinalis, post obitum Bellarmini, dono accepit parvulam Crucem argenteolam, & villosam manicam, ex utensilibus eius; eaque duo monumenta, veluti pias reliquias, veneratus est. Andreas VVise, Prior Magnæ Britanniae, qui Louanij à pueris Cardinalem Bellarminum nouerat, refert, se ab eius consuetudine expertum esse, animum sibi ad pietatem omnem accendi; & post obitum, ex solâ eius recordatione se item experiri similem flammam: addidit verò, se nulli hominum generi magis inuidere consueuisse, quàm domesticis eius; & semper existimasse fortunatos illos, qui admitterentur in eam domum, viderent, colloquerentur, adessent perpetuò: inter quos maluisset coquus, quàm alibi purpuratus esse; cum omnia in eo sanctimoniâ afflarent. Sed ne inter testimonies tam honorificas soli sileant Socij eius, addam P. Murij Vitellesci iudicium, qui caput ceterorum est; ut

ex vno eius ore propè omnes loqui videātur. Arbitratur is, Cardinalem Bellarminum intra limites æui sui neminem habuisse maiorem, aut sibi etiam parem. Quod credi potest, si capita laudum maximarum, & eximiarum nobilitatis, doctrinæ, sanctitatis, moderationisq̃ue singularis, in Infularum ac Purpuræ honoribus, simul æstimentur. Certè rarò humana conditio, inter dignitatum amplitudines, visa est tam innocenter permanuisse.

Congruit iis quæ hætenus memorauimus, opinio familiarium eius; qui ab eo admiranda fieri, sæpenumerò viderunt. Ludouicus Aragatius cum iuramento affirmat, quando inter Cardinalis Bellarmini Aulicos erat, æstiuo anni tempore correptum se calidâ feбри, periculosâ & vehementi fuisse; & quia Medicus, vt è cubiculo aliquantulum in angusto migraret in cubiculum aliud magis curationi & morbo eius idoneum, iussit, se linqui animo tum cœpisse. Adfuit eo momento Cardinalis Bellarminus, inuisitq̃ue, & frontem ei signo salutis muniens, vsurpauit verba illa: *Super agros manus imponent, & benè habebunt.* Res mira: repentè ab ægritudine omni liberatur; & Medicus, qui mox tentauit venas, deprehendit febrim penitus in eo extinctam esse.

P. Ste-

P. Stephanum de Bubalis è Societate nostrâ, grauis autumnus affecerat sinistrâ valetudine; & iam vltra diem vigesimum æger in lecto, ex febris sæuâ æstuabat: pronuntiaueratque Marsilius Cagnatus Medicus, magnis experimentis Romæ clarus, fore, vt non remitteret morbi vis ante diem quadagesimum. Cardinalis Bellarminus, eum vti amicum inuifit; & diu collocutus, comiter, dum abiret, digito in eius fronte Crucem figurauit. Postridie sanus à Medico inuentus est: & tametsi (quia decubitus vti segnitiam perosus, intra valetudinarij fines stationemque ægrorum ingredi, & spatium statim cœperat) tennes reliquæ morbi rursus eum tentaerint; hæ spatio breui, quasi virtutem eandem reueritæ, penitus recesserunt. Vt potuerit proinde meritò, curationem hanc suam, ex Cardinalis Bellarmini eo contactu repetere: sicuti scripto id postmodum eius memoriæ consecrauit. Caput decumbebat ex febris acutissimâ & letali, Maria Argentia nobilis femina; & iam erat à Medicis conclamata sanitas eius, cum parens, animi anxius, adiuit fiduciâ magnâ charitatem Pastoris sui, quem vti Sanctum omnes venerabantur. Ab eâ Vrbe Cardinalis interea temporis fortè aberat, & fœda in Cælo tempestas, cum nimbis ac tonitruis, videbatur imminere: sed vt tempore

re tam alieno Cardinalem accersiret, vrgens necessitas & amor (qui leges omnes vrbanitatis sæpè vel negligit vel dissimulat) persuaserunt. Rogauit proinde supplex, vt filiæ iam depositæ fausta coràm precaretur. Omen dederunt extemplò dissipatæ in Cælo nubes; & Sol, qui statim reluxit. Itaque, cùm vndique conserenasset, Cardinalis ægram inuisit, & salutaribus monitis eam instruxit; solatusque est humanissimè. Discessurus deinde, prouoluit se prope lectulum in genua, orauitque pro eâ incolumi, & digito Crucem etiam ducens in fronte eius, promisit futurum, vt conualesceret: qui fuit hac vice pariter digitus Dei: nam desit confestim languor; & quæ ægrotauerat, mox valuit prosperrimè.

Ceterùm ipse tam sæpè, ex animi fiducia, & spe erga Deum, eiusmodi ægros curauit, vt aliquando Religioso cuidam interroganti, ecquis foret sensus verborum illorum; *Omnia quacumque orantes petitis, credite quia accipietis, & euenient vobis*; cùm postulemus à Deo multa, nec impetremus ea tamen; responderit, se difficultatem in eâ re nullam experiri: imò verò experiri potiùs securitatem illam animi, quam infundit Deus, quando vult, ea quæ petimus, largiri. P. Andreæ Eudæmon Ioanni perinde dixit aliquando: *Tam certus animi sum, fore vt quæ petiero, impetrem, propter*

pter crebra experimenta gratiarum quibus me Deus cumulauit, vt dubitare iam de euentu nequeam. Id verò causæ fuit, vt admodum circumspectè à Deo pro se, vel pro aliis, quidpiam flagitaret. Nam affirmat idem P. Andreas, ægros qualescumque, pro quibus Cardinalis Bellarminus semel Deo perlitauerat, conualuisse; & rem infausi ominis haberi solitam, quoties ille rogatus, recusaret pro alicuius valetudine Aris operari.

Neque vt aliis prodesset modò, sed vt morbos etiam à se depelleret, Deum sæpè orauit. Sic tabe liberatus est Florentiæ: Patuij autem, cum videret dentium dolore afflicti quosdam, & similem ægritudinem experiri cuperet, ad patientiæ videlicet meritum; à Deo eam precatus est, ac statim vehementissimus eum dolor inuasit: cui diu ferendo se imparem ratus, nouis precibus acerbiter illius confestim in se deterfit. At non illud silentio præterierim; Cardinalem Bellarminum, quò usu aurium integro potiretur (cum nimium obsurdesceret, & ad publica negotia, in senio præsertim, agrè sufficeret) precibus à Deo petiisse, vt ab imperfectione illâ liberaretur: sed & sanctos Patrones ac Tutelares suos, virosque item pios adhibuisse, vt ij eandem ægritudinem in se deprecarentur. Attamen exauditus non fuit, vt habere

haberet perpetuò , vnde agnosceret imperfectum suum; & vt elapsæ in prauum aures, etiam tum admonerent ipsum humanæ conditionis, quando proprias laudes, & merita sua, percenseri ab aliis magnificè audiebat. Hoc pacto S. Paulus, postquam ter Deum orauerat, vt liberaretur à stimulo carnis, oraculum illud accepit : *Sufficit tibi gratia mea; nam virtus in infirmitate perficitur.*

Duo adhuc admiranda subiiciam. Anno Domini M.DC. XIII. quo tempore Cardinalis Bellarminus Romæ agebat adhuc, iureiurando interposito Franciscus Antonius Thomasius narrat, se Barij (vbi Vicarius Generalis in Basilicâ S. Nicolai erat) in conclaui suo, tempore Quadragesimæ, horâ post occasum Solis circiter quartâ, ex somnem, & lecto ex parte sublato incumbentem, dum longè alia versaret animo, ante oculos habuisse Cardinalem Bellarminum; quem Antistitem nouerat Capuæ, in Patriâ suâ, & à quo ibidem summi Templi Canonicus creatus fuerat. Postquam igitur Cardinalis, aut nota imago eius, ita clarè obtulit se, loqui sic fermè cœpit : *Ideò fuisti à me inter Canonicos adlectus, vt quæ ad Dei obsequium spectant procurares ea studio magno: quod vt perinde agas in Ecclesiasticis aliis præfecturis, & muniis quæ obiturus es, desidero.* Deinde peculiaria subdidit, mo-

nuitque, ut à Canonicis præsentiam in Choro exigeret seuerius, ac ritè peragi ministeria templi procuraret. Cùm verò responderet Vicarius, ea quæ ibi fierent perperam, non culpâ suâ euenire, sed alterius, qui loci Præfecturam gerebat; Cardinalis excepit: *Cur igitur ubertim adeò dispensatur manna S. Nicolai; quandoquidem Præfectus, ne id fieret, præcepit?* Tunc Vicarius, excusatis causis, propter quas inductum se ad id fatebatur, pollicitus est deinceps non ita futurum. quæ ubi absoluit Bellarminus, momento eodem, sub oculis mirantis euanuit. Alter reputans minimè naturalem esse eam speciem viri, qui Romæ degebat; perfusus pio quodam horrore, aliquamdiu hæsit; & compellans famulos, adfuisse tum sibi, & locutum vnâ secum esse, eo temporis vestigio, in conclauis illo, Cardinalem Bellarminum, affirmavit. Manè rem totam exposuit P. Antonio Beatillo è Societate IESU, qui in eâ Basilicâ concionabatur; & qui facti huius hodieq; memor, id etiam iuramento testatus est. Neque incongruè accidit eiusmodi visio in loco, ubi corpus S. Nicolai colitur: qui pariter viuens, Constantino Principi, ex regione longinquâ monitor adfuit; & quæ parauerat locutus, sublimis abiit: ut ex facti similitudine deprehendi possit, inter vtrumq; similitudo virtutum & meritorum.

Præ-

Præterea, dum Capuæ ciuitatem esset egressus quadam die, vt gestaretur animi causâ, iuxta ripas fluminis; fortè ad locum peruenit, quem aliqui conduxerant, vt in eo, prohibitis aliis, piscarentur. Eos hortatus est comiter, vt retia educerent: illi non ita pridem id actum fuisse, sed conatu inani, responderunt: tres enim minutulos pisces solum interceperant. Quam rem sibi utique in damnum euadere aiebant, cum nec tempus, nec bonæ auræ fauerent. Cardinalis moratus ibi ad quartam horæ partem, cœpit pisces repentè monstrare digitis, illosque inuitare etiam; non aliter, ac si videret in retia confertim eos ingruere: atque ingemiscans, Adeste, adeste; mandauit piscatoribus, vt retia extraherent. Quæ cum educerentur, piscium adeò ingens modus emerfit, vt vno eoductu cōprehenderint pondo ducēta & quinquaginta; cunctis admiratione defixis, sicut ad mare Tiberiadis Apostoli olim, in capturâ piscium. Interim potuit Cardinalis Bellarminus, Capuæ piscator hominum factus, ex eâ re suam prædam ominari. Hæc verò primarius è conductoribus loci, & socius eius, iurati affirmarunt; ac facti sunt, piscium multitudinem illam, pro amnis conditione, atque aurâ tam alienâ, prorsus insolitam fuisse.

Exiis quæ narraui hætenus, confirmatur id quod Cardinalis à Monte de Bellarmino prædicauit : Deum videlicet commodare vñibus Ecclesiæ exemplar hoc perfectissimum vòluisse ; vt sacer Senatus, & sæculum nostrum, à Cardinali Bellarmino non minùs, quàm sæculum superius à S. Carolo Borromæo, illustraretur.

CAPVT VII.

Aliqua partim abdita, & longè à conspectu remota, aperit ; partim max, aut multò pòst futura prædicit.

ETiam ex eo capite Cardinalis Bellarminus erit apud posteros admirabilis, quòd multa sine errore, quæ aut clàm aut procul agebantur, scire ac prædicere potuerit. Franciscus Antonius Thomasius, Barij Vicarius Generalis (de quo meminimus non ita pridem) per Michaëlem Gruneuengh Belgam, eius Urbis Canonicum, ampullulas aliquot mannâ S. Nicolai plenas miserat ad Cardinalem Bellarminum. Cùm verò ex eis ampullulis, Præsul nescio quis, Romæ binas postulasset, Michaël amiciùs aliquantò quàm æquiùs manna concessit ; & vacuas ampullulas sacro latice, quem ex plenis aliis deprompsit, ex parte replens, quod deerat, suppleuit
in

in eis ex aquâ vulgari; quò ita numerus vasculorum saltem in munere retineretur. Cardinalis donum accipiens, primò de admirandi liquoris virtute disserere multa; dein sciscitari, omnísne liquor ille manna esset. Alter vti statuerat rem occultare; dixit, in singulis manna esse: sed Cardinalis; Non omnis hic liquor, inquit, manna est. & tum admiratio hominem & persuasio incessit, factum suum diuinitus emanasse. Quare vbi Barium reuertit, quidquid sibi euenerat, narrauit; & Cardinalem Bellarminum celebravit vbi-que, tamquam virum sanctum.

Neapoli Angelus de Aciariâ, Episcopus Theanensis, morbo graui in Domo Professorum Societatis IESV implicitus, curabatur: & scripsere Patres ad Cardinalem Bellarminum, ex cuius sorore ille natus erat; vt bono esset animo, quoniam morbus ægri præ se ferret signa redituræ valetudinis. Cardinalis tamen, ipsem esse nullam de Episcopi vitâ rescripsit; iussitque moneri, vt pararet se ad postremum actum, in quo vertitur æternitas: pauloque post ille Neapoli decessit. Dum Lutetiæ Parisiorum, in comitatu Cardinalis Caietani Legati, ageret; sub initium Septembris, Tabellarius peculiaris ex Vrbe Româ properè, in equis prædispositis, aduenerat, cum fasciculo grandiusculo litterarum. Cu-

piebant summoperè gnari esse Aulici omnes, Roma quid pareret noui : & epistolæ necdum erant resolutæ ; ad Legatum enim scribebantur. Bellarminus fortè intererat , & cum fasciculum inter manus accipiens, certò dixit, SIXTI V. Pontificis mortem in eis litteris adferri. Attamen incredibile hoc omnibus visum est , cùm de Pontificis ægritudine nihil audiuiſſent. Mox verò apertis litteris, non absque admiratione , intellexerunt, verè Pontificem obiisse. Romæ in Ædibus ipsius Cardinalis Bellarmini , morbo graui decumbebant Matthæus Tortus Ticinensis & Theologiæ Doctor (cuius nomine Cardinalis Bellarminus Apologiam primam inscripsit aduersus Magnæ Britanniae Regem) & iuuenis alter cubiculi eius administer , cui nomen Octavius Clarellius. De illo iudicia Medicorum erant improspera , & spes vitæ admodum angustæ ; cùm huic contrà benè ominarentur omnes. Cardinalis tamen dixit sæpiùs : Actum de Matthæo cuncti pronuntiant , de Octauio fausta sperant ; sed ille conualescet, hic morietur. & prædictionem, nec illius vita , nec huius mors fefellit. Petrus Guidottus , eius Oeconomus, vsquè ad sexagesimum diem ipse etiam æger fuerat ; & nemo Medicorum erat , qui non ei sinistra metueret. Cardinalis quoties eum inuideret, hortabatur,

tabatur, vt expectaret meliora; & addebat futurum, vt ex ægritudine illâ non obiret: planeque valuit. P. Celsus Amerigus, Ordinis Cælestinorum Generalis Antistes, in Cœnobio S. Eusebij iacebat ita depositus, vt paratum haberetur in eius Conclauì Sanctum Oleum, quo ritè inungi posset. Adfuit ægro Cardinalis Bellarminus, reperitque adeò absumptas vires eius omnes esse propter acre malum, vt loqui ægrè sufficeret: neque recreandæ defectioni cibum alium, nisi iusculorum sorbillum aliquid, aut accipiebat datum, aut acceptum concoquebat. Cardinalis, in aditu ipso cubiculi, exorsus à verbis illis, *Pax huic Domui*; Crucis signum salutare super ægri frontem impressit, quædam secum interim, etsi non adeò clarè, pronuntians. Post hæc; Tranquillo sis animo, inquit, ex hac ægritudine superstes omnino eris. Eoque contactu æger ad vitam rediit: nam vestigio illo temporis meliùs habuit, & breuî morbum omnem excussit. Idem P. Celsus Amerigus testatur, à Cardinali Bellarmino audiuisse se multa prædici, quæ postmodum euenerunt. Significauerat distinctè omnia, quæ vltimis Ordinis Generalibus Comitibus peracta fuerunt; & peculiariter, quòd in eo Antistite retinendo esset futura eadem voluntas, quæ fuerat in ipso eligendo. Prænun-

tiauerat quoque exitum negotiorum eius in Galliis: nec illud siluerat, Patronum Ordinis Cælestinorum, ab obitu suo, futurum non Cardinalem aliquem minorem, & sibi similem, vt aiebat; sed Cardinalem vtique magnum: & is fuit Mauritius Cardinalis à Sabaudiâ: vsque adeò singula cum eius prædictionibus congruerunt. Dum morbo langueret Cardinalis Henricus Caietanus, Cardinalis Bellarminus (qui eius Theologus Lutetiæ Parisiorum fuerat) pro viri valetudine perlitauit: & tum intus quasi vocem hanc audiuit, Pro Cardinali Caietano noli vota iterare, nec enim ille diutiùs viuet. Sed ipse huic auditioni fidem non statim dedit; precesq̃ue ingeminans, semper nihilominùs audiuit, à se vota ludi; & frustrâ pro Cardinali Caietano Deum fatigari, qui iam in mortuis numerabatur. Ea ipsum species anxium animi angebat; cùm nesciret, vnde lapsa vox illa fuisset, & an deberet in præfagium verti. Inquisiuit statim de Cardinalis Caietani valetudine; audiuitq̃ue, pridie sub vesperam, domo incolumem egressum, & ad sanctæ Pudencianæ templum iuisse: gauisus verò animo propterea, Ludouicum Aragazium participem fecit eius quod senserat inter perlitandum: sed biduum non intercessit, cùm ille morbi subito impetu sublatus est: quæ res

immissam

immissam diuinitus eam vocem declarauit.

Petrus Georgij pluribus narrauit, se multò antè quàm inter Cantores Pontificios adscriberetur, quadam die Cardinalem Bellarminum adiuuisse; & post negotia, interroganti, quodnam Romæ exercitium haberet, Musicum se esse, respondisse: Cardinalem autem affirmasse, inter Cantores Pontificis ipsum aliquando numerandum quidem esse, sed suscepturum priùs iter longinquum. Atque ex his duabus prædictionibus alteram mox, alteram deinceps excepit euentus: siquidem non ita multò pòst in Poloniam iuit, accitus inter Musicos Regios; & inde reuersus, est iam inter Musicos Pontificios.

Andreas VVise, Priori Magnæ Britannia, dixit sæpenumerò, Petrum Cardinalem Aldobrandinum subitâ morte interiturum. Idque etiam euentus confirmauit; quia ille, statim à reditu ex Comitibus, in quibus GREGORIUS XV. creatus est, obitu inopinato extinctus fuit.

In Aulâ Romani Collegij, Sacræ Theologiæ laureâ inauguratus Sebastianus de Paulis, & Cardinali Bellarmino, qui interfuerat, gratias referens, hanc ex eius ore gratulationem audiuit: *Vt Doctor, & Episcopus*. Nec errauit vaticinatio, quia Nepij, in Patriâ suâ, Episcopus iam est.

Silvio Cardinali Antoniano, dum Præfectus cubiculi CLEMENTIS VIII. erat, initio Pontificatus, eundem Pontificem superstitem futurum tres & decem annos, asseueravit. De PAVLO V. quando electus fuit, rumor erat, concessurum eum è viuis non ita multò post: at Cardinalis Bellarminus Ludouico Aragazio id referenti; Ne has inanes, inquit, vulgi persuasiones tuâ credulitate foveas: Pontifex enim diu viuet. Et cùm is, an per decennium, rogasset, subdidit: Longè diutius. nec aliter fuit: sedit enim annos sexdecim. Post excessum huius, dum ingressurus Comitiam in Vaticanum iret, dixit Assèclis honorariis, qui in rhedâ sibi assidebant: Nouus Pontifex, quem Patres eligent, Gregorius appellabitur. & hoc nomine Alexander Ludouisius tenuit Ecclesiæ gubernaculum.

Pari certitudine Cardinali à Monte dixit fore, vt numquam CLEMENS VIII. sicut deliberauerat, pronuntiaret definiendo circa controuersiam de Auxiliis gratiæ Dei, obortam inter Auctores Religionis S. Dominici, & Scriptores nostræ Societatis. Imò & præcisè addidit, futurum prius vitæ Pontificis, quàm quæstionis illius, finem. Testificationem hanc, interpositâ sacramenti fide, idem Cardinalis à Monte, Decanus Sacri Collegij, ob signauit ferè in hæc verba:

Cum

Cùm aliquando, in Aede S. Marcelli, Cardinalis à Monte solemnibus sacrorum interesset, CLEMENTE VIII. Pontifice adhuc superstite; Cardinali Bellarmino, qui item aderat, significauit, Pontificis consilium esse, pronuntiare definiendo circa opiniones de Auxiliis gratia Dei, de quibus tum inter Patres Dominicanos, & Auctores Societatis IESV, disceptabatur. Cardinalis Bellarminus verò; Pontifex, inquit, numquam hoc definit. Posse, & velle Pontificem, excepit alter. Bellarminus rursus: Pontificem posse, & velle, non inficio; aio tamen, numquam futurum, vt hoc definiat: imò id moliri si voluerit, vita prius eum deficiet. Atque hæc dixit adeò constanter, vt obstupesceret Cardinalis à Monte; præsertim quoniam hæc ferebantur, dum de obitu Pontificis nulla esse poterat suspicio: nam valetudine prosperrimâ utebatur. Atque hoc necessario contigit tricennio ante CLEMENTIS obitum; siquidem Cardinalis Bellarminus, tres annos postremos Pontificatus ipsius, in Vrbe Capuâ moratus est.

Ita est pro veritate;
FRANCISCVS MARIA
Cardinalis à Monte.

Obitum huius Pontificis sæpè Aulicis suis, & potissimum Capuæ, circa finem triennij (vt aliàs memorauimus) prænuntiauerat. Id
egit

egit etiam, dum iter illac haberet, occasione
 connubij cum Bouini Duce, Soror Ducis So-
 rani; cui comites erant Ducis huius Mater,
 Soror Cardinalis Sfortiæ, & Clarix de Nobi-
 libus, nuptui olim data in vrbe Politianâ. Hæ
 Matronæ Illustres, hospitij causâ, ad ami-
 cum Sponsi, Capuæ diuerterant; easque Car-
 dinalis Bellarminus, iussit pro se statim, à Io-
 sepho Vignanesio, Præfecto Cubiculi sui, eo
 in hospitio salutari. Sed ille officij modos
 transgressus à simplici salutatione & gaudio,
 quo fungi debuerat, propter faustum earum
 aduentum; oratoremque veriùs, quàm inter-
 nuntium agens, ad obsequium id etiam addi-
 dit, vt diceret, eas, Cardinalis domo cùm vt
 potuissent in aduētū, debere saltem in reditu
 ad ipsum diuertere. Deinde ad Cardinalem
 se referens, narrauit, necessitate illâ obsequij
 inductum se vt eas inuitaret; & idcirco neces-
 sarium iam hospitium earum esse. Quàm in-
 uitus animi hæc audierit Cardinalis Bellar-
 minus, satis indicauit; cùm, Ignoscat tibi
 Deus, inquit, cur adigis me, vt feminas domi
 habeam? errasti penitùs; qui vtique noueras
 ingenium meum: (etenim cum S. Augustino
 proposuerat, domi mulieres non admittere.)
 post eas querimonias, oppositâ ad frontem &
 ad oculos manu, aliquantulùm hæsit cogita-
 bundus; ac mox interrogauit; quando nam
 illæ

illæ essent reuersuræ. Respondit, post menses duos: & tum ipse, quasi quodam instinctu vaticinans, non contracto aut confuso vultu, sicuti prius, sed explicato atque hilari; Benè, inquit, est, nos Capuæ non erimus: veniant licet, nihil nobis adferent molestiæ. Prænuntiationem omni ex parte exitus probauit: nam intra dies non amplius viginti, Pontificem oblangescere, & paulò post eum obiisse, tabellarij duo nuntiarunt. Ideoque Cardinali Bellarmino Romam ad Comitia eundum fuit, priusquam feminæ illæ primariæ Capuam redirent.

At non de aliis modò, verùm de se etiam sæpenuerò varia prædixit. Louanium ex Italiâ cum venit, in Collegio exceptus per amoris indicia, & Sociorum vîtatatos complexus, dixit: A Præposito Generali ad biennium huc missus fui, sed tempus habitationis meæ in Belgio septem anni erunt. nec aliter euênit.

Capuæ ipso initio, dixit, Ecclesiæ illi se tantùm ad triennium præesse debere. Imò solertiâ singulari eruens è latebris antiquitatis nomina Episcoporum, qui se Capuæ antecesserant; & incipiens à B. Prisco, S. Petri discipulo, postquam in album omnes ordine suo retulerat, de Cæsare Costâ, qui proximus obierat, adscribens, *Sedit annos triginta*; subdi-

/ dit

dit hæc: *Robertus Cardinalis Bellarminus sedit annos tres.* Hoc notat ipsemet in Commentario de vitâ suâ: & Ludouicus Aragazius, vnus ex honestioribus eius Asseclis, testatur, se adfuisse, dum hoc ab eo scriberetur; factum-que id ait, primis diebus, postquam Capuam aduenerat. Deinde cum ea res fortè coram Prælati aliquot narraretur; Cardinalis studio suppressendi famam sui, dixit, se vnum esse ex Prophetis veteris formæ atque obsoletæ, qui res non adedò meditatè præfagiunt; etsi eueniunt illæ tamen.

Peculiariter, quod spectat ad aliorum præfagitiones circa obitum ipsius; iam pridem Cardinalem Bellarminum desiderauissemus, si votis improborum vita bonis eriperetur: nam sæpè hæretici ante diem fata ei cecinerunt; & libellis criminosis, quasi tartaræ Præficæ, viuenti adhuc, parentarunt: imposueruntque etiam flagitia; vt diuo Athanasio, qui & ipse fuit acerrimus fidei Propugnator, tum vitijs aliorum, tum virtutibus propriis redderetur hoc pacto simillimus. Tametsi verò difficile foret, homines adedò emotæ mentis inueniri, qui ea penitus de Bellarmino crederent: nihilominus, quia calumniarum semper aliquid adhæret, si non eas citò veritas deterferit; & quia Bellarminum viuere, oportebat improbis criminato-
ribus

ribus ad dolorem animi, ad solatium probis compertum esse; de eo adhuc superstitie, testimonium sæpè à Scribâ Publico fuit in codices relatum, vt in varias prouincias transmitteretur.

Ad hæc Mathematicorum diuinationo (genus peritiæ, quod dolendum est inter homines etiamnum semper damnari, & semper vsurpari) iure quidem infida res æstimatur. Quia delectat tamen audire, si interdum euentis ea, ex vulgi opinionibus, celebretur; addam aliquid etiam ex hoc genere. Post Bellarmini obitum, mouit istorum Mathematicorum aliquis admirationem; qui coniiciens venturi anni casus & vicissitudines, ex astorum notatione pronuntiauerat, anno vertente M. DC. XXI. Antistitem magnum è viuus esse demigraturum: tenuit verò ea prædictio sollicitos plurimos ex ijs, qui istiusmodi diuinationes religiosius, quàm par est, reuerentur aut metuunt: donec animaduenterunt, Cardinalem Bellarminum, Sacerdotem magnum, in Septembri mense eiusdem anni, sine suæ mortalitatis defunctum esse. Sed vt credulis opiniones has vanissimas relinquam; illud non omiserim, quòd videlicet multò antè diua Catharina, Virgo & Martyr, ac litteratorum Præses, à Viro quodam Religiosissimo, visa in lucis specie; ac sermone cælesti cum

cum allocuta; cùm de Bellarmino interrogaretur, vaticinata est, spatium vitæ eius fore diuturnum, & futuros cum primis gratos Deo labores eius: Nam *diu viuet*, inquit, *& opera eius erunt placita Deo.*

Sed vt Bellarminum ipsum non ignorasse, aut dissimulauisse vltima vitæ suæ tempora, habeatur pro re compertâ; Abbas Franciscus Perettus hæc refert: *Alexander Cardinalis Montaltus, gloriosi nominis, Patruus meus, mihi & alijs narrauit; Cardinalem Bellarminum, dum fortè vnà loquerentur, & adesset etiam Benedictus Cardinalis Iustinianus, Sede vacante, post obitum PAULI V. Pontificis, quo tempore Calum ex acri hieme, præter solitum rigebat, dixisse: Sunt ineunda iam Comitia in summis frigoribus; proxima fient in summis caloribus: sed parùm refert, quia nemo nostrum eis intererit.* Dicto non abfuit fides: etenim GREGORIUS XV. frigidissimo anni tempore, electus Pontifex; biennio post, Iulio mense ineunte, mortuus est: atque ideò alia Comitia, sub exortum Caniculæ inchoari debuerunt; nec potuerunt dimitti ante VIII. Id. Augusti: quo die VRBANVS VIII. Summus Pontifex creatus fuit. Multò antè, quàm appeterent ea Comitia, Cardinalis Iustinianus primùm, & deinde Cardinalis Bellarminus, obierant: at Cardinalis Montaltus, tam-

eti

et si ætate non longævâ, & viribus prosperis foret, Pontificis obitum solum ad menses duos antecessit.

Sed Cardinalis Bellarminus, non generatim dumtaxat mortem suam prænuntiavit; mensem enim etiam, & diem designavit, in quo erat obiturus. Inter ceteros, Ovidius de Artificis vrbis Capuæ Canonicus narrat; Cardinalem Bellarminum, dum anno M. DC. XXI. in sermone mutuo essent, dixisse; proximo Septembri mense obiturum se, ipso die sancti Francisci vulneribus sacro. Aliàs magis adhuc distinctè, se in autumno eius anni, VI. feriâ, concessurum è viuis asseruit, in ipsâ celebritate Stigmatum S. Francisci. Quod sperare se ideò ait, quia in ordinando eiusdem celebritatis Officio piè laborauerat. Ex hac verò notitiâ factum existimo, ut impetrato secessu ex Aulâ, Conuictoribus Aulicisque suis denuntiauerit, deliberatum sibi esse deinceps, in re priuatâ vitam absoluerè; monueritque proptereâ, Herum sibi alium quærerent; sed vsque ad exactum Septembrem apud se tamen agerent; qui terminus postremus vitæ ipsius fuit.

VITÆ
ROBERTI
CARDINALIS
BELLARMINI
E
SOCIETATE IESV
LIBER SEPTIMVS.

CAPVT PRIMVM.

*Apparatus eius ad mortem, & studium
absolutissimæ perfectionis.*



NIMVS Cardinalis Bellarmi-
ni, culmine sublimior huma-
narum vicissitudinum, con-
tempnit adeò lubricam Mundi
huius felicitatem, vt numerans
vitam ipsam inter odiosas res, nihil adæquæ
ac mortem optauerit; quò ita ad Deum suum
properè migraret. Hinc ea, quæ vltimis an-
nis diceret, scriberétve, sèper cum procemio
aut peroratione erant, in quâ mortem sibi
iam esse optabilem, affirmaret. Inter alios

Raphaël

Raphaël Episcopus Zacynthi hoc de eo testatur: Quoties eum interuiferem, spatio vndecim annorum, de re aliâ nullâ audiebatur miscere sermones, quàm de futurâ hominum cum Deo inter Cælites vitâ, vel de Sanctorum virorum famâ, & factis admirandis. Quamuis autem paratum se ostenderet, vti erat seruus fidelis ac prudens, expectans Dominum suum, vt aperiat, & cum accensâ face præluceat aduenienti: nihilominus reputans, quanti intersit momentum illud, in quo æternâ vertitur salus, sæpè viatorium animæ ornatum, ad eiusmodi expeditionem, studio magno sibi comparauit.

Id egit præcipuè, cùm appeteret annus vitæ eius tertius & sexagesimus; quod spatium viuendi maximè, inter reliquos annos climactericos, obseruatum est, in multâ hominum memoriâ, plerisque aut cum obitu, aut cum periculo adesse. Hac occasione testamentum Caput obsignauit, in eoque Sponsam dilectam suam, vt loquebatur, heredem instituit, Cathedralem Ecclesiam nimirum, ac Sanctos Stephanum & Agatham, eius Tutelares. Deliberauerat initio testamentum non facere; tum quia erat Religiosus Professus, etiamsi Cardinalis; tum verò quia obuersabatur animo, de S. Augustino illud scribi: *Christi pauper testamentum non fecit; quia quod relinqueret,*

ret, non habebat. Sed mutato sapienter consilio, petiit à CLEMENTE VIII. Pontifice gratiâ testamenti, dumtaxat ad pias causas; quò esset certior (sicut deinde in tabulis eius publicis affirmavit) etiam ea quæ tum superessent, & quæ sustentationi necessaria dispensare viuens non potuerat, ad pauperes & ad Ecclesias reditura demum esse. Facultatem eam tamen Pontifex amplam, nec iis circumscriptam legibus, dedit.

Interim sospes annum climactericum vixerat Cardinalis Bellarminus; cùm oblata est cordi eius noua occasio sarcinas suas conuasandi, vt Cælum versus profectionem denudò adornaret. Post excessum enim Cardinalis Baronij amici & Collegæ dulcissimi, adfuit ei quadam die simplex quidam vir, ore atque habitu paganus, ac denuntiavit fore, vt intra annum etiam ipse in Cælum iret. Non id verò, propter auctoris humilitatem, spreuit; sed credidit imò, referens factum Ludouici Imperatoris, qui, cùm visus esset in Cælo Cometes (de quo est vulgi opinio, tamquam sidus sit prælucens funeri Regum atque Magnatum) ominatus mortem suam, disponere ad eam se statim cœpit; ac non ita multò post obiit. Quare Imperatoris huius consilium sequi maluit; ac superesse sibi breue spatium ratus, negotia tantùm ea non seposuit,

posuit , quæ coniuncta cum Cardinalium statu ac muniis necessariò viderentur. Demum biennio antequam obiret, cùm incidisset in ægitudinem grauem ; statim conceptâ migrandi spe , adeò in eâ cogitatione defixus animo fuit , vt eidem adhæserit perpetuò : ex quo subinde vsurpauit illud S. Pauli : *quod senescit , prope interitum est*. Hoc studium ipsius , tum ex partu nouissimo ingenij eius conici potest , qui inscribitur , *Ars benè moriendi* ; tum ex innocentia , cum quâ vixit in longâ senectute , vt ad Deum suum , labe præpeditus nullâ , felicissimè niteretur. Huius verò pretiosæ hereditatis , in duabus postremis tabulis testamenti , quæ solæ venêre in manus meas , reliquit præclarum monumentum , dum in eis ; *Primò , inquit , animam meam fidei Creatori commendo , quem amavi , & cui seruire ab ineunte pueritiâ meâ cupiui*.

Et fuit sanè mirum , hominem perfectionis tantæ , qui optabat supra omnia , citò exuias ponere suæ mortalitatis , nihilominus vixisse pauidum adeò , vt numquam satis certum aut securum ostenderit se , circa salutem consequendam. Sæpiùs amicis , qui ominabantur ei facilem ad Cælum viam , respondit : *Haud erit parum , si Dei misericordia mihi Purgatorium ad tempus concesserit*. Attamen erat manifestum , hæc non idèò dici , quòd

conscientia criminis aliqua eum perpaucesce-
ret; sed quia illud, ex S. Pauli institutione, di-
dicerat: *Nihil mihi conscius sum, sed non in
hoc iustificatus sum; qui autem iudicat me, Do-
minus est. Quid si, aiebat, noxæ alicuius la-
tentis ego sim reus? quid si occasione præfectu-
ræ variæ, quam gessi tum in Religione, tum in
Purpurâ, culpæ alienæ questio mihi subeunda
fuerit? quid si non satisfecerim muneri meo?*
*Res est nimis formidabilis, sisti coram eo, qui
scrutatur Ierusalem in lucernis. Auget timorem
etiam vitæ meæ perpetua felicitas; cùm sciam,
ita comparatos homines esse, ut quos in hac vi-
tâ prosperitas colit, eos infelicitas plerumque
in alterâ maneat. Vereor, ne Purpuræ dignitas,
veluti compensatio alicuius fortè boni fuerit,
quod viuens fecerim, ut puniri postmodum de-
beam. Ex alio tamen capite, quia certus sum,
quidquid à felicitate habui, hoc non cupienti
nec roganti datum esse; sed imperio adigi me de-
buisse, ut ita felix essem; & quia obedientiam
sequi ducem, ne errarem, semel & semper stu-
dui; propterea recipiam me in fidem ac tutelam
Dei Creatoris mei; qui non vult mortem suo-
rum, sed ut viuant, & salui sint, potius deside-
rat. Hoc pacto fiduciam omnem suam à Di-
uinâ benignitate atque à secreto conscientia
deriuans, ac fidens innocentia suæ, miseri-
cordiam & iudicium cantabat Domino; ni-
hil*

hil autem recolens à se improbè factum, solum videbatur secunda metuere cor eius.

Est verò in comperto, timorem Domini castum ac sanctum excitari solitum in eo fuisse, ne securus nimium torperet in viâ Dei; ut qui sciret neminem certiùs opprimì, quàm cum qui temerè sperat; & frequentissimum initium ruinæ esse, animæ securitatem. Sed enim, ut ad occasiones alias fuit manifestum, perfectâ charitas in ipso dispulerat timorem omnem: adeò ut non de salute consequendâ tantum, sed de Purgatorio etiam igne non adeundo, certus videretur. Cardinalis Crescentius, *Tametsi conscientia ipsius, inquit, prorsus nihil occurreret; de quo postulandum se atque atatem suam putaret; haberet verò cumulum meritorum ingentium, propter heroicas virtutes, quas in vitâ semper coluerat; nihilo-minus ita mortem expauit, ut meminerim dixisse: Cuperem hoc beneficium à Deo, ut ad Purgatorium migrare possem. Sed deinde aeger, & morti propior, inuentus est à me, corde tam hilari & securo, ut facile apparuerit, quanta in-esset ei spes ad Calites migrandi.* Iulius Sanse-donius Episcopus testificatur id clariùs, *Fiducia, inquit, & securitas eius tam erat constans, ut sæpenumerò iteraret illud, Proficisci cupio in domum meam, in Cælum videlicet.* Cùm verò subderem ego, me Purgatorium optare; mo-

dicæ spei ac fiduciæ erga Diuinam misericordiam, id argumentum esse, respondit. Aliàs etiam, pari constantiâ; In cælum, inquit, in cælum ibimus. aded ei ex ore præsilire videbatur abundantia certitudinis, ex quâ intus eius animus triumphabat. Prætereà *desiderium habens*, vt loquitur Apostolus, *dissolui, & esse cum Christo*, per gradus illos ad eum ferebatur, quibus procreatæ res in corde ascensionibus ponunt: vt verò cantaret *iustificationes Domini in loco peregrinationis suæ*, quasi virtutum omnium harmoniam, ordinauerat in se charitatem. Et quia *charitas patiens est, & benigna; non emulatur, non agit perperam; omnia suffert, omnia credit, omnia sperat, omnia sustinet*: has ipse laudes complexus mirifice fuit.

Multa sæpè inclementer facta vel dicta, constanter aded tolerauit, vt nec vultum in eis mutauerit. Prolapsus in ægrotudines graues, ex quibus debuit præ dolore nimio vehementer admodum discrucari; non ideo gemere, aut fundere querimonias audiebat. Brachij spasmo semel in Societate, iterum in Purpurâ tentatus, (cùm ex casu luxatus brachium est & proximum armum) magnum patientiæ exemplum omnibus præbuit. Nam doloris acerbitas coëgit quidem, vt oculi sponte suâ lacrymis extillarent; sed

non

non effecit, vt vox ei vlla excideret dolori magis quàm virtuti consentanea. Imò primâ vice, cùm ei foret persuasio, sicut ipsemet narrauit, posse à Deo se impetrare precibus suis, vt acerbitas ea remitteret; non id rogauit tamen, quò perfectiùs se Diuinæ submitteret voluntati. Alterâ vice dexterum brachium confauciatus, eoquē ad dies plures fasciis obuoluto, tantummodò Re sacrâ tam diu priuari se non ferens, à Pontifice flagitauit; vt perlitare Deo sibi liceret, ac sinistrâ manu Hostiam sacram alleuare: quod egit, donec reuerſa manus est ad vsum pristinum, & cœperunt elapſi in prauum artus, vi medicamentorum, reparari. Ex hac virtute pariter nata est in ipſo morum probitas, & lenitas illa, ex quâ numquam commotior, aut in re vllâ vehementior visus fuit. Imò ipsa obiurgatio, quæ ceteroqui amara est, efferebat ex ore eius nescio quid blandæ suauitatis; vt quæ non studio fieret vllius vtilitatis proprię, nec ab animo impotenti vel iracundo fluere, sed prodiret ex officinâ charitatis. Porro lenitatis huius exemplum illustrius tunc edidit, cùm propriâ in existimatione læsus, timuit offensam eorum à quibus lædebatur; nec moliri pro suâ defensione quidquam voluit, priusquam ipsi videretur charitas in tuto esse.

Religiosus quidam in Vrbe atque Aulâ totâ dissipauerat, Cardinalem Bellarminum inductum potentiâ rationum eius, tandem iudicasse aliter ac pridem scripserat, circa opiniones De Auxiliis Gratiae Dei. Hæc impositæ ei leuitas & inconstantia, quæ alterum quemuis incensum reddere potuisset, vim non habuit æstu irarum vllò eum accendendi. Quin imò stimulatus ab amicis, vt hominem saltem obiurgatione aliquâ increpitum vellent, respondit primò: Decreui in hac re ego, ex consuetudine meâ, nihil agere. Pòst, cum subiungeretur, posse id euadere in commune damnum, si per Ciuitates oræ Septemtrionariæ disseminaretur, mutatam ab eo sententiam esse; solùm adduci se passus est, vt Religioso illi coram Testibus, quæcumque in sermone mutuo dixerant, circa eam controuersiam, tranquillissimè repeteret. Ex quibus conijci debuit, Religiosum eundem, ob argumēta Cardinalis Bellarmini, à sententiâ suâ potius desciuisse. Ad hæc superbienti eum animo numquam fuisse, satis indicarunt, cum vitæ ipsius moderatio (quandoquidem illi, non maiori gloriæ fuit benè tolerata in Religione paupertas, quàm fuerint in Purpurâ opes innocenter & modestè habitæ) tum verò humile iudicium, quo solitus erat deprimere semper ipsemet res suas.

Par

Par in eo fuit simplicitas, ex quâ perperam de aliis iudicare non poterat. Si quæ insuper iactarentur, credebat ea ipse mirâ facilitate, modò falsum clarè non affirmaretur. Presbytero cuidam, moribus parum honestis, qui Capuæ ad genua eius prouolutus, cum iuramento se virginem esse asseuerauerat, fidem habuit; ut qui non poterat in animum suum inducere, ex ore Sacerdotis mendacia emanare posse. At si semel quis deprehenderetur falsi reus, is non potuisset facile, compositis figmentis, denuò eum circumuenire.

Præterea, quoniam amor, quæ vult, eadem & credit libenter; si spem facerent vitæ melioris ij qui aliter deliquerant, hos, excedente fidem clementiâ, omnino ipse à suppliciis liberabat. Dum Capuæ ageret, fortè Diocesim intrauerat Sacerdos transfuga, indutus profano habitu, & secum eò pellicem suam duxerat; conditionem quoque in Vrbe illâ inuenerat, Præfectus organo summi Templi, ut qui peritè in eo genere luderet. Sed breuî fraus, & vitæ eius macula in comperto fuit. Defertur itaque nomen viri ad Tribunal Archiepiscopi: in quo etsi seueritatem supplicij debuerat inuenire, clementiam magnam tamen expertus est. Etenim Cardinalis Bellarminus studuit suauissimis monitis animam illius

illius restituere; & confestim induxit eum in insignem antea actæ vitæ detestationem. Omnium quæ is impiè ac nefariè patrauerat, vltro gratiam fecit: habitu Cleri eum rursus ornauit, destinauit aliò ad honestum exercitium; & scortum, cuius amore deperierat, ab eo reuulsit, deditque huic mulierculæ pariter opportunitatem ineundi vitam honestam.

Non minor in eò fuit erga corporum necessitates commiseratio, vt alibi ostendimus frequentibus exemplis. Superfunt tamen aliqua, quæ silentio non debent præteriri. Adiuit eum pauperrimus quidam opifex, cuius ipsius, venerans, vt apud Cardinalem alium esset pro se deprecator, cui debebat aureos aliquot, nec erat soluendo. Annuit Cardinalis Bellarminus; & facturum se id eodem die, promisit: nam Congregationis cuiusdam occasione, suberat ipsi copia Cardinalem eum alterum conueniendi. Sed domum vix pauper remeauerat, cum reuocatus à Cardinali Bellarmino, statim pecuniæ summam illam ab eo accepit; cum diceret sibi visum esse consultius, eam eleëmofynam largiri, dummodò Cardinali alteri pecuniam debitam repræsentaret. Aduena quidam egenus, ex orà Septemtrionariâ, Capuæ à Cardinali Bellarmino stipem emendicauerat: præcepit

pit ipse Oeconoꝑo, vt numeraret ei aureos viginti quinque: & quia subdidit alter, ne totidem quidem argenteos domi eſſe, dari pecuniæ loco iuſſit ex argento guttum eundem, quo manus ſuas quotidie proluebat: factumque id fuiſſet, niſi Oeconomo pecuniam procuraiſſet. Parens quidam admodum inops, filium in Seminario Cleri veſtire, pro aliorum honeſtate & conditione, non poterat. Cardinalis vbi hoc intellexit, tegi eum ære ſuo præcepit, erogauitque aureos decem & octo. Et quia Ioannem Antonium Cangianum, cui eam procurationem Cardinalis iniunxerat, parens eius adoleſcentis in proprias ædes introduxit; oſtenditque alios filios duos ſemi-amictos, ac ferè nudos, quibus veſtiendis non ſufficeret; affirmans vxorem perinde & proles alias intus latere; & ne ad Sacrum quidem egredi poſſe, feſtis diebus, præ nuditatis verecundiâ; Cardinalis conſcius tantæ inopiæ, commiſeratione motus eſt, & pro iis quoque veſtiendis dedit aureos ſexaginta. Prætereà huic patrifamilias tam inopi, pro aliquâ ſuſtentione, aureos ternos ſingulis menſibus deinceps largitus eſt.

Sæpenuꝑerò inſuper è ſupelleſtili propriâ oppignorauit multa, & vendi non ſemel rhedam & equos, in ſubſidium pauperum,

rum, voluisset; quod & aliquando Oeconomo præcepit. Cymbalum non ita pridem Neapoli coëmptum, distraxit paulò pòst, vt ex eius pretio inopes iuaret. Tum verò, si vmquam aliàs, apparuit ipsum inter Præfules ac Pastores animarum non fuisse sicuti *es sonans, aut cymbalum tinniens*, hoc est, virum qui charitatem non habuerit. Notabile est, quod viri grauissimi referunt; nempe cùm pauper nescio quis aureos bisseños postulauisset, Cardinalem Bellarminum, cui tunc pecuniâ præsens non suberat, dedisse illi detractum ex digito annulum Episcopalem, cum syngraphâ, oppignorandum nomine suo. Futurum enim promisit, vt sortem & fœnus deinde pro eò redimendo redderet: quod etiam secretò egit. In quâ profectò re, visus est egregiè subditorum suorum paupertatem sibi desponsare. Demum quadam die proprium atramentarium argenteolum, vt ditaret inopes, inter pignora obligauit. Nee fuit ei minùs gloriosum, ex eo atramentario in hunc modum pauperibus opitulari, quàm fuisset antea ex eodem immortalis famæ Volumina conscribere.

CAPVT II.

*Recessus eius ab Aulâ, & vltima
ægritudo.*

INgrauescens annis ætas, & ægritudines as-
siduæ, Cardinalem Bellarminum satis ad-
monebant; haud multum abesse momen-
tum, quo in sua resolveretur initia. Proinde
deliberavit, si minus Purpurâ, publicis certè
occupationibus eius, se abdicare: & cum in
mense Martio, abundante pituitâ, in febrim
incidisset; vbi primùm ex eâ valuit, Octa-
uium Cardinalem Bandinum rogavit, vt fla-
gitaret à Pontifice veniam pro se, non adeun-
di ampliùs Congregationes duas Cardina-
lium; Examinis nimirum, & Sanctæ Inqui-
sitionis; quia præ senio, vt corpus minùs ha-
bile, sic animum minùs utilem habere iam
sibi videbatur: præsertim cum tam ægrè au-
diret, vsumque aurium quotidie magis vitia-
tus humor interciperet, obstrueretque. Sub fi-
nem verò syngraphæ; *Postulatio hæc*, inquit,
mihî adeò cordi est, vt exprimere id non satis
queam. Etenim confundor planè, dum coram
Christi Vicario, & tot Illustrissimis viris osten-
dere debeo hoc imperfectum meum. Si longâ me-
ditatione possem id assequi, vt tibi, quem inter
præcipuos veneror, persuaderem, susciperes in
hac

528 VITÆ ROBERTI CARD. BELLARM.
*hac re mei patrociniū, facerem equidem: sed
plus poterit sponte benignitas & facilitas tua.
Deus benedictus te sospitet diu; meq; erudiat, ut
tibi optimè seruiam.*

Hic fuit veluti gradus, deliberanti declinare oculos Aulæ, & publico carere; ut quod vitæ supererat, tranquillissimo traduceret senio, in domo aliquâ Societatis: vbi occupare leti diem, pulchrum rebatur vel ideò, quòd crederet decere, ut qui commodatus fuerat publicis vsibus, dum ætas ferret; demum consumptus æuo, redderetur stirpi suæ: poneretq; ibi finem virtutum suarum, vbi earumdem posuerat initia; atque in loco fortitudinis, in quo steterat, iaceret tandem; obtineretq; ordinem moriturus. Itaque ob eas causas, postremò etiam per interpositas preces P. Mutij Vitellefci, Generalis Præpositi Societatis, à GREGORIO XV. secessum ex Aulâ obtinuit; & XVII. Kal. Septembris anni M. DC. XXI. ex Vaticanâ Regiâ migravit in Domum probationis, ad S. Andreæ, in Quirinali: neque postmodum vlli maiori negotio animum accommodavit; excepto quòd absoluerè desiderauerit, in Congregatione Sacrorum Rituum, causam S. Philippi Nerij, de quâ referre in confessu illo debuerat. Biduo post, necesse habuit studio vehementi negotium aliud pertractare, in Congregatione

ne

ne Indicis; ad quam se contulerat, vt simul Cardinalibus Collegis suis valediceret: domum verò fatigatus admodum remigrauit, & febris duplici tertianâ statim correptus est; quæ in augmento ei phrenesim afferebat. Vis ea delirij, quæ fatuos mores etiam sapientibus inducere, studiaque animi occulta palàm facere, vt plurimum solet; virtuti eius occasionem dedit, vt se proderet euidentius. Et enim vti ab ingenio probus erat, etsi animi impos intereà foret; nihil, morbi vitio, aut fecit aut dixit, dignitate suâ aut superioribus virtutibus indignum. Quin potius ostendit, Deum in pectore suo veluti hospitem assiduam hærere: quia imaginum multitudo, quas in illo æstu sanguis miscet (ex quo deliramenta loquimur) Viri sanctimoniam dumtaxat, & diuinæ gloriæ desiderium ostendebat.

Medici, vel à primâ inspectione, periculofam eam ægritudinem esse prænuntiarunt in viro, qui annis & laboribus perpetuis fractus iudicabatur. Ipsemet pariter, vt is qui nihil cuperet adedò impensè, quàm mori; sibi felicem hunc exitum ominatus est: & quasi cygnus, abundans cordis quadam dulcedine, cum D. Simeone, lassus in hoc itinere vitæ, otium petere, modularique illud cœpit: *Nunc dimittis seruum tuum, Domine, secundum verbum tuum in pace.*

Subinde tamen variante morbo, signa lætiora, cum aliquâ vitæ spe, affulgebant. Narra-
rat porro Celsus Amerigus Antistes Genera-
lis Ordinis Cælestinorum; initio ægritudinis,
Cardinalem Bellarminū inuentum à se colo-
re admodū sano, ac pulsu venarum ita æqua-
bili, vt periculi expers videretur. Tum verò æ-
ger; *Benè, inquit, habeo: comedi absque nausæâ;*
& à prandio etiam aliquantulū quieui. Sed non
propterea securus sum; vocem enim audio mo-
nentem, vt sim paratus ad migrādum intra dies
denos, aut quindenos. & prorsus ita euenit.

Species ea mortis propinquæ, etsi plerum-
que magnos animos infringit; tam ei iucun-
da fuit, vt nullus æger ita vitam desideret;
quemadmodum ipse intereà temporis mor-
tem exoptauit. Medicos, & omnes qui cura-
tioni præerant, initio commonefecerat, vt
non formidarent sibi met nuntium mortis
optabilem indicare: ac frequentissimè itera-
bat, velle se ire in domum suam; in Cælum
videlicet. Cunctis etiam, qui preces ei offere-
bant, respondebat gratas vtique sibi eas fore;
dummodò vnum exciperet, ne vitam, quam
recusabat, pro eo precarentur. Petebat ita-
que, orarent potius morituro sedem inter
pios; atque impetrarent id quod erat diffici-
lius: aiebat quippe, facilius esse obtinere ho-
mini vitam, quàm Cælum. Denique cū
non

non haberet in terris manentem ciuitatem, ipse ad æternam alteram anhelabat. Hippolytus Cardinalis Aldobrandinus, quia morbo eum vehementius affligi deprehenderat, rem ita interpretatus est, quasi *spiritus quidē promptus, caro autem esset infirma*. Idcirco percontatus ab eo, quàm esset paratus ad migrandum in vitam aliam; vix interrogare desierat, cum æger pius, audito nomine vitæ felicioris, vultum statim exhilarauit, ostenditque illam se vnicè vitam expetere; atque alteram, in quâ langueret, animo fastidiente respuere. Medicis per interualla iterabat: *Quandónam nuntio tamdiu desiderato me recreabitis, quòd videlicet mori debeam? quandónam audiam, tempus esse, ut ex hac vitâ demum abeam? Ne, quaeso, ne studeatis sollicitè ad eò corpori restituere incolumitatem: quod ergastulum est anima cupientis ad Deum suum proficisci. Quorsum solatium hoc differre, si me non eundem iam, sed umbram nomenq; mei relictum videtis? Quorsum cibos & tot medicamenta præbere; quæ ob deficientis naturæ vitium nauseam adferunt, & sunt adhuc magis odiosa res, quia morantur, ne properem ad finem meum?*

Vulgarant Medici quadam die, ire in melius ægritudinem; & ferè discussum, aut non ita certum eius periculum esse: sed ea spes Medicorum, erat ægri mœstitia; cui metus

maior vitæ, quàm mortis suberat. Ideò conqueri statim cœpit; vt qui existimauerat, se in portu esse, & nihilominus agitari denuò intemperis vitæ huius, & aliquamdiu adhuc superstitem esse debere se, à Medicis intelligebat. Iterum nullà spe vitæ Medici fuerunt, propter notas letales, quas in eo emergere animaduenterunt; & tum hæc eorū desperatio, ipsius agrī propemodum triumphus erat. Deprehensus verò est sæpenuerò, dum lecti aulæ esset obductus, accipere digitis pellem ipsam suam, ac loqui in hæc verba: *Quid tu obscura & ignobilis caro mihi adhæres adhuc? quid animam retines, nec ire illam pateris in domum suam? diuidere tandem, ac dirumpere. O Domine, quàm inuitus hîc in terris moror! trahe me post te, tribue pennas columbarum; volabo, & requiescam. Quando veniam, & apparebo ante faciem Dei?* Denique modus eum exhilarandi erat, de dissociatione spiritus corporisq̃ue cum eo agere. Vt non immeritò plurimi ad hoc spectaculum inuitauerint se; ac visi sint cum diuo Bernardo dicere, vocatos eò se, vt hominem aspicerent exultantem in morte, mortiq̃ue insultantem.

Inter hæc desideria cœpere suas vicissitudines, sicuti de Sanctis Viris alijs legitur, spes & metus. Deum venerabatur, vt ab occultis mundaret se, & ab alienis parceret seruo suo.

Quam

Quam ob causam dixit non semel : *Optassem
viuere annum adhuc integrum, in quo feriari
ab occupationibus ceteris liceret; & hoc tantum
agere, ut magis repurgarem animæ labes, ac me
totum innocentia immolarem; quò ita medita-
tus ad mortem accederem.* Parte ex aliâ, gnarus
se non omnino imparatum ad mortem eam-
dem esse; nihil magis verebatur, quàm, ne
rursus valeret, ac ne viueret diutius: versa-
batque animo, repertos esse nonnullos, qui
annos plurimos traduxerant cum opinione
sanctitatis; & demum superstites nimis diu,
incerta de se iudicia posteris reliquerant. Por-
rò admiratione digna res fuit, aspicere, quàm
ipse cogitatè res gestas vitæ suæ, eo momen-
to vltimo, discuteret; siquidem etiam virtu-
tes magnæ videbantur ipsi tunc à verâ æsti-
matione deficere.

Ex hoc genere, solùm præ aliis religio erat,
quòd se abdicasset Capuæ Archiepiscopatu:
vbi rebatur potuisse maiori cum fructu suam
industriam collocari, quàm Romæ licuerat;
& tamen ibi procurationis duxerat suæ, om-
nia quæ ad Ecclesiæ commune bonum po-
terant conferre. Sedenim erat rursus in tran-
quillo animus eius, dum reputaret, eam ab-
dicationem factam ideò fuisse, ut Summo
Pontifici ita disponenti, Romæ obsequere-
tur. Conscientia eius tam innocens, multò

magis eminere visa est, quarto quàm ægrotauerat die : quando nimirum ante sanctissimam Eucharistiam, sacrâ exomologesi animum expiaturus (quod refert P. Iacobus Minutulus, qui tunc ei aures dedit) bis in seipsum inquirens, etsi nec animi impos, nec in febris vehementiori versaretur, ne labeculas quidem vllas minimas inuenit, in quas posset ritè pronuntiari Sacerdotalis absolutio. Quocircà necesse habuit, rarâ penuriâ culpæ, noxas aliquas generales repetere, quas Sacramento pridem aboleuerat, & sententiæ sacræ illas iterùm subiicere.

Verùm haud hoc mirum videbitur consideranti studium accuratum, quo in eo pio secessu ex Aulâ, se Deo penitus deuouerat. Manè siquidem, ita vt erat æger, non prius expergiscebatur, cùm Breuiarium petebat, vt persolueret Sacerdotale pensum. Et quia id Medici vetuerant, ipse obtestari contrâ, atque asseuerare cœpit, sibi adhuc superesse vires atque animum; & se fraudari non debere fine illo, propter quem venerat in Dōmum Religiosam Ordinis sui : nempe vt meditari, vt supplicare Deo ; vt libros pios euoluere, spretis aliis occupationibus, liberiùs posset. Addidit quoque : *En ego in profanum aliquem virum mihi iam videor desinere : Horas enim Canonicas non recito, Missæ sacrificium omitto,*

omitto, Contemplationis usu prius, nihil boni ago; & corpori nutriendo seruandoq; solum deditus, animæ exercitia meliora; muniaq; eius obire prohibeor. Post hæc, Rosarij saltem recitandi veniam rogauit: & hoc etiam voluissent Medici non permittere, ne capitis grauedo ei augeretur: sed non ausi sunt, eiusmodi solatium negare, & concessere eâ lege, vt interuallis distinctis, & per decades oraret. Horis morbi leuioris, & iis diebus in quibus sui potens erat, de rebus piis tantummodò loquebatur; vtque animus eius releuaretur, SS. Pontificum & Confessorum historias audiebat. Præcipuè dum Seraphici sancti Francisci vita ei legeretur, integrato sæpiùs fletu, ob eximias laudes ac virtutes eius, lacrymatuſ est, anhelans suspiriis crebris ad similem perfectionem. Patientia eius in perferendis morbi & curationum molestiis insignis planè fuit: sed insignior erat commiseratio eius erga illos, qui sibi ægrotanti famulabantur. Nam idemtidem aiebat: *Quis ego sum, cuius causâ tot sumptus fieri, tot etiam ærumne tolerari debeant? Meîne causâ sollicitas esse oportet, & noctes vigiles ducere tot seruos Dei?* Medicos item quatuor primarios, ægrè patiebatur ad se, in extremam Ciuitatis partem, viâ præsertim accliui, quotidie conuenire. Cubiculi adiutores, & eos pariter qui à

pedibus, non iam appellabat famulos, sed fratres; iubebatque, ut in sui custodiâ mutarent vices, prouidus erga necessitates eorum, dum erat constitutus in vltimâ mortalium omnium necessitate. Erga se tamen non erat ita misericors: nam aridis faucibus cùm esset, & siti molestissimâ discrucietur, gelidâ os tamen proluere (quod prodesse, nedum intemperiem æstumque minuere posse, pronuntiauerant Medici) recusauit; partim ne iis, à quibus curabatur, aut tædio aut nimio labori foret; partim ut etiam ipse, cum IESU Crucifixo, sitim in suâ illâ ægritudinis cruce toleraret.

Paruit semper, siue P. Generalis, siue Medici aliquid præscriberent; etiamsi nauseam adferret, quod ab eis præcipiebatur: & situs in lectulo erat tam verecundè, ut ad venerationem sui omnes inuitaret. Primis diebus, quotquot eum visendi causâ veniebant, excusato alieno tempore, dimittebantur. Sed vbi percrebuit, Cardinalem Bellarminum decumbere ex morbo letali; debuit aditus externis patere: & singulos cuiusuis conditionis excipiebat ipse aperto capite; nec primus ante eos vñquam tegebat. Plurimi tamen intrabant venerabundi, ut lectum eius tangerent oscularenturque, & ut benedictionem ab eo flagitarent: quos ipse honores par-
tiebatur

tiebatur veriùs , quàm accipiebat ; nec aliter eos permittebat , quàm si statua , sensus omnis expers , honoraretur. Coactus insuper aliis benè precari , manu oculisq̃ue in Cælum sublatis , Patrem misericordiarum pro eis priùs implorabat : & in hunc modum Præsulibus , Religiosis , & viris Nobilibus plurimis benedixit ; sicut & generatim nostræ Societati vniuersæ , Ordini Cælestinorum , Cœnobio sanctæ Marthæ , & omnibus piis domiciliis , quorum viuens patrocinium habuerat. Benedictionem item cumulatissimam impertiuit , rogatus à variis , Sacro Romano Imperio , Catholicis Regibus & Regnis ; ac supplicauit Deo quàm demississime , vt regiones hæresi affectas , tandem ab eo contagio liberaret. MAPHÆO CARDINALI BARBERINO , qui iam est SVMMVS PONTIFEX VRBANVS VIII. suadenti , vt è Cælo pergeret Ecclesiæ vniuersæ patrocinari votis , sicut in terris doctrinâ moribusq̃ue suis egregiis viuens egerat ; respondit : *Quod ego hætenus fecit , tenue quid admodum fuit ; & nihil est , quod in præsentia iam ago : propterea non videor id posse polliceri de me ; præsertim cùm non sim ita paratus ad mortem , vt securus possim ad seuerum ac verendum tribunal Dei postulari.* Voluit deinde Cardinalis Barberinus , venerationis causâ , ipsi manum exosculari ; sed in

hæc obsequia festinantem, Cardinalis Bellarminus, non sine admiratione, tametsi summe debilitatus, præuenit, & primus ei osculum dedit: ut dici potuerit, cum ad cetera æger esset, officiis tamen valere. Quæ res, veluti præsagium futuri Pontificis, deinde multis viris grauissimis visa non immerito fuit.

Inter primos, ad eum contulit se, omisâ negotiorum mole, ipsemet GREGORIUS XV. Summus Pontifex; quod est Romæ rarissimum. Eum verò Cardinalis Bellarminus reueritus, sicut Christi Vicarium; quam potuit obsequiosissime, usurpauit illas supplicis Centurionis voces: *Domine non sum dignus, ut intres sub tectum meum. Ecquis enim ego sum, quem hoc honore dignetur Sanctitas Tua?* Sed Pontifex peramanter bis eum amplexus; Aduenisslem, inquit, libentius, ut sanum inuiserem. Post hæc pollicitus Missæ sacrificium pro eius valetudine, ostendit sperare se futurum etiam, ut conualesceret. Tum dixit Cardinalis Bellarminus: *Ego si annos meos, & Dei beneficia diu computo, diu vixi: quippe, qui expleni ferè annum nonum & septuagesimum. Neque vitam cupio diuturniorem; sed tantum ut Dei voluntas fiat. Orabo tamen, cum ad Christum Dominum, atque in Patriam venero, ut Tuae Sanctitati Deus ætatem parem huic mea tribuat, pro bono Ecclesie sanctæ*

sancta sua. Pontifex contrà, pietate simul atque humanitate singulari; Mallein, inquit, Deus meritum tuum, quàm æuum mihi concederet. Bellarminus verò hæc admodum confusè audiens, vt qui auribus parum valebat; prosecutus est quod inceperat: & se vocans inutilem senem, qui corrumpere-tur situ, ita miserè cubando, addidit; nihil se magis optare, quàm vt tamquam onus terræ superfluum, aliò deportaretur. Quæ aliaque dum ex modestiâ sereret, Pontifex vltimos illi amplexus dedit; & perfusus lacrymis mutuis abiuit. Ex eâ die arceri Cardinales alij nequiverunt: qui non per nuntios iam inuisere, sed ipsimet adesse cupiebant; vt in Cælum abeunti valedicerent, & vt eius se votis ac precibus commendarent. Venêre itaque admiraturi, in Collegâ egregio, laudatis Sancto-rum mortibus exitum parem; & eâ frequen-tiâ quidem adfuere, vt vno die eum conue-nerint Cardinales decem. Et sanè, ita circum-fusus amplexibus Purpuratorum; videri po-terat, veluti triumphans, ex hac vitâ migra-re potiùs quàm mori. Quinque eorum, qui vnâ fortè aderant, rogarunt in digressu bene-dictionem illius: sed recusauit Bellarminus; vt qui diceret, debere sibi eos æquiùs benedi-ctionem impertiri. Tum illi, lecto ipsius ad-uolui, & dexteram certatim osculis fatigare
cœpe-

cœperunt ; cùm ex eorum oculis lacrymæ interim præsilirent : nec inferius Pûrpurâ ducerent , tantam iacturam Sacri Collegij fletu eo decoro testificari. Vnus ex eis etiam , cùm semel ac sæpiùs Cardinalem Bellarminum adiuisset ; postremò discessurus , in genua procubuit , & manum eius , oculis & capiti suo , plenus venerationis , imposuit. Interea his , qui circumstarent , adhuc maiori admirationi fuit ; quòd Cardinalibus illis abeuntibus Bellarminus dixerit , nouam esse eam obsequij rationem , quâ Cardinales iudem benedictionem ab altero Cardinali petierant. Et cùm Auslici eius , qui aderant , responderent ; fortassis eam idèd peti , quia erat Archiepiscopus , cui potestas benedicendi congruit : tum ipse maiori cum innocentia ; Annuissem ego , inquit , faciliùs , si hoc nomine id à me ipsi postulassent. vsque adèd erat alienus à propriæ opinione virtutis. Hæc ampla Cardinalium & Urbis totius erga ipsum studia , hortabantur adhuc magis eos , qui præerant ipsius curationi , vt quibus possent medicamentis conarentur vitam eius fugientem retinere : circumferebatur enim passim ea vox , eratque in ore omnium ; si humano sanguine occurrere huic tanto damno liceret , neminem fore , qui libenter pro eo cruorem proprium non esset effusus.

CAPVT III.

Mors eius.

CVm id Medici procurarent studio atque industriâ omni, vt in Cardinalis Bellarmini corpore noxium æstus restinguerent, Patres Societatis animæ procuracionem, ex ipsius etiam ægri admonitu, non intermiserunt. Ideò, quia periti sunt, ne si phrenesis cresceret, ægro facultas adimeretur sumendi sacram Synaxim, primùm de periculo eum certiore reddiderunt, quatrduo quàm ægrotauerat; & dein obtulerunt Cæleste Viaticum. Sed Cardinalis, tempus pro eo adhuc superesse respondit: maluitque pabulo illo vitæ refici, ex affectu priuato; cùm præsertim ea refectio supplere pro Viatico posset, si fortè improuisâ vi aliquâ morbi opprimeretur. In hac verò ægritudine eodem cælesti cibo nutritus aliquoties fuit; ac semper, ob venerationem illius, lectulo egredi, atque humi procumbere in genua voluit. Vndecimâ morbi die, cùm noctem totam inquietus atque exsomnia transegisset, & à letalibus singultibus concuteretur; agnouit instare corporis sui vltimam ruinam. Ingeminare itaque illud coepit: *Cur mihi differtis nuntium diu optatum, nuntium delectabilem; quòd videlicet proficisci debeam*

debeam in domum meam ? O quàm ego cuperem ad expeditionem hanc magis preparatus inueniri ! & sic inchoatâ allocutione, cum ingenti suspirio, repentè congemuit ; O quàm miserè, inquiens, falluntur ij ; qui cùm perditè viuunt, credunt se posse laudabiliter mori ! Benè viuere, ac benè mori utique congruunt ; at vitam probrosam rarò excipit honestus exitus.

Intereâ P. Mutius Vitellefcus Generalis, conscius periculi eius, appetere horam illam, quam diu optauerat, ei nuntiauit : & tum ipse, vt sapiente dignum erat, lætus mortem admittens, ac superfundenti se lætitiæ vix temperans, ter illud congeminauit : *O latum nuntium, ô nuntium optabilem ! angicuris alijs non debeo : voluissèm, fateor, annum integrum ad eiusmodi profectiõnem hîc, in loco sancto, me adornare : sed quia me Deus vocat ; vocantem sequor, & obsequor iubenti.* Post hæc excusauit rei familiaris paupertatem, doluitque non plus peruenturum ad Domum Professorum Societatis IESV ; quam instituerat heredem, vt ab ære alieno liberaretur. Sed P. Mutius, bono esset animo, hortatus est ; aitque, Societatis homines, memoriam ipsius intuentes, ad cetera caligare : imaginem vitæ eius, & in eâ quidquid boni amauerant, quidquid mali etiã admirati fuerant, ipsis relinqui : id verò ab eis, quouis legato hereditario, iure ac merito,

ritò, pluris fieri. Deinceps nihil aliud agere visus est, quàm preces varias atque Hymnos Davidis recitare; vel audire pios obitus Sanctorum, ac præ alijs mortem S. Caroli Borromæi: ex quâ solatium etiam illud habuit, quòd S. Carolus perinde morbo simili, febris cum delirio, ex hac vitâ migrasset.

Quando sumere debuit Viaticum peregrinationis suæ; Patres Societatis, quia semel atque iterum voluerat humi prosterni, & ita cibum cum cælestem venerari (cui conatui natura iam deficiens, par non erat) rogarunt, ut in lectulo contineret se: sed fuit potentior in eo pietas, & obseruantia erga communem Dominum, quàm periculum imminens ex illâ iactatione. Quippe vix in conspectu habuit Augultissimum Sacramentum; cùm, supplente vires animo, humi se in genua prouoluit celeritate mirabili: & postquam in situ illo generalem Confessionem dixerat, Seruatorem vitæ suæ in pectus atque in cor piè admodum transmisit. Mox lacrymis manantibus, & quasi linqueretur animo, in Socios, à quibus sustinebatur, recubuit; & in eâ defectione videbatur vsurpare verba illa: *Defecit in salutare tuum anima mea: & in verbum tuum super speravi. Defecerunt oculi mei in eloquium tuum, dicentes: Quando consolaberis me?* Tollentes itaque eum, veluti sopitum dolore

dolore morbi, aut potius cælesti aliquâ suauitate à sensibus abalienatum, lectulo confestim reddiderunt: in quo adductis aulcīs, moras aliquas piè meditans, quieuit.

Non ita multò pòst flagitauit extremum Sacramentorum; & dum eodem, ad animi robur, Christianus Athleta inungeretur, pronuntiauit distinctè omnia; veniam, ob ea quæ peccauerat, deprecans moriturus. Ab illo temporis momento, voluit ad imam partem lecti aptari amabilem iuxtà miserabilemque Domini sui in Cruce pendentis effigiem: vt vita, quæ paulatim collabebatur, ante Crucis aram caderet, inuenireturq; abscondita cum Christo in Deo. Et semper deinceps, aut visus est cum Superis & Deo agere dulcissimè, aut est auditus de morte suâ adproperante perinde atque de nuptijs loqui.

Interturbauit pacem hanc solùm paupertas, in quâ moriebatur; & metus, ne Societatem heredem, ob expensas funeris, potius deiuuaret. Tamen si enim in Testamento sumptus pro exequijs minui desiderauerat, Pontificem venerans ac rogans in tabulis illius, vt permitteret piaculare officium, cui à defunctis nomen, sibi absque pompâ, & absque confessu sacri Collegij, à solis Religiosis nostri Ordinis celebrari; atque insuper à Præposito Generali petierat, vt sineret, se in comuni

muni sepulchro Sacerdotum nostrorum tumulari, quemadmodum de beato Laurentio Iustiniano in eius historiâ legerat: nihilominus rebatur adhuc arduum fore, ex totâ hereditate promere aureos quingentos, quos pendere Cardinalium heredes debent, dum eorum annulum referunt; atque adeo summas minores alias persolvere, quæ solent in funere Cardinalium aliis repræsentari. Idcirco deliberavit, Cardinalis S. Sussannæ amici sui operâ, pro earum expensarum gratiâ, apud Pontificem uti: cessitque res, ut optauerat; nam Pontifex annuit circa pensionem annuli: & ipse ab eâ molestiâ liber, cœpit multò magis in tranquillo esse.

Quædam alia disponere insuper eum oportuit; interque alia, legatum, quod destinauerat Ecclesiæ S. Mariæ in viâ Tituli olim sui, addixit titulo alteri S. Praxedis, cum quo moriebatur. Præterea, quia Testamenti Curatorem aliàs Cardinalem Petrum Aldobrandinum nominauerat; huic, utpote Auunculo iam defuncto, Hippolytum Cardinalem Aldobrandinum subrogavit. His peractis, à prouiso sibi Crucis simulacro vix deinceps amouere oculos visusest; nisi cum vellet ad circumstantes animo redire, salutare aduentantes, valedicere omnibus, suffragia & pia-

cularia sacra petere à plurimis, amplexari aliquos charitate summâ, præcipuè verò consolari dulcissimos Socios; pollicitus, vbi in Cælum iret, ipsos tum in suâ mente & corde secum ituros, nec futurum vñquam, vt in Cælo eorum obliuisceretur.

Intererat P. Andreas Eudæmon Ioannes, vir intimâ consuetudine Cardinali Bellarmino apprimè carus. Amicum itaque amplexatus tenerrimè, vltimum hoc rogauit, vt statim atq; librum aliquem imprimeret contra hereticos, affirmaret de se, quo pacto è viuis migrabat cum eadem Fide cum quâ vixerat; & quæcumque pro Ecclesiæ defensione scripserat, edideratque, non modò eadem iterùm assererat, sed credebatur ea etiam perfectè, vtpote concepta priùs animo, quàm calamo. Porro vt superesset monumentum constantissimæ ipsius vsq; ad vltimam senectam Fidei, P. Andreas verba eius in codicem referri voluit; & subscribi ac iurari etiam, coram publico Scribâ, ab iis qui interfuerunt: & ferè huius monumenti syngrapha hæc habet:

Illustrissimus Cardinalis Bellarminus IV. Idus Septembris anno M. DC. XXI. mihi Andrea Eudæmon Ioanni è Societate IESV iniunxit, vt testificare r, quæ ipse cuncta pridem scripserat, edideratq; pro Fidei & Religionis Catholica defen-

ensione, ea rursus affirmari à se, & cum eadem Fide, quam tutatus viuens fuerat, se pariter mori. Item quoad opiniones de Auxiliis Gratiæ Dei, quæ inter Scriptores Societatis IESV & Catholicos Auctores alios hodieq; agitantur, à se rata omnino haberi & credi, se dedisse veritati, quæ in libris Controuersiarum de iisdem asseruit; neque sententiam primam se ullatenus mutauisse. Huic verò eius. postulationi rogati à me sunt, ut nomen adderent tres Cardinalis ipsius Agnati, Abbas Nicolaus Bellarminus, Marcellus Cerninus, P. Fabius Bellarminus; duo in super cubiculi eius Administristri; & quinque alij nostri Ordinis Religiosi, qui Cardinali Bellarmino ea profitenti, metum adfuerunt.

Interea cœptum est dissipari Vrbe totâ, cum omnem curam vinceret ægritudo, vitam Cardinalis Bellarmini sensim labi; omnibus admirantibus, sic ea, quæ tristes audirent, accelerari. Ideò non alia tum erat materia sermonum inter Magnates, & inter priuatæ conditionis hominēs, quàm pietas, charitas, & ceteræ virtutes Cardinalis Bellarmini; qui passim, quoniam paupertati subleuandæ mirè obsequens fuerat, PATER PAUPERVM appellabatur. Venēre ad domicilium S. Andreæ, viri omnium Ordinum tam frequentes, vt ab eorum ingressu aditus custodiri amplius nequiuērint. Hi verò certatim

oculis haurire gratum illud spectaculum, nec
 satiari tamen, videbantur; dum vel aspice-
 rent, palpebris clausis cœlestia eum contem-
 plari, & tantum voce tenui, quam proximi
 vix audiebant, cum Deo agere; vel clarè, his
 qui aderant, verba Vitæ Æternæ, velut he-
 reditarij muneris loco, dispensare: ut pro-
 pterea ægrè sibi temperarent, quin meritis
 laudibus ita coram operarent modestiam il-
 lius. Ad hæc affirmabant aliqui, experiri se
 in cubiculo illo vim nescio quam insolitæ
 pietatis; ex vultu eius emicare sanctitatem; at-
 que adeò auram ipsam loci consecrari verbo-
 rum sonitu pariter, atque halitu suspiriorum
 eius. Pluribus intrare illuc, nisi castè sancte-
 que, religio erat: nec fuere pauci, quibus pius
 hic animi sensus vbertim lacrymas eliciebat.
 Sed argumenta venerationis illustria in pri-
 mis ea fuerint; quòd cum utensilia eius se-
 cum, ut reliquias, referrent multi; & iam
 Rosaria, pileoli, atque huius generis alia, vel
 distributa essent omnia, vel destinata variis;
 demum nocturna capitis tegmina, linea cer-
 uicalium puluillorum inuolucra, manicas
 subuculæ, ac nodulos eius surripuere tam aui-
 dè, quàm non aurum aut gemmas possent.
 Cardinales ipsi, & Præsules Magni pro se ta-
 lia flagitarunt; nec ij modò qui Romæ ver-
 sabantur, sed qui aberant etiàm. Quo pacto,

Caprarolæ agens ad amœnitatem Odoardus Cardinalis Farnesius (qui ex veneratione, quâ ferebatur erga Bellarmini sanctitatem, inauguratus non ita pridem ab eo fuerat Episcopus Sabinensis) à P. Iacobo Minutulo Rosarium, aut Breuiarium eius postulauit: & cùm is Epistolæ illius rescriberet Breuiarium pro ipso retineri; nouas ad eum litteras ferè in hæc verba dedit:

Mærare animi equidem debui, cùm ex litteris tuis cognoui de iacturâ, quam breuî patiemur, sublato è viuis optimo Cardinali Roberto Bellarmino; tametsi quotquot eum diligunt, solatiij causas ex eo capite sumant, quod terras propediem cum Cælo sit commutaturus. Mæror hic tamen haud minuit obligationem erga te meam; tum quia mea illi obsequia & venerationem significaueris, tum verò, quia de agritudinis conditione, ac de apparatu retuleris, quo disponit se tam egregiè, ut in Cælum eat. Oro quæsoq; ut subinde, dum viuet, commemorares ei singularem obseruantiam meam; sed & subsidium ab eo postcas, quod mihi ominor presentissimum, ex precibus illius, postquam in nostram veram patriam migrauerit. Ex charactere sacro, quo per manus eius inscriptam animam gero, ipsius creatura sum; & ideo velim impetret mihi, ut in posterum utar melius donis, quibus me Deus copiosè adeò cumulauit. Præ-

tereà post eius felicem exitum, cupio, ut in commentarios breues congeras, quacumque dixerit aut fecerit, tum in omni egritudine, tum in horâ vitæ postremâ: cum certo mihi persuadeam, argumentum non defuturum, tibi unde scribas, & mihi unde discam. Sic ego sensus illos faciliùs domitos habuero, quibus humana imbecillitas in eiusmodi virorum obitu vix, aut rarò caret. Interim tibi ex animo me offero. Caprarola I V. Idus Septembr. M. DC. XXI. Deinde adiecit manu suâ; Doleo plurimum ob iacturam tanti viri: sed ex famâ recreor, quæ iam ubique incepit de illius sanctimoniâ peruagari.

Cardinalis Bellarminus, in quo laudes animi numquam ægrotauerant, obsequiosa hæc aduersum se officia huius Cardinalis magni audiens, cœpit tum ipsius, tum Gentis Farnesiæ in Societatem IESU, in se, atque in maiores suos beneficia recensere; affirmavitque, dolere se, quòd gratis referendis, quibus parem animum habuerit, voces & vires impares habuisset semper. Ex studio persimili gratitudinis, quia intellexerat, inter Patronos Collegij iuuenum Germanorum adlectum esse Franciscum Cardinalem Boncompagnium; gaudius est, Nobilissimæ Nationi, cui semper fauerat, id honoris accessisse, ut Patronum haberent eum, qui GRE-

GORII XIII. referens virtutem cum genere, poterat eis desiderium amissi olim Fundatoris & Parentis mitigare. Et tum pariter de huius optimi Pontificis erga Societatem vniuersam, & erga Nationes Mundi omnes summâ charitate beneficiâque placidissimè differuit.

Vt ad res, quas vtendas habuerat, redeam: quia Patribus integrum non erat cunctis eas tribuere, & ex alio capite deliberatum erat non paucis, pio aliquo eius pignore locupletari; miserunt varij pileolos nouos, Cruces argenteolas, Rosaria, vestes lintheas, atque eâ quidem copiâ, vt sit constans opinio, solos pileolos, partim rubros byssinos, partim albos lineos, datos, vt ex eius contactu sanctitatem & meritum referrent, fuisse numero centum & quinquaginta. Ceterum propriis indumentis sublatis, quibus amiciebatur interius dum viueret; necesse fuit mortuum thorace, femoralibus tibialibusque induere, depromptis ex vestiario communi Societatis. Quadratus pileus purpureus perinde, ab vno ex Cardinalibus, qui in vicinis ædibus habitabat, commodatò acceptus est; eâ lege tamen, vt procurato dein funere, velut ex vi illo pretiosior, recuperaretur.

Auxit venerationem etiam, quòd triduo quàm obiret, Medici, vt ei grauedinem capi-

552 VITÆ ROBERTI CARD. BELLARM.
tis minuerent, ad motis hirudinibus ad ve-
nas, sub vtramque aurem, sanguinem mitti
voluerant: quod medicamentum aliorum
pietati, quàm ipsius sanitati veriùs parabatur.
Æger enim, quamdiu lentitudo curationis il-
lius durauit, immotus & defixis oculis in
Cruce mansit: atque interim Medici, aliique
albis sudariolis certatim excipere sanguinem
conabantur; qui eo die ac nocte proximâ sisti
numquam ita potuit, quin semper aliquan-
tulùm flueret: attamen morbus ex eo reme-
dio nihil remisit. Ideoque à Pontifice perita
est, ipsius nomine, Apostolica benedictio;
cum indulgentiâ piaculari, quam aperto ca-
pite, ac præmissâ generali confessione, susce-
pit. Aliquoties prædixerat, sperare se, futu-
rum vt obiret sextâ Feriâ, eoq̃ue die qui sancti
Francisci admirandis vulneribus est sacer;
fortasse vt non deessent morituro ad specta-
culum, ex geminâ eius diei recordatione, vel
amoris vulnera, vel doloris. Hoc si deside-
rium fuit, annuit euentu secundissimo Deus;
si oraculum, cum prædictione vota eius cõ-
gruerunt. Etenim, dum intenderet se nox,
post Feriam quintam quæ fuit xvi. Kalend.
Octobris, hoc est, pridie eius celebritatis, ho-
râ ab occasu Solis circiter tertiâ, cœpit ani-
mam agere. Accurrerunt illic Patres, quot-
quot in eo Probationis domicilio moraban-
tur;

tur, vt horâ illâ decretoriâ æternitatis hospitem & socium egregium iuuarent, luctantiq; animæ facilem ac pium exitum precarentur. Durante tractu & lentitudine mortis, tametsi iam algerent pedes manusq;ue, & ab extremis partibus corporis vita paulatim decederet; nihilominus terè ad finem vsque feruido & compote mentis pectore, os illud Sacerdotale sacrificia laudis Deo suo immolauit. Versiculos Psalmorum tempori aptos, integrum Psalmum quinquagesimum, Apostolorum Symbolum, Orationem Dominicam, ac Salutationem Angelicam piè iterans; subinde interponebat suauissima IESV & MARIE nomina, ac etiam per interualla illud: *Sancta MARIA Mater Dei, ora pro nobis peccatoribus nunc, & in horâ mortis nostræ.* Sedenim spectaculum longè iucundissimum erat, intueri eum exosculantem Christi Domini è Cruce pendentis effigiem. Quam ipse Crucem arctissimè complectens, satis indicabat, diligi à se impensè admodum Seruatorem vitæ suæ. Hunc denique cùm vellet vltimis obsequiis venerari, arripiens simulacrum eius cum salutiferâ Cruce, reuelauit manu tremebundâ caput; & eo simulacro semel iterumq; frontem consignauit. Postea Crucem eandem superponens humeris, quasi cum eâ facturus iter, tandem supra pectus eam, subter lintea

collocavit; cor euocaturus, vt per ea vulnera immoreretur Deo suo: & moribundas manus in his obsequiis reliquit. Cum indiciiis tantæ pietatis vita Cardinalis Bellarmini peruenerat sub Auroram xv. Kal. Octobris, quæ ortus ei lucis lætissimæ fuit, cùm obscurari oculis cœpit, vt in Cælo videns redderetur: ac simul loqui desiit; nec, nisi ea quæ pronuntiabantur clariùs, intelligere videbatur. Tum, qui erant in genua prouoluti circa lectũ eius, potuere securiùs Rosariis, icunculis, piisq̃ue aliis symbolis eum onerare; vt hæc virtutem excurrentem cum animâ acciperent, & retinerent viri sanctitatem. Atque ita sine laterum vexatione, sine spiritus angore, ac pænè immotus, sed spirans tamen, à Generali Præposito inuentus est, & à plurimis, qui ex diuersis Domiciliis Societatis, die illucescente eo momento conuenerant, vt Amico in Cælum proficiscenti benè precarentur; pauloq̃; pòst, nullo signo pauefactus, ac sine deprauatione vultus, tranquillissimè defecit, vnâ horâ circiter post exoriētē Solem, anno M. DC. XXI. cùm ei deessent dies decem & septem, vt attingeret annum vitæ octogesimū, vi. Feriâ, in quam eo anno incidit anniuersaria celebritas Stigmatum sancti Francisci: per omnia fortitus exitum, qualem optauerat; & planè dignus, qui, etsi peruixit ad summam ætatem,

omnium

omnium Ordinum fletu, tamquam id fuisset breue spatium vsibus Ecclesiæ, ploraretur. Postquam expirauit, velut emerſo ab admiratione animo, cùm plerique, qui aderant, stetitissent ſilentio defixi, libero conqueſtu coortę voces, & lacrymę manarunt; adeò vt intereà, dum pro eo vſitatę preces recitarentur, neque ſingultibus neque oſculis parceretur. Sic in ſedes Piorum digreſſus eſt Cardinalis Bel-larminus, vir qui vitâ & morte conſentaneus, coniunxit raro miraculò doctrinam ſummam, & ſummam humilitatem; prudentiam maximarum rerum effectricem ad obſequium Dei, & panè puerilem ſimplicitatem; ſingularem clementiam, & mentem retinentiſſimam æqui; ſecrètum animi aſſiduum ob ſtudia priuatę pietatis, & negotia perpetua propter Ecclesię communem vtilitatem; denique conſuetudinem agendi, expertem omnis Aulicę ſimulationis, & plenam tamen apud Principes quoscumque exiſtimationis venerandę: cùm agnoſcerent cuncti, laruâ ipſum idcirco non vti, quia faciem veram virtutis præſeſerebat. Hinc meritò à plurimis, Norma Religioſorum, Antiſtitum exemplar, lumen Sacri Collegij, & magnus Ecclesię Magiſter ſalutabatur.

Vt pauca de corporis quoque lineamentis addam; ſtaturâ fuit, quæ ad mediocrem accede-

cederet : frontem habuit latam, oculos viuales & iucundos, nasum leniter incuruum, prægrandes aures, & os decens; capillos in capite densos albescentesque in senio, in priore ætate nigros; barbam aliquantulò rariorem; carnem rubicundam & candicantem; humorum temperiem, aut cum excessu nullo, aut declinantem nonnihil ad iram, naturamque præferuidam. Valetudine ad hæc vsus est non improspèrâ, & cerebri vi temperatâ, idoneâque laboribus assiduis studiorum negotiorumque perferendis. Ceteris verò membris æqualis & congruens, sic vultu & incesu toto ferebatur, ut non aliud ferè potuisset Modestia ipsa magis aptum sui delineare simulacrum. In Commentario publico, in quem referuntur Cardinalium singulorum obitus, his verbis describitur mors eius : *Die XVII. Septembris M. DC. XXI. Reuerendissimus D. ROBERTVS BELLARMINVS Presbyter Cardinalis de Monte Politiano, ex venerabili Societate IESV hac die, horâ duodecimâ, de Regione mortuorum transiit ad Regionem viuorum. Vir clarissimus, Theologus eminentissimus, ac Fidei Catholica propugnator acerrimus, hæreticorum malleus, æquè pius, prudens, humilis, ac summè elcemosynarius. Sacrum Collegium Cardinalium, ac vniuersa Curia Romana, tanti viri amissionem, non sine lacrymis, maxime indoluere.*

CAPVT IV.

*Honor & frequentia ad Exequias, & ad
sepulturam eius.*

Vix obierat Cardinalis Bellarminus, cùm
declinandi causâ populi frequentiam,
per secretum inferioris pomarij ostium, eius
corpus ad Professorum domum Patres clàm
deportauerunt; atque ibi obseratis foribus,
intra conclaue latuit, dum gypso imaginem
eius, solatio posteris futuram, exprimerent
plastæ. Paulò pòst dum aditum alij atque a-
lij impetrant, eosque, vti fit, consequuntur
multi, paulatim liber accessus omnibus fa-
ctus est; nec ante primam obscuræ iam no-
ctis horam, visendi eum copia negari potuit.
Aduenere porrò indiscriminatim summæ &
mediæ conditionis homines; Præsules multi,
& ex Cardinalibus item aliqui: nec ij eum
modò venerabantur, sed & contingere vi-
trices manus studebant. Ex quo Præsul ali-
quis primæ notæ, nixus genibus, dextræ eius
pollicem atque indicem, quos, vt pro fide
Catholicâ scriberent, Deus gladio armauc-
rat Verbi sancti sui, ampliùs quinquagies ex-
osculatus est: & Præsul alter dignitate nihilo
inferior, mox digitos eòsdem fermè osculis
rotidem decorauit. Deliberauerant Medici,
cadauer

cadaver demptis iliis & præcordiis (tametsi testamento id Cardinalis Bellarminus vetuerat) præparare; pro quâ re veniam Pontifex dederat.: & ideò Bernardinus Castellanus, Medicus intimus eiusdem Pontificis, ipsemet vnâ cum fratre, qui sector erat in Vrbe, voluerunt hoc defungi munere; præmunieruntque balsamo atque aromatibus corpus eius, ne putresceret ac deflueret. Sed non fuit necesse in promptu vasa cum linteis habere, vt sanguis manans ex thorace pectoris, aut stillans ex cerebro humiditas exciperetur. Multi enim, qui in conclauis erant, sudaria spongiisque cruore madefacere tantâ auiditate visi sunt, vt vel guttam in corpore non reliquerint. Medicis insuper secum, præmij loco, particulam cranij reportauit.

Post primam lucem, xiv. Kalend. Octobris, corpus eius habitu Presbyteri Cardinalis ornatum, Nobiles Sodales diuæ Virginis Assumptæ in Sodalitij locum intulerunt; vt ei, tamquam Sodali, iusta ibi persoluerent. Et tum fuit necesse, vt viri primarij quatuor loculum tegerent, ne impetu læderetur; dum hi manus, hi pedes osculari, & corpori Rosaria certatim admouere pro se nituntur. Ingressus illuc F. Bonauentura, Generalis Procurator Ordinis Minorum S. Francisci, quemadmodum ipse affirmavit, ad primum
eius

eius conspectum sacro quodam horrore perfusus, vocem audire sibi visus est, quæ suauiter in animo succlamaret: *Ecce homo sine querelâ, verus Dei cultor, abstinens se ab omni opere malo, & permanens in innocentia suâ.* Et sensit illicò se ad pietatem placidissime inuitari.

Quartâ circiter horâ post meridiem, quoniam precatio funebris de more fieri à Sacro Collegio Cardinalium in Templo nostræ Societatis debuit; Pontifice non annuente victimis eius desideriis, quibus optauerat non se peliri pretiosius, quàm si obisset vnus è numero Nostorum; sub Templi tholo, & in præalto pegmate, corpus eius, supra lectum holoserico villosa nigro instratum, collocatum est. Habitu erat Sacerdotali, Mitram in capite gerens; ac iacebat ad pedes eius galerus è purpurâ, cum appensis spiris cancellatim reticulatis. Templum vix reueratum est; & momento Ciuitas intùs se plenis portis effudit. Quare cùm metueretur, ne inconsulta populi pietas, aut vestes discinderet, aut corpus acciperet indignius; iudicarunt Antistites cærimoniæ, auxilio militari opus esse: & proinde eorum admonitu, necesse habuerunt Nostri, Custodes Pontificis Heluetios accersere, qui vndam populi submouerent. Hi ergo hastati, lecto funebri circumsteterunt:

runt: sed nequiverunt impedire tamen, ne plurimi custodias petrumperent. Dum enim hi arcerentur, aut illi; suggesti clam alij (quod vnum licuit, quia pegma præaltum erat) situm ad pedes eius galerum è purpurâ surripuere: & quamquam vi reuulsus est è manibus eorum; sericæ eius appendiculæ saltem discerptæ, & reliquiarum loco à multis habitæ sunt. Interim Nostri, qui ad funus prosequendum psallentes omnes, & aliqui etiam candidati processerant, cœpère vtrimque dispositi, Psalmos alternatim canere; cùm ipse Præpositus Generalis preces regeret. Aderat in maioribus subselliis Sacer Cardinalium Senatus, si tum vera memorarunt, numquam frequentior: siquidem eorum, qui in Vrbe reperiebantur, modò tres valetudinarios exciperes, vix vnus desiderabatur. Supplicatio frequentissima fuit, & qualem senes non meminerant: nec oriebatur ex titulis humanæ magnitudinis illa veneratio, sed ex opinione virtutis, cùm Sanctus omnium voce, iam tum, antequam terra eum tegeret, appellaretur. Et erat magnum eius morti decus, publica mœstitia, quâ omnes lamentabantur, tantum præsidium ademptum vsibus humanis; sed ante omnia insigne fuit, quòd inopes eum vt parentem luxerunt. A militibus initio satisfacere pio desiderio, accedere

accedere propius, rosariis tangere, omnes, vt dixi, prohibebantur. Paulatim tamen impetrari cœptum est, vt Pontificij Cursores bacillis argenteis, & Heluetij decuriones aliqui baculis suis, quibus turbam coërcent, ipsimet Rosaria confertim vicena & tricena Cardinalis corpori admouerent; donec hi toto eo tempore, hoc vnum agere coacti sunt: Rosaria verò ei admota, grauissimorum hominum æstimatione, circiter viginti millia numerantur: fuitque mira res, nullas, ex eo contactu, collisarum genarum sedisse in vultu notas. Has easdem significationes honoris non vsitati Cardinalis à Monte, in epistolâ, de quâ memini aliàs, censuit testes esse posse opinionis illius magnæ, quæ inhæserat animis omnium, de sanctitate ipsius: additque, meritò Cardinalem Montaltum, celebritatem huius diei, ex pietate hominum, atque existimatione veræ magnitudinis eius, duxisse longè potiore, quàm si aut triumphum egisset, aut Pontifex fuisset electus: ceteris enim anteaactæ vitæ, ei speciosior hic dies etiam mortuo illuxit. Tum quoque cœptus est circumferri de eo rumor perinde, ac si postridie Romæ agendum esset de ipso inter Cælites conscribendo. Quæ sententia eadem erat quoque Cardinalium aliquot: qui dum eam populi venerationem adspicerent; quia

mortui virtutem non ignorabant, pronuntiarunt, si vel duo eius imploratione contingerent diuinitus, ex iis quæ naturales causæ miraculo eximere non possunt, futurum, ut non persuasione vulgi modò, sed ore decernentium, ad aras ritu Sanctorum adimoueretur. Funebres preces persolutæ iam erant; & recesserant Cardinales cum mœrore & comploratu; nec populus tamen à conspectu eius reuellebatur. Inuitabat quippe veluti superstes in manibus largitas, & relicta in vultu benignitas; atque ea etiam, quæ in ipsâ morte, Viri sanctimonia vivebat. Spatio demum temporis inducta est magna pars, ut excederet: sed multi mansere nihilominus, qui manus pedesq; eius auebant prius exosculari. Quod solatium flagitarunt etiam Principes feminae aliquot: & ideò, Patribus lecto eius succollantibus, in sacellum beatæ Virginis corpus delatum est; milite pariter ad custodiam circumfuso. Cautum verò fuit, ut singuli qui ex vno Sacelli aditu admittebantur, persuncti officio pio, exirent ex aditu altero; ne aduersi cum incommodo & morâ commearent: omnes autem, etsi recederent cum luctu, altiùs adhuc animis mœreabant. Post hæc in Sacrarium Templi relatum est corpus eius; atque ibi, obseratis foribus, in arcâ ligneamâ compositum fuit, ut (quod enixè à
Præposito

Præposito Generali Cardinalis Bellarminus viuens rogauerat) in communi sepulturâ Patrum Societatis tumularetur. Factumque ita in eo Templo est, xiv. Kal. Octobris, cum interea Socij, quotquot ibi adessent, dicerent vnanimis: *Placide quiescas anima pia, & nos, quibus obitus tuus extitit adeò luctuosus, ab infirmo dolore pertrahe ad contemplationem virtutum maximarum; quas non lugere decet, sed admirari, sed imitari.*

Die circiter decimâ quàm obierat, Societas IESV ei exequias, quanto tum potuit apparatu, fecit: maiori tamen pompâ, ob memoriam virtutum eius, quas laudauit Tarquinius Calluccius ex eadem Societate, oratione pereleganti; quæ typis edita, & Cardinali Odoardo Farnesio dedicata est.

Anno exacto, cum Præposito Generali videretur, voto Cardinalis Bellarmini satisfactum esse; (quo videlicet locum inter Nostros sibi mortuo flagitauerat) obsequi postulationi multorum decreuit, qui non ferebant, mortem omnibus naturâ æqualem, in viro tam egregio, apud posteros tumuli gloriâ non distingui. Ergo P. Hieronymo Boschetto, qui Minister in Domo Professorum erat, iniunxit, vt transferret corpus eius. Eductum itaq; è communi sepulchro, xvii. Kal. Octobris, an. M. DC. xxii. & agnitum ab eodem

Præposito Generali, à PP. Assistentibus, atque ab eo qui à Secretis est Societati vniuersę, inuentum est pectore & capite ex nullâ tabe vitiat; erantque vultus non integri modò, sed recentissimâ specie. Quocircà cùm purè proluisent, indutum dalmaticâ, & Sacerdotali Casulâ carbasinâ, coloris violacei, incluserunt arcâ cypressinâ; quæ thecâ plumbeâ item obuoluebatur. Vacuum erat sepulchrum S. Parentis nostri Ignatij, prope aram Templi maximam, & ad dexterum eius latus. Nam is inter Cælites relatus, non ita pridem pro sepulchro aram obtinuerat. Generalis Præpositus, & alij Patres communiter in eo sepulchro condi corpus Cardinalis Bellarmini mandarunt; ita vt erat paratum, nec vllò emblemate, donec pro dignitate monumentum ei satis ornaretur. Nemo autem potuisset I G N A T I I sepulchrum occupare æquiùs: non modò quia in successore sanctitatis opinio par, & virtutes magnæ requirebantur; ne exprobrarent felices illi fereque triumphales lapides, intrare ignobiles exuias in alienæ locum gloriæ; verùm etiam, quia, sicut narrauimus alibi, Cardinalis Bellarminus magna & prima occasio fuerat, vt I G N A T I O ibi cælestes honores cœpti sint exhiberi. Qui propterea, migrans è sepulchro ad aram, videri potuit, in eius rei gratiam,

tumu-

tumulum relinquere Viro de se adeò benè merenti ; cui perinde tumulus ille, vt sperant multi, aliquando erit pariter ad aras via.

Interim, cùm potuerit sepulchrum corpus celare Cardinalis Bellarmini, haud fustulit cum eo memoriam eius, mansuram vtique æternitate temporum, famâ rerum. Multò minùs populi studia aut venerationem minuit. Siquidem pars alia vtensilium eius, quæ non prærepta fuerat; priusquam obiret, cùm miris flagitaretur modis ; loco pij regiique muneris, distribui cœpta est in Dynastas, Cardinales, ac Præsules magnos. Quorum ne fiat census longior, illud verissime affirmare sit, ferè Cardinales omnes, ac partem numerosiore Principum tum Italiæ, tum verò Transalpinarum Regionum, postulauisse res aliquas, quæ ab eius vsu, sicut interpretabantur ipsi, venerabiles redditæ essent; quò eas, vt pretiosas reliquias, seruarent. Fuit verò gloriosum, viros primarios, linguis & regionibus maximè disiunctos, hoc iudicium tam honorificum vnanimis de eo habuisse. Regina, Genitrix Christianissimi Regis Galliarum, cùm accepisset epomidem eius ex purpurâ, ac simul particulam cerebri, balsamo, ne diffunderet, præparatam ; Generali Præposito, à quo ea rogauerat, humanissimis litteris egit gratias : & eas Reliquias Re-

giæ Aulæ suæ ostendit, ac proposuit venerandas.

Gulielmus etiam Dux Bauariæ, cùm ab Vrbe Româ curarent seriùs, quàm optaret, ad se deferri picturam Bellarmini; per litteras illius, qui ipsi erat à Confessionibus, denuò petijt, ut citò, nec dubiâ viâ, mitteretur. Is verò in hunc modum P. Theodoro Busæo Germaniæ Assistenti, ex Bauariâ scripsit:

Serenissimus Gulielmus amavit semper & coluit Cardinalem Bellarminum, propter eximiam vitæ eius sanctitatem; quam de ipso, quotquot Româ veniunt, honorificè deprædicant, præsertim PP. Capuccini, & PP. Ordinis Carmelitarum Discalceatorum. Imò etiam hoc narrauerant eius duo Serenissimi Filij, Philippus Cardinalis, felicitis recordationis, & Ferdinandus Elector atque Archiepiscopus Coloniensis, quando Româ huc remigrarunt: in quâ etiam Vrbe, Patri Bellarmino confiteri ambo consueuerant. Neque dubitem, quin à Serenissimo Maximiliano, in veneratione pari habitus fuerit: nam frequens ibi consuetudo ipsi cum Bellarmino intercessit. Quoad reliquias eius; neque Serenissimus Gulielmus imaginem, neque Serenissimus Maximilianus epomidem ex purpurâ (quæ pia munera tamen avidè percipiunt) accepere. Rogant proinde R. V., ut à Domino Crinellio, istic eorum Agente, perquirat, num ea tandem miserit? per quos?

quos? aut quâ demum viâ? quòd si verò habet adhuc ea penes se; per expeditum iuxtâ & fidum hominem deferri eadem procuret, &c.

Andreas Lipski Episcopus Luceoriensis, & Regni Poloniæ Cancellarius, in epistolâ suâ, de quâ memini alibi; *Reliquias*, inquit, *Cardinalis Bellarmini, in hoc Polonia Regnum allatas esse, audio; & gratulor Societati, tam alte frugi Alumnum; in quâ exacta & pietatis & doctrina depositum reliquit.* Denique innumeri sunt, qui detractum frustulum togæ, aut aliarum vestium eius, idque summis precibus expressum, suspensum ante pectus, gerunt assiduè; nec tractant vniquam, nisi osculabundi.

Sed, ut redeam ad sepulturam eius; in eâ iam annum alterum iacuerat, absque vllis monumentis, quæ sculpta de ipso in lapide aut ære legerentur: & cum multi eam, venerationis ergò, floribus ornarent, atque aliqui etiam, cereas accensas faces, ac votiuâ symbola, super eam humi relinquerent; PP. Societatis iussere semper eadem statim in Sacrum deferri.

Interea, cum ita sepulchrum eius frequentaretur; nec ignoraret iam Roma, ex Bellarmini imploratione varia cælitus impetrari; facta potestas est à Sanctâ Sede, formandi Commentarios vitæ & miraculorum eius: ne

vtique Viri, de quo fatendum est, cū plurimum doctrinæ habuerit, plus habuisse sanctitatis, memoria periret ex obitu eorum, qui rerum ab eo gestarum spectatores aut auditores fuerant; sed ob finem laudabilem, in Codices publicos, quæcumque ij affirmassent, referrentur. His Commentarijs ritè conceptis Romæ, Parmæ; in Politiano, & in vrbe Capuâ; censuit Sacra Rituum Congregatio, vt Romanæ Rotæ Auditoribus ijdem discutiendi proponerentur: quod in præsentia iam agitur.

Ad hæc Odoardus Cardinalis, ex Gente Farnesiâ, cui nostra Societas amorem & omnia summa debet, vt cohonestaret memoriam Cardinalis Bellarmini, vsus est eâ magnificentia & pietate, quam propriam & perennem habuit. Cū enim sciret, heredes à Bellarmino accepisse plus gloriæ, quàm suppellectilis; vt qui pauperibus obsequens, non sibi met dumtaxat, sed etiam funeri suo paupertatis neglectum indixerat: honorificum ei sepulchrum, & ornatius, quàm vllum aliud sit in toto eo Templo, procurauit, sectis lapidibus versicoloribus, & signis dispositis, opere Equitis Bernini Sculptoris non sæculi sui. Nullam verò, præter ipsum Bellarmini Nomen, incidi voluit elogij pompam; ratus mentorum huic Nomini tantam vim inesse, quanta

quanta sit satis, ut obliuio famam eius numquam extinguat. Inscribitur verò in hunc modum:

ROBERTO
CARD. BELLARMINO
POLITIANO E SOC. IESV
MARCELLI II. P. M.
SORORIS FILIO
ODOARDVS
CARD. FARNESIVS
SVI ERGA VIRVM QVEM
PATRIS LOCO SEMPER COLVIT
AMORIS NVMQVAM MORITVRI
MONVMENTVM POS.
OBDORMIUIT IN DOMINO
ANNO SAL. M.DC.XXI.
ÆT. SVÆ LXXIX.

Atque hæc pars aliqua est rerum gestarum à Cardinali Bellarmino ; hoc est Viro , qui numquam egit rectè vt agere videretur , sed quia aliter agere non didicerat ; & qui spatium vitæ idem , quod & innocentix , vel inter summas dignitates habuit : quas recusauerit pulchrius , an admiserit , an tenuerit , nemo facile iudicauerit.

Vt sanè Vir aliquando Purpurâ , semper animo illustrissimus , consiliis mens ceterorum , opere & scriptione manus , & excedens adhuc virtutis miraculo , spem faciat fore , vt sicut imploratus non inutiliter à multis , confirmat in dies magis sanctitatem suam (quod fide tum priuatâ , tum publicâ testantur plurimi) sic eam , quam habet apud Cælites gloriam , sit aliquando etiam (vti ominentur omnes) in Terris consecuturus.

Postremò non hîc intexere volui catalogum Voluminum eius ; tum quia non ita pridem , anno M. DC. XX. Colonia Agrippinæ , ipso superstite & approbante , omnia simul Opera eius , septem magnis Tomis comprehensa , expensis Bernardi Gualteri , edita fuerunt ; tum verò quia de Cardinali Bellarmino possunt ea usurpari perinde , quæ de sancto Cypriano sanctus Hieronymus dixit olim , nempe : *Huius ingenij superfluum est indicem*

dicem texere, cùm Sole clariora sint Opera eius.
Et quia his Operibus Ecclesiam illustravit,
eamque simul cumulauit virtutibus admi-
randis; idcirco cùm dixerit Christus; *Qui*
fecerit & docuerit, hic Magnus vocabitur in
Regno Calorum; hinc affirmare sit, Cardina-
lem Bellarminum fraudari non debere, et-
iam in Terris, appellatione MAGNI.



TESTAMENTVM
ILLVSTRISSIMI CARDINALIS
BELLARMINI.

IN nomine Domini nostri IESV CHRI-
STI. Ego Robertus Bellarminus tit.
S. Mariae in Viâ Presbyter Cardinalis
ex Societate IESV assumptus, petij à Sancta me-
morie CLEMENTE VIII. facultatem conden-
di Testamentum ad pias causas tantum, ut cer-
tus essem, ea quae mihi decedenti bona tempo-
ralia superessent, quaeq; dum viuerem, dispen-
sari pauperibus & Ecclesiis non potuerunt, ut-
pote meae sustentationi necessaria, ad pauperes
& Ecclesias redire. Concessit Pontifex indul-
tum testandi generalius, quam voluissem; sed
non acceptaui, nisi ad pias causas, ut petieram.
Habetur hoc indultum, inter alias Bullas mihi
concessas, in magnò folio pergameno cum plum-
bo, datum anno Domini M. DC. III. VI. Idus
Aprilis, Pontificatus Sanctiss. Papae CLEMEN-
TIS VIII. anno duodecimo. Ergo hoc indulto
praesupposito, testamentum condidi Capuae, cum
essem Archiepiscopus eius Ciuitatis: deinde eo
abrogato aliud condidi Roma. Sed propter cir-
cumstantias mutatas, hoc secundo etiam abro-
gato, nunc iterum testamentum condere statui,
cum sim annorum sexaginta nouem, & proxi-

mus ultima diei, ut opinor; sed mente & corpore per Dei gratiam benè valens. Primum igitur spiritum meum in manus Dei commendatum toto corde exopto, cui ab adolescentiâ servire desideravi: & precor, ut me inter Sanctos & Electos suos non estimator meriti, sed venia largitor admittat. Corpus meum non apertum, nocturno tempore, sine ullâ pompâ ad Ecclesiam Societatis IESV, vel Collegij Romani, vel Domus Professa, deferri volo: & exequia fiant per solos Patres & fratres Societatis, sine interuentu Sacri Collegij, sine lecto sublimi, sine insigniis vel stabellis, eademq; simplicitate, quâ ceteris de Societate fieri solent. Et hac de re quàm maximè possum Sanctissimum Dominum nostrum humiliter rogo, ut desiderio meo satisfaciat. Quod attinet ad locum sepultura, libenter iacere corpus meum voluisssem ad pedes beati Aloysii Gonzaga, mei quondam spiritualis filij: sed tamen Superiores Societatis, ubi voluerint, corpus meum ponant. De rebus temporalibus mihi à Sede Apostolicâ concessis, vel undecumque acquisitis, ita dispono. Heredem uniuersalem nomino & instituo Domum Professam Romanam Societatis IESV, in quâ Religione nomen dedi. Volo autem, ut primò soluantur debita, si quæ fuerint, & iura iis quibus debentur. Deinde dentur familie ad quadraginta dies, more solito, quæ ad victum pertinent, id est.

est, quod illis taxatum est in pecuniâ pro pane, vino, & companatico: neque aliud eis relinquere possum, cum ad solas pias causas Testamentum faciendi facultatem petierim, & eâdem causâ singulis stipendium siue prouisionem aliquam dederim præter victum. Fratri meo secundum carnem, vel eius heredibus, restituatur imago, seu quadrum CLEMENTIS VIII. Pontificis maximi. Nepoti meo Angelo detur imago, seu quadrum Roberti Cardinalis de Nobilibus, & unum ex duobus quadris sancti Caroli Borromæi, & una ex paruis Crucibus, quas ad pectus gero, cum reliquiis inclusis. Collegio Romano restituantur Annalium Cardinalis Baronij Tomi sex, quos mihi accommodauit, & eidem dentur alij sex mei. nam cum hac conditione accepi à Collegio sex primos Tomos, qui meo nomine dati fuerunt Collegio eidem ab eodem Auctore, ut post obitum relinquerem integrum Opus. Eidem Collegio relinquo vnâ ex tribus Planetis pretiosis, cum stolâ & manipulo, quam voluerit, & omnia scripta mea, & totam Bibliothecam; nisi Reuerendissimo Patri Generali videatur Bibliothecam alicui alteri Loco Societatis magis egenti applicare. Sanctæ Mariæ in Viâ, qui titulus meus est, relinquo vnâ ex tribus Planetis pretiosis, quam heres meus dare voluerit. Aliud titulo meo non relinquo, quoniam satis multum expendi in fabricâ Ecclesiæ,

clesia, ut Fratres illi sciunt, qui hoc ipsum petierunt, loco paramentorum, quæ illis emere constitueram. Reliqua omnia bona, quæ quocumque modo ad me pertinent seu pertinebunt, siue immobilia, siue mobilia, siue se mouentia, siue iura, siue credita, siue sacra ad Cappellam, siue profana ad vestiarium vel cellas varias pertinentia, siue pecunias numeratas, siue quacumque alia integra ad heredem, id est ad Domum Professam Romanam Societatis IESV, ut dictum est, pertineant volo, & in illis omnibus & singulis ipsam heredem instituo, & nomino. Pro auxilio anima mea nihil relinquo, vel prescribo; tum quia parum admodum erit, quod ad heredem meum perueniet, ut existimo, cum ego cumulandis pecuniis vel rebus pretiosis acquirendis numquam operam dederim, tum quia confido, imò certò scio, non defuturam huic officio piæ charitatem Matris meæ, Religionis videlicet Societatis IESV, ut pro aliis filiis suis numquam deest: quemadmodum ego non defui toto vitæ meæ tempore pro defunctis Societatis sacrificia & orationes Deo offerre. Executorem huius meæ voluntatis nomino honoris causâ Illustrissimum & Reuerendissimum Dominum meum Cardinalem Aldobrandinum: labor enim, ut existimo, nullus erit in executione Testamenti huius. Relinquo autem eidem Illustrissimo Domino meo id quo pretiosius nihil habeo;

beo, videlicet Crucem ligneam reliquiis pretiosissimis refertam, quarum catalogus in scrinio-
la cooperto rubro haloferico inuenitur.

Hoc Testamentum valere volo, prioribus abrogatis, quæ in omnibus & per omnia reuoco, casso, & annullo, etiam si hac fortè non fuerit cum debitis solemnitatibus factum. id enim apertè concedit Bulla Summi Pontificis CLEMENTIS VIII. in quâ mihi data est facultas testandi etiam per simplicem epistolam, vel schedulam manu meâ subscriptam.

Ego Robertus Cardinalis Bellarminus, ut supra, instituo, lego, & testor, non solum prefato, sed etiam omni meliori modo, die XXIII. Ianuarij M. DC. XI.



INDEX RERVM.



*Bbas sancti Benedicti Capua fit Bel-
larminus à Clemente Pontifice.*
pag. 475. & 476

*Abbatiâ sancti Benedicti cupit abdi-
cari, ut fundet Capua Collegium
Societatis IESV.* 476

Abbas Procida fit ab eodem Clemente Pontifice. 287
*Abbatia huius causâ lites fouere propter iurisdictionem
recusat.* 327

*Abbatiam eandem dimittit, cùm in eâ non posset resi-
dere.* 474

Abbatia eiusdem Parochiam fundat. 474

*Abbatia sancti Benedicti titulum Gregorius XV. con-
fert filio fratris Card. Bellarmini.* 483

Abdicatio sui perfecta in Rob. Bellarmino. 45

Abdicare se desiderat Cardinalatu Rob. Bellarminus.
214. 218. 219. 464

Abdicat se rebus superfluis. 144. 145

Capua Archiepiscopatu. 363

praefecturâ Ecclesia Politiana. 379. 380

Abdita & recondita Bellarm. reuelat. 500. 501

Abstinentia Bellarm. ordinaria. 231. 232. 233

*Acclamatio facta in Consistorio, cùm Bellarm. Capua
Archiepiscopus est renuntiatus.* 270

*Aditus ad Card. Bellarmini audientiam semper om-
nibus patuit.* 290 415

*Adeuntium frequentia ad Card. Bellarminum in ulti-
mâ eius aegritudine.* 536. & seqq.

*Adhortationes domesticas habet Bellarminus adhuc
iuuenis.* 29. 54

INDEX RERV.

- Adhortationum eius efficacia; dum regeret in Societate.*
151. 181
- Adhortationem habet ad Camaldulenses Vallis Umbrose.* 59
- Adhortatur dum esset Cardinalis Novitios Societatis.*
225 226
- Adhortatur, dum est Cardinalis, infimos famulos, & docet eos catechismum.* 242
- Adulatio, communis scopulus Aule. 398. perpetuum malum Principum. 344. veri affectus venenum. 271*
- Edificium domus Archiepiscopalis Capua amplificat & reparat Bellarm.* 296
- Edificia restaurat in iis locis, ex quibus proventus annuos percipiebat.* 310. 318
- Egritudinem & bonam valetudinem Bellarm. æstimat peræque.* 48
- Egrotat Florentia, & precibus à Deo sanatur.* 50
- Egritudo, Bellarmini profectum in studiis non impediit.* 47
- Egritudinis causâ ex Belgio in Italiam remeat.* 88
- Egritudo eius ultima, ex quâ obiit.* 529
- Egritudine corporis sæpè animus fit ager.* 47
- Egrorum aliquot prædicit Bellarm. mortem, aut sanitatem.* 502. 503
- Egros pauperes Capua omnes inuisit.* 313
- Egros pauperes in plateis reperiens, ad valetudinaria duci vel deferri curat.* 321
- Egrum unum pauperem ipse Cardinalis ad Xenodochium curru suo vehit.* 321
- Æstimatio vera hominis unde sumi debeat.* 462
- Affectus Bellarmini erga Cines qualis fuerit.* 91
- Affines & agnatos quantâ moderatione amauerit.*
471

Affines

INDEX RERVM.

- Affines quàm parcè inuenerit opibus suis.* 471.472
Affinium & agnatorum funera sine luctu & veste lugubri tolerauit. 471
Afflictiones corporis, sponte obitas, occultat. 234
Aleatorum publicos & secretos conuentus Capua exterminat. 276.277
Alexandri Card. Montalti obitum prædicit. 512
Alexandri Card. Vrsini, de Bellarmini virtutibus testimonia. 355.486
Alexandri Farnesij Ducis Parmensis laus. 163
*Aloysij Gonzaga beati iuuenis Bellarminus est familiaris. 437. generalem eius confessionem audit. 437. qua de eius laudibus publicè dixerit, aut scripserit. 438. 439. 440. prædicit eam fore inter Calites conscribendum. 443. qua fuerit eius summa puritas. 439. suffragium fert Bellarminus pro eo in Dinos referendo. 441. cubiculum, in quo ille obiit, dedicat in satellum. 441. qua in eo cubiculo picta fuerint ornamenta 441. 442. ad pedes illius optat Bellarm. sepe-
 peliri.* 443
Amanuensibus Bellarminus numquam est usus pro libris edendis. 109.421
Ambitio quàm sit periculosa. 32
Ambitio Pontificatus nulla fuit in Card. Bellarm. 354
Amita morienti Bellarminus assidet. 91
Andrea Lipski Episcopi Luceoriensis, & Cancellarij Polonia, de Card. Bellarmini sanctitate testimonium. 491
Andrea VVise Equitis de eadem sanctitate Bellarmini testimonium. 492
Angeli de Aciariâ Episcopi Theanen'sis agri mortem Card. Bellarminus absens prædicit. 501
Animarum procuratio, quantum onus sit Pontifici,

INDEX RERV.

Episcopis aliis.	330
Animarum procuratio Capue iustum onus & suave credebatur Card. Bellarmino.	336
Animarum procuratio, quam profitentur Religiosi Societatis Iesu.	227
Anima agrorum pauperum Card. Bellarminus impensius medebatur.	314
Animam suam commendat Deo Creatori Card. Bellar. in testamento.	517
Annuli Cardinalitij iura persolvere nequit tenuis hereditas Card. Bellarmini.	545
Annulum Episcopalem oppignorandum pauperi dat Card. Bellarm. cum pecunia ei deesset.	526
Antonij Cangiari sacerdotis testimonium de virginitate Card. Bellarm.	426
Apparet Card. Bellarm. Barij Vicario eius Ecclesia.	497. 498
Archiepiscopus sanctus evadere desiderat.	302
Assellas honorarios ad sui comitatum nullis artibus inuitat.	463
Atramentarium argenteolum oppignorat, in subsidium unius pauperis.	526
Auctorum piorum elenchum pro lectione in triclinio prescribit.	151
Augustini Card. Valerij testimonium de virtutibus Card. Bellarm.	113
Aula iudicia de Bellarmino.	236. 436
Aulam quibus laudibus Bellarminus frequentavit.	195. 196
Aula invidiam superavit.	196
Aula nimia sagacitas.	263
Aulicorum genius qualis sit.	338
Aulici urbis, Sede vacante, ad omnem auram spei mobiles.	

INDEX RERVM.

<i>mobiles.</i>	354
<i>Austriacorum tum Caesarum, tum Archiducum, de</i>	
<i>Card. Bellarmino illustris opinio.</i>	488

B.

B <i>Aptismi innocentiam Card. Bellarm. seruavit ad</i>	
<i>obitum vsque.</i>	436
<i>Bauarorum Ducum illustris opinio de Card. Bellar-</i>	
<i>mino.</i>	487. 566. 567
<i>Bellarminista idem in Galliis esse creditur, quod Pa-</i>	
<i>pista.</i>	114
<i>Benedicit Card. Bellarminus moriturus variis & Or-</i>	
<i>dinibus & Regnis.</i>	537
<i>Benedictionem Apostolicam petit moriens, & suscipit</i>	
<i>obsequio magno.</i>	552
<i>Beneficia Ecclesiastica Capua ciuibus, non affectis suis</i>	
<i>distribuit.</i>	284
<i>Beneficos existimat eos Cardinales, qui, ne Pontifex eli-</i>	
<i>geretur, impedierunt.</i>	359
<i>Bernardinum Realinum coluit, uti virum sanctum.</i>	
454	
<i>Bernardinus Realinus Bellarminum post delatam ei</i>	
<i>purpuram, consolatur.</i>	214
<i>Bibliothecam nouam Bellarminus edificat in Collegio</i>	
<i>Romano.</i>	178
<i>Bibliothecam adit pro libris etiam dum erat Cardina-</i>	
<i>lis.</i>	224
<i>Bibliorum sacrarum recognitioni praefficitur à Grego-</i>	
<i>rio XIV.</i>	167
<i>Bibliorum eorundem Praefationem componit.</i>	167
<i>Bona Ecclesiae à Laicis Capua recuperat.</i>	332

C.

- C**elsum Bellarminus vocat domum suam. 519.
 530. 532
- Calestinorum Patronus* fit à Pontifice. 381. eorundem
 comitia absens ordinat. 381. 382. eorundem Comi-
 tiis aliâ vice *Presidem Episcopum Sora* pro se mittit.
 382. eorundem Comitibus tertio indictis ipsemet in-
 terest. 382. 383. eorundem Ordinem vniversum
 uni supremo *Antistiti* subiicit. 385. & seqq. eorum-
 dem Ordini quantum profuerit patrociniū Card.
 - *Bellarmini*. 390. 391
- Cerimonias Romanas Capua Card. Bellarm.* introdu-
 cit. 279. easdem quàm exactè ipse seruauerit. 305
- Cesar Card. Baronius* proponit Pontifici *Bellarminum*
 loco *Card. Toleti*. 190
- Cesar Baronius & Robertus Bellarminus* duo *Ecclesia*
lumina. 137
- Cesaris Baronij & Roberti Bellarmini* mutuus amor,
 & animorum coniunctio. 191. 192
- Cesaris Baronij & Roberti Bellarmini* illustre apud
Hæreticos nomen. 201
- Cesaris Baronij* obitum deflet *Bellarminus*. 193
- Cesar Baronius* inserit *Annalibus* suis assumptionem
Bellarmini ad *Capua Archiepiscopatum*. 270. petit
 à Pontifice prouentus pro *Card. Bellarmino*. 267
 gratulatur *Bellarmino* messē copiosam in *Episco-*
patu. 337. 338. suadet *Bellarmino*, ut propter au-
 ram insalubrem alibi quàm *Capua* resideat. 337
sancti Ignatii imaginem exponit publicè veneran-
 dam. 444. 445. hortatur *Bellarminum*, ut acquie-
 scat volentibus eum eligere Pontificem. 358
- Cesaris Card. Baronij, & Roberti Card. Bellarmini*
 merita

INDEX RERVM.

<i>merita similia ad Pontificatum.</i>	358
<i>Casaris Card. Baronij, & Roberti Card. Bellarmini elogium in ore duorum magnorum Praesulum.</i>	489.
490	
<i>Camilli Barberij Comititis egregium de Bellarmino re- stimonium.</i>	414.415
<i>Canonicos Capuae ex Cinibus idoneos eligit Bellarmi- nus</i>	284
<i>Cantum inducit Capuae modulatum, & grauem.</i>	280
<i>Cantat in Odeo cum ceteris.</i>	283
<i>Capuae Archiepiscopus creatur.</i>	269
<i>Capua stimulus est omnibus ad virtutem ex sumâ suae electionis.</i>	271
<i>Capuam ingreditur solempni pompâ.</i>	272
<i>Capuae concionatur festis diebus.</i>	273
<i>Capuam repurgat a vitiis.</i>	275
<i>Capuz beneficus, sicut sol, omnibus videtur.</i>	286
<i>Capuâ recedens, magnum relinquit desiderium sui.</i>	
340. & seqq.	
<i>Capuae Antistites, antecessores suos, ordine in codicem refert.</i>	509
<i>Capuae solùm triennio se mansurum initio praedixit.</i>	
338. 509	
<i>Cardinalatum Bellarmino deferendum praecedit ru- mor, & coniectura.</i>	198.199
<i>Cardinalatum deprecaturus, aditum ad Pontificem Bellarminus petit.</i>	202
<i>Cardinalis creatur, cum insigni elogio Clementis VIII.</i>	
200	
<i>Cardinalatus ei denunciatur cum anathematis metu.</i>	
202. & seqq.	
<i>Cardinalatus quem ei mœrorem attulerit.</i>	203
<i>Cardinali iam creato scribuntur ab amicis consolato- ria.</i>	

INDEX RERV.

<i>ria.</i>	205. & seqq.
<i>Cardinalatus an cum statu Religioso debeat mutari.</i>	218
<i>Cardinalatus & status Religiosi discrimen.</i>	226
<i>Cardinalatu admissio consulit Bellarminus viros pios, & prudentes.</i>	215
<i>Cardinalatum adeptus, quomodo vitam ordinaverit.</i>	212
<i>Cardinales quantoperè possint Ecclesie prodesse.</i>	207
<i>Cardinales quinam eligi deberent.</i>	351
<i>Cardinalium functiones Bellarminus obibat primus.</i>	399
<i>Cardinalium erga Bellarminum agrum summa veneratio.</i>	539
<i>Cardinalium frequentia in funere eius.</i>	560
<i>Cardinalis Bentiuoli litteræ ad Bellarminum.</i>	387
<i>Cardinalis à Dietrichstain de moderatione animi eius testimonium.</i>	357
<i>Cardinalis Estensis de eius sanctitate testimonium.</i>	492
<i>Cardinalis de Joyeuse Epistola ad Bellarminum.</i>	130.
<i>& seqq.</i>	
<i>Cardinalis Perronij Epistola ad Bellarminum.</i>	133.
<i>& seqq.</i>	
<i>Cardinalis Perronius quanti aestimauerit Controuersias Bellarmini.</i>	134
<i>Cardinalis Perronius vocat Bellarminum Magistrum suum.</i>	112
<i>Cardinalis Rochefoucault de Bellarmino testimonium.</i>	485
<i>Cardinalis sanctæ Seuerinæ consulit Bellarminum in negotiis Ecclesiarum Orientis.</i>	102
<i>Cardinalis Sourdis testimonium de Bellarmino.</i>	112
<i>Cardinalis</i>	

INDEX RERUM.

<i>Cardinalis Tusci de eodem testimonium.</i>	417
<i>Cardinalis Valerij de eo testimonia.</i>	102. 486
<i>Cardinalis Veralli etiam de ipso testimonia.</i>	433. 485
<i>Caroli Borromæi de Episcoporum munere præcipuo sententia.</i>	274
<i>Caroli Borromæi titulum Bellarminus petit, ex eius veneratione.</i>	318
<i>Carolo Borromæo quale elogium dixerit Bellarminus.</i>	292
<i>Caroli Borromæi Reliquias Bellarminus familie sue distribuit.</i>	454
<i>Celsi Amerigi Antistitis Cælestinorum de Bellarmino testimonium.</i>	530
<i>Census annuus Card. Bellarmini.</i>	309. 368
<i>Censor Bellarminus constituitur Operum Alphonsi Salmeronis.</i>	103
<i>Censuram Operum suorum Bellarminus vterq. quarit.</i>	461
<i>Censura Operum suorum semper acquieuit.</i>	97.
<i>& seqq.</i>	
<i>Charitatis in eo perfectio.</i>	520
<i>Charitas eius erga egros.</i>	176
<i>Charitas eius erga unum Clericum pauperem.</i>	286
<i>Circumspectio Bellarmini.</i>	398
<i>Claudio Aquaviva Generali Societatis IESV exponit Bellarminus sibi Cardinalatum immnere, ut illum impediat.</i>	198
<i>Clemens VIII. notitiam Bellarmini quomodo primum habuerit.</i>	189
<i>Clementi VIII. iuxta lecticam Bellarminus adequitat recto capite.</i>	198
<i>Clementem VIII. quanam induxerint ut Bellarminum Cardinalem crearet.</i>	201

INDEX RERVM.

<i>Conscientia, quàm fama consuluit semper Bellarminus.</i>	324
<i>Conscientia, quàm diuitiis consultum maluit.</i>	478
<i>Conscientia eius in obitu status & tranquillitas.</i>	533.
534	
<i>Consilia qua Clementi VIII. Bellarminus dedit.</i>	249
<i>Consilium eius ad tuendam Ecclesie immunitatem.</i>	
335	
<i>Consortia Bellarmini cum optimis, & imprimis cum beato Aloysio Gonzagâ.</i>	148
<i>Constantia dedit experimenta puer Bellarminus antequam Societatem iniret.</i>	37
<i>Constantia eius in benè cæptis.</i>	469
<i>Contemptui se interdum esse latatur.</i>	456. & seqq.
<i>Contemptus mundi.</i>	225
<i>Controversia de Auxiliis Gratiæ Dei, orta inter Auctores Ordinis sancti Dominici, & Societatis IESV.</i>	
261	
<i>Controversia coram Pontifice discutitur.</i>	261. 264
<i>Controversia illius tractatus Bellarminus offert Clementi Pontifici.</i>	262
<i>Controversiam eam definire Pontifex deliberat.</i>	262
<i>Controversiam eandem à Clemente numquam definiendam prædicat constanter Bellarminus.</i>	262.
506. 507	
<i>Controversia huius licet partem utramlibet tueri.</i>	264
<i>Controversia huius partem, quam vivens defenderat, Bellarminus moriens ratam habet, & confirmat.</i>	
547	
<i>Controversia fidei publicè in Collegio Romano explicantur.</i>	94
<i>Controversiarum earundem qualis Magister desideraretur.</i>	94
	Contro-

INDEX RERVM.

<i>Controuersis iis tradendis par vnus Bellarminus inuenitur.</i>	95
<i>Controuersiarum materiam ex quibus Auctoribus eruerit.</i>	79
<i>Controuersia Bellarmini excipiuntur cum admirum-ratione summa.</i>	105
<i>Controuersia eadem manuscripta per Septemtrionem passim circumferuntur.</i>	104
<i>Controuersia eadem Oxonij, & Cantabrigia in Angliâ statim oppugnantur.</i>	114
<i>Controuersias suas Bellarminus edere iubetur.</i>	108
<i>Controuersiarum volumina quibus annis singula prodierint.</i>	111
<i>Controuersia eadem in solo Septemtrione vigesimam habuerunt editionem.</i>	111
<i>Controuersias suas Bellarminus patitur in aliquo mutari.</i>	100
<i>Controuersis Bellarmini detrahi fingunt à Card. Perronio.</i>	129
<i>Controuersias Bellarmini curat Card. Perronius versi, atque edi Gallicè.</i>	134
<i>Cordis custodia.</i>	80. 140
<i>Corporis lineamenta in Card. Bellarmino.</i>	555
<i>Corporis species minor famâ eius.</i>	155
<i>Criminantur heretici, Controuersiarum Auctorem vnum esse non potuisse.</i>	110
<i>Criminatio alia magis occulta.</i>	128
<i>Criminationes & calumnie hæreticorum contra Bellarminum.</i>	118. 119. 120. 121. 510. 511
<i>Crucifixi imaginem curat lecto suo Bellarminus mortuus aptari.</i>	544
<i>Crucifixum in morte, quanto cum affectu osculabatur.</i>	553

Crucifixum

INDEX RERVM.

- Crucifixum applicat moriens capiti & pectori suo.* 553
554
Cubiculum Bellarmini in Societate, aut nullo, aut simplici erat apparatus. 150. 171
Cubiculum in commodum cur à Rectore Collegij Romani habuerit. 197
Cubiculum eius, dum Rector erat, semper patuit aduentibus. 172
Cubiculum eius interius, dum erat Cardinalis, caruit omni ornatu. 239
Cubiculi unius vestem, ex panno purpureo, mittit ad Domum Professam, pro subuculis in hieme parandis. 239
Cubiculum, in quo moriebatur, pietatem afflabat. 548
Cubicularij operâ ad se induendum non utitur, dum est Cardinalis. 230
Custodia adhibentur circa corpus eius in funere. 559.
560
Cynthia Cernina Marcelli II. soror, est mater Card. Bellarmini. 8
Cynthia Cernina pietas. ibid. 9. 10
Cynthia Cernina viri animum præsert in corpore muliebri. 10. 11
Cynthia Cernina constantia in vicissitudine tristium, ac letorum. 12. 13. 14
Cynthia Cernina mors, & eius encomium. 14. 15

D.

- D** *Ei præsentia.* 140
Deliberat puer Bellarminus de statu viæ incedæ. 31
Demophoontis Ferrini testimonium de Bellarmini virginitate.

INDEX RERVM.

<i>ginitate.</i>	424.425
<i>Desiderij Scaglia Cardinalis testimonia de virtutibus Bellarmini.</i>	78.264.486
<i>Digitos manus Bellarmini in seretro Prasules aliqui exosculantur.</i>	557
<i>Dignitatis sua honorem Bellarminus tuetur.</i>	333.334.469
<i>Discretio Bellarmini in regimine.</i>	184
<i>Discretio eius in regendis animis aliorum.</i>	152.391.392
<i>Dissidia Ecclesiasticorum, quoad ordinem sessionis, tollit.</i>	280
<i>Distributiones quotidianas, quas Capua mernit, Odeum frequentando, destinat pauperibus honestioribus.</i>	281.282
<i>Distributiones easdem, perceptas dum non cantauerat, voluit restituere.</i>	282
<i>Distributiones quotidianas Ecclesie Politiana conatur augere.</i>	377.& seqq.
<i>Divitiarum incertum à Deo propitio sint, an abivato.</i>	478
<i>Divitiarum cupiditas in Bellarmino nulla fuit.</i>	470.& seqq.
<i>Divitias admittit admodum moderatè.</i>	367
<i>Divitiarum contemptum in Bellarmino admirantur Clemens VIII. & Paulus V.</i>	477
<i>Divitiarum modica in Bellarmino aestimatio.</i>	476.477
<i>Doctrinae Christianae institutiones edit.</i>	151.194
<i>Doctrinam Christianam Capua rudes, ac pueros docet.</i>	462
<i>Dominum se esse annui census negat Card. Bellarminus.</i>	236
<i>Duacum Louanio proficiscitur.</i>	85.86
<i>Duacum in rheda ex periculo aduchitur.</i>	87
	<i>Ecclesiam</i>

INDEX RERVM.

E.

- E**cclesiam sponsam suam Bellarminus quantum operi
diligere. 337
- Ecclesiasticorum similitudines dirimit. 326
- Ecclesia temporarium regimen, quale optauerit esse.
349
- Eleemosynis erogandis Bellarminus quàm fuerit pro-
pensus & constans. 240. 290. 310
- Eleemosyna eius Roma. 318
- Eleemosyna eius ordinariae pro domiciliis Religiosis.
317
- Eleemosynas ut daret, vendidit domi aliqua. 526
- Elogia varia de Card. Bellarmino. 115. 116. 556.
- [570. 571
- Eloquentia Bellarmini praestantia. 51
- Energumenes Card. Bellarminus liberat. 315. 316
- Episcoporum examini à Clemente VIII. praeficitur.
195
- Episcopi difficulter saluantur. 251
- Episcopi munus proprium est concionari. 273. 274
- Episcopos inaugurandi qualis censenda sit forma. 275
- Episcopus Bellarminus inauguratur à Clemente VIII.
269
- Episcopus obligationem habet erogandi eleemosynas.
[282
- Episcopi propensio ad eleemosynas qualis esse debeat.
291
- Episcopis suadetur concordia cum Administris Laicae
potestatis. 277. 329
- Episcoporum delectus Pontifici à Bellarmino commen-
datur. 253. 347
- Episcopis diu orbari Ecclesia non debent. 252
- Episcopis

INDEX RERVM.

<i>Episcopis voluisset Bellarminus à Pontifice diem ordinarium audientia assignari, ut citò ad residentiam irent.</i>	348
<i>Episcoporum obligatio ad residentiam.</i>	255
<i>Episcopi translatio ab unâ Ecclesiâ in aliam, à Bellarmino non probatur.</i>	257
<i>Episcopos Ecclesiam resignare sine causâ, Bellarminus conqueritur.</i>	258
<i>Episcopatum mutare Bellarminus recusat.</i>	473
<i>Episcopatum mutationi, tamquam mercatura, non vult in aliis assentiri.</i>	473
<i>Episcopatus plures uni censet concedi non debere.</i>	256
<i>Episcoporum lites, causâ iurisdictionis, nollet esse perpetuas.</i>	348
<i>Episcoporum exemplum magnum censendus est Bellarminus.</i>	304. 342. 343
<i>Epistola Card. Bellarmini ad Card. Perronium.</i>	138.
<i>ad Card. Ioyeuse. 139. ad Episcopum Verdunensem. 212. & seqq. ad Archiepiscopum Rothomagensem.</i>	303
<i>Epistola Card. Valerij ad Card. Bellarminum.</i>	205.
<i>Card. Taurusij ad eundem.</i>	206
<i>Epistola Claudij Aquavivæ Generalis.</i>	208
<i>Epistolas suas Bellarminus iam Cardinalis manu suâ maiori ex parte exaravit.</i>	247
<i>Eruditio Bellarmini varia.</i>	52
<i>Excitatore domi agit in Societate Bellarminus.</i>	54
<i>Exempli quanta sit efficacia.</i>	123 292
<i>Exemplo magis, quàm auctoritate subditis suis Bellarminis præst.</i>	181
<i>Exequias, ut homini privato sibi fieri desiderat.</i>	544
<i>Exequia Bellarmino fiunt in Sodalitate Nobilium.</i>	

INDEX RERVM.

<i>Exequia eius publica, & concursus ad funus.</i>	559
<i>Exequia eius Oratorem habent Tarquinius Callucium.</i>	563
<i>Exercitia spiritualia Card. Bellarminus quotannis ad mensem agit.</i>	223
<i>Existimationi suæ consulere recusat.</i>	466. & seqq.
<i>Eucharistiam sumens in ultimâ ægitudine, semper ex lecto in genna prosiluit.</i>	541

F.

F <i>Abij de Fabijs epistola, & testimonium de Bellarmino.</i>	186
<i>Facetie innocentes Card. Bellarmini.</i>	409. 410
<i>Facta aliorum temerè non interpretatur.</i>	417
<i>Fama unde peti debeat.</i>	1
<i>Famam optimam quomodo affectus sit Bellarminus.</i>	1
<i>Fame suæ ignotus interest Bellarminus.</i>	70
<i>Fama bona facit satis diuitem.</i>	367
<i>Familia Dominus non videtur Bellarminus, sed Patet.</i>	240
<i>Familia & supellectilium Card. Bellarmini nota.</i>	238
<i>Familie ipsius in habitu modestia.</i>	463
<i>Familia suæ pensionem aureorum 500. distribuit Bellarminus.</i>	474
<i>Familie suæ, quas leges præscripserit.</i>	241. 242
<i>Famulos erigit ad mutuum obsequium erga se inuicem.</i>	243
<i>Famuli eius quales se esse debere scirent.</i>	244
<i>Famulorum negligentiam patientissimè ferebat.</i>	ibid.
<i>Famulos diligentia suâ præueniebat.</i>	245
<i>Famulos ætate promectos, & viros esse volebat.</i>	240
<i>Famulorum quæ vitia abominaretur.</i>	240. 241
<i>Famulos quâ ratione corr. ptebas.</i>	243
<i>Famulos</i>	

INDEX RERVM.

<i>Famulos suos ante se refici aliquando iubebat.</i>	232
<i>Famulis parcè, & sine imperio utebatur.</i>	246
<i>Famulis suis obedire videbatur; ut haberet aliquod meritum obedientia.</i>	247
<i>Famulis suis quàm se exhibuerit gratum & munificum.</i>	248
<i>Famulos suos in ultimâ aegritudine fratres appellabat.</i>	536
<i>Farnesia gentis merita erga Societatem.</i>	550. 568
<i>Felicis Card. Centini de Bellarmino testimonium.</i>	112
<i>Felicitatem acquirere, & statim amittere, quàm durum sit infortunium.</i>	12
<i>Felicitas, quâ semper vixerat, est Card. Bellarmino suspecta.</i>	518
<i>Ferrariam Bellarminus proficiscitur cum Clemente VIII.</i>	194
<i>Festinatio damnosa est in magno regimine.</i>	345
<i>Fidei propagatio cordi præ aliis curis esse debet Pontifici.</i>	345. 350
<i>Fiducia in Deum, quam habuit Card. Bellarminus.</i>	495. 496. 518. 519
<i>Fortuna varians, magnum est virtutis experimentum.</i>	11
<i>Francisci Gonzaga Episcopi Mantua de Bellarmino illustre testimonium.</i>	489. 490
<i>Francisci Iunij Galli Hæretici de Controuersis Bellarmini censura.</i>	107
<i>Francisci Mariae Card. Taurisij virtutes, & pius obitus.</i>	4. 5
<i>Francisci Mariae Card. à Monte, de Card. Bellarmino plura testimonia.</i>	361. 396. 485. 500. 507
<i>Francisci Suarij ingenio superior in iuuentute indicatur Bellarminus.</i>	460

INDEX RERVM.

<i>Francisci Toleti Card. obitus, & eius laus.</i>	188
<i>Furti reus in itinere habetur Bellarminus.</i>	60

G.

G <i>Alliæ Regnum perturbatum ab obitu Henri-</i> <i>ci III.</i>	154
<i>Gallias adit Bellarminus cum Card. Caietano Legato.</i>	154
<i>Gandavi Sacerdos initiatur.</i>	69
<i>Genue theses vniuersales in comitiis Prouinciæ defen-</i> <i>dit, & ibi concionatur.</i>	63
<i>Genue resumat habitum Societatis, ex Belgio rediit.</i>	90
<i>Georgius Card. Radziuius interest quotidie Bellar-</i> <i>mini prælectionibus.</i>	101
<i>Georgio Musico prædicat Bellarminus quæ illi post eue-</i> <i>nerunt.</i>	505
<i>Græcam linguam Bellarminus discit, & euadit in eâ</i> <i>magister.</i>	53
<i>Gratulatio communis ob Cardinalatum Bellarmini.</i>	211
<i>Gregorius XIII. Romæ fundat Collegia Nationum.</i>	93
<i>Gregorij XIII. munificentia erga Nationes omnes.</i>	551
<i>Gregorius XIII. censuram dubiæ sanctitatis vnius fe-</i> <i>mine de mandat S. Philippo Nerio, & Rob. Bellar-</i> <i>mino.</i>	103
<i>Gregorius XV. initio Pontificatus, Bellarminum ha-</i> <i>bitare secum iubet in Palatio Vaticano.</i>	481
<i>Gregorius XV. Bellarminum visitat in ultimâ eius æ-</i> <i>gritudine.</i>	538
<i>Guilelmi Alani comes Bellarminus in Belgium iuit.</i>	67

Guilelmi

INDEX RERVM.

<i>Gulielmi Alani encomium.</i>	68
<i>Gulielmi Barclaij liber impugnatur à Bellarmino.</i>	127
<i>Gulielmi Tauleri de Bellarmino testimonium.</i>	113

H.

H <i>Abitare in Aedibus Vaticanis Bellarminus recusat.</i>	189
<i>Habitat in Penitentiario Collegio inter suos.</i>	189
<i>Habitat deinde Cardinalis prope Collegium Romanum.</i>	222
<i>Heretici ex Britannia & Batavia Louanium veniunt, ad audiendas conciones Bellarmini.</i>	72
<i>Heretici omnes conantur Bellarmini Controversias refellere.</i>	115
<i>Hebraicam linguam Bellarminus discit, & in ea fit magister.</i>	75
<i>Hebraicam linguam alios docet intra oëliduum.</i>	76
<i>Hebræorum usuræ Romæ indicat prohibendas.</i>	349
<i>Henrici IV. Regis Gallia de Bellarmino illustris opinio.</i>	488
<i>Henricus IV. Cardinalibus Gallia auctor est, ut eligant eum Pontificem.</i>	488
<i>Henricus Card. Caietanus mittitur in Gallias Legatus.</i>	154
<i>Henrico Card. Legato in viâ submittit Deus consilium tutum.</i>	157
<i>Henricus Card. Caietanus, de Bellarmini aggritudine in reditu, quàm fuerit sollicitus.</i>	165
<i>Henrici Card. Caietani præsensit obitum Card. Bellarminus.</i>	504
<i>Heres à Card. Bellarmino instituitur Domus Professæ Societatis Iesu.</i>	542
<i>Hæreditas eius tenuitas & paupertas.</i>	544
P p 3	Hære-

INDEX RERVM.

<i>Hereditas, quæ à Societate, in eo pluris æstimatur.</i>	
542	
<i>Hippolytus Card. Aldobrandinus fit à Bellarmino testamenti executor.</i>	545
<i>Hippolyto Margaruccio Bellarminus prædicit agritudinem grauem.</i>	177
<i>Homini simplici, & rustico, denuntianti obitum credit statim Card. Bellarminus.</i>	516
<i>Honor & dignitas quomodo retinenda sint.</i>	218
<i>Honores Bellarminus potiùs respuit, quàm affectauit.</i>	
197.222	
<i>Honori sobriè, cùm oportuit, seruiuit.</i>	334
<i>Horologio vititur pro tempore seruando Dinini Officij.</i>	
446.447	
<i>Hospitalitas Card. Bellarmini præsertim erga Ecclesiasticos peregrinos.</i>	295
<i>Humilis opinio sui.</i>	303
<i>Humilitas Card. Bellarmini.</i>	440.458.459.537
<i>Humilitatis Bellarminus est imago perfectissima.</i>	455.
456	

I.

I acobus, Angliæ Rex, habet penes se libellos pios	
Card. Bellarmini.	450.451
<i>Iacobus, Angliæ Rex, Bellarminum amulatur in libellis piis conscribendis.</i>	451
<i>Iamtozem Collegij agit Bellarminus.</i>	54
<i>Ieiunia puer Bellarminus seruat exactè.</i>	21
<i>Ieiunium suum iter in hebdomadâ, excusat lepidè ab excessu abstinentiæ.</i>	410
<i>Ignatij Loiola sanctitatem explicat pro concione.</i>	444
<i>Ignatij Loiola subscriptione vititur; ut sanet agros, & energumenos liberet.</i>	316
	Ignem

INDEX RERVM.

<i>Ignem & alia remedia aduersus frigus hiemis non ad-</i> <i>mittit.</i>	230
<i>Igni subtrahit ligna, post horam audientie.</i>	231
<i>Imaginem suam, in libris pingi non patitur Card. Bel-</i> <i>larmino.</i>	456.457
<i>Imaginem suam desideranti cuidam lepidè respondit.</i> 457	
<i>Imaginem Bellarmini defuncti gypso exprimunt pla-</i> <i>sta.</i>	554
<i>Imaginem Bellarmini, post obitum eius, Dux Bavarie</i> <i>. Gulielmus petit.</i>	566
<i>Indoles ingenua in puero Bellarmino.</i>	19
<i>Indulgentiarum tractatum scribit iussu Clemen-</i> <i>tis VIII.</i>	196
<i>Indulgentias piaculares quanti aestimauerit.</i>	455
<i>Ingenium Bellarmini, innocentia & castitas ad studia</i> <i>preparant.</i>	23
<i>Innocentia singularis Card. Bellarmini.</i>	432. & seqq.
<i>Innocentiam Baptismi creditur, in omni vitâ, reti-</i> <i>nuisse.</i>	22
<i>Innocentius IX. Bellarmino purpuram destinauerat,</i> <i>ob scriptas ab illo Controuersias.</i>	111
<i>Inquisitionis Romanae Bellarminus à Pontifice fit Con-</i> <i>siliarius.</i>	193
<i>Integritatis eius opinio.</i>	481
<i>Inuidie natura.</i>	117
<i>Inuidi contra Bellarminum quid moliri tentauerint.</i> 123	
<i>Ioannes Berckman Belga Societatis IESV; & fama</i> <i>sanctitatis eius.</i>	435
<i>Ioannes Godefridus Episcopus Bambergensis, & Ora-</i> <i>tor Casareus.</i>	402
<i>Ioannem Riberam, Valentia Archiepiscopum, Bellar-</i> <i>minum.</i>	

INDEX RERVM.

<i>minus coluit vti sanctum.</i>	454
<i>Ioannes Riccius Cardinalis, & eius laudes.</i>	2
<i>Iocosum Bellarmini dictum.</i>	123
<i>Iram Bellarminus quomodo rexerit.</i>	400.401.412
<i>Iram aliorum tacite redarguit.</i>	411
<i>Itinera Bellarminus peragit benefaciendo.</i>	58
<i>Itineris viaticum, & comitem via habet à Divinâ providentiâ.</i>	60
<i>Iter suscepturus, precibus se munit.</i>	67
<i>Itineris comites habet aliquos hereticos.</i>	89
<i>Itineris eius in Gallias pericula.</i>	156.157
<i>Iudei hominis elogium de Card. Bellarmino.</i>	122
<i>Iulij Sansedonij Episcopi de Card. Bellarmino testimonia.</i>	113.491.519
<i>Iudicii severitatem quomodo Episcopi debeant temperare.</i>	324
<i>Iudicium, in causâ duorum Episcoporum, Bellarminus à Pontifice deprecatur.</i>	294
<i>Iurisdictionem suam Ecclesiasticam tnetur.</i>	326.368.369.417
<i>Iurisdictionem sacram quomodo Episcopus possit tueri.</i>	328.329
<i>Iustitiam quomodo in Episcopatu Bellarminus administraverit.</i>	314.315

L.

L <i>Abores Bellarminus obivit semper ab adolescentiâ suâ.</i>	51
<i>Laicos immunitate Cleri gaudere non permittit.</i>	331
<i>Laicos prohibet ab Odis subsellis.</i>	280
<i>Laudes proprias, & coram, & in libris suis recusat.</i>	457.458
<i>Leodij minoribus Ordinibus, & Subdiaconatu initiatur.</i>	

INDEX RERVM.

<i>tiatur.</i>	69
<i>Liberalitatis eius fama erga pauperes Roma.</i>	320
<i>Liberalitatis eiusdem exempla,</i>	291. 524. 525
<i>Libertas consiliorum in Cardinalibus requiritur.</i>	351.
352	
<i>Libertas consiliorum in Card. Bellarmino.</i>	397. 481
<i>Libertas Card. Bellarmini in electione Pontificis.</i>	360
<i>Libertas eius in redarguendo.</i>	412
<i>Libertas sentiendi aliter, ac Pontifici probaretur.</i>	263
<i>Libros edendo, quem finem spectaret Card. Bellarminus.</i>	100. 451. 460
<i>Librum de Scriptoribus Ecclesiasticis Louanij composuit.</i>	77
<i>Litaniis quotidie cum familiâ Card. Bellarminus interueniebat.</i>	242
<i>Litteræ, sunt custodia fidelis rerum præteritarum.</i>	2
<i>Litteratos Card. Bellarminus semper fouit.</i>	418. 419
<i>Louanium Bellarminus mittitur, ut Latine ibi concionetur.</i>	64
<i>Louanij primitias celebrat.</i>	69
<i>Louanio cum aliis emigrat, metu Principis Aurassij.</i>	85
<i>Louaniensis Academia, & Bellarmini consensio mutua in docendo.</i>	75
<i>Louanij ad septennium morari se debere, initio prædicat.</i>	509
<i>Louanij, post discessum, famâ & recordatione mansit.</i>	88
<i>Lucensem Rempubicam, & Antistitem eius, post dissidium vetus, conciliat.</i>	402. & seqq.
<i>Ludouici Card. Ludouisij de Bellarmino egregium testimonium.</i>	482
<i>Lusibus puerorum Bellarminus in primâ ætate non delectatur.</i>	28

M.

- M** *Agnitudo vera hominis, qua sit.* 458
Manna sancti Nicolai. 498. 500. 501
Manfuetudinem Bellarminus commendat illi, qui alios erudiunt. 153
Manuscripta Bellarmini ubi seruentur. 109
Marcelli II. Pont. Max. laudes. 5. 6
Marcellus II. etiam ab haeretico scriptore, vir sanctus & doctus appellatur. 7
Marcelli II. Auunculi sui exemplum sibi proponit Bellarminus in tuenda Ecclesia libertate. 360
Maritus transfuga filiae, habetur in itinere ab Hospita Bellarminus. 60
Mathematicorum iudicia infida. 511
Mathematicorum aliquis praedicat mortem Card. Bellarmini. 511
Mauritij Card. à Sabaudiâ de Card. Bellarmino testimonium. 464. 487
Medicamentaria taberna, gratis adeunda pauperibus, Roma constituitur ex consilio Card. Bellarmini, & liberalitate Card. Petri Aldobrandini. 323
Meditationis scopus. 81
Meditatio Prelatis est in primis necessaria. 449
Meditationi quam auidè Bellarminus dederet se. 449
Meditationi quæle tempus Bellarminus daret. 145. 448
Melidacia nonnisi Auctores inquinant. 121
Mendacia Bellarminus etiam puer est auersatus. 432
Mensa Card. Bellarmini fuit hominis admodum frugi. 150. 224. 231. 295 463
Mense frugalitas ad virtutem, & ad studia utilis est.

INDEX RERVM.

<i>Meretrices optabat Româ eiici Bellarminus.</i>	349
<i>Metis Bellarminus ex contagio agrotat.</i>	164
<i>Michaëlus Bay errores, Lonany prudenter confutat.</i>	
84	
<i>Militum conditio, & Bellarmini erga eos commiseratio.</i>	162
<i>Militum vitia, quæ idem Bellarminus vidit.</i>	162
<i>Militum disciplinam qualem optauerit.</i>	163
<i>Missæ sacrificium quotidie celebrat.</i>	242
<i>Missæ sacrificium quàm piè celebraverit.</i>	81. 449.
450	
<i>Modestie exemplum magnum est condiscipulis puer Bellarminus.</i>	18
<i>Modestia eius summa in regimine, quasi medius esset inter subditum & Præsidentem.</i>	181
<i>Modestiam eandem retinet in Cardinalatu.</i>	219
<i>Modestia notabilis eiusdem.</i>	197
<i>Modestè admodum sentit de suo Cardinalatu.</i>	225.
226	
<i>Modestia eius in sacris Pontificalibus.</i>	448
<i>Modestie simulacrum indicatur Bellarminus.</i>	556
<i>Mœror publicus ex morte Card. Bellarmini.</i>	555
<i>Moneri à subditis desideravit Bellarminus, dum gubernavit in Societate.</i>	170
<i>Monita Card. Bellarmini postulat Clemens VIII.</i>	
249	
<i>Monitoris officio fungitur Bellarminus erga Pontifices.</i>	
260. 398	
<i>Monendi ratio quâ usus est Card. Bellarminus.</i>	399
<i>Monita sua quantâ suauitate condierit.</i>	410
<i>Mores in Bellarmino graues & suaues.</i>	19
<i>Morienti Bellarmino Patres Societatis adsunt.</i>	552.
554	

Mortem

INDEX RERVVM.

<i>Mortem Bellarminus in desideriis habet.</i>	514. 515.
529	
<i>Mortis suæ annum, mensem & diem prænuntiat.</i>	513.
530. 531. 532. 532	
<i>Mortis audito nuntio, mirum in modum exhilaratur.</i>	
542	
<i>Mors eius placidissima.</i>	554
<i>Mulieres domi Bellarminus excipere recusat.</i>	508
<i>Mulierum conspectum, & colloquia deuocat.</i>	429. 430.
431	
<i>Mulieres non alloquitur, nisi coram aliis.</i>	430
<i>Mulieribus scribere non solet.</i>	431
<i>Mulieres & ancillas domi à Clericis haberi non probat.</i>	
508	
<i>Mundi vanitas, & de eâ sensus Bellarmini.</i>	32. 225.
452	
<i>Mundi res & opes, in quo pretio habuerit Card. Bellarminus.</i>	471
<i>Munera ne accipiant, Card. Bellarminus famulis interdicit.</i>	290. 392
<i>Munera ipse etiam à Magnatibus respuit.</i>	478 479.
480	
<i>Munera, quæ remittere interdum nequit, vendit, & pretium dat pauperibus.</i>	479
<i>Munera offerens Episcopus fratri Card. Bellarmini, ab ipso reprehenditur.</i>	480
<i>Munera ordinaria, Capua, Card. Bellarminus recusat.</i>	322
<i>Munia Collegij Romani humilia obit Bellarminus.</i>	53
<i>Munia Collegij, pro cuiusvis merito, distribuit.</i>	174
<i>Muscen puer Bellarminus discit.</i>	18
<i>Musices peritia Religiosis apta.</i>	149
<i>Musicas cantinunculas Bellarminus exscribit; ut substituat</i>	

INDEX RERUM.

<i>stemat eis voces honestas.</i>	171
<i>Mutij Vitellesci Generalis auctoritas apud Bellarmini-</i>	
<i>num.</i>	99
<i>Mutij Vitellesci, & Bellarmini mirus consensus.</i>	186
<i>Mutij Vitellesci de Card. Bellarmino testimonium.</i>	
492.493	

N.

N <i>Neapolitana Provincia Bellarminus fit Praeses.</i>	180
<i>Neapolitanam Provinciam obit, omnibus apprimè gra-</i>	
<i>tus.</i>	183.184
<i>Negotia publica intermittit in ultimo senio.</i>	527.528.
529	
<i>Nobilitas vacua est, sine virtute.</i>	7
<i>Nobilitas Fidei & Religionis est posthabenda.</i>	7
<i>Nobilitas familia Bellarmine.</i>	6
<i>Nonarum rerum esse auctorem, in regimine Ecclesia,</i>	
<i>periculosum videtur.</i>	345

O.

O <i>bedientia laus in Bellarmino.</i>	46.49.65.66.
80.141.225	
<i>Obedientia eius in ultimâ aegritudine.</i>	536
<i>Obedientia, est Religiose vita anima.</i>	401
<i>Obedientia fructus, est salutis securitas.</i>	464
<i>Obiurgatio ex ore Bellarmini grata videbatur.</i>	521
<i>Obiurgatione interdum usus est, aduersus aliorum ni-</i>	
<i>miam arrogantiam.</i>	469.470
<i>Obsequium eius erga Summos Pontifices.</i>	393
<i>Obsequium eius in purpurâ erga Generalem Praeposi-</i>	
<i>tum.</i>	216.217
<i>Obsequium eius erga subditos proprios.</i>	171
<i>Obsequium</i>	

INDEX RERVM.

<i>Obsequium eius erga inferioris nota homines.</i>	462
<i>Occultat Bellarminus virtutes suas, & suam sanctitatem.</i>	82.455
<i>Oculorum custodia in Bellarmino.</i>	429
<i>Octauij Card. Randini, de Card. Bellarmino testimonium.</i>	485
<i>Odeum nouum Capua in Templo aptat Card. Bellarminus.</i>	297
<i>Odeum cum Canonicis alijs frequentat.</i>	280.281
<i>Odia inueterata Capua inter familias extinguit.</i>	314
<i>Odoardus Card. Farresius, inauguratus Episcopus Sabiniensis à Card. Bellarmino. 549. Reliquias Bellarmini morientis petit. 549. 550. sepulchrum eius ornat.</i>	568
<i>Oeconomum suum Card. Bellarminus redarguit; quòd nimio attentior videretur ad eleemosynas.</i>	291
<i>Officij diuini pensum clam, in via cum Hareticis, quàm industriâ recitauerit.</i>	89
<i>Officij diuini partes omnes, distinctis interuallis, recitauit.</i>	446.447
<i>Officium Diuinum quàm piè & modestè recitaret.</i>	447.448
<i>Opera Bellarmini Batani habent in Bibliothecâ suâ.</i>	115
<i>Opera Bellarmini ex inuidorum suggestione, Roma proscribuntur.</i>	124
<i>Operq; eadem restituntur pristina gloria.</i>	125
<i>Opifices fortunatos credit Card. Bellarminus.</i>	465
<i>Opinio sui est sine sapientia.</i>	80
<i>Opiniones nouas, vt periculosas, Bellarminus proscribit.</i>	179.180
<i>Opinioni Card. Bellarmini de potestate Pontificis detrahatur,</i>	124
	Opinio

INDEX RERUM.

<i>Opinio eadem in Galliis proscribitur.</i>	115
<i>Opinionem eandem Bellarminus tuetur.</i>	126
<i>Opinionis eius constantia, in materiâ de Auxiliis Gratiæ Dei.</i>	522
<i>Opiniones omnes suas in materiâ Fidei, & Gratiæ Dei, confirmat moriturus.</i>	546. 547
<i>Oppignorari iubet suppellectilia, ut dentur eleemosynæ pauperibus.</i>	525. 526
<i>Opuscula eius pia, non solum Catholicis, sed etiam Hæreticis prosunt.</i>	450
<i>Oraculum erat Bellarminus quoad res animæ.</i>	153
<i>Oratorie artis peritiâ magnam adipiscitur.</i>	27
<i>Ordini sacro Capuæ suum honorem restituit.</i>	279
<i>Ordinibus sacris neminem iniciat sine delectu, & premio examine.</i>	283. 315
<i>Ordines sacros, ex manu Card. Bellarmini plurimi se accepisse gloriantur.</i>	205. 304. 305
<i>Ordo sancti Dominici proponitur Bellarmino deliberanti de statu Religioso.</i>	39
<i>Ordinem sancti Dominici semper aestimavit.</i>	264
<i>Otijs fuga in Card. Bellarmino.</i>	418. 421

P.

P <i>arochos Capuæ, an sint idonei, Card. Bellarminus explorat.</i>	278
<i>Parochos, non nisi egregios, Ecclesiis præficit.</i>	284
<i>Parochis minus peritis edit symboli declarationem.</i>	292. 293
<i>Parisiensis obsidionis incommoda tolerat.</i>	161. 162
<i>ParSIMONIA eius in scriptis, ut pauperes inuenit.</i>	318. 319
<i>Patanum ad studia puer Bellarminus destinabatur.</i>	30
<i>Patanum ad studia Theologiæ Religiosus mittitur.</i>	61
<i>Patanus simul concionatur.</i>	62
<i>Patanus</i>	

INDEX RERVM.

<i>Patauij Reflor conatur eum retinere, cùm eſſet iturus Lanauum.</i>	65
<i>Patientia in Bellarmino exempla.</i>	235. 520. 521
<i>Patientia in Bellarmino idè laudabilis, quia ingenio erat præferuido.</i>	246
<i>Patientia eius in vltima ægritudinis moleſtiis.</i>	535
<i>Patriam reuiſere ſapiùs reſuſauit Card. Bellarminus.</i>	394 472. 473
<i>Pauli V. luiturnum Pontificatum initio prædicit.</i>	506
<i>Paupertas Religioſa.</i>	141. & ſeqq.
<i>Pauperem ſe in omni ſtatu fuiſſe, gloriatur Bellarmini- nus.</i>	477
<i>Paupertas eius erga ſeipſum in diuitiis.</i>	320
<i>Paupertatem in Cardinalatu quàm ſecuro animo tole- raret.</i>	267
<i>Pauperum notas habet, vt eis ſubueniat.</i>	284 285. 307
<i>Pauperes quoscumque iuuat mirâ facilitate.</i>	320
<i>Pauperibus quâ moderatione ſtipem erogari.</i>	307
<i>Pauperibus, etiam abſentibus, diſtribuit eleemoſynas.</i>	309. 310
<i>Pauperibus, cibos menſa ſua, ſæpenumerò impertiuit.</i>	321
<i>Pauperum annonam publicam, Capua, ſublenat ex horreo ſuo.</i>	311
<i>Pauperes aduentantes, etiam cum obſequio, excipit.</i>	463
<i>Pauperum importunitatem & minas fert patientiſſimè.</i>	311
<i>Pauperi, qui ex inopiâ ſuffuratus ei fuerat pecuniam, latus ignoſcit.</i>	312
<i>Pauperi alteri furtum meditantì, pecuniam erogat, vt furtum impediatur.</i>	313
<i>Pauperes iuuenes bona indolis alit in ſtudiis.</i>	283
<i>Pauperum catechiſmo Roma confert eleemoſynas.</i>	317
<i>Pauperibus,</i>	

INDEX RERV.

<i>Pauperibus, tertiam partem annui proventus, semper dedit.</i>	309
<i>Pauperibus 50. aureorum millia in uniuersum distribuit.</i>	472
<i>Pauperes, loco affinium, adoptauerat.</i>	472
<i>Pauperum Patrem agit.</i>	307 308
<i>Pauperum Pater appellatur.</i>	547
<i>Pecuniam domi suae in senescere non patitur.</i>	339
<i>Pensiones annuas Episcopis duobus pauperibus donat, ac remittit.</i>	474
<i>Peregrinatio est vita hominum.</i>	81
<i>Perfectio Bellarmini in Cardinalatu.</i>	434
<i>Petri Aloysij Carafa Episcopi & Legati testimonium de Card. Bellarmino.</i>	489
<i>Petri Cotonii Societatis IESV de eo testimonium.</i>	113
<i>Petri Card. Aldobrandini mortem, & genus mortis, Card. Bellarminus multò antè pradicat.</i>	505
<i>Petri Pauli Card. Crescentij de Card. Bellarmino testimonia.</i>	87.425.483.485.486.519
<i>Philippi III. Regis Hispaniarum, & Margaritæ Austriacæ Reginae erga Bellarminum propensio, & commendatio.</i>	330.331
<i>Philosophia Bellarminus studet.</i>	46
<i>Philosophia Platonis, an debeat tradi in Gymnasiis Catholicorum.</i>	189.190
<i>Phrenesi correptus Bellarminus, non nisi sancta & pia loquitur.</i>	529
<i>Picturas pias Bellarminus dispositas in cubiculis habuit.</i>	453
<i>Picturas nudas tegi suauiter, in domo vnius Magnatis, curat.</i>	410
<i>Pietatis exercitia quotidiana in puero Bellarmino.</i>	21
<i>Pietatis eius instructio.</i>	80.81

INDEX RERV.

<i>Pietatem simul, & litteras haurit in Gymnasio Societatis IESV.</i>	27
<i>Pietas eius summa, in ultimâ aegritudine.</i>	334.335
<i>Pietas eius erga Patriam.</i>	380
<i>Piis libellis maximè delectatur.</i>	145.452
<i>Piscium multitudo capitur, dum extrahi retia iubet Card. Bellarminus.</i>	499
<i>Poesi delectatur puer Bellarminus, & in eâ excellit.</i>	24.25.51
<i>Poesis primitias consecrat Virginitati.</i>	24
<i>Poesim lasciuam abominatur.</i>	26
<i>Poeticum eius Hymnum de sanctâ Mariâ Magdalenâ, Clemens VIII. inferi iubet Brèuiario Romano.</i>	25
<i>Politiana Urbis laus.</i>	2
<i>Politiana Urbs, patria Card. Bellarmini.</i>	2
<i>Politianum ex Belgio Bellarminus redit.</i>	91
<i>Politiana Urbis gratulatio, ob Bellarmini Cuius sui Cardinalatum.</i>	210
<i>Politiana Urbis Ecclesiam, magno fructu Card. Bellarminus aliquamdiu rexit.</i>	372. & seqq.
<i>Politicis tractationibus interesse, dum erat Parisiis, recusat.</i>	158.159
<i>Politica simulationis imaginem omnem auersatur.</i>	174
<i>Pontificis Romani triplex est persona.</i>	250
<i>Pontificis Romani onus maximum est cura omnium Ecclesiarum.</i>	250
<i>Pontifex huic oneri satisfacit, eligendo Episcopos idoneos.</i>	250
<i>Pontifices egregij, quid pro Ecclesiâ Dei præstiterint.</i>	346
<i>Pontifex esse Card. Bellarminus non desiderat.</i>	353.460
<i>Pontificatus non videtur Bellarmino res optabilis.</i>	354.

INDEX RERVM.

<i>Pontificatum ei deferre, quinam Cardinales voluerint.</i>	355.356
<i>Pontificatum aliis delatum fuisse, Bellarminus latatus est.</i>	359
<i>Populi sui necessitates Deo bonus Pastor commendat.</i>	305
<i>Predicit puer Bellarminus qualis euasurus esset.</i>	29
<i>Predicit varia de seipso.</i>	509. & seqq.
<i>Predicit varia de aliis.</i>	501
<i>Præsentia Dei.</i>	81
<i>Preces quotidiane Card. Bellarmini.</i>	448.452
<i>Preces piorum petit pro se initio Cardinalatus.</i>	214
<i>Precibus agros aliquot sanat.</i>	223
<i>Preces eius, in Comitibus Pontificum, quales fuerint.</i>	359
<i>Preces eius ultima, dum animam ageret.</i>	553
<i>Principes Magni, quàm habuerint illustrem opinionem de Card. Bellarmino.</i>	487.488
<i>Profectus Bellarmini in litteris & in virtute.</i>	79
<i>Professionem edit trium votorum.</i>	69
<i>Professionem emittit quatuor votorum.</i>	79
<i>Promouet aliorum merita.</i>	400
<i>Proposita tria quæ Bellarminus in Cardinalatu seruauit.</i>	218
<i>Prosper Farinaccius censuram voluminis sui de Hæresi petit à Cardinali Bellarmino.</i>	419.420
<i>Providentiæ Dei consilia circa Bellarminum.</i>	40.65
<i>Prudentia in puero Bellarmino.</i>	17
<i>Puniendi ratio in eius regimine.</i>	173.184
<i>Puritas mentis magna in Card. Bellarmino.</i>	423.424

R.

R <i>Aphæelis Episcopi Zacynthi testimonium de Cardinali Bellarmino.</i>	515
<i>Rationes dati & accepti solùm exigit Bellarminus, ut</i>	Qq 2
	quod

INDEX RERVM.

<i>quod superest, cedat pauperibus.</i>	481
<i>Rector fit Collegij Romani.</i>	168
<i>Rector fit Collegij Pœnitentiariorum.</i>	199
<i>Regere cum laude Religiosos, quàm sit difficile.</i>	188
<i>Regere, & præesse aliis, est onus graue.</i>	169
<i>Regendi ars in Bellarmino efficax & suauis.</i>	172
<i>Regendi ars cum Musicâ ab eo comparatur.</i>	170
<i>Regit alios sine ullo imperio.</i>	182
<i>Regimen ipsius, & Mutij Vitellesci Neapoli quàm fuerit suauis, ac felix.</i>	186
<i>Regimen vniuersi Ordinis agrò succedit, nisi fuerit diuturnum.</i>	384
<i>Regij ministri reuerentur. Capue Card. Bellarminum.</i>	332. 333
<i>Regina Gallia proscriptionem libri Bellarmini abrogat.</i>	128
<i>Regularum obseruantia in Bellarmino.</i>	141
<i>Relaxatio animi honesta, ruri dum ageret puer Bellarminus.</i>	20
<i>Relaxationes animi postea vix, aut raro admisit.</i>	229
<i>Religionis cura inter Aula negotia.</i>	3
<i>Religio est portus, inter mundi naufragia.</i>	33
<i>Religionem eligit Bellarminus.</i>	33
<i>Religionis adeundæ veniam à domesticis petit.</i>	39
<i>Religiosorum Ordinum patrocinium, & reformationem, Pontifici commendat.</i>	350. 351
<i>Reliquias Sanctorum Bellarminus habet in ueneratione magnâ.</i>	453
<i>Reliquiarum Crucem ligneam, instar thesauri habuit, & ex testamento legauit Card. Aldobrandino.</i>	453
<i>Reliquiarum loco utensilia Card. Bellarmini petuntur, & distribuuntur.</i>	487. 492. 548. 551. 565. 566. 567
<i>Residentiam Bellarminus statim auspiciatur Capue.</i>	270
<i>Residet</i>	

INDEX RERVM.

<i>Residet ibidem assidue.</i>	287.336
<i>Residere vult, aut non esse Episcopus.</i>	363.364
<i>Residere voluisset etiam in Episcopatu Politiano, dum illum regeret ad tempus.</i>	373
<i>Rhetoricam Bellarminus profitetur in Monte Regali.</i>	52
<i>Riccardus Cerninus aspirat ad Societatem Patavii.</i>	36
<i>Riccardus Cerninus Laureti, admodum iuuenis, obit.</i>	42
<i>Robertus Bellarminus nascitur ipso die sancti Francisci. 15. vocatur in Baptismo, Robertus Franciscus Romulus. 15. suscipitur in Baptismo à Roberto Puccio Cardinali. 16. munia Sacerdotum domi puer imitatur. 16. consuetudo eius cum paribus, & modestis. 17. eminet inter Condiscipulos. 23. species eius exterior, fame impar videtur. 155. animus & mens expectationi respondent.</i>	156
<i>Robertus Cardinalis de Nobilibus. 3. eius summa virtus in aetate & fortuna flore. ibid. vocatur decus & speculum Sacri Collegii à Reginaldo Cardinali Polo. ibid. adspirat in purpurâ ad Societatem IESU. 4. obit meritis quàm annis cumulator.</i>	ibid.
<i>Robertus Vbaldinus Episcopus Politianus, Ecclesia suæ regimen commendat Card. Bellarmino.</i>	371
<i>Roma consultrix omnium Ecclesiarum.</i>	370
<i>Roma Leo XI. & Paulus V. retinent Card. Bellarminum.</i>	362
<i>Roma plaudunt operibus Card. Bellarmini dum Capuæ resideret.</i>	305.306
<i>Romulus appellari vult Robertus Bellarminus, dum est in itinere cum Hæreticis.</i>	89
<i>Rosaria maximo numero applicantur in funere, corpori Cardinalis Bellarmini.</i>	561.562
<i>Ruri agunt Robertus Bellarminus & Riccardus Cerninus, dediti studiis.</i>	38

INDEX RERV.

- Ruffeti Oppido Calabria, penuriam hilari animo patitur.* 183
Rusticos instituit in doctrinâ Christianâ, dum ruri agit puer Bellarminus. 38

S.

- S** *Abaudi Ducis beneficentia erga familiam Bellarminam.* 369
Sabaudi Ducis de Card. Bellarmino illustris opinio. 487
Sacellum sanctæ Agathæ inchoatum à Prædecessore, Capuæ Card. Bellarminus absoluit, & ornat. 297
Sacellum S. Pauli ab usu profano vindicat Capuæ. 296
Sacerdos initiari Bellarminus citius debuit, propter munus concionandi. 68
Sacerdotum numerum Capuæ inter Canonicos auget. 280
Sacerdotij honorem tuetur. 417
Sacramenta, & Verbum Dei Capuæ administrat. 289
Sacramentum extremæ Vnctionis suscipit. 544
Sanat Card. Bellarminus alios precibus, & contactu. 83. 176. 493. 494. 495. 496. 503
Sanat etiam seipsum. 496
Sanctimonialium Cœnobia duo Capuæ restituit, & reformat, quoad mores & ædificia. 297 & seqq.
Sanctitatis opinio, quam Capuæ & alibi Card. Bellarminus promeruit. 315. 484. & seqq.
Sanguis eius ex vena excipitur sudariolis, instar Reliquiæ, in ultimâ ægritudine. 552. 558
Schismatis consilia in Galliis impediuit Card. Bellarminus. 160
Scipionis Cardinalis sanctæ Susannæ de eo testimonium. 486

Scriptores

INDEX RERVM.

<i>Scriptores Ecclesiasticos, ferme omnes, Louanij Bellarminus legit.</i>	77
<i>Secessus & solitudinis amor in Card. Bellarmino.</i>	483
<i>Secessus eius p̃y ad meditandum.</i>	450. & seqq.
<i>Secessum ex Aulâ parat, atque impetrat.</i>	528
<i>Securitas nimia, initium est ruina.</i>	519.
<i>Securitatem salutis Bellarminus numquam temerè habuit.</i>	517. 518
<i>Sedes holosericas, quas emerat Card. Bellarminus, diuendit.</i>	237
<i>Sellâ gestatoriâ, in senio, & aegritudine, uti recusat.</i>	228
<i>Sententiarum diuersitas non debet, inter Ordines Religiosos, minuere affectum.</i>	264
<i>Septemtrionis homines Roma Bellarminum unicè requirebant; & testimonia referebant, quòd eum vidissent.</i>	488
<i>Septemtrionis Episcopi omnes persugium ad Card. Bellarminum habebant.</i>	416
<i>Sepulchrum Prædecessori Caput Bellarminus honorificum parat.</i>	297
<i>Sepulchro communi Societatis optat tumulari; & in eo ad tempus componitur.</i>	545. 563
<i>Sepulchrum sancti Ignatii deinde occupat.</i>	564
<i>Sepulchri eius ornatus, & inscriptio.</i>	568. 569
<i>Sepulchrum eius floribus, facibus, & symbolis votiuus frequentatur.</i>	567
<i>Sermones Bellarmini p̃y semper, & simul incantati.</i>	28.
	146. 147. 148. 149. 356. 412. 413. 515
<i>Seneritatis loco Bellarminus clementiam Reis offerebat.</i>	523. 524
<i>Sigismundi Polonia Regis opinio illustris de Card. Bellarmino.</i>	488

INDEX RERVM.

- Silvio Card. Antoniano Bellarminus, initio Pontificatus, pradicat quanto tempore esset victurus Clemens VIII.* 506
- Simplicitas & facilitas eius, ut bona de aliis crederet.* 523
- Suus patiens in aestate, ac morbo, singulariter fuit.* 232.
- 233
- Suus refrigerium nullum admittere voluit, in ultimâ agritudine.* 536
- Societas IESV abstinet à mulierum gubernatione.* 217
- Societatis IESV sensus, in admittendis dignitatibus.* 208. 209. 210
- Societati honor magnus accessit, ob virtutes Card. Bellarmini.* 235
- Societatem IESV cur elegerit Bellarminus.* 34
- Societatis IESV opinio magna semper fuit apud Card. Bellarminum.* 221. 222
- Societatem IESV aduersus calumnias defendit semper.* 400
- Societatis IESV Religiosis vititur Capuæ, & eis expensas praber.* 289
- Societatis Religiosos excipiens, manè, etiam Cardinalis, eorum excitatorem agebat.* 295. 296
- Sodalitates pias frequentat puer Bellarminus.* 28
- Somnum, ob studia, noctu puer intermittit.* 20
- Sororibus consilia libera, de statu eligendo, relinquit.* 92
- Splendor visus aliquoties circa vultum Card. Bellarmini.* 427. 428. 429
- Studia litterarum, & in eis Bellarmini laus, atque assiduitas.* 48. 49. 77. 178
- Successorem suum Capuæ, nominare unum ex familiaribus recusat.* 366
- Successoris dotes Capuæ pradicat.* 340
- Succedit*

INDEX RERVM.

<i>Succedit Card. Bellarmino Capua Antonius Caieta-</i> <i>nus.</i>	367
<i>Suggestum in Templo Capua, nouum & ornatissi-</i> <i>imum extruit.</i>	297
<i>Supellectili & familie modum Card. Bellarminus per-</i> <i>quiri à viris prudentibus.</i>	237
<i>Supellex eius domi simplex.</i>	463
<i>Superflua subditis adimit.</i>	175
<i>Surditas aurium, & cur ab eâ Card. Bellarminum</i> <i>Deus non liberauerit.</i>	496. 497. 527
<i>Syngrapham, instar edicti sacri, ad puellam missi Card.</i> <i>Bellarminus, & ab eâ demonem expellit.</i>	316. 317
<i>Synodum Diœcesis celebrat.</i>	292
<i>Synodum Prouinciæ cogit; & in eâ quid præcipuè cu-</i> <i>rauerit.</i>	293
<i>Synodi tempore; Episcopos tractauit semper, in mensâ</i> <i>suâ.</i>	295

T.

T <i>Aberna Vrbe Calabria Bellarminus excipitur</i> <i>perhonorificè.</i>	183
<i>Taberne Urbis gratulatio ob eius Cardinalatum.</i>	210.
211	
<i>Temporalia bona Card. Bellarminus despicatui habet.</i>	413
<i>Temporis custodia.</i>	413. & seqq.
<i>Testamentum Card. Bellarmini.</i>	515. 516. 572. 573.
574	
<i>Theodori Beza de Bellarmino iudicium.</i>	114
<i>Theologiam Louanij primus ex Societate Bellarminus</i> <i>docet.</i>	74
<i>Theologia eius fama ex testimonio duorum Cardina-</i> <i>lium.</i>	74
Qq s	Theo-

INDEX RERUM.

<i>Theologus Pontificis creatur Bellarminus loco Card. Toleti.</i>	188
<i>Theologia, & Casuum conscientia prælectiones intro- ducit Capuæ, pro Clero primario.</i>	279
<i>Thomæ à Kempis Diuinum opus in deliciis habet.</i>	145
<i>Thomæ Mortoni Pseudoëpiscopi de Bellarmino Contro- uersis testimonium.</i>	116
<i>Thomam de Villanovâ, Valentia Archiepiscopum, co- luit Card. Bellarminus ut sanctum.</i>	434
<i>Tibialia vetera, ex partibus additiis, laxiora sibi pa- rari mandavit, quàm emi noua, Card. Bellarminus.</i>	319. 320
<i>Timor Dei.</i>	140
<i>Tituli, & gradus dignitatum in Ecclesiâ laudandi sunt.</i>	217
<i>Tonsoris ad cellulam communem Card. Bellarminus descendit, ut tondeatur.</i>	224
<i>Tyrocinium Societatis Romæ intrat Bellarminus cum Riccardo Cernino.</i>	41. 44. 45
<i>Tyronibus & Junioribus in Ordine Celestinorum as- signat Card. Bellarminus domicilia separata.</i>	389.
	390

V.

<i>Vasa in Templis sacra, & mysteriis apta, Bellar- minus Capuæ procurat.</i>	290
<i>Veneratio circa lectum Card. Bellarmini in ultimâ eius aegritudine.</i>	536
<i>Veneratio circa corpus eius in exequiis.</i>	561
<i>Venetis, inuehitur pro concione in licentiam dierum an- tecinerarium.</i>	62
<i>Venetias Ferrariâ redit cum tribus Cardinalibus.</i>	194

Vgonem

INDEX RERVM.

<i>Vgonem Vbaldinum mittit ad inspectionem Ecclesie Politiane.</i>	374
<i>Vgoni Vbaldino relinquit regimen eiusdem Ecclesie.</i>	380
<i>Verax Bellarminus ab ipsâ infantiâ semper fuit.</i>	17
<i>Veritatis amor, & alacritas eius in disputando.</i>	96
<i>Veritatis patrocinium constanter gerit.</i>	101
<i>Vestem saculi, quo animi sensu Bellarminus mutauit.</i>	44
<i>Vestibus detritis in Cardinalatu etiam utitur.</i>	229
<i>Veste dissimulatâ utitur in itinere.</i>	88
<i>Vestiarius Templi auget.</i>	297
<i>Viaticum sacrum accipit in genua pronolatus, & deficit.</i>	543. 544
<i>Victoria sui in Card. Bellarmino.</i>	471
<i>Victus moderatio ipsi & Aula eius praescriptus.</i>	236. 360
<i>Vincentius Bellarminus Card. Bellarmini Pater.</i>	7.
<i>8. 37. eius querimonia ex abitu filij ad Societatem.</i>	40
<i>Virginitas Card. Bellarmini.</i>	422. 424. 429
<i>Virtutis premium amittere, quamdiu virtus est superstes, non est extrema iactura.</i>	14
<i>Visitat Card. Bellarminus Capuae diocesim expensis suis.</i>	288. 289
<i>Visitatio Cleri Romani à Pontifice interdum esset ob- eunda.</i>	349
<i>Vitas Sanctorum Card. Bellarminus assidue legit.</i>	303. 414. 535. 543
<i>Vitia natura, si qua habuit, commemorare solebat; cum virtutes celaret.</i>	459. 460
<i>Vittakeri haeretici de Bellarmini Controuersis iudicium, & metus.</i>	105. 106. 116
	<i>Voluntas</i>

INDEX RERVM.

<i>Voluntas Dei, summa quies.</i>	213
<i>Vota Religionis tria emittit Bellarminus sponte sua, initio Nouitiatus.</i>	43
<i>Votum Card. Bellarmini de agnatis non exaltandis, si fieret Pontifex.</i>	352.353
<i>Urbani VIII. Ode de Card. Bellarmino.</i>	457.484.
<i>Urbanus VIII. dum erat Cardinalis, visitat Card. Bellarminum in ultimâ eius ægri tudine.</i>	537

X.

X *Inter V. mortem Bellarminus in Galliis prædicat.*
164.501.502



FACVL-

FACULTAS R. P. PROVINCIALIS.

EGO Guilielmus de VVael Societatis I E S V per Flandro-Belgicam Præpositus Prouincialis, potestate mihi concessâ ab admodum Reuerendo P. N. Mutio Vitellesco Societatis I E S V Præposito Generali, facultatem do Balthasari Moreto, typis mandandi Vitam Cardinalis Bellarmini, à P. Iacobo Fuligatto Societatis nostræ Sacerdote Italicè scriptam, Latinè redditam & secundis curis auctam à P. Siluestro Petrasanctâ eiusdem nostræ Societatis Sacerdote. In cuius rei fidem his propriâ manu subscripsi, & consueto officij mei sigillo communiui. Antuerpiæ, vi. Idus Aprilis, M. D C. XXXI.

Guilielmus de VVael.

APPROBATIO CENSORIS.

GRatulari Cardinali Bellarmino tam disertum tamque sapientem laudatorem liceret, nisi is vir fuisset, cuius nullâ cuiusquam eloquentiâ æquari præconium posset. Tamen quoniam, quâ potuit, absolutissima virtutum eius species hîc est expressa, publico bono publicandam censemus; sperantes fore, vt quemadmodum ex scriptis eius nemo non doctior, ita ex Vitâ studiosè perfectâ nemo non sanctior euadat.

*Gasspar Estrix Plebanus & Librorum
Censor Antuerpiæ.*

S V M.

SVMMA PRIVILEGII.

PHILIPPI IV. Hispaniarum & Indiarum
Regis Catholici ac Potentissimi Belgarum
Principis Priuilegio cautum est, nequis
Vitam Roberti Bellarmini Politiani è Societate
IESV S.R.E. Presbyteri Cardinalis, Archiepiscopi
Capuæ, Fidei Propugnatoris, à Iacobo Ful-
gatto Soc. IESV Italicè primùm scriptam, à Sil-
uestro Petrasanctâ eiusdem Soc. IESV Latinè
redditam, & auctam, atque in hac secundâ edi-
tione à mendis primâ repurgatam, præter Bal-
thasaris Moreti voluntatem vlllo modo intra
sexennium imprimat, aut alibi terrarum im-
pressam in Germaniæ Inferioris ditiones im-
portet, venalémve habeat. Qui secùs faxit,
confiscatione Librorum, & aliâ graui pœnâ
mulctabitur, vti latiùs patet in litteris datis
Bruxellæ XIII. Septembris M. DC. XXX.

Signat.

Steenhuysen.









